

Жсаҳон

АДАБИЕТИ

Адабий-бадиий, ижтимоий-публицистик журнал



МУАССИСЛАР:

ЎЗБЕКИСТОН МАТБОУТ
ВА АҲБОРОТ АГЕНТЛИГИ

ЎЗБЕКИСТОН ЁЗУВЧИЛАР
ҮЮШМАСИ

РЕСПУБЛИКА МАҶНАВИЯТ
ВА МАҶРИФАТ КЕНГАШИ

1997 йил июндан чиқа бошлаган

№ 4/215

2015 йил, апрель

Бои мұхаррір:
Шұхрат РИЗАЕВ

Жамоатчилик кенгашы:

Эркин ВОХИДОВ
 Абдулла ОРИПОВ
 Омонулла ЮНУСОВ
 Мұхаммад АЛИ
 Мұхаммаджон ҚУРОНОВ
 Қаҳрамон ҚУРОНБОЕВ
 Иброҳим ҒАФУРОВ
 Низом КОМИЛОВ
 Шуҳрат СИРОЖИДДИНОВ
 Мұхаммаджон ХОЛБЕКОВ
 Ҳурийиҳ ДЎСТМУҲАММАД

Таҳрир ҳайъаты:

Амир ФАЙЗУЛЛА
 Назира ЖҮРӘЕВА
 Омонулла РИЗАЕВ
 Отабек САФАРОВ
 Диљдорхон АЛИЕВА
 Алимурод ТОЖИЕВ
 Фозил ЖАББОРОВ
 Алишер ОТАБОЕВ
 Севара АЛИЖОНОВА

МУНДАРИЖА

ТАРИХДА БУ КУН

Халқ ҳоҳиши-иродасининг ифодаси. 3

МУҲАРРИР МИНБАРИ

Ш.РИЗАЕВ. “Ўзбекистонни камситишга йўл бермаслик – асосий вазифамиз”. 4

НАВОИЙ САБОҚЛАРИ

Алишер НАВОИЙ. “Фарҳод ва Ширин” достонидан. 8

ЖАҲОН АДАБИЁТИ ДУРДОНАЛАРИ

Ч.ДИККЕНС. Катта умидлар. Роман. (*Инглиз ва рус тилларидан Ш.Миноваров тарж.*). 17

НАСР

ГУЛБАДАНБЕГИМ. Ҳумоюннома. (*Форс тилидан А.Куронбеков тарж.*). 65
А.ИСМОЙЛ. Жинлар базми ёхуд катта ўйин. Романдан парча. 92

ДРАМА

Б.НУШИЧ. Унвон керақдир йигитга. (*Рус тилидан М.Қодиров тарж.*). 79

ҲИКОЯ ҲАҚИДА ҲИКОЯ

О.ОТАХОН. Сарҳадлар. 148
Б.ЁСИМОТО. Калтакесак. Ҳикоя. 150

АДАБИЁТШУНОСЛИК. ФАЛСАФА

А.САИДОВ. Амир Темур сиймоси – жаҳон операнавислигида. 163

ГЛОБУС НОРВЕГИЯ

Норвегия Қироллиги. 167
 Норвегия шеърияти. 177
 Норвегия насли. 188
 Унутилмас сиймолар. 201

Муковамиизда. 203
 Тақвим. 204

ХАЛҚ ХОҲИШ-ИРОДАСИННИГ ИФОДАСИ

Шу йилнинг 29 март куни халқимиз ҳаётида муҳим воқеа, демократик хуқуқий давлат ва кучли фуқаролик жамияти изчил ривожланиб бораётган мамлакатимиз келажаги учун улкан тарихий аҳамиятга эга бўлган Ўзбекистон Республикаси Президентлигига сайлов бўлиб ўтди. Сайлов фуқароларимизнинг хуқуқий маданияти ва сиёсий фаоллиги юксалиб бораётганлигини, халқимиз мамлакатимизда босқичма-босқич амалга оширилаётган ислоҳотларни кўллаб-куvvatлашини яна бир бор намоён этди.

Марказий сайлов комиссияси округ сайлов комиссияларидан келган баённомаларга асосан 29 март куни бўлиб ўтган Президент сайловида сайловчилар рўйхатига киритилган 20 миллион 798 минг 52 фуқародан 18 миллион 942 минг 349 нафари иштирок этганини аниқлади. Бу сайловчиларнинг 91,08 фоизини ташкил этди.

Тадбиркорлар ва ишбилармонлар харакати – Ўзбекистон Либерал-демократик партиясидан номзод этиб кўрсатилган Ислом Абдуғаниевич Каримовга сайловчиларнинг 17 миллион 122 минг 597 нафари ёки 90,39 фоизи, Ўзбекистон “Миллий тикланиш” демократик партиясидан кўрсатилган номзод Акмал Холматович Сайдовга 582 минг 688 нафари ёки 3,08 фоизи, Ўзбекистон Халқ демократик партиясидан кўрсатилган номзод Хотамжон Абдураҳмонович Кетмоновга 552 минг 309 нафари ёки 2,92 фоизи, Ўзбекистон “Адолат” социал-демократик партиясидан кўрсатилган номзод Наримон Мажитович Умаровга 389 минг 24 нафари ёки 2,05 фоизи овоз берди.

2015 йилнинг 6 апрель куни Марказий сайлов комиссияси Ўзбекистон Республикаси Конституцияси, “Ўзбекистон Республикаси Президенти сайлови тўғрисида” ва “Ўзбекистон Республикаси Марказий сайлов комиссияси тўғрисида”ги конунларга мувофиқ, **Ислом Абдуғаниевич Каримов Ўзбекистон Республикаси Президенти лавозимига сайланди**, деб хисоблаш ҳақида қарор қабул қилди.

Шу ўринда таъкидлаш жоизки, ушбу сайловда дунёнинг 43 давлати ва бешта халқаро ташкилот – ЕХХТнинг Демократик институтлар ва инсон хукуқлари бўйича бюроси, МДҲ, ШҲТ, Бутунжаҳон сайлов органлари ассоциацияси ва Ислом ҳамкорлиги ташкилотидан 299 кузатувчи иштирок этди. Сайлов жараёнини, шунингдек, сиёсий партияларнинг 35 мингдан ортиқ вакили кузатиб борди. Президент сайлови қонуний, фуқароларнинг ўз хоҳиши-иродасини эркин билдириш хуқуки таъминланган ва умумий, тенг ва тўғридан-тўғри сайлов хуқуки асосида яширин овоз бериш принципларига риоя этилган ҳолда ўтгани кузатувчилар томонидан яқдиллик билан эътироф этилди.

Сайловнинг очиқлиги ва ошкоралигини таъминлашда оммавий ахборот воситалари ҳам муҳим ўрин тутди. Президент сайловини мамлакатимизнинг қарийб 600 ва 180 дан зиёд хорижий оммавий ахборот воситалари, 180 га яқин хорижий ва миллий интернет-нашр ёритиб борди.

ЎзА хабарлари
асосида тайёрланди



“ЎЗБЕКИСТОННИ КАМСИТИШГА ЙЎЛ БЕРМАСЛИК – АСОСИЙ ВАЗИФАМИЗ”

Тарихга дахлдорлик инсонга жуда катта ва жиддий масъулият юклар экан. Йўқ, бу нокамтарлик бўлиб туюлмасин, асло. Яъники, бу билан та-каббуrona майлларда, мен ҳам тарихий шахсман деган иddaога бормоқчи эмасмиз. Тарихга дахлдорлик бу ҳар бир фикрловчи одамнинг муайян замонда табиий туғилиб, яшамоғи билан боғлиқ тушунчадир. Ҳа, муайян замонда ва, албатта, муайян маконда ҳам.

Ҳамиша Яратганга шукроналар қиласанки, ўзбек бўлиб туғилдим, Ўзбекистонда туғилдим. Ўзбек бўлиб Афғонистонда ҳам, Қозогистонда ҳам, инчунун, ўзбек қавми бор истаган худудда туғилишим мумкин эди. Унда... унда инсонлик, фуқаролик мақомим қандай бўлар эди, ким деб атапар эдим? Чайналмай, ҳар турлик мулоҳазаларда иккilanмай, индаллосини юмшоққина қилиб айтганда, “муҳожир” бўлар эдим. Тўғри, ҳамонки ўзга юртда туғилсан, балки фуқаролигим ўша юртга тегишили, расмий нуфусим ўша юртдаги бошқа фуқаролар билан тенг ҳуқуқли бўлиши мумкин эди. Агар демократик тамойиллар амал қилаётган бўлса, албатта. Лекин ҳозирги замон сиёсий луғатларида таърифланётгандек, ҳеч қаҷон ўша макон ва замондаги титул, яъни асосий туб миллат вакили билан бир хил маънавий мавқеда бўла олмас эдим. Жиллакурса, хаёлимда, фикратимда, қалбимда муҳожирлик туйғуси, тушунчаси яшар эди. Демак, не бир ҳолатларда қисиниб-қимтинишим муқаррар эди. Дилем ғашроқ, хаёлим гоҳ-гоҳ кўпшиб қоладиган шубҳа-гумонлардан мутлақ холи бўлолмасди. Атроф-муҳит, қонун-қоида, тартиб-низом ҳар қанча кафолатламасин, руҳият ва онгдаги гоҳи милт этиб тургувчи ғашлик умр-сажжиянгда яшаб қолаверарди.

Ҳа, шуларни мушоҳада қилганда шукроналигим чандон ортиб, мустаҳкамланаверади. Юртим камол топиб, туриш-турмушим фаровонлашгани сайин эса “Ким эдиму ким бўлдим?” деган савол жавоби билан хаёл қирғоқларига урилаверади.

Мабодо бирон кимса даврада бошқа бир кимсага беписандлик кўрсатса, халқимиз орасида юрадиган кинояомуз бир ибора бор: “Ҳой, менинг кимлигимни додангдан сўра!” Бу нима: сўкишми, жаҳл, алам, зарда ёки кибр, истехзо, киноя, кесатик, балки эркалаш, ҳавойи кулиш, гурунг асносидаги ғурур, лутф, киройи сўз, кўнгил овлашдир? Ҳар қалай, ҳазрат Алишер Навоийнинг “Муҳокамат ул-луғатайн”и давомига даъвогар бўлмасак-да, ўша ибора билан ўзбек моҳияттан ҳамиша “ким экан” лигидан фаҳр ту́йиб юргандек туюлади. Ўзи билан ҳисоблашишга, беписанд муносабат кўрсатмасликка ишора бераётгандек сезилади.

Ҳа, биз билан – ўзбеклар, ўзбекистонликлар билан ҳисоблашмай, беписанд гаплашиб бўлмайди. Қамина буни Юртбошимизнинг СССРнинг биринчи ва охириги Президенти Михаил Горбачёвдан то Россиянинг ҳозирги

рахбарларигача, Грузиянинг собиқ Президенти Николай Саакашвилидан то Үкраинанинг ҳозирги Президенти Пётр Порошенкогача эслатиб, даккилантириб турганида сезгандек, кўргандек бўламан. Жайдарича айтганда, “ким бўлсанг ҳам, ўпкангни босиб ол, барака топкур” деган учирма ибораларда ўшади фикрни уккандек бўламан. Ҳа, биз билан ўйлашиб гаплашган маъқул.

Ўзбекни бежиздан ўзига бек демайдилар. Бунинг энг яққол намуналари Юртбошимизнинг ҳаёти ва фаолияти десам фикримни барча қувватласа керак. Айниқса, Ўзбекистон раҳбарлигига ўтган 1989 йиллардан бу ёғига кечган фаолиятда мазкур фазилат, яъни инсоний ғурур ва унинг қатъий бир кўринишларда намоён бўлишига доир кўплаб мисоллар – ҳаётий воқеликлар борки, улар мужассамликда нафақат улкан бир Шахсни, айни чоғда, барчамиз мансуб бўлган ўзбек миллати – халқининг ирода, интилишларини намойиш этади. Бинобарин, бемуболага айтиш ўринлики, айни шу фазилат – миллӣ ва инсоний ғурур ва ана шу хусусият орқали намоён бўлган ирода ва қатъият пировардида Ўзбекистонни не-не бўхронлардан – кирғинбарот жангу жадаллардан, биродаркушлик можароларидан, очлик-йўқчиликлардан, қуллик ва тобеликлардан, сарсону саргардонлик, миллӣ пароқандаликлардан асраб қолди. Бу фикрларнинг барча далилу гувоҳликлари Ўзбекистон Президенти Ислом Каримовнинг 2011 йили нашр этилган “Ўзбекистон мустақилликка эришиш остонасида” китобининг ҳар бир сахифасида муҳрланган десам сира муболага эмас. Зоро, китобни вараклаган ўқувчи сўзларимиз ҳақлигига ишонч ҳосил қиласиди. Бинобарин, биргина ҳужжат-тўпламдаги дастлабки маъruzанинг ўзиниёқ кўриб чиқсан ҳам етарли тасаввур ҳосил қилишга имкон бўлар, балки.

1989 йилнинг 23 июнида Ўзбекистон Коммунистик партияси марказий қўмитасининг биринчи котиблигига сайланган Ислом Каримов 24 июнь куни Ўзбекистон ССР Министрлар Советида кенгайтирилган мажлис ўтказиб катта нутқ сўзлайди. Бу унинг республика раҳбари сифатидаги илк нутқи бўлиши билан бирга, инсоний қатъият ва ироданинг янада миқёсли ва залворли кўринишдаги яққол ифодаси ҳам эди. Бу ҳол маъruzанинг сарлавҳасиданоқ аниқ англашилади: “Биз бундан буён эскича яшолмаймиз ва бундай яшашга замоннинг ўзи йўл қўймайди”.

Одатда, маърузалар умумий кириш ва силлиқ иборалар билан бошлинарди. Айниқса, республикадаги энг юқори лавозимга сайланган шахснинг илк маъузаси шундай бўлмоғи шарт эди. Аммо ҳеч кутилмаганда нутқ “мени маъзур тутасизлар-у...” билан бошланиб, республикадаги энг муҳим масалаларга жавобгар шахсларнинг масъулияти йиллар давоми ўзгармасдан қолаётганига қаратилади. Ҳудди рингда ўйин бошланиши билан рақибни эсанкиратувчи кетма-кет зарбалар берилгани каби И.Каримов ҳам залдаги каттаю кичик аксарият раҳбарларнинг марказда “суюнчиқ”лари борлигини ўйлаб ҳам ўтирамай, кескин ҳужумдан сўз бошлайди. Албатта, вазият шуни тақозо этарди. Фарғонада бўлиб турган қонли тўпалонлар ҳеч қандай шакаргуфторликка ўрин бермас, мавжуд ахволни тезкорлик ва ўта жиддий ёндашув билан сабаб ва оқибатларини белгилаб, энг оқилюна хулоса чиқариб, амалий иш тутишни талаб қилиб турган эди. **“Албатта, бу ерда ўтирганларнинг барчаси мени яхши билади ва чамаси, ўзича менга қандайдир баҳо бераётган бўлса ҳам ажабмас. Лекин шуни айтишим керакки, ҳамонки мени республика раҳбари этиб сайлашган экан, ишга бундай муносабатни ўзгартириш учун қўлимдан келган барча ишни қиласиди. Ишга бўлган, ўзимизга топширилган вазифага нисбатан муносабатни, дунёқарашибимизни ва умуман, масъулиятимиз-**

ни ўзгартира олсаккина ишларимиз йўлга тушиб кетади. Акс ҳолда, вазиятни издан чиқаришга интилаётган кучлар ё мени суриб қўяди ёки жуда кўп раҳбарларни ўзгартиришга тўғри келади”.

Ҳа, илк маъруза ва унинг бошланишиданоқ масала кўндаланг кўйиляпти: “Ё ҳаёт ё мамот” тарзида. Фикр давом этиб, Фарғона вилоятигина эмас, бутун водийда аҳвол ўта мураккаблиги, аслида “барча воқеаларнинг илдизи – Фарғона водийсида яшаётган аҳолининг оғир ижтимоий-иктисодий аҳволи билан боғлиқ эканлиги, масалани кенгроқ кўйиб”, очик-ошкор айтганда “одамларни қандай бокиши” кун тартибидаги энг асосий муаммо экани баён этилади. Лекин ана шу ўта ҳаётий долзарб муаммони ечиш таклифлари ўрнига, водий областларидан юборилган раҳбарлар умумий ҳисоботлар билан чекланадилар. Маърузачи ана шу холатни қайд этар экан, водий областлари раҳбарларининг психологиясида ҳеч нарса ўзгармаганини айтиб, “коса тагида ним коса” қабилида иш тутади. Яъники, Фарғона области ижроия комитети раисининг ўринбосари Ю.Калимуллин, Наманган области ижроия комитети раисининг биринчи ўринбосари А.Богусловский, Андижон области ижроия комитети раисининг биринчи ўринбосари В.Бабенко мажлисга тайёрланмасдан келганини танқид қилиб, уларнинг Марказдан юборилган “десантчи”лар эканини, улар психологиясида бу юртдан ўз ёғли улушкини юлиб олишдан ўзга мақсад йўқлигини, аслида областларнинг биринчи раҳбарлари ҳисобот беришлари талаб этиладиган йиғилишда “келгинди ўринбосарлар” доклад қилиб, амалда шулар бутун вилоятга ҳукмронлик қилаётганини англатади. Мазкур “коса тагидаги ним коса” усули яна шундан ҳам аниклашадики, маъруза давомида И.Каримов фикрини ривожлантириб, кадрлар тайёрлаш масаласидаги жиddий камчиликлардан сўз очади. “Мен буни шовинизм ёки миллатчилик кўриниши демоқчи эмасман, лекин бу масалада (кадрларни тайёрлаш ва жойлаштириш – Ш.Р.) ҳам ана шу нарсаларнинг (шовинизм ва миллатчиликнинг – Ш.Р.) хиди анқиб турибди...” Маърузачи бу билан ҳам чекланмайди. Фарғона шаҳри ижроия комитетининг одамларни иш билан таъминлаш борасида нотўғри, “шармандали ҳужжат чиқаргани”ни танқид киларкан, “Буни қарангки, қишлоқдан келган одамларни шаҳарда ишга олмайди, лекин республикамизнинг ташқарисидан келганларни эса ишга олади. Сизлар эртага бизда ҳам худди шундай кайфият, яъни одамларни биринчи ва иккинчи сортга бўлиш кайфияти туғилишини истайсизми?..”, “Нима учун маҳаллий миллатга мансуб кишилар ўртасида муҳандис-техник ходимлар йўқ? Мен бу савол ҳаққоний савол, деб ҳисоблайман. Бу муаммо устида ҳаммамиз бош қотиришимиз керак”, дейди.

Ташқарида 1989 йилнинг 24 июни – саратон. Ҳали Ўзбекистонда Президентлик институти жорий этилиши ва Мустақиллик декларацияси қабул қилингунига қадар роса бир йил бор. Республика Ички ишлар вазирлиги ва Давлат Хавфсизлик комитетини Ўзбекистоннинг қонуний тасарруфига олиш ҳақидаги Президент Фармони эълон қилинишига эса роппа-роса икки йилу икки ой бор. Бундан сўнг яна бир ҳафта ўтиб “Ўзбекистон Республикасининг Давлат Мустақиллиги” бутун дунёга эълон қилинади. Аммо икки йилу икки ой аввал Ўзбекистон Компартияси биринчи секретари Ислом Каримов “Марказ”даги барча катта-кичик, “ўз” ва “ўзга” раҳбарларга дакки бериб, “Фарғона воқеалари”ни сиёсий жихатдан баҳолаяпти, “десантчилар”ни фош этиб, республикани бошқариш ва демакки, унинг тақдири “шовинизм ва миллатчилик” руҳида ҳал этиб келинаётганини расмий минбардан баралла айтаяпти. Бу билан у дастлабки кунлардаёқ илк маъруза орқали

эндилиқда яна ҳам кучли ва құламли қатыяят ва ирода намоён этиб, “хар қандай дақиқада ва ҳар қандай жойда... ижтимоий портлаш юз бериши мүмкін” лигини таъкидлаб, “вокеалар жиловини құлға олмоқда” эди. Бу эса пировардидә Ўзбекистонни жар ёқасидан тортиб олишнинг ибтидоси бўлиб, яқин тарих сахифаларидан жой олди.

Юргашимиз Амир Темур шахсига ўзининг айрича әхтиромини сўзда ҳам, амалда ҳам ҳамиша билдириб келади. Соҳибқирон бобомизнинг 660 йиллик таваллуд санаси тадбирларидағи ирод этилган нутқларидан бирида Ислом Каримов “Илоҳим, ҳазрати Амир Темур эъзозлаган ғоялар – шижаот ва мардлик,adolat ва қатыяят ҳар биримизга ҳамиша ҳамроҳ бўлсин!” дей тилак билдирган эди. Шунчаки вазият тақозоси билан эмас, балки ўз ҳаёти, фаолиятининг бузилмас ақидаларига, ҳаракат тамойилларига айланган бу фазилатлар 1989 йил июнидан бошлаб то бугунги кунларимизгача бутун Ўзбекистон давлатининг, халқининг ҳаётида, амалларида ўз ифодасини топиб турибди. Инчунун, Амир Темур шахси ва жаҳонгирлик фазилатларини, ўнлаб-юзлаб диний, дунёвий фанлар уламою фузалолари, Абдулла Қодирий, Абдурауф Фитрат, Абдулҳамид Чўлпон каби қатағон қурбонлари бўлган адibu шоирларни – миллат фидойиларининг табарруқ номларини губорлардан тозалаб, элга қайтаргани фикримизнинг кичкина бир исботи. Нафақат бу, балки ўша илк палладан то шу кунларгача кечган барча ишлар шижаот ва мардлик,adolat ва қатыяятнинг шаҳодати. Мазкур фазилатларнинг ҳаётий ақидага айланиб, мунтазамлик касб этганини яна бир далил билан яққолроқ аён этиш мүмкін.

Орадан яна беш йиллар ўтиб, мустақил Ўзбекистон мамлакати дунёда тан олиниб, байроғимиз Бирлашган Миллатлар Ташкилоти пештоқларида ҳилпираб турганида, Юргашимиз бир гурух ёзувчиларимиз билан учрашиб, ўша илк маърузада илгари сурилган фикрлар, намойиш этилган қатыяят ва ирода ҳеч қачон ўзгармас йўл, ҳаётий бурч эканини яна бир бор очиқ-ойдин таъкидлаб, мустақил сиёсий давлат тутумларида ҳам ўша бурч хисси изчили амалда эканини қуидагича баён этган эди:

“...Ўзбекистоннинг мустақил сиёсатини юргизар эканмиз, сезган бўлсангиз, баъзи бирорлардан чиққан кўрсатмаларга бўйсунмаяпмиз. Бизнинг ўз тараққиёт йўлимиз бор, деганда шуни тушунмоқ керак. Агар биронта кучли давлатнинг ноғорасига ўйнасан, эртага ҳеч ким бизни назар-писанд қилмайди, тобе, қолоқ давлатлар қаторига қўшиб қўйиши мүмкін... Ўзбекистонни камситишга йўл бермаслик – асосий вазифамиз”.

P.S. Тасодиғ эмас, қонуний ҳол – Ислом Каримовнинг республика раҳбарлигига келган (1989 йил 23 июнь) даврдаги дастлабки чиқшишида айтилган фикрлар, намоён бўлган қатыяят, ирода, гурур орадан чорак асрдан ортиқ вақт ўтиб, ўша инсоний фазилатларга амал қилиб ўтилган йилларнинг тўлиқ эътирофи, тасдиғи ўлароқ, Ўзбекистон халқининг 2015 йил 29 марта даги мамлакат Президенти сайловларидағи хоҳии ва иродасида ўз ифодасини топди. Сайловчилар 90,39 фоиз овозни Ислом Каримовга берид, чорак асрлик сиёсатнинг Ватан тинчлиги, юрт ободлиги, эл-улуснинг фаровонлиги учун бугунги кундаги энг мақбул, ҳаётбахши сиёсат эканини тасдиқ этди. Бу жаҳон амалиётидаги ўзига хос ноёб ҳодисалардан эканини унумтаслик лозим, албатта.

Шұхрат РИЗАЕВ



“ФАРҲОД ВА ШИРИН” ДОСТОНИДАН

Достонни рус тилига
Кодиржон ЭРГАШЕВ
насрий таржисма қилган

V¹

Ул шахсувор васфидаким, қаронгу тунда тийра хок-
дондин Буроқи барқваши узра чиққони “Миназ-зулумоти
илан-нур” дин мухбир эрди, балки ул рокибнинг пок зоти
остидаги пок оти, била “нурун ало нур” дин хабар берди
ва бу нурлар малакут шабистонини мунаввар ва малак
бўстонини рашики сипехри азхар қилди.

*Восхваление того всадника, вознесение которого в той
темной ночью на коне похожим на молнии, было вестью
о выходе «из темноты в свет» и может, чистое существо-
вание этого всадника вместе с чистым существом его коня изве-
щало о «свете на свете» и эти лучи освещали опочивальную
ангелов и сделали сад ангелов, вызывающим зависть синего
неба.*

Ул ақшомким, юзига луъбати Чин,
Эшиб марғула ёйди зулфи мушкин.

*В той ночи, когда красавица Чина²
Развязая завитки, распустила черные волосы.*

Насим ул мушк исин бутротти ҳар ён,
Хаво ръёноларига сотти ҳар ён.

*Их благоуханье ветерок распространил,
Продал их красавицам зефира повсюду.*

Ёшунди мушк ичинда Чин газоли,
Дема Чинким, фалак заррин газоли.

¹ Давоми. Боши ўтган сонларда.

² Красавица Чина – солнце.

*Газель Чина скрылась среди мускуса,
Не говори газель Чина, а золотистый газель неба.*

*Қаю заррин газола, турки Чин де,
Қаро туфроққа киргон маҳжабин де.*

*Какая эта золотистая газель, скажи турчанка
(красавица) Чина,
Луноликая, вошедшая в чёрную землю.*

*Күёш сўги иши киргач арога,
Фалак луъбатлари кирди қарога.*

*Стали держать траур по закатившему солнце
И куколки неба оделись в чёрные одеяния.*

*Не сўгу не қаро, иқбол шоми,
Жаҳоннинг асру фаррухфол шоми,*

*Но это не траур, не чернота, а вечер счастья,
Самая счастливая ночь мира.*

*Бўлуб ҳар шабнами Ноҳид янглиғ,
Ёруб ҳар ахтари хуришид янглиғ.*

*Каждая капля росы этой ночи как Венера,
Каждая звезда как Солнце сияет.*

*Ёргулук мунча йўқ анжумга мақдур,
Ошиб ружсори шамъин юз туман ҳур.*

*Столько света нет даже у звёзд,
Миллион гурий открывают свечи своего лица.*

*Бу ақшом ул чароги оламафрӯз,
Йчинда васл шамъи ўтидин сўз.*

*Этот вечер лампа, освещая мир,¹
Чье нутро горело от свечи встречи.*

*Солиб бир гўшада партав ниҳони
Ким, айлаб мизбонлиғ Уммаҳоний*

*Находился в одном углу, излучая свет,
Уммахани² оказывала ему гостеприимство.*

*Ки, етти ул бариди ҳомили роз,
Кўлинда бир Буроки барқпарвоз.*

¹ То есть, пророк Мухаммед.

² Уммахани – тётя пророка Мухаммеда. В ночь вознесения пророк находился в её доме.

*Подошёл тот гонец, несущий тайны,¹
Держа за узды коня, быстрого как молния.*

*Бири пайки назардин тездавроқ,
Бири рахии гумондин гармравроқ.*

*Один из них² был быстрее, чем взгляд,
Другой³ быстрее, чем скороход мыслей.*

*Етишгач пайк шарҳи ҳол қилди,
Хақ истидъосини ирсол қилди:*

*Прибыл, гонец объяснил положение,
Передал просьбу Создателя.*

*"Ки етсун олам аҳлидин ниҳони,
Муҳиб сарвақтига маҳбуби жони".*

*«Пусть придет, скрываясь от людей мира,
К влюбленному любимый душой».*

*Бу сўз маҳбуб эшишгач лол бўлди,
Навиди васлдин беҳол бўлди.*

*Услышав это, любимый не мог сказать слова,
От вести о встрече он потерялся.*

*Кўпуб от узра андоқ секриди бот
Ки, ҳайрон қолдилар ҳам пайку, ҳам от.*

*Встал и запрыгнул на конь так,
Что удивились гонец и конь.*

*Ҳам аввал ҳамла рахии барқхўдин,
Ўтуб туфроку елу ўту судин,*

*При первом прыжке этот конь как молния,
Прошел через землю, ветер, огонь и воду.*

*Қамарға чун хироми тавсан айлаб,
Юзи хуршиди они равшан айлаб.*

*Когда его конь достиг Луны,
Солнце его лица⁴ освещало её.*

*Аторуд бодпойидин бўлуб шод,
Бериб авроку ажзосини барбод.*

¹ Имеется в виду ангел Гавриил (мусульмане называют его Жаброил).

² То есть Гавриил.

³ То есть конь Бурак, который он привёз Мухаммеду.

⁴ То есть пророка Мухаммеда.

*Меркурий обрадовался его быстрому как ветер коню,
И бросил на ветер и бумаги, принадлежности.*

*Етургач Зухрага давлат рикоби,
Дафин йиртиб қудуми эҳтисоби.*

*Когда его счастливые стремена достигли Венеру,
Порвала она свою дойру, волнуясь из-за его приезда.*

*Күёшиқа чун суруб гардун хиромин,
Үётдин ер қүйи айлаб мақомин.*

*На солнце он свой конь направил,
И солнце от стыда сделало подземелье
своим местопребыванием.*

*Чопиб Баҳромга рахшин чу яксар,
Бўлуб ул наҳси асгар Саъди Акбар.*

*На Марс он гнал своего скакуна вдруг,
Эта звезда несчастья превратилась в
большую звезду счастья.*

*Тушуб чун Муштарий сори мурури,
Күёшини ёшуруб ҳар ламъа нури.*

*Когда он направился в сторону Юпитера,
Каждый блеск его лучей затмил солнца,*

*Қолиб еттинчи қўргон росбони,
Ўтуб чобуксувори осмоний.*

*Остался позади хранитель седьмой крепости,
Пронесся всадник небесный.*

*Кириб чун секкизинчи торам ичра,
Топиб ҳар дам ўзин бир олам ичра.*

*Войдя в восьмое купало неба,
Каждый миг чувствовал себя в другом мире.*

*Ҳамал монграб қўюб Савр олида бош
Ки, бўлсак иккимиз қўрбон санга кош.*

*Ягнёнок¹ заблеял, Бык поставил голову перед ним сказал,
«Если бы мы могли жертвовать собой ради тебя».*

*Тараф айлаб дамо-дам икки пайкар,
Кўярга олида бошин мукаррар.*

¹ Начиная с этого двустишия, имеет место игра слов с использованием названий знаков Зодиака. Ягнёнок (хамал) соответствует русскому «овен».

*Эти двое проявили много радостей из-за того,
Что могли несколько раз сложить головы перед ним.*

*Топиб қувватлиг андоқ неча Харчанг
Ки, тортиб ранжасидин шери нар чанг.*

*Встретил он несколько Раков, Таких сильных,
Что Лев убрал свою лапу от их пальцев.*

*Тутуб маҳсали ҳирзин ҳўша хирман,
Чаёнга Каффанинг остида маскан.*

*Колос принимал урожай свой за хирман,
Скорпион лежал под Весами.*

*Ўзин қошига чун қурбон қилиб ё,
Килиб Жади анга шоху пай муҳайё.*

*Лук¹, жертвую собой ради его бровей,
Коза² готовила ему рога и жилы.*

*Дема Даљ ичра сувким, кавсари роҳ,
Топиб Ҳут ўзни ул баҳр ичра тимсоҳ.*

*Не говори, что в Бурдюке³ вода, это родник рая,
Рыба⁴ в ней считала себя крокодилом в море.*

*Булардин чун бийик тортиб амори,
Савобит дурларин айлаб нисори.*

*Возвышалось его кресло выше этого и
Планеты забросали жемчугами, одаривая его.*

*Алардин юқоририоқ чун қилиб майл,
Ўпуб йўлин малойик юз туман хайл.*

*Пожелал он подниматься выше,
Ангелов сто племен поцеловали его путь.*

*Қанот бирла йўли гардин қилиб пок,
Бу елдин қолмайин ул йўлда хошок.*

*Крыльями расчистили ему дорогу от пыли,
От ветра крыльев не остался хвост на дороге.*

*Бериб чун Ариқа зоти тафохур,
Бўлуб Ариш афсар, ул афсар уза дур.*

¹ Лук (ёй) – название знака Зодиака, соответствует русскому «Стрелец».

² Коза (Жадий) – то же название знака Зодиака, соответствует русскому «Козерог».

³ Бурдюк (Даљ) – соответствует русскому «Водолей».

⁴ Рыба (Ҳут) – соответствует русскому «Рыба».

*Его персона удостоила Ариша почетом,
Ариш стал короной, а он жемчугом в ней.*

*Чу Курси тўридин пироя топиб,
Бийик Лавҳу Қаламдек роя ториб.*

*Курси украсился его присутствием,
Приобрел высокую степень как Скрижаль и калам.*

*Юқорроқ кўргузуб чун рахши новард,
Чиқориб ломакон майдонидин гард.*

*Его конь, поднимаясь выше,
Поднял пыль на площади беспространства.*

*Тушуб андин бийик чун имтифоқи,
Бориб андоқки тебранмай Буроқи.*

*Еще более высоко поднялся он,
Достиг это место так, что его конь не двигался.*

*Самандин ташлагач ул маънавий ганж,
Самандидек тутуб пайкин дози ранж.*

*Когда кладезь мудрости¹ бросил своего коня,
И конь, и гонец от этого страдали.*

*Қувониб пойбўси бирла Рафраф,
Малойик ер ўпуб олида саф-саф.*

*Рафраф обрадовался, целуя его ноги,
Ангелы строй за строем поцеловали землю перед ним.*

*Этак силкиб, аёқ тортиб боридин,
Кўюб юз бенишонлиқ ҳар соридин.*

*Встряхивая подол, подобрал свою ногу,
Неприметность охватила его со всех сторон.*

*Этак енгдин илик тортиб аёқ ҳам,
Аёқ бирла илик бориб қироқ ҳам.*

*Вынул руки из рукава, ноги из подола,
Ноги и руки также остались в стороне.*

*Танидин тўрт гавҳар нақши бориб,
Бўйи олти жиҳат тўнин чиқориб.*

*Из тела его вышли изображения четырех жемчужин,²
Стан его выбросил чапан шести сторон.*

*Демаким тўрту олтидин мубарро
Ки, бешу иккидин дози муарро.*

¹ То есть пророк Мухаммед.

² Четыре жемчужины, то есть четыре элемента: вода, огонь, земля, воздух.

*Не скажи, что только лишился этих четырех и шести,
Также от двух и пятерых освободился он.*

*Чиқориб ўзлуги туфрогидин гард,
Не ўзлукким, ўзидин ҳам бўлуб фард.*

*Вытряхнув пыль из земли своего существа,
Не только от своего существа, но и от себя отдался он.*

*Макони бўлмайин жуз бемаконлиқ,
Нишони қолмайин жуз бенишонлиқ.*

*Не стало у него обиталища, кроме беспространства
(кроме как вне пространства),
Не осталось примет, кроме как отсутствие примет.*

*Чу қолмай не нишони, не макони,
Топиб мақсад маконидин нишони.*

*Не осталось ни обиталища, ни признака,
Но он нашел признак преследуемой цели.*

*Насимин зоҳир айлаб васл боги,
Топиб мақсуд иси йўқлуғ димоги.*

*Подул ветер от сада встречи,
Нюх небытия почувал запах цели.*

*Чекиб дам аждаҳои ганжи мақсуд,
Югуртуб айлабон будини нобуд.*

*Дракон, охраняющий сокровищницу цели
своим дыханием.
Заставил его бегать и превратил его бытие в небытие.*

*Чу қилди жилва шодурвони ваҳдат,
Насими васл очиб домони ваҳдат.*

*Зонт единства показал свой блеск,
Ветерок встречи открыл подол единства.*

*Иноят илги оламдин ниҳони,
Ҳарими ваҳдат ичра чекти они.*

*Рука милости скрытно от мира
Провела его в опочивальню единства.*

*Супургач "Mo mago" туфрогин ул бог,
Чекилди наргисига күхли "Mo зоз".*

*После подметания земли «Мо таго»¹ в саду,
Его нарциссы были подведены сурьмой «Мо зог»².*

*Анга бу сурма бўлгоч қурратул-айн,
Насиб ўлди мақоми “қоба қавсайн”.*

*Это сурьма стала для него зеницей ока,
Досталась ему степень «на расстоянии двух луков»³.*

*Ўзин гум айлабон, лекин топиб Ҳақ,
Кўрунмай кимса Ҳақдин айру мутлақ.*

*Он потерял себя, но нашел бога,
Совершенно не видно человека отдельно от божества.*

*Вужуди кўрмади жуз Ҳақ вужуди,
Тузулди Ҳақ каломидин суруди.*

*Его существо не видела ничего, кроме существа бога,
Его песня была составлена из слов божьих.*

*Суруди нағмау лаҳни камоҳи,
Шафоат айламак уммат гуноҳи.*

*Его песня, музыка, напевы с начала до конца,
Просить от бога грехи его последователей.*

*Чу айлаб Ҳақ тилидин ул шафоат,
Бўлуб ҳам Ҳақ жавобидин ижобат.*

*От имени бога он объявил прощение,
Что было исполнено богом.*

*Топиб чун васл этиб мундоқ ҳавас ҳам,
Ҳавас қилганга топиб дастрас ҳам.*

*Он добился встречи и имел пожелания,
Его руки достали того, чего он пожелал.*

*Ёниб чун мунча мулку ҳашмат олиб,
Тани ёниб ва лекин жони қолиб.*

*Он вернулся, достигнув счастья и почёта,
Но вернулось только его тело, а душа осталась там.*

*Борурда қолиби хокини тортиб,
Келурда руҳ афлокини тортиб.*

*Когда он вознесся, потянул туда прах своего тела,
При возвращении потянул сюда небосклон души.*

¹ Из аята 17. Сура «Звезда».

² Из аята 17. Сура «Звезда».

³ Из аята 9. Сура «Звезда».

*Бўлуб боргонда дурри лойиқи тожс,
Вале қайтиб нечукким баҳри мавожж.*

*Когда он пошел, был жемчужиной, достойной короны,
А возвратился в качества бущуещего моря.*

*Ёниб гулшан агарчи гунча бориб,
Кўз очқунча келиб, юмғунча бориб.*

*Он пошел туда как бутон, а вернулся цветником,
Открыть глаза – пошел, закрыть – уже вернулся.*

*Бориб келмоклиги дарки қилинмай,
Бурунму борди, ё келди билинмай.*

*Его уход и приход даже не были осознаны людьми,
Была не заметно, когда ушел, когда вернулся.*

*Илоҳий, бу нубувват тожси ҳаққи,
Анинг бу суръати меъројжи ҳаққи,*

*О Боже, ради этой короны пророчества.
Ради быстроты его вознесения.*

*Ким андоқум тилаб уммат гуноҳин,
Сен эттинг афв алар феъли табоҳин.*

*Когда он просил прощения за грехи своих последователей,
Ты простил неблаговидные дела.*

*Навоийни демай, бир бенавони,
Ўкуши журму гунаҳга мубталони*

*Не скажу Навои, а одного несчастного,
У кого полно грехов и вин.*

*Анинг умматлигига қобил айла,
Шафоат қилғон элга дохил айла.*

*Сделай способным быть его последователем,
Присоедини его к тем за кого он заступился перед тобой.*

*Гар элга баҳри гуфронинг ҳавасдур,
Чу ул хасдур, анга бир қатра басдур.*

*Если желание народа – море твоих прощений,
Он – хворост, ему достаточно и капельки.*

**JAHON**

ADABIYOTI DURDONALARI

*Jahon
ADABIYOTI*

Чарльз ДИККЕНС

(1812–1870)

КАТТА УМИДЛАР

Роман¹*Инглиз ва рус тилларидан
Шоазим МИНОВАРОВ таржимаси*

XLIII боб

Унинг ҳикоясидан кейин менда янги гумонлар пайдо бўлди, тўғрироғи, аввалги, ғира-шира гумонлар аниқ шаклга кирди. Агар Компесон тирик бўлса ва Провиснинг қайтиб келганини билиб қолса, оқибати нима бўлиши аниқ эди. Компесоннинг Провисдан қанчалар кўрқишини мендан яхши биладиган одам йўқ эди; у Провис тасвирлаб бергандек одам бўлгани учун ҳам, душманидан бир умрга кутилиш учун, уни сотишига шубҳа йўқ эди.

Провисга Эстелла тўғрисида оғиз очмагандим ва бундан кейин ҳам у тўғрида индамасликка қатъий қарор қилдим. Лекин Гербертга Эстеллани ва мисс Хевишемни кўрмасдан чет элга кетолмаслигимни айтдим. Провис бизга тарихини ҳикоя қилиб берганида кеч кирганди. Мен кейинги куниёқ Ричмондга боришга қарор қилдим.

Миссис Брэндлининг уйига келганимдан кейин, Эстелланинг оқсочини чакиришди, у эса бекаси қишлоққа кетганини айтди. Каёкка? Одатдагидек, Сатис Хаузга. Одатдагидек эмас, дедим мен, чунки у ҳеч қачон менсиз у ёққа бормасди. У қачон қайтади? Жавобда мени ҳайратлантирган мазмун бор эди; оқсочининг тахминича, агар Эстелла қайтгудек бўлса, қисқа муддатга келиб, кетиши мумкин экан. Менга ҳеч нимани тушунтиришни хоҳламаётганларидан бошқа ҳеч нарсани тушунмадим, бутунлай ўзимни йўқотиб, уйга қайтдим.

Кеч кириб, Провис уйига чиқиб кетганидан кейин (уни доимо кузатиб кўяр ва доимо диққат билан атрофни текширадим), Герберт билан маслаҳатлашиб, мисс Хевишемнидан қайтмагунимча чет элга бориш тўғрисида оғиз очмай туришга қарор қилдик. Унгача иккаламиз ўзимизча буни қандай айтиш кераклигини ўйлаб кўрадиган бўлдик: ё ўзимизни шубҳали одамлар кузатиб юрганидан кўрқандек кўрсатамиз ёки Англиядан ташқарига чиқмаганимни баҳона қилиб, саёҳат қилгим келаётганини рўяч қиласиз. Провис ҳар қандай таклифимни қабул қилишига иккаламиз ҳам шубҳа қилмаётгандик. Ва иккаламиз ҳам уни ортиқ бундай хатарга кўйиб бўлмайди, деб ҳисоблаётгандик.

Кейинги куни ҳеч бир уялиб ўтирасдан, бориб албатта Жони кўриб

¹ Охири. Боши ўтган сонларда.

келишим керак, деб алдадим; Жога ва унинг исмига нисбатан шунчалар пасткашлик қилишга қодир эдим! Провисга йўқлигимда жуда эҳтиёт бўлиши зарурлигини уқтиридим, Гербертдан, мен қандай кузатган бўлсам, уни шундай кузатиб юришни илтимос қилдим. Бир кундан кейин қайтиб келаман, шунда унинг сабр косасини ортиқча тўлдирмасдан, қандай қилиб жентльменларча хаёт кечира бошлиш тўғрисида йўлаб кўrsa бўлади. Шунда, харид қилиш ёки бирор ўхшашроқ баҳона билан уни Англиядан олиб чиқиб кетса бўлади, деган фикр хаёлимга келди (кейинчалик маълум бўлишича, Герберт ҳам бу тўғрида йилаган экан).

Хуллас, мисс Хевишемнинг уйига ташрифимни уюштириб, ҳали тонг отмасдан, биринчи дилижон билан жўнаб кетдим ва қашшоқлардек булулгар увадаларидан ҳамда туман парчаларидан либос кийган, титроқ, йиғлок, тортинчоқ кун ёриша бошлаганида, Лондон узоқда қолиб кетганди. Шитирлаб ёғаётган ёмғир тагида “Зангори қобон” олдига етиб келдик. Оғзида овқат билан аравани кутиб олиш учун дарвозадан ким чиқиб келди денг? Бентли Драмлнинг шахсан ўзи!

У ўзини мени кўрмаганга олганидан, мен ҳам шундай қилдим. Ҳаракатларимиз сохта экани билиниб қолаётганди, бу ҳам оздек иккаламиз бир вақтда емакхонага кириб келдик, у ҳозиргина нонушта қилган жойга, менга чой тайёрлаб қўйилганди. Шахримизда уни кўриш менга пичок санчилиши билан тенг эди – унинг нимага келганини жуда яхши билардим.

Бир ой аввал чоп этилган, ёғ босиб кетган газетани ўқиётган қилиб кўрсатиб – унда маҳаллий янгиликлардан ташқари бегона унсурларнинг – қаҳва, шўрва, балиқ қайласи, гўшт ёғи, эритилган мой ҳамда винонинг қизамиқни эслатадиган изларини кўриш мумкин эди – стол ёнига ўтиридим, у бўлса, камин ёнига туриб олди. Унинг ўчоқ олдида туриши аста-секин менга алам қила бошлади ва мен уни бу имтиёздан маҳрум қилишга қатъий қарор қилдим. Каминга яқинлашиб, кўмирни аралаштириш мақсадида косовга қўл узатдим, бунинг учун уни мистер Драмлнинг оёқлари ва панжара орасидан ўтказишга тўғри келди, лекин аввалидек ўзимни уни кўрмайтганга олаётгандим.

– Саломлашгингиз келмаяптими? – сўради мистер Драмл.

– Э, бу сизмисиз, – дедим мен косовни кўлимда маҳкам сиқиб. – Мен бўлсам оловни ким тўсиб кўйди, деб йўлаб ўтирувдим.

Шундан кейин бор кучим билан косовни ишга солдим, кўмир ланғиллаб ёна бошлагач, елкаларимни ёзиб, оловга орқа ўгириб, Драмлнинг ёнидан жой олдим.

– Яқинда келдингизми? – сўради мистер Драмл елкаси билан секингина мени бир четга сураркан.

– Ҳа, – жавоб бердим мен ўз навбатида уни секин-аста чап елкам билан итариб.

– Гадой топмас жойлар экан, – деди Драмл. – Адашмасам, сизни шу ерлик дейишарди.

– Ҳа, – тасдиқладим мен. – Айтишларича, бу ерлар сизнинг Шропширингизга жуда ўхшаб кетармиш.

– Ҳечам ўхшамайди, – деди Драмл.

Кейин мистер Драмл этикларимга қаради, мен унинг этикларига назар солдим.

– Келганингизга кўп бўлдими? – сўрадим ундан камин олдидаги жойдан бир дюйм ҳам бўшатиб бермасликка қатъий қарор қилиб.

– Зерикиб қолиш учун етарли муддат, – жавоб берди Драмл ясама эсноқ

билин ва афтидан, ён босмаслик сиёсатини давом эттиришга қарор қилиб.

– Бу ерда узоқ бўласизми?

– Ҳозирча билмайман, – жавоб берди мистер Драмл.

Ичимдан келаётган титроқдан, agar мистер Драмл елкасини яна бир тола соч ўлчамида ўнг томонга сурешга уриниб кўрса, уни деразадан улоқтириб юборишим мумкинлигини ҳис қилиб турардим; айни чоғда agar менинг елкам шундай уринишни амалга оширгудек бўлса, мистер Драмл ҳам мени дахлиз томон улоқтириб юборган бўларди. У ҳуштак чала бошлади. Мен ҳам шундай қилдим.

– Шу яқин орада ботқоқликлар кўп, деб эшитдим? – деди Драмл.

– Ҳа, – дедим мен. – Нима бўлибди?

Мистер Драмл аввал менга, кейин этикларимга қаради, кейин: “Э, худойим!” деб кулиб юборди.

– Жуда хурсанд кўринасиз, мистер Драмл? – дедим унга.

– Э, ийӯқ, – жавоб қилди у, – унчалик эмас. Кўнглимни сал ёзиш учун отга ўтириб, ботқоқликларни ўрганиб қайтмоқчиман. Айтишларича, узоқ қишлоқлар, кичкина қовоқхоналар... устахоналар... ва бошқа нарсалар учармиш. Ҳой!

– Нима истайдилар, сэр?

– Отим тайёрми?

– Кираверишда кутиб турибди, сэр.

– Хўш, унда гап шу, бугун ҳаво ёмон, ёш хоним от минмайди.

– Хўп бўлади, сэр.

– Бу ерда тушлик қилмайман, ўша хонимниги тушликка таклиф қилинганман.

– Хўп бўлади, сэр.

Драмл менга қаради, у қанчалар бефаросат бўлмасин, ёғ босган башарасидаги беҳаё тантана аксидан шунчалар кутуриб кетдимки, уни буқлаб (эртакдаги қароқчи ялмоғизни шундай қилганди), ловиллаб турган чўғ устига ўтказиб қўйишга тайёр эдим.

Бир нарса иккаламизга ҳам аён эди: ёрдам келмагунича у ҳам, мен ҳам камин олдидан бир қадам ҳам нари кетолмасдик. Биз кўкракларимизни олдинга чиқариб, елкаларимизни ва оёқларимизни бир-бирига тираб, кўлларимизни орқага қилиб, михлаб қўйилгандек ёнма-ён турардик. Деразадан ёмғир пардаси ортида эгарланган от кўриниб турар, дастурхонга нонуштамни олиб келиб қўйишган, Драмлнинг нонуштасидан қолган идиштоворкни олиб кетишганди ва хизматкор мени стол ёнига таклиф қилди, унга бош иргадим, лекин иккаламиз ҳам жойимизда қолавердик.

– Ўшандан бери Қайнзорга ҳеч бордингизми? – сўради Драмл.

– Ийӯқ, – дедим мен. – Читтакларнинг ўтган сафар қилган ишлари менга етади.

– Иккаламиз келиша олмай қолганимиздами?

– Ҳа, – дедим қисқа қилиб.

– Кўйсангиз-чи, улар сизга марҳамат кўрсатиши, ахир, – деди заҳархандалик билан Драмл. – Бунчалар енгил бўлиш ярамайди.

– Мистер Драмл, – дедим унга, – бу мавзуда сиз гапирмасангиз ҳам бўларди. Жаҳлим чиққанида, (ўшанда шундай бўлганди деётганим ийӯқ) мен стакан отмайман.

– Мен эса, отаман, – деди Драмл.

Унга яна бир-икки марта қараб, ичимдан ғазаб қайнаб келаётганини ҳис қилдим-да, унга:

– Мистер Драмл, бу сухбатни мен бошлаганим йўқ ва уни ёқимли деб бўлмайди, деган фикрдаман, – дедим.

– Албатта, ёқимли эмас, – деди у кибр билан, елкаси оша. – Буни ўйлаб ўтирумаса ҳам бўлади.

– Бинобарин, – давом этдим мен, – бундан кейин таниш-билишчиликни умуман йиғиштириб қўйсак, деб таклиф қилмоқчиман.

– Тўла қўшиламан, – деди Драмл. – Ўзим ҳам шуни таклиф қилган бўлардим, тўғрироғи, ҳеч қандай таклифсиз, шундай қилган бўлардим. Лекин сизга ҳали кўп сабр керак бўлади. Шусиз ҳам кўп нарса йўқотдингиз.

– Бу билан нима демоқчисиз?

– Ҳой! – деб қичқирди Драмл жавоб бермай.

Кираверишда хизматкор пайдо бўлди.

– Қулок солинг, ҳой. Исмингиз нимайди? Ёш хоним бугун отда сайр қилмаслигини ва мен уникига тушликка таклиф қилинганимни эслаб қолдингизми?

– Худди шундай, сэр.

Хизматкор кафтини совий бошлаган чойнакка теккизиб, менга ёлбориб қаради ва чиқиб кетди. Шундан кейин Драмл ўнг елкасини қимирилатмасликка тиришиб, чўнтағидан сигара чиқарди, учини тишлаб узди, лекин жойидан қимириламади. Жаҳлим чиққанидан, нафасим сиқар экан, яна бир сўз айтилса, Эстелланинг исми тилга олинишини сезиб турардим, аммо уни айнан шу одам айтишини сира ҳам истамасдим; шунинг учун мен, хонада ўзимдан бошқа ҳеч ким йўқдек, тўғримдаги деворга тикилганимча, ўзимни жим туришга мажбур қилаётгандим. Бу аҳмоқона соқовлар ўйини яна қанча давом этиши номаълум эди, лекин кўп ўтмай хонага иссик курткаларининг тутмаганини йўл-йўлакай ечиб ва кўлларини бир-бирига ишқаб, учта тўладан келган фермер кириб келишди – кўринишидан уларни хизматкор ичкарига йўллаганди – ва шунчалар аҳиллик билан ўчоққа яқинлашдиларки, уларга жой бўшатиб беришдан бошқа иложимиз қолмади.

Драмлнинг қўполлик билан отнинг ёлидан ушлаб, эгарга ўтирганини кўрдим, от типирчилаб, орқага тисарила бошлади. Уни от чоптириб кетди, деб ўйлаб турганимда, қайтиб келиб, оғзидағи ёқишини унуган сигараси учун олов беришларини баланд овозда талаб қилди. Қаердандир – меҳмонхона дарвозасиданми ёки кўчаданми, чанг либосли бир одам унинг ёнига келди ва Драмл эгар устида эгилиб, сигарасини тутатаётганида у кулиб меҳмонхонанинг пастки деразаларига бош ирғади, бинога орка ўгириб турган одамнинг қийшиқ елкалари ва таралмаган соchlари менга Орликни эслатди.

Кайфиятим шунчалар бузилгандики, ўша лаҳзада у Орликмиди, бошқа одамми, менга фарқи йўқ эди, нонуштага ҳам кўл урмадим, юз-кўлларимдан йўл ғуборини ювиб, таниш, эски уйга йўл олдим, қани энди бу уйни умуман кўрмаган, ҳеч қаҷон остонасидан ҳатлаб ўтмаган бўлсам!

XLIV боб

Мисс Хевишем ва Эстеллани пардоз столи турадиган ва девордаги шамдонларда мум шамлар ёкиб қўйилган хонада учратдим. Мисс Хевишем камин ёнидаги кичкина диванда ўтирас, Эстелла унинг оёқ томонида, ёстиқ устидан жой олганди. Эстелла тўқир, мисс Хевишем унга қараб ўтирасди. Кириб келганимда улар бошларини кўтардилар ва бараварига мендаги

ўзгаришни сезиб олдилар. Улар бир-бирларига қараб қўйғанларидан, шундай хулоса чиқардим.

– Пип, – деди мисс Хевишем. – Сени қайси шамол учирди, Пип?

Унинг кўз қараши қаттиқ эди, лекин нимадандир ноқулай аҳволда эканини сезиб қолдим. Эстелла бир лаҳзага тўкишни тўхтатиб, менга тикилди ва ўша заҳоти кўзларини олиб қочди, лекин бармоқларининг ҳаракатидан, кар-соқовларнинг тилида саховатпешанг кимлигини биламан, деётгандек бўлди.

– Кече Ричмондга Эстелла билан гаплашиб олиш учун борган эдим, мисс Хевишем, – дедим мен, – лекин нима учундир унинг бу ерга жўнаб кетганидан хабар топдим. Кейин мен ҳам келавердим.

Мисс Хевишем менга учинчи ё тўртинчи марта ўтири, деб ишора қилаётгани сабабли, у одатда ўтирадиган пардоз столи ёнидаги стулга ўтирдим. Ўша куни ҳалокат парчалари атрофда сочилиб ётган бу маконда ўша жой энг кулай бўлиб кўринганди.

– Эстеллага айтмоқчи бўлган гапларимни, ҳузурингизда, мисс Хевишем... тез орада... бир лаҳзадан кейин айтаман. Бундан ҳайрон бўлмайсиз ва у сиз учун ёқимсиз ҳам бўлмайди. Мен сиз истаганчалик баҳтсизман.

Мисс Хевишем аввалгидек менга тикилиб туарар, Эстелла тўқишида давом этар ва бармоқларининг ҳаракатидан сўзларимга қулоқ solaётгани кўриниб туарди; лекин у ҳамон бошини қўттармасди.

– Саховатпешам ким эканини билдим. Бу қувончли хабар эмас ва менга ҳеч нарса – на бойлик, на обрў, на мансаб олиб келмайди. Айрим сабабларга кўра, бу тўғрида батафсил гапира олмайман. Гап ўзганинг сири ҳақида кетяпти.

Эстеллага қараб туриб ва гапимнинг давомини ўйлаб жим қолдим, шунда мисс Хевишем такрорлади:

– Бу сенинг эмас, ўзганинг сири. Хўш, у ёғи-чи?

– Қишлоғимдан (бекорга ундан ташқарига чиққан эканман) бошқа ҳеч нимани билмайдиган пайтимда, менга биринчи марта бу ерга келишни буюрганингизда, мисс Хевишем, бу ерга, менинг ўрнимга келиши мумкин бўлган ҳар қандай бола каби, инжиқликларингизни кўтарадиган ва бунинг учун тегишли ҳақ оладиган хизматкор сифатида келиб қолган бўлсан керак.

– Ҳа, Пип, – деди мисс Хевишем боши билан тасдиқлаб, – айнан шундай бўлганди.

– Ва мистер Жеггерс...

– Мистер Жеггерс, – деб ишонч билан давом эттириб кетди мисс Хевишем, – бу ишга аралашмаган ва ҳеч нимани билмасди. У менинг ҳам, саховатпешангнинг ҳам ишончли вакили бўлиб чиққани – соф тасодиф. Бунинг ҳайрон қоладиган жойи йўқ, унинг мижозлари жуда кўп. Нима бўлганда ҳам бу оддий тасодиф ва бу ерда ҳеч кимнинг ҳеч нарсада айби йўқ.

Ҳолдан тойган чехрасига қараб, ҳозирга қадар у ҳеч нимани яширмай, ҳақиқатни гапираётганига ҳар қандай одам ишонч ҳосил қилган бўларди.

– Лекин мен адашиб, узоқ вақт нотўғри хаёлларга берилиб юрганимда сиз атайлаб мени огоҳлантирмадингизми?

– Ҳа, – деди хоним яна қатъият билан бош тебратиб, – сени фикрингдан қайтариб ўтирмадим.

– Бу шафқатсизлик эмасмиди?

– Мен ким бўлибманки, – деди мисс Хевишем баланд овозда ва

ҳассасини ерга шунчалар жаҳл билан урдики, Эстелла унга ҳайрон бўлиб қараб қўйди, – мен ким бўлибманки, эй, қодир Эгам, мендан шафқат талаб қиласалар?

Саволим ожизона берилганди ва оғзимдан беихтиёр чиқиб кетганди. Кутимаган ғазаб ўринини бадқовоқ сукунат эгаллагач, буни мисс Хевишемга айтдим.

– Хўш, хўш, – деди хоним. – Давом эт-чи!

– Хизматим учун менга шоҳона ҳақ тўланди, – дедим уни тинчлантириш учун, – менга темирчилик касбини эгаллаш имконияти берилди ва ҳозиргacha бир нарсани ўзим учун ойдинлаштириш мақсадидагина саволлар бердим. Энди, бошқа, умид қиласанки, мақтаса арзигулик мақсад йўлида давом эттироқчиман. Менинг атайлаб янгиши хаёлларга берилишимга монелик қилмай, мисс Хевишем, сиз нафси ўткир қариндошларингизни жазоламоқчи... боплаб қўймоқчи бўлдингиз... Балки сизга тегиб кетмайдиган ва уларга нисбатан ниятларингизни тўғри ифодалайдиган бошқа бир сўзни ўзингиз айтарсиз?

– Тўғри, лекин бунга ўзлари сабабчи! Сен ҳам. Шунча кечирган уқубатларимдан кейин, фикрларингиздан қайтариш учун машакқат чекиб ўтиришим керакми? Узингиз ўзингизни тузоқка туширдингиз. Бу ерда менинг иштироким йўқ.

Тинчланиб олишини кутиб туриб (негаки охирги сўзларни у яна ғазаб билан, баланд овозда айтганди), давом этдим:

– Айрим қариндошларингизни, мисс Хевишем, мен яхши танийман ва Лондонга борган кунимдан бошлаб улар билан мунтазам учрашиб келяпман. Уларнинг мавқеим хусусида, худди ўзим каби, соддадилларча янглишганликларини биламан. Сизга бу гапларни эшитиш ёқадими, йўқми, менга ишонишни ихтиёр этасизми, йўқми, мистер Мэтью Покет ва унинг ўғли Гербертга нисбатан, ҳамонки уларни олийжаноб, тўғрисўз, фитна ва ҳасад қўлидан келмайдиган инсонлар сифатида тан олмас экансиз, ўта адолатсизлик қиляпсиз.

– Улар сенинг дўстларинг, – деди мисс Хевишем.

– Ўрнимизни эгаллаб олди, деб ўйлаб юрганларида улар мен билан дўстлашдилар, – эътиroz билдиридим мен, – айни пайтда, агар янглишмаётган бўлсам, Сара Покет, мисс Жоржиана ва миссис Камилла менга умуман дўстлик қилмадилар.

Бундай қиёслаш билан Герберт ва отасининг қадрини мисс Хевишемнинг назарида ошира олгандек қўриндим ва бу нарса мени хурсанд қилди. У менга синчков назар солди ва хотиржамлик билан сўради:

– Улар учун нима сўрамоқчисан?

– Фақат бир нарсани – уларни бошқалар билан бир хил кўрмаслигинизни. Тўғри, улар бир оиладан, лекин бир-бирларидан бутунлай фарқ қиласадилар. Кўриб турганингиздек, – дедим мен қизариб кетаётганимни ҳис қила туриб, – менда айёрлик йўқ ва агар хоҳлаганимда ҳам улар учун сиздан нимадир сўрамоқчи бўлаётганимни яшира олмасдим. Мисс Хевишем, олийжаноб бир иш – дўстим Гербертга, ўзига сездирмаган ҳолда, оёққа туриб олиши учун пул ажратса олганингизда, буни қандай амалга оширишни сизга айтган бўлардим.

– Нега ўзи билмаслиги керак? – сўради хоним ҳассаси устида кўлларини қовуштириб ва мени яхшироқ кўриш учун олдинга эгилиб.

– Негаки, – дедим мен, – ўзим икки йил аввал ушбу олийжаноб ишни ундан сўрамасдан бошлаган эдим ва буни билиб қолишини истамайман.

Бошлаган ишимни охирига етказиб қўйишга нима менга монелик қилаётганини тушунтириб бера олмайман. Хали мен айтган бегона сирнинг бир қисми бу.

– Яна нима?

– Эстелла, – дедим мен титрай бошлаган овозимни енгиб олишга харакат қиларканман, – сизни кўпдан бери, садоқат билан севишимни биласиз.

Унга мурожаат қилаётганини эшишиб, Эстелла бошини кўтарди ва тўкиши тўхтатмагани ҳолда менга ўта хотиржамлик билан қаради. Мисс Хевишемнинг назари мендан унга, ундан менга ўтаётганини ҳис қилдим.

– Агар янглиш хаёлларга берилиб юрмаганимда бу тўғрида аввалроқ гапирган бўлардим. Мисс Хевишем бизларни бир-биримизга мўлжаллаб кўйган, деб ўйлардим... умид қилардим. Танлаш ҳукуқи сизга берилмаган, деган хаёлда индамай юрдим. Лекин энди буни айтишим керак.

Эстелланинг чехраси хотиржамлигича қолаверди, бармоқлари тўкишда давом этди, лекин у бош чайқаб кўйди.

– Биламан, – дедим бу харакатга жавобан. – Биламан. Қачонлардир сизни ўзимники деб аташимга хеч бир умид йўқлигини биламан, Эстелла. Шу яқин орада ҳаётим қандай кечишини, на қаерда бўлишимни, на қашшоқликка тушиб қолиш-қолмаслигимни билмайман. Лекин сизни севаман. Сизни шу уйда биринчи марта кўрганимдан бери севаман.

Ўша, ўша хотиржамлик билан, тўкишни тўхтатмасдан, Эстелла яна бош чайқаб кўйди.

– Агар мисс Хевишем ўйлаб шу ишни қилган бўлса, унинг томонидан бу шафқатсизлик бўлган, бечора бир боланинг таъсирчанлигидан фойдаланиб, шунча йил бесамара умид, амалга ошмайдиган орзу билан қийнаб келиш – бориб турган шафқатсизликдан бошқа нарса эмас. Аммо, эҳтимол, у бу тўғрида ўйламагандир. Ўзининг азоблари билан бўлиб, менини унутгандир, Эстелла.

Мисс Хевишем кўлини юраги устига қўйиб олиб, дам Эстеллага, дам менга қараб, кимирламай ўтиради.

– Кўринишдан, – деди Эстелла хотиржам овозда, – мен тушуна олмайдиган қандайдир туйғулар... хаёллар – уларни қандай аташни билмайман – борга ўхшайди. Сиз, мени севаман деяпсиз, айтиётган сўзларингизни тушунаман холос. Қалбимда хеч нарса уйғотмайсиз, ҳаяжонга солмайсиз. Нима десангиз ҳам менга фарқи йўқ. Сизни огоҳлантиришга харакат қилганман, тўғрими, ўзингиз айтинг?

– Ҳа, – дедим мен қайғуга ботиб.

– Ҳа. Лекин сиз гапларимни жиддий қабул қилмадингиз, натижада эҳтиёт бўлмадингиз. Ахир шундай деб ўйладингиз, тўғрими, айтинг?

– Ахир, сиз, Эстелла, шунчалар навқирон, шунчалар маъсума, шунчалар латофатлисиз! Йўқ, бу табиатга зид, ахир!

– Менинг табиатимга зид эмас, – эътиroz билдириди у. Ва ҳар бир сўзини таъкидлаб, деди: – Бу менда шакллантирилган табиатга мос келади. Сизни қолган одамлардан бошқачасиз, деб ўйлаганим учун буларни айтипман. Мендан бошқа хеч нарса кутманг.

– Бентли Драмлнинг шу ерда, шаҳарчамиизда экани, хушомадлари билан сизни таъкиб қилаётгани тўғри эмасми?

– Тўппа-тўғри, – деди Эстелла ўта нафратланадиган одам тўғрисида гапираётгандек бефарқлик билан.

– Уни ўзингиздан нари итармаётганингиз, бирга от устида сайр қилаётганингиз ва бугун у сизникоша тушлик қилиши ҳам тўғрими?

– Тўппа-тўғри.

– Эстелла, ахир уни севмайсиз, тўғрими?

Унинг бармоқлари биринчи марта тўқишдан тўхтади ва у юрагидан жавоб берди:

– Яна ўша гапни такрорляяпсиз. Ёки, ҳеч нарсага қарамасдан, мени ҳали ҳам жиддий гапирмаяпти, деб ўйлаяпсизми?

– Лекин сиз унга турмушга чиқолмаган бўлардингиз-ку, Эстелла?

У мисс Хевишемга қаради ва тўқишини қўймасдан, бир лаҳзага ўланиб қолди. Кейин:

– Нега сизга тўғрисини айтмай? Унга турмушга чиқяпман.

Қўлларим билан юзимни беркитдим, унинг сўзлари мени қийноқка солиб, ўзимни анча вақт қўлга ололмадим. Яна бошимни кўтарганимда мисс Хевишемнинг юзи шунчалар кўрқинчли тус олган эдики, қайғуга ботиб, ўзимни йўқотаёзган бўлсан ҳам, мени даҳшатга солмай қўймади.

– Эстелла, азизам, мисс Хевишем сизни бу машъум, тўғрилаб бўлмас қадамни ташлатишига йўл қўйманг! Майли, сиз учун ҳеч нима бўлмай, – шундайлигини биламан – лекин ўзингизга муносиброқ эр танланг. Сизни кўришдан завқланадиган бошқа кўп яхши эркаклар, чинакамига севадиган кам сонлиларини ўлар даражада ҳақоратлаш, камситиш учун мисс Хевишем сизни Драмлга узатяпти. Менчалик кўп йиллардан бери бўлмаса ҳам, балки ўша кам сонли эркаклар орасида сизни мендек садоқат билан севадигани бордир. Ўшани баҳтли қилинг, сиз учун буни кўтариш менга осонроқ бўлади!

Мурожаатим жўшқинлиги билан уни ҳайратга солди ва агар Эстелла руҳий ҳолатимни тасаввур кила олганида, эҳтимол, унда ҳамдардлик учқунини ёқа олган бўлардим. У юмшоқроқ овозда деди:

– Драмлга турмушга чиқяпман. Тўйга тайёргарликлар бошлаб юборилган, яқинда тўй бўлади. Нега туtingан онамдан норози бўляпсиз? У ҳеч нарса қилгани йўқ. Ўз ихтиёrim билан шундай қиляпман.

– Ўз ихтиёringиз билан шундай абллаҳнинг бўйнига осиляпсизми, Эстелла?

– Сизнингча, кимнинг бўйнига осилишим керак? – эътиroz билдириди у табассум билан. – Унга ҳеч нарса беролмаслигимни дарров тушуниб оладиган одамнингми (агар одамлар буни ҳис қилолсалар)? Фойдаси йўқ. Фишт қолипдан кўчган. Менга ҳам, эримга ҳам ёмон бўлмайди. Мисс Хевишем эса, сиз айтгандек, тўғрилаб бўлмас қадамни қўйишига мени мажбур қилгани йўқ, аксинча у турмушга кечроқ чиқишимни хоҳлаган бўларди; лекин ҳозирги турмуш тарзимдан чарчадим, унинг менга ёқадиган томонларини ҳеч кўрмаяпман ва ўзгартириш ниятидаман. Менимча, бу тўғрида етарли гаплашиб олдик. Биз ҳеч қачон бир-биримизни тушуна олмаймиз.

– У шунчалар абллаҳ, шунчалар фаросатсизки! – дедим мен изтироб ичида.

– Ташвиш қилманг, унинг учун саховат фариштаси вазифасини бажармайман, – деди Эстелла. – Умид ҳам қилмасин. Хўш, мана менинг кўлим. Келинг, шу тарзда хайрлашамиз, орзуларга бой бола... ёки эркакми?!

– Оҳ, Эстелла! – инградим мен ва аччиқ кўз ёшлирим, уларни ушлаб туришга қанчалар ҳаракат қилмай, унинг кўлига томди. – Агар Англияда қолиш ва аввалгидек одамларнинг кўзига қарашиб пешонамга ёзилган бўлса ҳам, сизнинг Драмлга хотин эканингизга қандай чидайман?

– Бўлмаган гап, – деди у. – Бўлмаган гап. Тезда кўнишиб қоласиз.

– Ҳеч қачон, Эстелла!

– Бир хафтадан кейин мен ҳақимда ўйлашни ҳам унугиб юборасиз.

– Унутаман? Сиз – ҳаётимнинг бир қисми, менинг бир қисмимсиз.

Бу ерга оддий қишлоқ боласи бўлиб келиб, ўшандәёқ қалбимни чукур жароҳатлаганингиздан бери ўқиган ҳар бир сатримда сиз борсиз. Ўшандан бери ниманики кўрсам – дарёда, кемаларнинг елканлари, ботқоқликлар, булутлар, ёруғлик ва қоронфилик, шамол, денгиз, ўрмон ва кўчаларда сиз бордексиз. Лондондаги энг мустаҳкам биноларнинг кўлларингиз жойидан қимирлатишга ожиз тошлари қанчалар мустаҳкам бўлса, сиймоингиз шунчалар мустаҳкам ва ўчмас бўлиб қалбимда аввалу ҳозир ва умрбод яшайди. Эстелла, охирги нафасимгача жисмимнинг бир бўлгаги, менда бор барча яхши нарсаларнинг – улар қанчалар кам бўлмасинлар – ва барча ёмон хислатларнинг бир бўлгаги бўлиб қоласиз. Лекин ҳозир, видолашув лаҳзаларида сизни фақат яхшилик билан боғлайман ва бундан кейин фақат яхшилик билан эслашга ваъда бераман, негаки юрагим ҳозир қанчалар оғримасин, менга ёмонликдан кўра кўпроқ яхшилик қилганингизга ишонаман. Парвардигор сизни афв этсин ва ярлақасин!

Ушбу бир-бирига боғлиқ бўлмаган сўзлар оқими изтиробнинг қайси тўлқинида яралди, буни ўзим ҳам билмайман. У қалб ярасидаги қон мисоли ташқарига оқиб чиқди. Икки-уч лаҳза Эстелланинг кўлига лабларимни босиб турдим, кейин хонадан чиқиб кетдим. Лекин, Эстелла менга ишончсиз ҳайрат билангина қараб турган вақтда, қўлини ҳамон юрагининг устидан олмаган мисс Хевишемнинг юзи қайфу ва тавбанинг кўрқинчли никобига айланиб улгурганини унуганим йўқ (маълум сабабларга кўра, уни тез орада яна эсладим).

Ҳаммаси тугаган, вайрон бўлганди! Шунчалар кўп нарса йўқотгандимки, кўчага чиққанимда, кундузги ёруғлик, ичкарига кириб кетаётганимдагига нисбатан хира тортиб қолгандек кўринди. Бир мунча муддат шаҳар четидаги кимсасиз кўчаларда яшириниб юрдим, хаёлларимни жамлашга улгургач, Драмлни кўрмаслик учун меҳмонхонага қайтиб бора олмаслигимни; ҳеч ким билан гаплашгим келмаётганидан дилиジョンга ўтира олмаслигимни тушундим ва Лондонга пиёда йўл олдим, ҳолдан тойгунимча юриш ва яна юришдан яхшироқ нарса ўйлаб топа олмадим.

Тун пайтида камдан-кам холларда Тэмплга бу томондан кирганим сабаб ва йўл юриб, ҳамма ёғим лой бўлиб кетгани учун қоровул, табиийки, яrim очиқ дарвозадан киритишдан олдин, мени бошдан-оёқ яхшилаб кўздан кечирди. Шубҳадан холи бўлиши учун унга исмимни айтдим.

– Ўзим ҳам сизсиз, деб ўйладим, сэр, лекин ишонқирамадим. Сизга хат бор, сэр. Уни олиб келган одам, шу ернинг ўзида, фонусимнинг ёруғида ўқишингиз кераклигини айтиб қўйишни буюрганди.

Жуда ҳам хайрон бўлиб, хатни олдим. Хат эсквайр¹ Филип Пипга юборилган, юқори бурчагида: “Илтимос, ҳозирнинг ўзида ўқилсин”, деган ёзув бор эди. Конвертни очдим ва қоровул яқинроққа олиб келган фонус ёруғида Уэммикнинг кўли билан ёзилган қуйидаги сўзларни ўқидим:

“Уйга борманг”.

XLV боб

Ушбу хабарни ўқишим билан Тэмпл дарвозасидан орқага қайтиб, Флит-стритгача югуриб бордим, у ерда тунги извошни учратиб қолиб,

¹ Эсквайр – Англияда зодагон ва мулқдорларнинг исми-шарифига қўшиб айтиладиган сўз (тарж.).

Ковент-Гардендаги туннинг истаган пайтида жой топиладиган “Хаммамс” меҳмонхонасига етиб олдим. Хизматчи суриштириб ҳам ўтиrmай, эшикни очди, токчасида қатор турган шамларнинг биринчисини ёкиб, рўйхатидаги биринчи хонага кузатиб қўйди. Хона қўйи қаватда жойлашган бўлиб, мақбарага ўхшаб кетар, деразаси ҳовлига қараган ва деярли бутунича баҳайбат, тўрт устунли сўри ихтиёрига бериб қўйилганди, у бир оёғини ҳеч бир тортинишсиз камин ичига киргизиб олган, иккинчисини эшикнинг нариги томонига чиқариб қўйган, жажжигина ювениш чиннисини фик этмайдиган қилиб деворга тақаганди.

Тунги чироқ беришларини сўрагандим, хизматчи ўша ажойиб пайтларда удум бўлган, дидсиз ишланган ҳасса шамни олиб кирди. Ҳассага сал-пал ўхшаб кетадиган бу жиҳоз, хиёл тегиб кетсангиз синиб тушарди, ундан ҳеч бир нарсани ёкиб ололмасдингиз, шам ёnlаридан тешикчалар очиб қўйилган баланд жез миноранинг ичига ўрнатилган бўлиб, тешиклардан деворга ёруғ доирачаларнинг акси тушар, доирачалар менга ўта қизиқсиниб қараётганга ўхшардилар. Шилиниб кетган оёқларим, юрақдаги безовталиқ билан, на ўлик ва на тирик ҳолда ўринга чўзилгач, мен ушбу афсонавий маҳлуқнинг ҳам, ўзимнинг ҳам кўзларимни юмишга ожиз эканим аён бўлди. Тун сукунати ва коронилигида иккаламиз бир-бirimizga қараб вақт ўтказдик.

Қанчалар умидсиз эди ўша тун! Қанчалар хавотирли, мунгли, узун эди у! Хонада кул ва қизиган чанг ҳиди анқирди. Юқорига, пашшахонанинг бурчакларига қараб ётиб, гўшт дўконидан келган қанча кўк пашша, бозордаги қанча темирчак, атрофдаги жойлардан келган қанча бурга-ю битлар ёз келишини пойлаб ётишгандир, деб ўйладим.

Кейин улар ахир тўкилиб ҳам туришса керак, деган фикр хаёлимга келди ва ўша заҳоти юз-кўзимга нимадир аста-секин тегаётгандек ёқимсиз тасаввур пайдо бўлди, ундан оркам, бўйниларим қичишиб, шубҳаларимни ошириб юборди. Орадан қанчадир вақт ўтгач, одатда тун сукунатига рахна соладиган ғалати товушларни эшита бошладим: бурчақда турган жавон шивиrlар, камин хўрсинар, жажжи ювениш чинниси бузук соат каби чиқиллар, токчадан вақти-вақти билан гитара овози келиб қоларди. Тахминан ўша вақтнинг ўзида девордаги доирача-кўзларнинг ҳар бирида: “Ўйга борманг”, деган ёзув пайдо бўлди.

На атрофимни ўраб олган тунги шарпалар, на тунги овозлар бу сўзларни ҳайдаб юборишга ожиз эдилар: “Ўйга борманг”. Бадандаги оғриқ мисол, фикру хаёлим ана шу икки сўзда бўлиб қолганди. Сал аввалроқ, газеталарда, тунда аллақандай одам “Хаммамс” меҳмонхонасига келиб, ўринда ўз жонига қасд қилгани, эрталаб қонга беланиб ётган аҳволда топилгани хабар қилинган эди. Бу воқеа ҳозир ўзим ётган ана шу даҳмада содир бўлган, деган фикр миямга ўрнашиб қолди, ўрнимдан туриб ерда ёки жиҳозларда қон излари йўқмикан, деб қарай бошладим; кейин эшикни очиб, хизматчи ёкиб ўтирган фонусни узоқдан кўрсам ҳам, енгил тортаман, деган умидда ташқарига қарадим. Лекин фикру зикрим нега уйга боришим мумкин эмас, у ерда ўзи нима воқеа содир бўлдийкин, қачон уйга бора оламан, Провис уйидамикан, деган саволлар банд қилганидан, бошка нарсаларга жой қолмагандек эди. Ҳатто Эсталлани, бугун биз бир умрга хайларшганимизни, видолашувнинг ҳар бир икир-чикирини, унинг ҳар бир қарashi, ҳар бир сўзи, бармоқларини эпчиллик билан ҳаракатлантириб тўқиб ўтирганларини эсласам ҳам, барибир ҳамма жойда: “Ўйга борманг” деган огоҳлантириш кўринаверди. Ниҳоят, жисмонан ва руҳан ҳолдан

тойиб, мудраб қолганимда эса, кўз ўнгимда тутундан ёзилган баҳайбат феъл пайдо бўлди, уни туслашим керак экан. Буйруқ майли: уйга борма, у уйга бормасин, уйга бормаймиз, уйга борманг, улар уйга бормасинлар. Кейин шарт майли: мен уйга бора олмаган бўлардим, боришни истамаган бўлардим, боришим керакмас эди, боришга қарор қила олмаган бўлардим, боришга ботинмаган бўлардим ва хоказо, ақлдан оза бошлаганимни ҳис қилибгина, нариги томонимга ағдарилиб, яна девордаги ёруғ доирачаларни кузата бошладим.

Мени соат еттида уйфотишлиарини буюргандим, негаки биринчи навбатда Уэммикни кўришим зарурлигини ва мавжуд шароитда унинг уолвортча қарашларигина мен учун фойдали бўлиши мумкинлигини тушуниб турардим. Шунчалар ёқимсиз тунни ўтказган хонани тарқ этишни сабрсизлик билан кутаётганимдан, эшикни тақиллатишлари биланоқ, бехаловат ўрнимдан сакраб турдим.

Соат саккизда Қасрнинг кунгурадор деворларига яқин келдим. Омадим келиб, қалъя дарвозаси олдида иккита иссиқ нон кўтариб олган хизматкор қизни учратиб қолдим, у билан кўтарма кўприкдан ўтдим ва ер ости йўли орқали ўзи ҳамда Қария учун чой тайёрлаётган Уэммикнинг олдида пайдо бўлдим. Эшиги очик хонанинг ичкарисида ҳали ўрнидан турмаган Қариянинг ўзини ҳам кўриш мумкин эди.

– Ҳа, мистер Пип! – деди Уэммик. – Қайтибсиз-да?

– Ҳа, – жавоб қайтардим мен, – лекин уйга бормадим.

– Жуда яхши-да, – деди у қўлларини бир-бирига ишқаб. – Мен ҳар эҳтимолга қарши Тэмплнинг барча дарвозаларида сиз учун хат қолдиргандим. Сиз қайси дарвоза орқали кирдингиз?

Жавобимни эшишиб бўлиб, у гапида давом этди:

– Бугун барча бошқа дарвозаларни айланиб чиқиб, хатларимни йўқ қиласман; эҳтиёж бўлмаган хужжатларни сақлаш керак эмас, деган қоидага амал қиласман. Энди сизга бир илтимос билан мурожаат қилишга ижозат беринг: Қария отамга мана бу колбасани қовуриб бериш сизга малол келмайдими?

Бу ишни жуда катта мамнуният билан бажаришимни айтдим.

– Ундей бўлса, сиз кетаверишингиз мумкин, Мэри-Энн, – деди Уэммик оқсоқ қизга ва у кўздан ғойиб бўлгач, айёrona кўз қисиб: – Биз эса, мистер Пип, шу йўл билан яккама-якка қоламиз, – деди.

Дўстона муносабати ва ғамхўрлиги учун унга миннатдорчилик билдиридим, мен чолга колбаса қовурав эканман ва Уэммик унга нон кесиб, ёғ сурар экан, паст овозда сухбатлаша бошладик.

– Шундай қилиб, мистер Пип, – деди Уэммик, – биз бир-биримизни тушунамиз. Ҳозир хусусий шахслар сифатида сухбатлашяпмиз, махфий ишларни биринчи марта мухокама қилмаяпмиз. Хизмат юзасидан фикр билдириш бошқа нарса. Биз эса, сиз билан хизматда эмасмиз.

Фикрига кўшилишга шошилдим. Шунчалар ҳаяжонланётган эдимки, колбасани машъалага ўхшаб ёндириб юбордим ва ўша заҳоти уни пуфлаб ўчирдим.

– Кеча эрталаб, – деди Уэммик, – ўзингизга маълум жойда, у ёқса сизни бир марта олиб боргандим, – ҳатто юзма-юз учрашувда ҳам, мистер Пип, исмлар ва атамаларни айтишдан қочган яхши...

– Анча яхши, – тасдиқладим мен, – сизни тушуняпман.

– ...кеча эрталаб, – давом эттириди Уэммик, – ўша жойда тасодифан эшишиб қолдимки, колонияларга алоқаси бор ва қанчадир кўчар мулкка эга

бўлган қандайдир одам... аниқ кимлигини билмайман... исмини айтмаймиз...

— Керак ҳам эмас, — дёдим мен.

— ...дунёнинг аллақайси бурчагидан — кўп одамлар, ҳар доим ҳам ўз ҳоҳиш-иродаларига бўйсуниб эмас ва асосан давлат ҳисобидан... борадиган жойдан...

Унинг юзига диққат билан қарайман деб, колбасани алангалатиб юбордим, оқибатда ўзим ҳам чалғидим, Уэммикни ҳам чалғитиб қўйиб, бунинг учун узр сўрадим.

— ...қаерга кетаётганини айтмасдан ғойиб бўлиб, шов-шувга сабабчи бўлган эмиш. Шулар асосида, — деди Уэммик, — турфа хил тахминлар ва фикрлар юрганмиш. Яна эшитдимки, сизни ва Тэмплдаги уйингизни кузатишаётган экан, эҳтимол, ҳали ҳам кузатишаётгандир.

— Ким? — сўрадим мен.

— Бу мавзуга тегмасликни афзал кўраман, — деди Уэммик гапни четга буриб. — Хизмат бурчимни унутмаслигим керак. Турли пайтларда ўша ерда бошқа кўп қизиқарли воқеалар хусусида қандай эшитган бўлсан, бу тўғрида ҳам шундай хабар топдим. Ҳеч кимдан ҳеч қандай маълумот олганим йўқ, бу тўғрида фақат эшитдим.

Гапдан тўхтамаган ҳолда у кўлимдан колбаса ва санчқини олиб, кичикроқ патнис устига Қария учун нонушта тайёрлади. Лекин Қарияни овқатлантиришдан олдин у ётоққа кириб, чолнинг бўйнига оппоқ тоза сочиқ боғлади, ўтиришига ёрдам берди ва қалпоғини бошининг чеккасига суриб қўйганди, Қария чапани одамларга ўҳшади-қолди. Кейин Уэммик эҳтиётлик билан отасининг олдига нонуштани қўйди ва сўради: — Хўш, Қария, ҳаммаси жойидами? — Чол қувноқ қайфият билан жавоб қайтарди: — Ажойиб, Жон, ўғлим, ажойиб! — Қариянинг кўриниши бегона кўзларнинг тушиши учун ҳали тайёр бўлмаганидан, ҳеч кимни кўрмаяпман, деб тасаввур қилиш керак эди, бинобарин, ўзимни ҳеч нарсани сезмаётган қилиб кўрсатдим. Уэммик олдимга қайтганидан кейин ундан сўрадим:

— Мени ва уйимни кузатаётгандари (ўзим ҳам бундан шубҳаланиб юргандим), сиз ҳозир гапирган одам билан боғлиқ, тўғрими?

Уэммикнинг юзи ўта жиддий тус олди.

— Аниқ шундай, деб айтмаган бўлардим. Тўғрироғи, илгари айтмаган бўлардим. Лекин ҳозир, ҳа, шундай ёки шундай бўлади, шунга қараб кетяпти, деб айта оламан.

Литл-Бритенга нисбатан қулларча садоқат унга аникроқ гапиришга имкон бермаётганини кўриб ва у шундоқ ҳам ўз қоидаларидан анчагина четга чиқиб кетганини миннатдорчилик билан қайд қилиб, бошқа савол бериб ўтирасликни лозим топдим. Лекин олов олдида бир оз ўтиргач, яна битта савол беришга ботинмоқчиман, унга жавоб бериш ёки бермасликни ўзингиз ҳал қилинг, қарорингизни тўғри қабул қиласман, дедим. Уэммик нонушта қилишдан тўхтади, қўлларини қовуштириб, кўйлагининг енгларини шимарди (кулай уй шароитидан тўла баҳра олиш учун у камзул киймасдан нонушта қилаётганди) ва саволингизни кутяпман, дегандек ишора қилди.

— Асл фамилияси Компесон бўлган ярамас одам тўғрисида бирор нима эшитганмисиз?

У яна бош ирғаб, жавоб қайтарди.

— У тирикми?

Яна тасдиқ ишораси.

– У Лондондами?

Уэммик яна бош ирғади, почта қутисининг тирқишини яхшилаб ёпди ва якуний бош ирғашдан кейин нонушта қилишни давом эттириди.

– Энди, – деди Уэммик, – ҳамонки саволлар тугаган экан – у яхшилаб тушуниб олишим учун бу сўзларни таъкидлаб, такрор айтди – мен эшитган нарсаларимдан хабар топганимдан кейин нималар қилганимни айтиб бермоқчиман. Сизни уйдан топаман, деб Гарден-Кортга бордим; тополмаганимдан кейин мистер Гербертни қидириб Кларрикер идорасига бордим.

– Уни топгандирсиз? – сўрадим мен юрагим така-пука бўлиб.

– Уни топдим. Йисмларни тилга олмасдан ва тафсилотларсиз унга, агар дўстингизнинг уйида ёки унга яқинроқ жойда – айтайлик Том, Жек ёки Ричард борлигини билсангиз, дўстингизни кутиб ўтирмасдан, Том, Жек ёки Ричардни бошқа жойга кўчириб турилса, яхши бўларди, дедим.

– Ҳайрон бўлиб, боши қотиб қолгандир?

– Ҳа, аввалига боши қотиб қолди. Том, Жек ёки Ричардни ҳозир узокроққа олиб кетишга ҳаракат қилиш хавфли деганимдан кейин умуман боши қотиб қолди. Қулоқ солинг, мистер Пип. Мавжуд шароитда, модомики ўша одам келиб бўлган экан, катта шахарнинг ўзидан яхшироқ жой йўқ. Муддатидан аввал индан чиқмаслик керак. Беркиниб олиш керак. Ҳаммаёқ тинчигунча кутиш керак, ҳатто чет эл ҳавосидан нафас олиш учун ҳам, бурунни ташқарига чиқармай туриш керак.

Унга кимматли маслаҳати учун миннатдорчилик билдириб, Герберт нима чора кўрганини сўрадим.

– Мистер Герберт, – жавоб берди Уэммик, – ярим соатча ўзига келолмай ўтириди, кейин бир тадбир ўйлаб топди. У ҳеч кимга айтмаслик шарти билан бир ёш қизга уйланмоқчи эканини, унинг ётиб қолган бемор отаси борлигини айтди, бундан сиз, шубҳасиз, хабардорсиз. Отаси кемада хизмат қилган экан, ҳозир деразанинг олдида ётиб, дарёда юқоридан пастга ҳаракатланаётган кемаларни кўриб ётаркан. Ўша қизни сиз танисангиз керак?

– Ҳозирча йўқ, – деб жавоб бердим.

Тан олиб айтишим керакки, Клара, Гербертни ортиқча харажатлар қилишга ўргатяпти, деб ўйлаб, мени унчалик хуш кўрмасди; Герберт қизга иккаламизни таниширишни таклиф қилганида, у унчалик хурсанд бўлмаган, дўстим менга бор гапни айтиб бергач, танишув кечроқ муддатга қолдирилганди. Гербертга хуфёна ёрдам бера бошлаганимдан кейин ушбу ҳолатга мен фалсафий қараб қелганман; ўз навбатида, Герберт ҳам, қайлифи ҳам, учрашган кезларида учинчи бир одамнинг ҳозир бўлишини унчалик исташмасди; Гербертнинг гапига қараганда Кларанинг менинг тўғримдаги фикри сезиларли даражада ижобий томонга ўзгарган ва биз кўпдан бери бир-бirimизга таъзим ва саломлар ўйллаётган бўлсак ҳам, ҳали бир марта ҳам юзма-юз келмагандик. Айтмоқчи, Уэммикка мен барча тафсилотларни айтиб ўтирганим йўқ.

– Улар яшайдиган уй, – давом этди Уэммик, – дарё бўйида, Лондон кўпригидан пастроқда, Лаймхаус ва Гринвич орасида жойлашган, унинг соҳибаси, маълум бўлишича, анчагина ҳурматга сазовор бева аёл бўлиб, у юқори қаватда жойлашган жихозланган хоналарни ижарага бермоқчи экан; мистер Герберт мендан Том, Жек ёки Ричардни вақтинча ўша ерга жойлаштирасак, нима дейсиз, деб сўради. Мен қуйидаги уч сабабга кўра ушба режани маъқуллашимни айтдим: биринчидан, шахсан ўзингиз у

жойларнинг яқинида ҳам бўлмайсиз, одам босган каттаю кичик қўчалардан ҳам анчагина нарида. Иккинчидан, ўзингиз у ерга бормай туриб, Том, Жек ёки Ричард тўғрисида мистер Герберт орқали маълумот олиб туришингиз мумкин бўлади. Учинчидан: маълум муддат ўтгандан кейин ва хавф-хатар бартараф бўлди, деган фикрга келиб, Том, Жек ёки Ричардни хорижий кемага ўтказишни хоҳлаб қолсангиз, марҳамат, кема ёнгинангизда, ўтириб, йўлга отланиш мумкин.

Ушбу далиллардан анча қўнглим тинчиб, Уэммикка қайта ва қайта раҳмат айтдим ва давом этишини сўрадим.

– Шундай қилиб, сэр, мистер Герберт ишга ғайриоддий иштиёқ билан киришди ва кеча оқшомда, соат тўққизларда Том, Жек ёки Ричардни – кимлигининг бизга қизиги йўқ – янги жойга эсон-омон кўчириб қўйди. Илгари яшаб турган жойининг эгаларига уни Дуврга чакириб қолишиди, деб айтилди, у ҳакиқатан ҳам Дувр йўлидан жўнаб, кейин четга бурилди. Буларнинг барчасининг яна бир катта ижобий томони – бари сизнинг йўқлигингизда содир бўлгани, яъни кимдир сиз билан алоҳида қизиқаётган бўлса, ўша соатларда сиз Лондондан кўплаб чақирим нарида бўлгансиз ва бутунлай бошқа ишлар билан шуғуллангансиз. Бу шубҳа қилувчиларни ҷалғитиб, маълум даражада мураккаб муҳит яратади; шунинг учун ҳатто кечакириб қайттудек бўлсангиз ҳам, уйингизга бормасликни маслаҳат бергандим. Бу янада кўпроқ англашилмовчиликка сабаб бўлади, англашилмовчилик эса, сизга кўл келади.

Кейин Уэммик нонуштани тамомлади, соатига қаради ва камзулини кия бошлади.

– Шуни ҳам билиб қўйингки, мистер Пип, – деди у енгига қўл солар экан, – кўринишидан мен қўлимдан келган ҳамма ишни қилдим; лекин бундан ҳам кўпроқ нарсани қила олганимда – мен уolvortcha нуқтаи назардан ва факат хусусий шахс сифатида гапирияпман – мамнуният билан бажарган бўлардим. Мана манзил. Бугун оқшомда, уйингизга борищдан аввал, у ерга кириб, Том, Жек ёки Ричард яхши жойлашганига ўзингиз ишонч ҳосил қилсангиз ҳеч бир қўрқинчли иш содир бўлмайди, кечакириб қайтиб у ерга борманг. Арзимайди, мистер Пип, арзимайди, – енгидан қўллари чиқар-чиқмас уларни қизғин сиқиб қўйдим. – Ва ниҳоят, сизга ўта муҳим бир фикрни айтишга ижозат беринг. – У қўлини елкамга қўйиб, сирли оҳангда деди: Унинг кўчар мулкни шу оқшомдаёқ қўлга киритишга ҳаракат қилинг. Уни олдинда нима кутаётганини айтиш қийин. Кўчар мулкни бекорга йўқ бўлиб кетишига йўл қўйманг.

Бу мавзудаги қарашларимни Уэммикка тушунтира олишимга зигирчалик ҳам кўзим етмаганидан, уриниб ҳам ўтирамадим.

– Кетишим керак, – деди Уэммик. – Оқшомгача вақтингизни шу ерда ўтказишни маслаҳат берган бўлардим, албатта бошқа зарур ишларингиз бўлмаса. Кўринишингиз анча ҳорғин ва Қария билан хотиржам вақт ўтказишингиз фойдадан холи бўлмайди – у тезда ўрнидан туради – ва бир бўлак... чўчқача эсингиздами?

– Албатта, – дедим мен.

– Унда, бир бўлак селли чўчқа гўшти. Сиз қовурган колбаса ҳам ўшанинг гўшти – хуллас, барча кўрсаткичлари билан юқори сифатли чўчқача. Албатта, мазасини кўринг, эски танишлигимиз ҳурмати. – Кейин яхши кайфият билан қичқирди: – Хайр, Қария Отам!

– Ажойиб, Жон, ажойиб, болагинам! – деди чол эшикнинг орқасидан.

Тезда тошүчөк олдида ухлаб қолдим, кейин кун бўйи Қария билан ўриндиқларда дам мудраб, дам уйғониб, бир-биримизга овунчоқ бўлдик. Тушликка чўчқа лаҳми билан ўша ерда етиштирилган сабзавотлардан тановул қилдик, кейин чолга энг яхши ниятлар билан, бош иргаб ўтирдим, чарчаб кетганимдагина, беихтиёр бу ишни қилмаган бўлишим мумкин. Тим қоронгилик тушгандагина, у ердан чиқиб кетдим; Қария қоқон қовуришга тайёргарлик кўра бошлаганди ва чой идишларнинг сонига, шунингдек, чолнинг девордаги тахтачаларга тикилиб қўйишига қараганда, чойга мисс Скиффинсни кутаётганларини тушундим.

XLVI боб

Тегирмон ҳовуз бўйидаги сийрак, ғалати уйлар орасидан олд томони ёғоч, уччала қаватида осма айвони борини танладим; унинг эшигига “Миссис Уимпл”, деб ёзиб қўйилганди. Менга айнан шу одам керак бўлганидан, эшикни тақиллатдим; уни ёши ўтинқираган, ёқимтой ва очик юзли аёл очди. Айтмоқчи, унинг ўрнини ўша заҳоти Герберт эгаллади, – у индамай мени меҳмонхонага бошлаб кириб, эшикни қулфлади. Ўзини уйидагидек ҳис қилаётгани кўриниб турган таниш чехрани ушбу бегона жойда кўриш ғалати эди.

– Ҳаммаси жойида, Гендел, – деди Герберт, – у деярли хурсанд, фақат сени жуда ҳам кўргиси келяпти. Менинг суюкли қаллиғим ҳозир отасининг олдида, бир лаҳза сабр қилсанг, у келади ва мен сизларни таништириб қўяман, кейин юқорига чиқамиз... Ҳа, ха, бу унинг отаси (Юкоридан аллақандай ваҳимали ириллаш овози келди ва юзим ўзгариб кетган бўлса эҳтимол).

– Чоли тушмагур қариб қуюлмаган шайтоннинг ўзгинаси бўлса керак, – деди Герберт жилмайиб, – лекин уни ҳеч қачон кўрмаганман. Ром¹ хидини сезяпсанми? Ичгани ичган.

– Ромними?

– Ҳа, – деди Герберт, – бод касали бор одамга бунинг қанчалар фойдаси борлигини бир тасаввур қилиб кўргин. Бунинг устига у бор озиқ-овқатларни хонасида сақлайди ва кундалигини ўлчаб беради. Хонаси баққолнинг дўконига жуда ҳам ўхшаса керак.

У гапини тугатмасдан, ириллаш давомли ўкиришга айланди, кейин ўчди.

– Пишлокни ўзим кесиб бераман, деганидан кейин албатта ўкиради-да, – деди Герберт изоҳ бериб. Ҳамма аъзоларида боди бор одам ўзига азоб бермасдан ўнг қўли билан Глостер пишлогини қандай кессин?

Қария ўзига яна яхшигина азоб берди шекилли, ўкирик янги куч билан такрорланди.

– Юқори қаватни Провисга ижарага бергани миссис Уимпл учун кам учрайдиган омад бўлди, – деди Герберт. – Одатда ижаракилар бундай шовқиндан қочиб қоладилар. Бу уй жуда ғалати, тўғрими Гендел?

Ҳа, уй ғалати эди, лекин саранжом ва озода ҳам эди.

– Миссис Уимпл – ажойиб уй бекаси, – давом этди Герберт фикримни эшишиб бўлиб. – Агар унинг оналарча ғамхўрлиги бўлмаганида, Кларам нима килган бўларди, билмадим. Ахир Кларанинг қари Бойўғлидан бошка ҳеч кими, на онаси ва на қариндошлари бор.

– Наҳотки унинг исми Бойўғли бўлса, Герберт?

¹ Ром – шакарқамишдан тайёрланган ўткир спиртли ичимликнинг бир тури (тарж.).

– Йўқ, йўқ, мен уни шундай деб чақираман. Унинг исми – Барли. Ота-онамнинг гапини ҳисобга олганда, қариндош-уруғи йўқ, аждодларини деб ўзига ва атрофдагиларга азоб бермайдиган қизни севиш баҳт эмасми?!

Герберт Клара Барли билан, киз Хэммерсмитдаги аллақандай ўкув юртини тамомлаётганида танишганини эслатиб ўтди; касал отага қараш учун уни уйга чақириб олганларидан кейин, ёшлар оққўнгил миссис Уимплга бор гапни айтиб беришган, ўшандан бери нозик дид соҳибаси бўлган бека меҳр билан уларнинг ҳиссиётларини эҳтиётлаб, йўлга солиб келмоқда эди. Ёшлар, ром, бод ва камбағаллар учун дўкондан ўзга мавзуларда фикрлашга қодир бўлмагани учун, қария Барлинин юрак сирларидан воқиф қилмасликка келишиб олгандилар.

Қария Барлининг тўхтовсиз ўкириши ва шифтдаги тўсинларнинг қисирлашига эътибор бермай, шивирлаб сухбатлашаётганимизда, эшик очилиб, ичкарига қўлида сават кўтариб олган, новда қоматли, қора кўзли, йигирма ёшлардаги чиройли қиз кириб келди. Герберт шошиб унинг қўлидан саватни олди ва Кларасини менга таништириди. Қиз чиндан ҳам латофатли эди, уни ёвуз одамхўр қария Барли ўғирлаб кетиб, ўзига хизмат қилишга мажбурлаган оққўнгил фаришта, деб тасаввур қилиш қийин иш эмасди.

Герберт иккимиз ва Провис тошўчоқ ёнидан жой олганимиздан кейин, Уэммикнинг гаплари ва унга маълумот келадиган манбаларга ишонасизми, деб Провисга савол бердим.

– Ҳа, ҳа, – болагинам, – жавоб берди у жиддийлик билан. – Жеггерс ўз ишини яхши билади!

– Шундай қилиб, – гапимни давом эттиридим мен, – Уэммик билан гаплашдим ва унинг эҳтиёт чораларини кўриш тўғрисидаги маслаҳатларини сизга етказмоқчиман.

Кейин унга, бир нарсадан ташқари, бор гапни айтиб бердим. Уэммик Ньюгэйт қамоқхонасида эшитганларини (маҳбусларданми, назоратчиларданми – менга номаълум), кимдир унинг қайтиб келганидан хабар топгани, уйимни кузатганларини айтиб бердим; Уэммикнинг маълум муддат “индан чиқмаслик”, кўришмай туришимиз зарурлиги, Англиядан қандай қилиб чиқиб кетиш тўғрисидаги қарашларидан хабардор қилдим. Вакти келгач, албатта у билан кетишмни, ёки, Уэммикнинг қайси йўл хавфсизроқ экани тўғрисидаги маслаҳатига қараб, орқасидан боришимни ҳам айтдим.

Шу пайтгача оловга тикилиб, хаёл суриб ўтирган Герберт, Уэммикнинг таклифини ўйлай туриб, унда бизлар билан ўртоқлашса арзийдиган бир фикр туғилганини айтиб қолди.

– Гендел, иккаламиз ҳам эшқакдан яхши фойдаланишни биламиз, вақти келганда мистер Провисни Лондондан дарёниг қуий оқимиға қараб ўзимиз олиб чиқиб кетсан бўлади. Бизга бу ортиқча шубҳалардан холи бўлиш имконини беради, мавжуд барча имкониятларни ҳисобга олишимиз керак. Ҳозир қиши бўлса ҳам, ҳечқиси йўқ; ҳозироқ қайиқ топиб, Тэмпл зинаси ёнида сақлашинг ва дарё бўйлаб юқоридан пастга сузиб юришинг мумкин. Ҳар куни машқ қилсанг, тезда ҳамма бунга ўрганиб қолади ва одамларнинг эътиборини тортмай кўясан. Йигирма ёки эллик биринчи марта сувганингдан кейин, йигирма биринчи ёки эллик биринчи марта яна шу ишни қилаётганингни кўриб, ҳеч ким ҳайрон бўлиб ўтирмайди.

Режа менга ёқди, Провис-ку умуман, хурсанд бўлиб кетди. Биз уни амалга оширишга қарор қилдик, Тегирмон ховуз ёнидан сузиб ўтадиган

бўлсақ, Провис бизни танимаганга оладиган бўлди. Лекин, бундан ташқари, ҳар сафар бизнинг сузиб ўтаётганимизни кўрганида, “Ҳаммаси яхши” демоқчи бўлса, шарқ томонга қараган дераза дарпардасини тушириб қўйишига келишиб олдик.

Пастда Гербертдан маҳбусимиз Провис фамилиясида қолаверадими, деб сўрадим. Йўқ, албатта, деди у, янги қўшнининг фамилияси мистер Кембл. Дўстим яна шуни айтдики, уйда яшовчилар Кембл ҳақида фақат бир нарсани билишади: уни Гербертга ишониб топширишган, янги кўчиб келган одам ҳеч нимага зориқмай ва ҳеч кимга қўшилмай яшashi керак.

Кейинги куни ўзимга қайиқ топгани жўнаб кетдим. Бу иш кўп вақт талаб қилмади, қайиқни уйимдан икки дақиқалик жойга, Тэмпл зинасига етказиб беришди. Шундан кейин эшкак эшишни, баъзан ўзим, баъзида Герберт билан машқ қила бошладим. Совуқ, шамол ва ёмғирларга аҳамият бермай, кўпинча дарёга чиқадиган бўлдим ва бир неча кундан кейин ҳеч ким менга аҳамият бермай қўйди. Аввалига Блекфрайер кўпригидан юқорироқда сузиб юрдим, лекин кейинроқ, айниқса, сув кўтариладиган вақтнинг ўзгариши билан, Лондон кўпригигача борадиган бўлдим. Гап ўша ёмон ном чиқарган эски Лондон кўприги тўғрисида боряпти, куннинг баъзи пайтларида сув бу ердан гирдоблар ва ўрамалар пайдо қилиб, шиддат билан оқиб ўтарди. Аммо, бошқа қайиқчиларга разм солиб туриб, хавфли жойлардан ўтиб кетишни ўрганиб олдим, шундан кейин кўп сонли кемалар ва қайиқлар орасидан ўтиб, тез-тез Эритгача ҳам бориб келадиган бўлдим. Тегирмон ҳовуз қаршисидан биринчи марта Герберт билан ўтдим ва кетаётганимизда ҳам, қайтаётганимизда ҳам шарқий деразанинг дарпардаси икки марта очиб-ёпилганини кўрдик.

XLVIII боб

Извош ёллаб, Жеггерс ва Уэммик учаламиз Жерард-стритга йўл олдик; етиб боришимиз билан, овқат тортилди. Турган гапки, бу уйда Уэммикнинг Уолвортдаги ҳиссиётларига ҳатто узоқдан бўлса ҳам, қошимни сал кўтариб бўлса ҳам ишора қилишни хаёлимга ҳам келтирмаётгандим; лекин вақти-вақти билан у билан дўстона кўз уриштириб қўйишига қарши эмасдим. Аммо бунинг сира иложи бўлмади! У бошини фақат мистер Жеггерсга қарашиб учун овқатдан кўтарар, қаршимда гўё бошқа, мен билган Уэммикнинг қарама-қарши эгизаги ўтиргандек, мен билан ўта қуруқ ва совуқ муомала қиласди.

– Мистер Пипга мисс Хевишемдан келган хатни жўнатдингизми? – сўради ундан мистер Жеггерс биз ҳали дастурхон атрофига жойлашиб улгурмасдан.

– Йўқ, сэр, жавоб қилди Уэммик. – Мистер Пип билан идорага келганингизда хатни почта билан жўнатмоқчи бўлиб тургандим. Мана ўша хат. – Кейин у хатни менга эмас, хўжайинига узатди.

– Бу ерда икки қаторгина ёзув бор, Пип, – деди мистер Жеггерс, хатни менга берар экан. – Мисс Хевишем манзилингизни аниқ билмаганидан, хат Литл-Бритенга жўнатилган. Хоним сиз айтган бир иш бўйича ўзингизни кўрмоқчи эканини ёзган. Борасизми?

– Ҳа, – дедим мен у мазмунини аниқ баён килган хатга кўз югуртирап эканман.

– Қачон бормоқчисиз?

– Мен бир ишга жуда боғлиқман, – дедим мен оғзини балиққа тўлдириб

олган Уэммика қараб, – вақтим ҳам унақа кўп эмас. Майли, зудлик билан йўлга чиқаман.

– Модомики, мистер Пип зудлик билан йўлга чиқиши ниятида экан, – деди Уэммик мистер Жеггерсга қараб, – жавоб ёзиб ўтирумаса ҳам бўлади.

Бу сўзлардан, пайсалга солиш керак эмас, деган буйруқни тушуниб, эртасига жўнаб кетишимни уларга айтдим. Уэммик бир қадаҳ мусаллас ичиб, менга эмас, яна мистер Жеггерсга қаради.

Ўша лаҳзада оқсоч аёл Молли Жеггерснинг ёнида туриб, дастурхонга қандайдир таомни қўяётган эди. Таомни эҳтиётлик билан қўйиб бўлгач, у орқага чекинди ва тортиниб, нимадир дейиш билан ўзини оқламоқчи бўлди. Шунда бармоқларининг ҳаракатини кўриб, ҳайратдан қотиб қолдим.

Жеггерс унга рухсат берди ва аёл хонадан товушсиз чиқиб кетди. Лекин менинг назаримда у ҳали кетмагандек эди ва кўз ўнгимда аник гавдаланаарди. Мен унинг қўлларига, қўзларига, қалин соchlарига қараб турардим; уларнинг ёнида ўзим жуда яхши билган бошқа қўлларни, бошқа қўзларни, бошқа соchlарни кўраётган ҳамда шафқатсиз эр билан йигирма йил яшагандан кейин улар қандай қўринишларини тасаввур қилишга уринаётгандим. Ва яна оқсоч аёлнинг қўллари ва қўзларига қарап эканман, охирги марта, Эстелла ҳамроҳлигида ташландик боғ ва вайронга пивохона ичиди дайдиб юрганимда, мени камраб олган ўша тушунтириб бўлмайдиган ҳиссиётни эсладим. Шу ҳиссиётнинг айнан ўзини дилижондан менга тикилиб турган қўзлар ва ўзига имлаётган қўлни қўрганимда бошимдан ўтказганимни; яна извошда қиз билан коронғи қўчада кетаётганимда бирданига фонуснинг ёруғ нурлари тушганида, ўша ҳиссиётнинг ўзи мени яшин мисол қамраб олганини ҳам эсладим. Эстелланинг исми тилга олинганида тўкиётгандек ҳаракат қилаётган бармоқларни ва дикқат билан назар solaётган қўзларни кўргач, хотирамдаги ана шундай бўшлиқнинг ўрни тўлганини тушундим. Ва менда, бу аёл – Эстелланинг онаси, деган чукур ишонч пайдо бўлди.

– Уэммик, – дедим унга иккимиз ташқарига чиққач, – мистер Жеггерснига биринчи марта меҳмонга боришимдан аввал унинг оқсочига эътибор қаратишимни маслаҳат берганингиз эсингиздами?

– Шундай қилганмидим? – деди у. – Жуда ҳам бўлиши мумкин. Э, жин урсин, албатта эсимда! Кулфим ҳали тўла ечилимабди.

– Бўйсундирилган йўлбарс – уни шундай атаганмидингиз?

– Сиз уни қандай атаган бўлардингиз?

– Худди сиз каби. Айтинг-чи, Уэммик, мистер Жеггерс уни қандай қилиб бўйсундирган?

– Бу унинг сири. Аёл уникида кўп йилдан бери яшайди.

– Менга унинг тарихини айтиб беринг! Қизиқишимнинг алоҳида сабаблари бор. Орамизда айтиладиган нарса ҳеч қаёққа кетмаслигини яхши биласиз-ку, ахир.

– Умуман олганда, унинг тарихини билмайман, – жавоб берди Уэммик, – тўғрироғи, жуда оз нарса биламан. Лекин, билганларимни сизга айтиб бераман. Турган гапки, сиз билан ҳозир фақат хусусий шахслар сифатида сұхбатлашяпмиз.

– Албатта.

– Йигирма йилча аввал бу аёлни Олд-Бейлида қотилликда айблаб, суд қилишган, суд уни оқлаган. Ёшлигида у соҳибжамол эди, менимча унда лўлиларнинг қони бор. Нима бўлганда ҳам, ўзингиз яхши тушунасиз, ўша пайтларда унинг қони етарли даражада қайнок бўлган.

– Лекин, уни оқлашибди-ку?

– Мистер Жеггерс уни ҳимоя қилган, – давом этди Уэммик менга маъноли назар ташлаб, – ва ҳаммани ҳайратга солиб, бу ишни олиб борган. Иш қўл силтаб кетиладиганга ўхшарди, унда ҳали тажриба ҳам йўқ эди, лекин шунчалар усталик билан вазиятдан чиқиб кетдики, ҳамма қойил қолди: айнан ўшандада у ўзига обрў орттириб олганди, десак ҳам бўлади. У, ишни умуман тўхтаттироқчи бўлиб, полиция маҳкамасида кунлаб қолиб кетарди; суд мажлисларида бўлса, ўзи сўзга чиқа олмаган тақдирда, адвокатдан бир қадам ҳам нари кетмасди, адвокат эса, бошдан охирагча унинг кўрсатмаси билан гапиравди – бу ҳаммага аён эди. Қотиллик жараёнида бу аёлдан ўн ёшлар чамаси каттароқ, бўйи ҳам узунроқ ва суюклари йўғонроқ бошқа бир аёл рашк оқибатида ўлдирилганди. Иккала аёл ҳам дайдилик билан шугулланганлар, мистер Жеггерснида яшаётгани, ҳали жуда ҳам ёшлигига аллақандай дайдига эрга теккан, одамлар айтмоқчи, бир пиёла сув билан никоҳлаб қўйилган ва шайтондек қизғанчиқ бўлган. Ўлдирилган аёлни (ёшига қараганда албатта у анави одамга мосроқ бўлган) Хаунслоу-Хис яқинидаги сомонхонадан топганлар. У роса қалтакланиб, тирнаб ташланган, кейин эса, бўғиб ўлдириганлар. Гумон қилиниши мумкин бўлган ягона одам, ана шу аёл бўлган ва мистер Жеггерс, бу аёл жисмонан бундай қотилликни амалга оширишга қодир эмас, деган далилни ҳимояга асос қилиб олган. Менга ишонаверинг, – деди Уэммик енгимдан тортиб, – у пайтларда Жеггерс, аёлнинг қўллари қанчалар кучли эканини умуман тилга олмаган, хозир эса, бошқа гап.

(Уэммикка Жеггерс бизни меҳмонга чақирганида хизматкор аёлни қўлларини кўрсатишга мажбур қилганини айтиб бердим.)

– Айтмоқчи, сэр, – давом этди Уэммик, – биласизми, яна нима бўлди, – тасодифан албатта, – қамоққа олинган кунидан бошлаб ўша аёл шунчалар усталик билан кийинтирилганки, чиндан ҳам, аслидагига қараганда, нозикроқ, кучсизроқ аёлга ўхшаб қолган; одамларнинг айтишича, айниқса қўйлагининг енглари шундай турганки, қўлларини ўта ингичка ва заиф кўрсатган. Баданида бир-иккита қўйкарган жойи бўлган – қайси аёlda бўлмайди дейсиз! – лекин қўлларининг орқа томонида қаттиқ тирнаб ташалган жойлари қайд қилинган ва: улар тирноқ изларими ёки йўқми, деган савол туғилган. Шунда, мистер Жеггерс, аёл кора тикан буталари орасидан ўтиб келганини, буталар унинг юз қисмига зарар етказмай, фақат қўлларини тирнаб ташлаганини исботлаган; чиндан ҳам аёлнинг баданидан бир нечта зирачча топганлар ва улар судга далилий ашё сифатида топширилган, буталарни кўздан кечиргандарида ҳам у ўтиб келган жойда улар синиб ётганини кўрганлар, аёл кийган кўйлак парчалари ва қон доғларини топганлар. Лекин энг қўрқмасдан илгари сурилган далил қуидагича бўлган: аёлнинг рашкчи эканини исботлаш мақсадида анчагина асосли шубҳани илгари сурганлар, эмишки, қотиллик содир этилган фурсатларда бу аёл, эридан қасос олиш учун бутунлай эсини йўқотиб, уч ёшли фарзандини ҳам бўғиб ўлдириганмиш. Мистер Жеггерс ҳимояни қуидагича давом эттирган: “Биз булар тирноқ излари эмас, тиканак излари деяпмиз ва тиканакларни сизга кўрсатяпмиз. Сиз булар тирноқ излари, деб туриб оляпсиз ва айни пайтда, аёл, гўё уч ёшлик фарзандини ўлдириган, деган тахминни илгари суряпсиз. Лекин агар шундай бўлса, сиз мазкур тахминдан барча хulosаларни чиқариб олишингиз керак. У фарзандини чиндан ҳам нобуд қилган ва гўдак, онасига ёпишиб, қўлларини тирнаб олган, деб фараз қилайлик. Хўш,

нима бўлибди? Ахир сиз уни боласини ўлдиргани учун суд қилмаяпсиз-ку, лекин шундай қилишингиз мумкин эди. Кўрилаётган ишга келсақ, сиз булар тирноқ излари, деб туриб олаётган экансиз, бунга изоҳ ҳам топиб қўйгандирсиз, билакс, ҳодисани шарҳлаш учун уларни ўзингиз тўқиб чиқарган бўласиз” Хуллас, сэр, – деди Уэммик, – мистер Жеггерс суд маслаҳатчилари мияларини охиригача чалғитиб қўя олди ва суд аёлни бегуноҳ, деб топди.

– Ўшандан бери у Жеггерснида хизмат қиласидими?

– Ҳа. Лекин бу ҳали ҳаммаси эмас, – деди Уэммик, – аёл ўзини оқлашлари билан унинг уйида, ҳозир қандай бўлса, шундай, яъни бўйсундирилган, итоаткор бўлиб хизмат қила бошлади. Ўшандан бери у, хизмат вазифаси талаб қиласиган айрим нарсаларни ўрганди, лекин бошиданоқ бўйсундирилган эди.

– Боласи ўғилми, қизмиди, эсингизда йўқми?

– Қиз дейишганди.

– Бугун менга айтадиган бошқа гапларингиз йўқми?

– Йўқ. Хатингизни олдим ва йўқ қилдим. Бошқа ҳеч гап йўқ.

Биз яқин дўстлардек хайрлашдик ва мен янги ташвишлар ва хаёлларнинг юки остида, эскиларидан асло халос бўлмаганим ҳолда, уйга қайтдим.

XLIX боб

Бунчалар тез келганимдан мисс Хевишем ҳайрон бўлса кўрсатаман, деган хаёлда, унинг феъл-авторидан ҳамма нарсани кутса бўларди, хатни ўзим билан олиб, эрталабки дилижонда Сатис Хаузга йўл олдим.

Илгарилари ҳам бўлганидек, кириб, хоним бошини кўтарса, менга кўзи тушадиган қилиб, каминнинг ёнидан жой олдим. У кўзимга шунчалар ғарип кўриниб кетдики, ундан ўпкалаб юришимга сабабчи бўлган аламдан ҳам аччикроғига мени дучор қилган тақдирида ҳам, раҳмим келган бўларди. Мен ҳам ушбу мудхиш уйнинг бир бўлак вайронасига айланиб қолдим, деган хаёлда хонимга караб турар эканман, бирданига унинг назари менга тушиб қолди. Хоним чўчиб тушди ва:

– Бу туш эмасми? – деди.

– Бу мен, Пипман. Мистер Жеггерс кеча хатингизни берганди, дарров етиб қелдим.

– Миннатдорман. Миннатдорман.

Худди шунаقا увадаси чикиб кетган иккинчи креслони оловга яқин суреб, унга ўтиридим ва юзида янги, мендан ҳадиксираётганга ўхшаган ифода кўрдим.

– Бу ерда охирги марта бўлганингда сен тилга олган мавзуга қайтмоқчиман ва юрагим ҳар ҳолда тошдан эмаслигини кўрсатмоқчиман. Лекин, сен, эҳтимол, менда инсонийликдан нимадир сақланиб қолганига энди ишонмай қўйгандирсан?

Уни хотиржам қилиш учун нималардир деган бўлдим, шунда хоним менга теккизиши хоҳлаётгандек қалтираётган қўлини илгари чўзди; унинг ниятини тушуниб, нима қиласимни ўйлагунимча, яна тез орқага тортиб олди.

– Дўстинг учун илтимос килганингда, фойдали, яхши иш қилишини сизга ўргата оламан дегандинг. Ўша ишни амалга оширишни хоҳлаган бўлармидинг?

– Жуда, жуда хоҳлаган бўлардим.

– У қандай иш экан?

Мен илгарилари ҳам сезиб юргандек, чехрасида қатъият ифодаси билан у қўлини ҳассага тираб, диққат билан қулоқ солишга жазм қилиб, оловга тикилди. Унга ўз маблағларим ҳисобидан Герберт учун улуш тўламоқчи бўлганимни, лекин энди бу ишни уддасидан чиколмаслигимни ҳикоя қилиб бердим. Ва ўша заҳоти қийинчилликларимнинг сабабини унга айтиб беролмаслигимни, негаки бу бошқа бир одамнинг асрори билан боғлик эканини тушунтиридим.

– Хўш, – деди мисс Хевишем, менга қарамай туриб, бош чайқаб. – Тўлиқ бўлиши учун қанча пул етмаяпти?

Рақам жуда катта кўринганидан қўрқиб уни айтишга қийналдим.

– Тўқиз юз фунт.

Тез орада у ўрнидан туриб, қалам ва қоғоз қидириб, жонсиз хонага кўз ташлаб кўрди. Лекин улардан у ерда асар ҳам йўқ эди, шунда хоним чўнтагидан четига олтин ҳал берилган сарғиш ташриф қоғозларини олди ва бўйнидаги хиралашиб қолган олтин ғилофдаги қаламча билан улардан бирига ёза бошлади.

– Мистер Жеггерс билан муносабатинг ҳали ҳам яхшими?

– Ҳа, албатта. Кечагина униқида овқатландим.

– Мана топшириқ, уни олгач, мистер Жеггерс дўстингта сарфлай олишинг учун сенга пул беради. Бу ерда мен пул сақламайман; лекин мистер Жеггерс билмаслигини афзал қўрсанг, пулларни ўзим сенга жўнатишим мумкин.

– Ташаккўр, мисс Хевишем, пулларни унинг идорасидан олганим менга жуда кулай бўлади.

Үёзганларини менга ўқиб берди; кўрсатма аниқ, тушунарли ва шундай мазмунда эдики, пулларни ўзи учун ишлатиб юборади, деган шубҳага асло ўрин қолдирмасди. Хоним титроқ кўллари билан қоғозчаларни менга узатди; у бўйнидаги қаламча илинган занжирни ҳам олиб менга узатаетганида кўлларининг титраши кучайганди. Бу орада у бирор марта ҳам менга қарамади.

– Энг устидаги қоғозчага исмим ёзилган. Қачонлардир, айтайлик синган қалбим кулга айлангач, орадан майли жуда кўп вақт ўтганидан кейин, исмимнинг тагига “Уни кечирдим”, деб ёза олсанг, шу ишни қилишингни сўрайман.

– Оҳ, мисс Хевишем, – дедим унга, – бу ишни ҳозирнинг ўзида амалга оширишга ҳам тайёрман. Ҳаммамиз ҳам жуда оғир хатоларга йўл қўямиз. Ўзим кўрлик қилганман, яхшиликни билмаганман, ўзим кечиришларига ва яхши маслаҳатга муҳтожман, сиздан хафа бўлишга ҳаққим йўқ.

У энди менга қаради ва мени ҳайратга солиб, мени даҳшатга солиб, олдимда тиз чўкиб, кўлларини мен томонга чўзди, эҳтимол ҳали ёшлигида онаси ибодат қилишни ўргатган ва қалби ҳали яраланмаган кезларида, кўлларини кўкка шундай чўзгандир.

Сочлари оқариб, қиёфаси адои тамом бўлган мисс Хевишемни оёқларим остида кўриб, ич-ичимдан изтиробга тушдим. Ўрнингиздан туринг, деб унга ёлвора бошладим, ёрдам бериш учун кўлларим билан уни ушладим; лекин хоним қўлимни ушлаб олиб, унга юзини босди-да, йиғлаб юборди. Илгарилари сира ҳам унинг кўзларида ёш кўрмагандим ва энди, улардан енгил тортса зора деган умидда, унга энгашдим. Тиз чўкиб турган мисс Хевишем ҳолсиз ерга ётиб олди.

– Оҳ! – деб ҳайқирди у тушкунликка тушиб. – Нима қилиб қўйдим! Нима қилиб қўйдим!

— Агар сиз, мисс Хевишем, менга қандай ёмонлик қилиб қўйганингизни ўйлаётган бўлсангиз, сизга айтишим мумкин: жуда кичкина ёмонлик. Мен ҳеч нарсага қарамай, уни севиб қолган бўлардим... У турмушга чиқиб бўлдими?

— Ҳа!

— Бу савонни бериб ўтирмасам ҳам бўларди – ҳувиллаб ётган уйдаги янги – бўшлик ҳиссиётидан буни дарҳол тушуниб олгандим.

— Нима қилиб қўйдим! Нима қилиб қўйдим! – У қўлларини қайирар, соchlарини ушлар ва тақорор ва тақорор: – Нима қилиб қўйдим! – деган фарёд ичи-иҷидан отилиб чиқмоқдайди. – Ўтган сафар у билан гаплашмагунингча, бир замонлар бошимдан ўтказганларимни кўзгудек сенда кўрмагунимча, нималар қилиб қўйганимни билмаган эдим. Нима қилиб қўйдим!

У “Нима қилиб қўйдим”ни йигирма, эллик, саноқсиз марта тақорлади!

— Мисс Хевишем, – дедим у жим бўлиб қолгандан кейин. – Мени деб виждонингиз сизни қийнамай қўя қолсин. Лекин Эстелла – бошқа гап; агар унинг қалбини тошга айлантириб, етказган азиятингизни озгина бўлса ҳам тўғрилай олишга қодир бўлсангиз, ўтмишдаги воқеаларга абадий аза тутиш ўрнига, ҳозир шу ишни қилишингиз керак.

— Ҳа, ҳа, буни биламан. Лекин, Пип, азизим! – Эркалаб айтилган ушбу ғайриоддий сўзларда аёлларга хос чукур ҳамдардлик бордек эди. – Азизим, болажоним! Менга ишон: даставвал, у уйимга келиб қолганида бошимга тушган оғир мусибатдан уни ҳимоя қилмоқчи бўлдим. Аввал-бошида бошқа ҳеч нарсани хоҳламагандим.

— Начора, – дедим мен, – бўлиши мумкин.

— Лекин у вояга етгани ва кундан-кунга жозибали бўлиб боргани сари, ёмон ишга кўл урдим: уни ортиқча мақтайдиган, ҳадялар берадиган, ўргатадиган бўлдим, ақл – қалбини ўғирлаб, ўрнига бир парча муз солиб қўйдим.

— Унинг тирик қалбига тегиш керак эмасди, – дедим ўзимни тия олмай, – ҳатто ўша қалб синган ёки қонга беланганд тақдирда ҳам.

Мисс Хевишем бир дақиқача менга телбалардек қараб турди, кейин яна “Нима қилиб қўйдим!” бошланди.

— Агар бутун ҳаётимни билганингда эди, – деди у инграб, – мени яхшиrok тушунган, ачинган бўлардинг.

— Мисс Хевишем, – дедим иложи борича юмшоқроқ қилиб, – ҳаётингизни биламан, бу ерлардан биринчи марта жўнаб кетган пайтимдан биламан. Бошингизга тушган мусибатлар самимий ҳамдардлик уйғотди, сизга улар қанчалар таъсир кўрсатганини тушундим, деган умиддаман. Орамизда бўлиб ўтган воқеалар Эстелла тўғрисида сиздан биргина савол сўраш ҳукуқини берармikan менга? Ҳозирги Эстелла эмас, бу ерга биринчи марта келиб колган пайтдаги Эстелла тўғрисида?

Бека ерда, икки тирсагини увадаси чиқиб ётган ўриндиққа тираб, бошини қўллари томон эгиб ўтиради. Саволимни эшитиб, у қўзларимга тикилди ва:

— Сўра, – деб жавоб қайтарди.

— Эстелланинг ота-онаси ким?

Мисс Хевишем бош чайқади.

— Уларни билмайсизми?

У яна бош чайқади.

— Билмайсизми?

У бошини чайқади.

— Лекин уни мистерс Жеггерс бу ерга олиб келган ёки юборган, тўғрими?

— Олиб келганди.

— Бу қандай рўй берганди, айтиб беринг.

Хоним атрофга олазарак қараб, шивирлаб гапира бошлади:

— Ушбу хоналардан чиқмай яшай бошлаганимга анча вакт бўлганида (қанчалигини аниқ айта олмайман – бу ердаги соатлар нечада тўхтаб қолганини биласан-ку), унга гўдак қизчани тарбия қилмоқчилигимни, уни ардоқлашни ва менинг аҳволимга тушиб қолишидан асраб қолмоқчи эканимни айтдим. У ҳақда аввалроқ газеталарда ўқигандим, ўзини эса, биринчи марта, илтимосимга кўра, уйни ҳозирги аҳволга солиш учун келганида кўрганман. У мен ўзим хоҳлагандек етим қизчани қидириб кўришини ваъда қилиди. Кунларнинг бирида уни, ухлаб ётган ҳолида бу ерга олиб келди, унга Эстелла, деб исм кўйдим.

— Ўшанда у неча ёшда эди?

— Икки ё уч ёшда. Унинг ўзи етим қолганини ва мен уни қиз қилиб олганимни билади холос.

Жеггерсникидаги аёл унинг онаси эканига шундоқ ҳам шубҳа қилмаётгандим ва ҳеч қандай далилларга эҳтиёж йўқ эди. Лекин бу ерда, ҳамма учун равшан бўлиб турган боғлиқлик бордек эди.

Ташрифимни чўзишга баҳона қолмаганди. Гербертнинг ишини ҳал қилдим, мисс Хевишем Эстелла тўғрисида билганларини ҳаммасини айтиб берди, мен эсам, хонимнинг виждан азобини енгиллаштириш учун қўлимдан келган ҳамма нарсани айтиб ва қилиб бўлдим. Хайрлаша туриб бир-биримизга нималар деганимизнинг аҳамияти йўқ; лекин биз хайрлашдик.

Ҳовли саҳнига чиқиб, кўча эшикни очиб бериши учун оқсоч аёлни чақирсаммикан ёки яна бир марта юқорига кўтарилиб, йўқлигимда мисс Хевишемга ҳеч нарса бўлмаганига ишонч хосил қилиб, кейин кетсаммикан, деган ўйда иккиланиб туриб қолдим. Иккincinnини танлаб, зинадан кўтарила бошладим.

У билан хайрлашган хонага назар солиб, хоним увадаси чиқиб ётган ўриндиғида, каминнинг ёнгинасида ўтирганига гувоҳ бўлдим. Билдирмай кетиш учун секин эшикни ёпаётганимда кўз олдимда ёруғ аланг пайдо бўлди ва ўша заҳоти бошдан-оёқ аланг ичида қолган мисс Хевишемнинг мен томонга даҳшатли ҳайқириқ билан югуриб келаётганини кўрдим.

Устимда икки қаватли шинель, елкамда плаш бор эди. Уларни устимдан юлиб олиб, у томон чопдим, полга ағдариб, кийимларимни устига ёпдим; ёпиш учун стол устидан баҳайбат дастурхонни, у билан бирга чириндиilar тўплами ва унинг ичидаги газандаларни ҳам тортиб олдим; биз ёвуз рақиблардек бир-биримизга ёпишиб ерда ётардик, уни қанча кўп ўрасам, у янада кучлирок фарёд солар ва халос бўлишга уринарди, – буларнинг ҳаммасини мен кейинроқ эсладим; ўша дакиқаларда ҳеч нимани ўйламаётган, сезмаётган, билмаётгандим. Аста-секинлик билан ерда ётганимизни, тутун қоплаган хонада увадалар учиб юрганини пайқадим.

Хонимни кўриб бўлиб, шифокор куйган жойлар жиддий, лекин ҳаёт учун хавфсиз, каттароқ хатар – асаблар қақшашида эканини айтди. Докторнинг кўрсатмаси билан хоним учун шу хонанинг ўзида, яраларни боғлашга энг қулай ер – катта стол устига жой қилдилар. Бир соатлардан кейин уни яна кўрганимда, мисс Хевишем бир пайтлар ҳассаси билан вакти келиб ётқизадилар, деб урган жойда ётганди.

Хизматкорлардан Эстелланинг Парижда эканини билдим, илтимосимга

кўра, доктор унга тезлик билан хат юборадиган бўлди. Мисс Хевишемнинг қариндошларига хабар қилишни ўз зиммамга олдим ва Мэтью Покетга бўлиб ўтган воқеани айтишга, қолганларга айтиш-айтмасликни унинг ихтиёрига ташлашга қарор қилдим. Лондонга келган кунимнинг эртасига Герберт орқали режамни амалга оширдим.

L боб

Туни билан икки марта қўлларимни қайта боғлашди, учинчи марта эрталаб боғичларни алмаштиришди. Чап қўлим тирсагимгача қаттиқ ва елкамгача ўртачароқ куйганди; у жуда қаттиқ оғриётганди, олов ўша томонда кўпроқ бўлганидан, тағин ҳам омадим бор экан, деб ҳисоблаётгандим. Ўнг қўлимда куйган жойлар камрок бўлиб, ҳатто бармоқларимни қимиirlата олардим.

Бир куни оқшомга яқин, Герберт кундузги ёруғликка қараганда, кўпроқ алланганинг ёғдусидан фойдаланиб, боғичларимни алмаштираётганда, бирданига ниманидир эслаб қолди.

– Кечаки пайт Прөвиснинг олдида икки соатча ўтириб қолдим, Гендел. У гапга тушиб кетиб, ҳаёти тўғрисида яна айрим нарсаларни айтиб берди. Эсингдами у аллақандай аёл билан қийналиб яшаганини айта туриб, жим бўлиб қолганди... оғритдимми?

Сесканиб кетдим, лекин унинг қўл теккизишидан эмас, сўзларидан сесканиб кетгандим.

– Ёдимдан кўтарилибди, Герберт, лекин энди эсладим.

– Хуллас, қулоқ сол. У ҳаётининг ўша даври, у қанчалар мудхиш, қанчалар даҳшатли давр бўлгани тўғрисида гапири! Сенга айтиб берайми? Ёки бу ҳозир сени қаттиқ ҳаяжонга солиб қўядими?

– Албатта, гапириб бер. Ҳаммасини, сўзма-сўз айтиб бер.

Герберт энгашди, бунчалар тоқатсизланаётганимнинг сабабини билмоқчи бўлаётгандек, менга дикқат билан тикилди.

– Иссифинг йўқми? – сўради у кафтини пешонамга қўйиб.

– Йўқ, – дедим мен. – Герберт, азизим, Прөвис сенга нима деганини айтиб бер.

– У айтдики, – деди Герберт, – ...кўрдингми, боғич шундоқкина кўчиб тушди, энди янгисини, совиганини қўямиз... Хўш, азизим, бошида сесканасан-а? Ҳечқиси йўқ, ўтиб кетади ҳозир... У ўша аёл ёш, жуда рашқчи ва қасоскор бўлган деди. Чегараси йўқ дараражада, Гендел.

– Чегара деганингда нимани назарда тутяпсан?

– Қотилликни... Вой, наҳотки оғрикли жойингга тегиб кетган бўлсам? Жудаям ачишяптими?

– Йўқ, билинмаяпти. Қандай ўлдирибди? Кимни ўлдирибди?

– Биласанми, балки у қилган ишни англатиш учун бу ўта қўрқинчли сўздир, – деди Герберт, – лекин ўша аёлни қотиллик учун маҳкамага тортганлар, мистер Жеггерс уни ҳимоя қилган, муваффақият билан ҳимоя қилган, айнан ўшанда Прөвис унинг исмини биринчи марта эшигтан. Қурбон бошқа бир аёл бўлган, у биринчи аёлдан анча бақувват бўлган, улар аллақандай омборхонада ҳаёт-мамот жангига чиққанлар. Ким бошлаган, олишув ҳалол кечганми-йўқми – буни ҳеч ким билмайди, лекин унинг натижасини ҳамма яхши билади: қурбон аёлни бўғиб ўлдирилган ҳолатда топганлар.

– Ўша аёлни қамаганларми?

– Йўқ, оқлаганлар... Бечора Генделим, яна оғритдимми?
 – Ҳечам оғримади, Герберт. Хўш? Кейин-чи?

– Ўша оқланган аёлнинг Провисдан боласи бўлган ва Провис уни жуда жуда яхши кўрган. Рақиби бўғиб ўлдирилган оқшомда аёл Провиснинг олдига келган ва болани ўлдиришини (у уни қаердадир саклаган), Провис уни ҳеч қачон кўролмаслигини айтган ва ўша заҳоти ғойиб бўлган... Мана, энг қийин қўлни тамомладик, энди ўнг қўл қолди холос, униси ҳеч гап эмас. Яхшиси ҳозирча фонусни ёқмай турман, каминнинг ўзи етади. Яраларингни аниқ кўрмасам қўлларим дадилроқ ҳаракат қиласди... Лекин, азизим, сени ҳар ҳолда безгак тутяпти. Негадир тез-тез нафас оляпсан.

– Эҳтимол, Герберт. Хўш, шундай қилиб, ўша аёл айтганини қилибдими?

– Айнан ана шу – Провис ҳаётидаги энг даҳшатли нарса. Ҳа, у айтганини қилган.

– Яъни Провис шундай деяпти.

– Ҳа, албатта, азизим, – деди ҳайрон бўлиб Герберт ва яна менга тикилди. – Ҳаммаси унинг сўзлари. Менда бошқа маълумотлар йўқ.

– Ҳа, бунга ишониш учун етарли маълумотлар йўқ.

– Фарзандининг онасига яхши ё ёмон муносабатда бўлгани тўғрисида Провис индамади, лекин улар Провис бизга бу ерда айтиб берган аянчли турмушни тўрт-беш йилча баҳам кўрганлар, Провис, кўринищдан уни эҳтиётлаб юрган ва хароб қилишни истамаган. Шунинг учун боланинг ўлдирилгани тўғрисида кўрсатма беришга мажбур қилишларидан қўрқиб, яъни аёлни ўлимга маҳкум қилишларидан қўрқиб, у ғойиб бўлган, – ўзи айтмоқчи, йўлдан четга чиққан, – суд мажлисида ҳам уни аёлнинг телбаларча раشكига сабабчи бўлган Абелъ исмли одам сифатида тилга олиб ўтганлар. Суддан кейин аёл сувга тушиб кетгандек ғойиб бўлган-қўйган, шундай қилиб Провис ҳам фарзандидан, ҳам фарзандининг онасидан жудо бўлган.

– Лутфан айт-чи менга...

– Бир дақиқа, азизим, ҳозир тамомлайман. Ўша ёвуз рух, дунё бунакаларни кам кўрган, абллаҳ Компесон унинг кўрсатма беришдан бўйин товлаганини ва нима учун бундай қилганини билган, кейин уни буткул ўзига тобе қилиб олиш ва ундан кўпроқ фойдаланиш учун, чақув билан таҳдид қила бошлаган. Провис уни асосан шунинг учун ёмон кўришини кеча тушуниб олдим.

– Айт-чи менга, – дедим такроран, – ва унумтаки, Герберт, бу жуда муҳим, – буларнинг қачон содир бўлганини у сенга айтдими?

– Жуда муҳим? Унда шошма, нима деганини аниқ эслаб олай. Бундай деди: “Иигирма йилча бўлди бунга, бундан кам эмас, Компесонга дуч келиб қолган пайтларим эди”. Черковингиз ёнида унга учраб қолганингда ёшинг нечада эди?

– Етти ёшлар бўлсам керак.

– Тўғри. Ўша воқеа бўлса уч-тўрт йил илгари бўлиб ўтган, унинг айтишича, сен унга ўша ўта оғир шароитларда йўқотган қизини эслатгансан, қиз тахминан сен билан тенгдош бўлган.

– Герберт, – дедим мен бир лаҳзалик сукутдан ўзимга келиб, – деразадан тушаётган ёруғда сенга яхшироқ қўринаманимни ёки каминданми?

– Каминдан, – жавоб берди Герберт яна менга яқинроқ келиб.

– Менга қара.

– Қарайпман, азизим.

– Менга тегиб кўр.

- Тегяпман, азизим.
- Иссиғи баланд ёки кечаги воқеалардан кейин ақли жойида эмас, деб ўйламаяпсанми мени?
- Й-йўқ, азизим, – деди Герберт менга узоқ ва диққат билан тикилиб.
- Бир оз ҳаяжондасан, лекин умуман олганда, ҳар доим қандай бўлсанг, шундайсан.
- Ҳар доим қандай бўлсан, шундайлигимни биламан. Дарё бўйидаги уйда биз яшириб юрган одам эса, Эстелланинг отаси бўлади.

LI боб

Мисс Хевишемнинг бошига тушган фалокат ҳақида Жеггерс ва Уэммикка айтиб, уларнинг саволларига жавоб бериб бўлиб, чўнтағимдан Герберт учун менга тўққиз юз фунт бериш тўғрисидаги мисс Хевишемнинг кўрсатмасини олдим. Мистер Жеггерсга ташриф қоғозчасини узатганимда, кўзлари қошлари тагига янада кўпроқ кириб кетгандек бўлди, лекин у қоғозни Уэммикка бериб, чек ёзиб, имзо қўйдиришга олиб келишни буюрди. Уэммик топшириқни бажараётганида мен мистер Жеггерсга, мистер Жеггерс топ-тоза этикларида тебрана туриб менга қараб турди.

– Шахсан ўзингиз учун ҳеч нарса қилмаётганимиздан афсусдаман, – деди у чекка имзо қўйилиб, уни чўнтағимга соганимдан кейин.

– Мисс Хевишем марҳамат кўрсатиб, ўзимга бирор нимада ёрдам бера олиши мумкинлигини сўради ва мен йўқ, дедим.

– Нима ҳам қилардик, ўзингиз биласиз, – деди мистер Жеггерс, Уэммик секингина “Кўчар мулк”, деб қўйди.

– Сизнинг ўрнингизда, йўқ деб жавоб қилмаган бўлардим, – деди мистер Жеггерс, – лекин бундай ишларда ҳар ким ўзи билади.

– Кўчар мулк ҳар кимга керак, – деди Уэммик менга танқид кўзи билан қараб.

Бу ерга келишимга сабаб бўлган мавзу хусусида оғиз очишнинг вақти келди, деб карор қилдим-да, мистер Жеггерсга мурожаат қилдим:

– Лекин, сэр, мисс Хевишемдан ҳар ҳолда бир нарсани илтимос қилдим. Ундан асранди қизи тўғрисида гапириб беришни сўрадим ва у билганларининг барини айтиб берди.

– Шундайми? – деди мистер Жеггерс ва этикларига қараб қўйиш учун эгилди, кейин яна қад ростлади. – Эссиз! Мен бундай қилмаган бўлардим, лекин хоним, албатта, ўзи билади.

– Эстелла тўғрисида мисс Хевишемдан ҳам кўпроқ нарсани биламан, сэр. Унинг онаси ким эканини биламан.

Мистер Жеггерс менга савол назари билан қараб, сўзимни тақрорлади:

– Онаси?

– Унинг онасини бор-йўғи уч кунча олдин кўрганман. Сиз ҳам кўргансиз, сэр. Уни бугун ҳам кўргансиз.

– Ростдан-а?

– Эстелланинг ота-онаси тўғрисида эҳтимол сиздан ҳам кўпроқ нарса биларман, сэр. Мен унинг отасини ҳам биламан. Унинг исми Провис... Янги Жанубий Уэльслик.

Бу сўзларни эшитиб ҳатто мистер Жеггерс ҳам сесканниб кетди. У енгил сесканди ва ўша заҳоти ўзини кўлга олди; ўзини бор-йўғи рўмолчаси керак бўлиб қолгандек кўрсатишга уринган бўлса-да, барибир сесканди. Хабаримни Уэммик қандай қарши олганини билмайман, негаки, у билан

хуфёна мулоқотларимиздан ҳеч нарсани назаридан қочирмайдиган мистер Жеггерснинг хабар топишидан ҳадисираб, ўша дақиқада у томонга қарамаётгандим.

– Қандай далиллар бор, Пип? – деди мистер Жеггерс ва рўмолча бурун томон ярим йўлда тўхтаб қолди, – Провиснинг бундай деб даъво қилишига қандай далиллари бор?

– У бундай даъвони қилаётган йўқ, – дедим мен, – ҳеч қачон қилмаган ҳам. Қизининг тирик эканидан мутлақо хабари йўқ.

Бу сафар қудратли рўмолча ҳам ожизлик қилди. Жавобим шу қадар кутилмаган эдики, мистер Жеггерс одатий амалиётини бажармаёт, рўмолчани қайтариб чўнтағига солди ва қўлларини қовуштириб, жиддий ва ўтқир нигоҳини менга қаратди, қиёфасида ҳеч бир сесканиш аломатлари кўринмасди.

Кейин мен унга нималарни билишимни, қаердан билишимни айтиб бердим ва ҳикоямни, Уэммиқдан олган маълумотларимни мисс Хевишемдан эшитган, деб хулоса чикарадиган қилиб туздим.

Мистер Жеггерс ўйланиб, бошини қимиirlатди ва ҳатто... ҳатто энтикиб қўйди.

– Пип, деди у, – сизга тасаввур қилиниши мумкин бўлган ходисани баён қилиб бераман. Лекин, эсингизда бўлсин, шундай бўлган, деб ҳеч нарсани тасдиқлай олмайман.

Ҳеч нимани тасдиқлай олмайман, деб алоҳида огоҳлантирганини ҳар доим ёдимда тутишга уни ишонтиришим учун менга вакт бериб, у бир муддат жим қолди.

– Хўш, Пип, – деди мистер Жеггерс. – Қуйидагиларни тасаввур қилинг: тасаввур қилинг, аёл киши, ўзингиз баён қилган ҳолатларда фарзандини яшириб кўяди, лекин адвокати ҳимояни тўғри олиб бориш учун бола тирик ёки тирик эмаслигини билиши зарурлигини тушунтиргач, уни яшириб кўйганини тан олишга мажбур бўлади. Тасаввур қилинг, ўша вактнинг ўзида бадавлат ва телбанамо хоним адвокатга асраб олиш ва тарбия қилиш учун бола топиб беришни топширади.

– Тушуняпман, сэр.

– Тасаввур қилинг, адвокат зулм ҳукмонлик қилаётган оламда фаолият юритган ва болалар тўғрисида шуни билардики, улар ҳаддан зиёд кўп туғиладилар ва ҳаммалари ҳалокатга маҳкумлар. Тасаввур қилинг, адвокат уларни ўта жиддий равишда жиноят судида суд қилганларини кўп марта кўрган, маслаҳатчиларга намойиш қилиш учун болаларни қўлга олишга тўғри келган; тасаввур қилинг, у болаларни қамоқقا ташлаганларини, савалаганларини, сургун қилганларини, жамиятдан бадарға қилганларини, бинобарин, уларни жиноятчи қилиб тарбиялаб, вояга етишга имкон бериб, кейин дорга осганларини кўп марта кўрган. Тасаввур қилинг, у йўлида учратган барча болаларни, бир кун келиб балиққа айланиб, унинг тўрига илиниши керак бўлган балиқчалар, деб ҳисоблашга барча асосларга эга бўлган, негаки уларни айبلاغан, ҳимоя қилган, тақдир ҳукмига ташлаган, ота-оналаридан жудо қилган, турли йўллар билан ҳақорат қилган ва хўрлаганлар.

– Тушуняпман, сэр.

– Тасаввур қилинг, Пип, ана шу бир дунё болалар ичida қуткарилиши мумкин бўлган кичкина ва ёқимтой қиз учраб қолган: отаси уни ўлган, деб ҳисоблаб юрган ва суриштиришга кўрқкан; оқловчи қизнинг онасини қуйидаги баҳоналар билан итоатда ушлаб турган: “Нима жиноят

қилганингизни ва қандай қилганингизни биламан. Фалон жойга бориб, фалончига ҳужум қилгансиз, фалон равиша ўзингизни ҳимоя қилгансиз; кейин фалон ёққа бориб, сиздан шубҳаланмасликлари учун мана бундай йўл тутгансиз. Ҳар бир қадамингизни ўрганиб чиқдим ва воқеа қандай бўлганини ўзингизга айтиб беряпман. Қизингиздан воз кечинг, лекин сизни айбловдан озод қилишлари учун уни судда кўрсатиш керак бўлса, уни албатта олиб келадилар. Қизни менга топширинг ва мен сизни қутқариш учун қўлимдан келган барча чораларни кўраман. Агар сиз халос бўлсангиз, болангиз ҳам халос бўлади; агар сизни катл қилсалар, ҳеч бўлмаса бола қутилиб қолади”. Тасаввур қилинг, аёл бунга кўнди ва суд уни оқлади.

– Сизни жуда яхши тушундим.

– Буларнинг ҳаммаси фақат тасаввур эканини ҳамми?

– Ҳа, буларнинг ҳаммаси фақат тасаввур эканини ҳам.

Уэммик ҳам такрорлади:

– Фақат тасаввур.

– Тасаввур қилинг, Пип, бошидан ўтказган кечинмалари, шунингдек ўлим олдиаги кўрқув таъсирида ўша аёлнинг мияси бир оз айниган, одамлар орасига қайтишга қўрқан ва у адвокати олдига паноҳ излаб келган. Тасаввур қилинг, адвокат уни қабул қилган ва ҳар сафар унинг ёввойи, итоатсиз феъл-атвори ташқарига чиқай деганда, аёл буткул унинг ҳукми остида эканини эслатиб, уни тинчлантириб келган. Ушбу тасаввур қилинаётган ҳолатни тушуняпсизми?

– Албатта.

– Тасаввур қилинг, ўша қизча вояга етиб, мақсад билан турмушга чиқди. Унинг онаси тирик. Отаси ҳам тирик. Ота ва она, бир-бирларидан хабарлари бўлмаган ҳолда, бир-бирларидан шунчадир чақирим ёки ҳатто шунчадир қулоч масофада яшаб келмоқдалар. Сиз хабардор бўлиб қолганингизни истисно қиласақ, сир аввалгидек сир бўлиб қолмоқда. Ана шу охирги бандни алоҳида укиб олишга ҳаракат қилинг.

– Яхши.

– Шу бандни алоҳида укиб олишни Уэммикдан илтимос қиламан.

Уэммик ҳам:

– Яхши, – деди.

– Сир очилса ким манфаат топади? Отами? Фикримча фарзандининг онаси билан учрашув унинг аҳволини енгиллаштирмайди. Онами? Фикримча, агар уни шунчаки айбламаган бўлсалар, ҳозир қаерда бўлса, ўша ерда қолгани маъқул. Қизми? Келиб чиқиши тўғрисидаги сирдан эрини хабардор қилиб, уни йигирма йил илгари халос бўлган хорлик ва хўрликка қайта маҳкум этишдан нима наф бор?

LII боб

Қўлимдаги чек билан мистер Жеггерсникидан мисс Скиффинснинг ҳисобчи акасининг олдига бордим; у ўша заҳоти Кларрикернинг идорасига бориб, уни олдимга бошлаб келди; ва мен жуда катта мамнуният билан орамиздаги ишни якунлаб қўйдим. Катта умидларимдан хабар топганимдан бери фақат ана шу олийжаноб ишни қила олдим, фақат ана шу ишни охирига етказиб кўя олдим.

Кларрикер имкониятдан фойдаланиб, ширкати ривожланаётганини, амалиётларни кенгайтириш учун энди у Шарқда кичик бир бўлим оча олишини ва модомики, Герберт энди унга шерик экан, у ерга уни

рахбар қилиб тайинлашини айтиб берди. Бундан, агар ўзим Англиядан чиқиб кетмаган тақдиримда ҳам, тез орада дўстим билан хайрлашишга тўғри келишини тушундим. Айнан ўша лаҳзада, мени ушлаб турган лангарнинг занжири тезда узилишини, шамол ва тўлқинларнинг изми билан номаълум томонларга йўл олишимни ҳис қилдим.

Душанбаларнинг бирида Герберт билан нонуштага ўтирган эдик, почтадан Уэммикнинг қуидаги мазмундаги хатини олиб келишибди:

“Уолворт. Ўқиб бўлгач, ёқиб юборилсан. Ҳафтанинг бошида, ёки, айтайлик, чоршанба қуни, агар истасангиз, ўзингизга маълум ишни амалга оширишга уриниб кўришингиз мумкин. Энди ёқиб юборинг”.

Хатни Гербертга кўрсатдим, кейин уни (аввал ёдлаб олиб) ёқиб юбориб, нима қилишимиз кераклигини муҳокама қила бошладик. Эшкак эшиш қўлимдан келмаслигини тан олмасликнинг энди иложи йўқ эди.

– Мен ўйлаб-ўйлаб, Темзадаги қайиқчилардан бирини ёллашдан кўра яхшироқ усулни топгандайман. Кел, Стартопни ола қоламиз. У яхши инсон, эшкакни жуда яхши билади, иккимизни яхши кўради, ишончли ва ҳалол ҳам.

Ўзим ҳам бу тўғрида бир неча марта ўйлагандим.

– Унга ниманидир изоҳлаб бериш керак бўлади-ку, Герберт?

– Жудаям озгина нарсани. Охиригача, буни ҳеч кимга айтиб бўлмайдиган ҳазил, деб ўйлай қолсин; кейин Провисни кемага ўтқазиш учун муҳим сабаблар бор деб айтамиз. Сен ҳам у билан кетасан, тўғрими?

– Ҳа, албатта.

– Қаёққа?

Бу мавзу хусусида кўп, машақкат билан бош қотиргандим ва, умуман олганда, қайси бандаргоҳга – Гамбургами, Роттердамгами ёки Антверпенгами, – йўл олишнинг фарқи йўқ, муҳими уни Англиядан олиб чиқиб кетиш, деган қарорга келгандим. Бизни олиб кетишга рози бўладиган ҳар қандай хорижий кемага чиқиб олиш мумкин эди. Қайиқда иложи борича узоқрокка, шубҳа туғилган кезларда савол-жавоблар ва кўрикдан энг кўп ҳадиксираладиган жой – Грейвзендан, албатта, нарироқка сузид бориш керак, деб ҳисоблардим. Хорижий кемалар Лондонни сув қайтиши маҳал тарқ этишларини ҳисобга олганда, биз аввалги сув қайтиш пайтида дарё бўйлаб сузид кетишимиз ва кемага чиқиб олиш мумкин бўлган холироқ бир жойда кутиб туришимиз керак эди. Агар аввалдан маълумотлар тўпланса, вақтни аниқ ҳисоблаб чиқиш қийин иш эмасди.

Герберт билан ҳамма эҳтиёт чораларини келишиб бўлганимиздан кейин, уйга йўл олдим.

Эшикни калитим билан очиб, кутида менга юборилган, кўринишдан жуда кир бўлиб кетган, лекин саводли ёзилган хат борлигини кўриб қолдим. Уни тўғри (албатта чиқиб кетганимдан кейин) уйга олиб келишганди ва у қуидаги мазмунда эди:

“Агар бугун ёки эртага кечки пайт соат тўққизларда ботқоқликка, тўғон олдидаги, оҳак куйдириладиган ўчок яқинидаги уйга келишдан қўрқмасангиз, афсусланмайсиз. Амакингиз Провис тўғрисида ниманидир билмоқчи бўлсангиз, вақт ўтказмай, албатта келинг. Бир ўзингиз келинг. Ушбу хатни ўзингиз билан олиб келинг”.

LIII боб

Чеккадаги боғлардан ўтиб, ботқоқликка қадам қўйганимда тўлин ой чиққан бўлса ҳам тун зимиштон эди. Ботқоқликлар ортида осмоннинг тор, мусаффо қисми ёришиб туар ва баҳайбат қизгиш ой унга зўрға сифаётган эди. Бир неча дакиқадан кейин у баландроққа кўтарилиб, пастроқдаги булутлар ортига яширинди.

Кучли ёмғир бошланди. Ташқарида бирон-бир янги нарсани кўрмай, ботқоқлик яқинидаги уйга кирдим, ивиб кетмаслик учун оstonада туриб, тун қаърига тикила бошладим. Модомики уйда шам ёнаётган экан, яқинда бу ерда кимдир бўлган ва тезда қайтади, деб ўйлаб, пиликнинг қанча ёнганини кўрмоқчи бўлдим. Йичкарига қадам ташладим, лекин шамни олишга улгурмадим, кимдир куч билан уни кўлимдан уриб туширди ва ўчириб қўйди, кейинги лаҳзада эса, орқамдан қалин арқондан сиртмоқ ташлаганларини тушундим.

– А-ҳа! – деди кимдир тишларини ғижирлатиб ва сўкинди. – Энди менда кутула олмайсан!

– Бу нимаси?! – қичқирдим мен типирчилаб. – Бу ким? Ёрдам беринглар! Ёрдам беринглар!

Тирсакларим биқинимга тортиб қўйилган, куйган кўлим чидаб бўлмас даражада оғриётганди. Кўринмас аллаким дам оғир кафти билан оғзимни ёпар, дам қичқиришимни пасайтириш учун устимга ётиб олар, кимнингдир иссик нафасини сезар эканман, мени нимагадир, маҳкам боғлаб ташлагунларига қадар, ҳеч бир самарасиз, кутулишга интилавердим.

– Мана энди, – деди яна ўша овоз ва сўкиниб қўйди, – яна бир марта қичқириб кўргин, ўша заҳоти асфалософилинга равона бўласан.

Яраланган кўлимнинг оғриғига чидолмай, ҳайратдан ҳали ҳам ўзимга келолмаган бўлсам-да, жуда жиддий дўқ қилинаётганини тушуниб жим бўлдим ва озгина бўлса ҳам, кўлимни бўшатишга уриндим. Лекин арқон бир бармоқчалик ҳам бўшашмади. Куйган жойи битмаган қўлим қайнок сувда пиширилаётгандек эди.

Дераза ортидаги қоронғи тун ҳеч нарсани илғаб бўлмайдиган зимиштон билан алмашганидан, кўринмас душманим дарпардаларни ёпганини тушундим. Коронғида тимирскиланиб, у чақмоқтош ва пилик излаб топди, кейин ўт чиқаришга харакат кила бошлади. Пиликка сачраётган учқунларга, бор кучи билан уни пуфлашига безовталик билан қараб турдим, лекин лаҳзадан ҳам қисқа фурсатларда лабларинигина қўролдим. Пилик намикқанидан, бундай жойда табиий, учқунлар бирин-кетин ўчиб қолмоқдайдилар.

У шошмаётганди, чақмоқтошга пўлат чўп билан такрор ва такрор зарба бермоқдайди. Учқунлар ёмғирдек ёғила бошлаганларида қўллари, башарасининг бир қисми кўзимга ташланди, кейин стол устига энгашиб ўтирганини ҳам кўрдим, бошқа ҳеч нарсани илғай олмадим. Мана яна пиликка пуфлаётган қўカリб кетган лаблар, ниҳоят пилик ёнди ва мен Орликни таниб қолдим.

Кимни кўришни кутгандим, тўғриси билмайман, факат Орликни эмас. Уни таниб қолганимдан кейин ахволим ҳақиқатан ҳам ёмонлигини тушуниб етдим ва хар бир харакатини кузата бошладим.

Ў шошмасдан шамни ёқди, пиликни ерга ташлаб, тепкилаб ўчириди. Кейин мени яхшироқ кўриш учун шамни бир чеккага суриб қўйди, тирсаклари билан столнинг устига ярим чўзилиб, менга тикилди. Чордоққа

чиқадиган, девордан сал нарига, оёқлари билан полга мустаҳкамланган осма ёғоч зинага боғлаб қўйилганимни кўрдим.

– Мана, – деди у биз бир муддат бир-бirimизга тикилиб бўлганимиздан кейин. – Энди мендан қутула олмайсан.

– Ечиб юбор мени. Қўйвор!

– Ҳозир-да, – деди у. – Ҳозир қўйиб юбораман. Рухингни суғуриб, истаган томонига қўйиб юбораман. Озгина сабр қил.

– Нимага мени бу ерга алдаб чақириб олдинг?

– Наҳотки тушунмаётган бўлсанг? – жавоб қилди у ёвуз кўзларида ўт ёниб.

– Нега зимиstonда менга хужум қилдинг?

– Негаки ҳаммасини бир ўзим бажармоқчиман. Икки кишига қараганда, бир кишининг оғзи маҳкамроқ бўлади. Қараб тур, ҳали, шайтонвачча!

Столнинг устига ётиб, мамнунлик билан бош чайқаб, ожизлигимдан шайтоний жазавада эдики, юрагим орқага тортиб кетди. Ундан кўзимни олмай жим турадим, у эса, қўлини бир бурчакка тикиб, кўндоғига мис қопланган милтиқни суғуриб олди.

– Бунинг нима эканини биласанми? – деди у мени мўлжалга олаётгандек ҳаракат қилиб. – Уни илгари қаерда кўрганинг эсингдами? Гапир, бўривачча!

– Эсимда, – жавоб қилдим мен.

– Мени у ердан ҳайдаб юборганлари сенинг ишингми? Сеникими? Гапир!

– Нима қилишим керак эди?

– Фақат шунинг ўзи учуноқ сени ўлдириш камлик қилади. Менга ёқадиган инсон ва менинг ўртамга тикилишга журъат этганинг-чи?

– Қачон?

– Ҳар доим. Мени доим унга ёмон кўрсатардинг.

– Ўзинг ўзингни ёмон кўрсатгансан, айбни ўзингдан қидир. Агар ўзингни ёмон кўрсатмаганингда, сени хеч нима билан ёмон кўрсатиб бўлмасди.

– Ёлғон гапиряпсан! Бу ерлардан мени даф қилиш учун кучингни ҳам, пулингни ҳам аямоқчи бўлмаган сен эмасмидинг? – Бидига сўнгги учрашувимизда айтганларимни қайтараётганди. – Бўлмаса, билиб қўй: бугун мени бу ерлардан даф қилмаганингга чиндан ҳам ачинасан. Ҳа, ҳа, охирги фартинггача ҳамма пулингни сарфлаб бўлса ҳам даф қилишинг керак эди!

Бу ҳақиқат эди – у итдек тишларини ғижирлатиб, баҳайбат қўли билан менга таҳдид қилганида буни айниқса яққол ҳис этдим.

– Мени нима қилмоқчисан?

– Нима қилардим? – деди у қулочини бемалол ёзиш учун ўрнидан туриб, кейин бор кучи билан столга мушт туширди, – ўлдираман, вассалом.

Юзимга энгаша туриб, у аста муштини ёзди, сўлаги оқаётгандек кафти билан лабларини артди, мендан кўзини узмасдан яна ўтириди.

– Сен гўдаклигингдан қария Орликнинг йўлини тўсиб келяпсан. Етар, бугун у сени йўлдан супуриб ташлайди. Тамом! Кунинг битди.

Ажалнинг совуқ нафасини ҳис қила бошладим. Талвасада ўзим тушган тузокни кўздан кечириб, кутулиш йўлларини излаган бўлдим; кутулишга йўл йўқ эди.

– Бу ҳам кам, – деди у яна столга тирсакларини қўйиб, чўзилар экан. – Сендан бир парча латта, бир дона суякча ҳам қолмайди. Ўлдириб ўчоққа

ташлайман – сендақаларнинг иккитасини ўчоқнинг олдига кўтариб бора оламан – одамлар нима деб ўйлашса, ўйлайверишин, улар ҳеч нимани била олишмайди. Энди эса, бўривачча, сени қўйдек бўғизлашдан аввал, – деди Орлик, – ҳали бунга навбат келади, шунинг учун сени боғлаб қўйдим – устингдан мазза қилиб кулиб, ахволингни томоша қиласман. О, рақибим жаноблари!

Яна ёрдамга чақирсаммикан, деган фикр хаёлимдан ўтди, ҳолбуки, ушбу кимсасиз ерда ҳеч кимдан нажот келмаслигини ўзим ҳаммадан ҳам яхши билардим. Лекин унинг разил хурсандчилиги қаршисида ғазаб ва нафрат менга куч бағишлади ва лабларимни қаттиқ юмдим. Нима бўлганида ҳам унга тиз чўкиш эмас, куч етганича, охиригача қаршилик кўрсатиш керак. Ўша қўрқинчли лахзаларда ҳеч кимга ёмонлик тиламадим, Яратгандан афв этишини сўрадим, менга азиз инсонлар билан хайрлашмаганидан ва энди ҳеч қачон хайрлаша олмаслигимдан, хатоларим учун мендан жуда ҳам қаттиқ хафа бўлмасликларини сўрай олмаслигимдан афусландим, лекин Орликни мен ҳозир ҳам сира иккilanмай ўлдирган бўлардим.

Кўринишдан у ичиб олганди, кўзлари қизариб, яллигланиб кетганди. Бўйнига алюмин сувдон илиб олган, бир вақтлар овқат ва ичкиликни у ана шундай олиб юрарди. У сувдонни лабларига яқинлаштириди, бир култум ичди; спиртли ичимликнинг ўткир ҳиди анқиди, унинг юзида қизил доғлар кўпайди.

– Бўривачча! – деди у яна стол устига чўзилар экан. – Қария Орлик ҳозир сени яна хурсанд қиласди: ялмоғиз опангнинг ўлимига сен айбдорсан.

У гапини секин, қовушмай давом эттиаркан, яна барча воқеалар – опамга ҳужум, унинг бетоб бўлиши, ўлими жуда катта тезликда кўз ўнгимдан ўтди.

– Йўқ, бу сенинг ишинг; абраҳ! – дедим мен.

– Бу сенинг ишинг, деб мен сенга айтяпман, ҳаммаси сени деб бўлган! – ғазабланиб кетди Орлик ва қўлига милтиқни олиб, бор кучи билан ҳавода силкиди. – Бугун сенинг орқангдан келгандек, опангнинг орқасидан секин яқинлашиб, шунака туширдим! Ўлдирдим, деб ўйлагандим, якироқ жойда қаттароқ ўчок бўлганида қайта тирилмаган бўларди. Лекин бу ишларни Орлик эмас, сен қилдинг. Сени ҳар доим аяшарди, Орликни сўкиб, калтаклашарди. Қария Орликни сўкиб, калтаклашармиди, а? Мана энди жавоб берасан. Сен айбдорсан, жавобини ҳам сен берасан.

Иккинчи марта заҳарига ичиб олиб, у ўриндиқдан турди ва столни нарига сурди. Кейин шамни кўтариб, ёруғи юзимга тушиши учун зулмкор қўли билан уни тўсди ва айёrona тантана билан менга тикилиб қолди.

– Қулоқ сол, бўривачча, сенга яна бир нарсани айтиб бераман. Ўшанда қоронғида, зинада сен қария Орликка қоқилиб кетгандинг. Қария Орлик у ерда нима қилаётганди? Эшит, бўривачча, сенга ҳаммасини айтиб бераман. Иккалангиз мени бу ерлардан сиқиб чиқардингиз, бу ерлардаги осон насибадан маҳрум бўлдим, шунда ўзимга янги ўртоқлар ва янги хўжайинлар топдим. Улар менга хатлар ҳам ёзиб берадилар, керак бўлганида, тушундингми, бўривачча, ўрнимга хат ёзадилар! Сендан фарқли равишда, тирранча, улар ҳар кимнинг қўлини ўхшата оладилар. Опангни дағн қилишга келганингдаёқ, сени адойи тамом қилишни режалаштиргандим. Ишни пухта қилиш учун тайёргарлик кўришга тўғри келди, ўшанда қандай яшаётганингни, қаерда бўлишингни кузатишга қарор қилдим. Ҳали кўрасан, бир кун қария Орликнинг қўлига тушасан, дегандим ўзимга. Сени қидирувдим, Провис амакингни топдим. Зўрми,

а? Ҳали сенинг амакинг борми? Гержериникида мана бундай, иккита бармоғим билан бўйини узиб олишим мумкин бўлган жўжалигингдан биламан (якшанба кунлари уйдан ташқарида дайдиб юрганингда қўлим тез-тез қичиб туради), ўша пайтларда ҳеч қандай амакинг бўлмаганди, бунисини биламиз. Сенинг Провис амакинг, қария Орлик ботқоқлиқдан топиб олиб, опангни боплаб туширгунга қадар сақлаб қўйган ўша темир ҳалқани бир пайтлар оёғида олиб юрганини эшитиб қолганимдан кейин, сени ҳам худди шу усул билан йўқ қиламан дедим, тушундингми?.. Бу тўғрида эшитиб қолганимдан кейин... Хуллас...

Ўзининг ҳақоратомуз ҳаракати билан у шамни тўғри юзимга тақаганди, беихтиёр четга ўгирилдим.

– А-ҳа! – қичқирди у кулгидан тўхтамай ва яна шам билан туртди. – Бир марта куйдинг-да, кўрқяпсан! Қария Орлик куйганингни билади, қария Орлик амакижонингни Англиядан секингина даф қилмоқчилигингни билади, қария Орликни алдашга сенга йўл бўлсин, у бугун келишингни ҳам биларди! Хўп, майли, бўривачча, сенга яна бир нарса айтаман, буниси охиргиси. Бир одам бор, амакинг уни писанд қилмайди, сен қария Орликни писанд қилмаганингдек. Жиянчаси асфаласофилинга йўл олганидан кейин, амакинг ўша одамдан эҳтиёт бўлсин. Қариндошчасидан бир парча латта ҳам, бир бўлак суяқ ҳам қолмаганидан кейин эҳтиёт бўлсин. Ўша одам Мэгвичнинг – кўрдингми, менга фамилияси ҳам маълум! – ўзи билан бир тупроқ устида тирик юришига ҳеч қачон йўл қўймайди, у Мэгвич бошқа юртларда яшаб юрганида у тўғридаги ҳамма нарсани айғоқчилик қилиб билиб бўлган. Ёнгинасида бундай рақиб юришини истамай, керакли жойга хабар ҳам бериб қўйгани тайин. Ҳар қандай қўлни ўхшатиб ёзадиган одам балки ўшадир, сен бундай қилолмайсан, тирранча. Эҳтиёт бўл, Мэгвич, Компесон ва дордан қочолмайсан!

У мени яна шам билан туртди, юзим ва соchlарим куйди, бир лаҳзага кўзларим қамашди, кейин кенг яғринини менга қаратиб ўгирилди ва шамни стол устига қўйди. Қайтиб менга ўгирилгунича хаёлан калима ўгиришга, Жо, Бидди ва Гербертнинг ёнида бўлишга улгурдим.

Стол ва девор орасида бир неча қадамлик бўшлиқ бор эди. У ана шу ерда у ёқдан-бу ёққа юра бошлади. Унинг шафқатсиз кўзлари ва узун, лапанглаётган қўлларига қараб туриб, нақадар катта жисмоний кучга эга эканини бугунчалик аниқ тасаввур қилмаганимни тушуниб етдим. Менда умиддан учқун ҳам қолмаганди. Миям қанчалик шиддат билан ишламасин, хаёллар ўрнига намоён бўлаётган кўринишлар қанчалар равshan бўлмасинлар, у бир неча дақиқадан кейин мени бутунлай йўқ қилиб юборишга узил-кесил қарор қилмаганида, шунча нарсани айтиб бермаслигини ҳар ҳолда тушуниб турардим.

У бирдан тўхтади, сувдонни кўлига олиб, тиқинини улоқтириб юборди. Назаримда тиқин, тарозининг тоши мисол, полга қаттиқ овоз чиқариб тушди. У секин-аста, сувдонни тобора тикка қилиб ичмоқда, менга қарамай қўйганди. Сўнгги томчиларни у кафтига қўйди ва ялаб олди. Кейин бирданига жаҳли чиқиб кетди-да, сўқиниб, сувдонни стол устига улоқтириди ва энгашди; кейин қўлида тош майдалайдиган оғир болға ушлаб олганини кўрдим.

Қабул килган қарорим эсимдайди: ялинниб-ёлворишларга вақт кетказмай, бор кучим билан қичқирдим ва жон-жаҳдим билан халос бўлишга урина бошладим. Фақат оёқларим ва бошим боғланмаганди, лекин ўзим ҳам илгари билмаган-сезмаган куч билан озод бўлишга уринаётгандим. Ўша

заҳоти ташқаридан кимларнингдир жавобан қичқиргани эши билди, эшикка ташқаридан ёғду тушди, кейин кимларнингдир шарпалари, олишув, овозлар эши билди ва Орлик, кимларнингдир тагидан, гирдобдан чиққандек суғурилиб чиқди-да, столнинг устидан сакраб ўтиб, қоронгилик қаърига сингиб кетди!

Ўзимга келиб, қўлларим ечилган, бошим кимнингдир тиззасида, ўша хонанинг ўзида ётганимни пайқадим. Нарвоннинг тўғрисида ётган бўлганимдан, хушимга келаётib дастлаб кўзим тушган нарса нарвон бўлди, шундан ҳамон ўзимдан кетган жойда ётганимни тушундим.

Миям бутунлай карахтлигидан, ким мени суюб турганини кўриш учун ўгирилишга ҳам мажолим келмади; ётган жойимдан нарвонга қараб турганимда, кимнингдир юзи уни мендан тўсиб қўйди. Бу тикувчи югурдагининг юзи эди!

– Буст-бутунга ўхшаяпти, – деди югурдак бола ўзини катталардек тутиб,
– факат ранги жуда оқариб кетибди!

Шу пайт мени суюб ўтирган одам устимга энгашди ва мен уни танидим...

– Герберт! Эй, меҳрибон худойим!

– Секин, – деди Герберт. – Секин, Гендел. Ҳаяжонланма.

– Ва эски дўстимиз Стартоп! – дедим мен ҳаяжон билан у ҳам устимга энгашганида.

– У бизга нимада ёрдам беришни ваъда қилганини эслагин-да, – деди Герберт, – ҳаяжонни тўхтат.

Ҳаммаси эсимга тушиб, ўрнимдан туриб кетдим, лекин қўлимнинг оғриғига чидай олмай яна ётиб олдим.

– Наҳотки, кечга қолган бўлсак, Герберт? Бугун қайси кун? Бу ерда қанча вақт бўлдим?

Бу ерда бир-икки кун – ундан ҳам кўпроқ ётиб олган бўлсам-а, деган қўрқинчли фикр хаёлимдан ўтди.

– Кечга қолмадик. Бугун душанба ҳали.

– Худога шукур!

– Эртага сешанба, кун бўйи дам олсанг бўлади, – деди Герберт. – Лекин инграяпсан-ку, бечора дўстим. Қаеринг оғрияпти? Тура оласанми?

– Ҳа, ҳа, – дедим мен. – Юришга ҳам кучим етади. Фақат қўлим қаттиқ зиркираяпти.

Улар қўлимни кўздан кечириб, қўлларидан келган ёрдамни бердилар. Қўлим шишиб, яллиғланиб кетганди, бирор сал тегса ҳам ачишиб оғриётганди. Герберт ва Стартоп рўмолчаларини йиртиб, шаҳарга етиб олиб, яллиғланишни тўхтатадиган боғламаларни топгунимизча қўлимни эҳтиётлик билан бўйинбоққа киргиздилар. Бир неча дақиқадан кейин биз қоронги ва бўм-бўш уйнинг эшигини ёпиб, тош конидан ўтиб, орқага қайтдик. Фонус кўтариб олган тикувчининг шогирд боласи – эндиликда бақувват шогирд йигит олдинда фонус кўтариб бораради, эшикка ўшанда мана шу фонуснинг ёғдуси тушганди. Сўнгги марта кўкка назар солганимдан бери икки соат ўтганди, ой баландроққа кўтарилган, ёмғирга қарамай, зимистон чекинганди. Ўчоқдан тарқалаётган оқ тутун биздан нарилаб кетмоқдайди, мен яна кўкка қараб илтижо қилдим, лекин энди бу шукроналик илтижоси эди.

Мени қандай қилиб халос кила олганини гапириб беришга Гербертни кўндирганимдан кейин (аввалига у гапиришни умуман хоҳламади), шошганимдан имзосиз хатни хонамизда тушириб қўйганимни, у Стартопни йўлда учратиб қолиб, иккаласи уйимизга келишгани ва хатни

топиб олишганини билиб олдим. Хатнинг оҳангидан у ташвишга тушган, бунинг устига у Гербертга ёзган мактубимнинг мазмунига мос келмаган. Ўн дақиқача у ўйлаб кўрган, безовталиги тарқашнинг ўрнига кучайгач, у почта бекатига бориб, кейинги дилижон қачон кетишини билмоқчи бўлган, Стартоп ҳам у билан бирга борган. Охирги дилижон кетиб бўлганини билгач ва тўсиқлар пайдо бўлгач, безовталик ҳақиқий хавотир билан алмашинган ва изимдан ёлланма извошда боришга қарор қилган.

LIV боб

Қадимги Лондон кўприги, денгиз чиғаноқлари юкландиган баркашлар ва голланд елканли қайиқлари тўхтаб турган Биллингстет бозори, Тауэрнинг Оқ минораси ҳамда Хиёнаткорлар дарвозаси орқада қолиб, биз бандаргоҳнинг энг серқатнов қисмига тушиб қолдик. Бу ерда Лит, Абердин ва Глазгодан келган парюар кемалар юқ туширмоқда ва юқ олмоқдайдилар, пастандан улар бизга бениҳоя баланд кўринмоқдайди; ўнлаб кўмир ташувчи кемалар шовқин-сурон билан трюмларидан кўмирни кўтариб, баржаларга юкламоқдайдилар; эртага Роттердамга йўл оладиган кема шу ерда турарди, биз уни диққат билан кўздан кечирдик, Гамбургга кетадигани ҳам шу ерда эди, шундоккина парраклари ёнидан ўтдик. Мана ниҳоят юрагим тезроқ ура бошлади, қайиқнинг қуироқ қисмида ўтира туриб, олд томонда Тегирмон ҳовуз қирғоғи ва зинани кўриб қолдим.

– У ўша ердами? – сўради Герберт.

– Ҳозирча ийк.

– Тўғрида. У бизни кўрганидан кейин қирғоқча чиқиши керак. Белги-чи, белги борми?

– Бу ердан кўрмаяпман... Ийк, менимча кўряпман... Ана, унинг ўзини ҳам кўрдим! Ҷаққонрок! Секин, Герберт! Эшқакларни кўтарамиз!

Қайиқ зинага оҳиста тегди, мана Провис унга чиқиб олди ва биз олға интилдик. У денгизчилар киядиган дағал плаш кийиб олган, қўлидан елкан тикиладиган матодан қора сумка бор эди, бандаргоҳларнинг азamat лоцмани¹ бўлганди-кўйганди.

Провис иккимиз юқ халталаримизни тайёрлаб, Герберт ва Стартоп билан хайрлаша бошладик. Бир-бирларимизнинг қўлларимизни энди сиқиб бўлгандик, Герберт иккимиз кўз ёши ҳам қилиб олдик, сал олдиндаги кичик бир қўлтиқдан тўрт эшқакли қайиқ отилиб чиқди ва у ҳам дарёнинг ўртасига қараб ҳаракатлана бошлади.

Ҳозиргача бизга факат тутун кўринаётганди, негаки кеманинг ўзи қирғоқ муолишининг ортида эди; мана унинг ўзи ҳам кўринди – у тўғри биз томонга сузиб келаётганди. Герберт ва Стартопга кемадагилар бизни яққол кўришлари учун оқимга қарши сузишни буюрдим, Провисга эса, плашига ўралиб олиб, жим ўтиришини айтдим. У тетик овоз билан: “Хотиржам бўй, ўғлим”, деди ва ҳайкалдек қотиб ўтирди. Бу орада нариги қайиқ, тажрибали эшқакчиларнинг ихтиёрига бўйсуниб, йўлимизни кесиб ўтди, унга етиб олишимизга йўл қўйиб бериб, ёнма-ён суза бошлади. Орамизда эшқаклар эшишга имкон берадиган масофанигина қолдириб, улар биздан асло узоқлашмадилар – эшқак эшишни тўхтатсак, улар ҳам тўхтаб, икки-уч марта эшсак, улар ҳам айнан шундай қилиб, ҳаракатни давом эттиридилар. Йўловчилардан бири рулни бошқарар ва эшқак эшаётгандар билан бирга бизга диққат билан қарамоқдайди; Провисга ўхшаб ўралиб олган иккинчи

¹ Лоцман – кемаларга бандаргоҳга кириш йўлини кўрсатадиган йўлбошловчи.

йўловчи ҳам бизга қаради, кейин ғужанак бўлиб олди ва рулдаги одамга бир нарса деди. Бошқа ҳеч ким ҳеч нима демади.

Бир неча дақиқадан кейин қаршимда ўтирган Стартоп қайси кема биринчи бўлиб келаётганини аниқлади ва: – Гамбургники, – деб шивирлади. – Кема жуда тез яқинлашмоқда, парраклари сувга урилаётганда чиқадиган овоз борган сари кучаймоқдайди. Мана хозир қайифимиз кеманинг соясига тушади, деб ўйлай бошлаган эдим ҳамки, нариги қайиқдан бизга мурожаат қилдилар. Мен жавоб қайтардим.

– Орангизда ўзбошимчалик билан сургундан қайтиб келган одам бор, – деди рулда ўтирган одам. – Ана у, плашга ўралиб ўтирибди. Унинг исми Абелъ Мэгвич, бошқа исми – Провис. Мен уни қамоқقا оламан ва таслим бўлишни, сизларга эса, полицияга кўмак беришни таклиф қиласман.

Ўша дақиқадаёқ, эшкакчиларига ҳеч қандай кўрсатма бермасдан, у қайигини бизнинг қайиқقا жуда яқин олиб келди: биз ўгирилишга улгурмаёқ, улар бир эшкак эшишда олдинга ўтиб, эшкакларни кўтаришди ва қайифимизнинг четига маҳкам ёпишиб олишди. Кемадагилар орасида қаттиқ ҳаяжон кўтарилди, бизга нималарнидир қичқираётганларини, машинани тўхтатишга бўлган буйруқни, парракларнинг тўхтаганини эшитдим, лекин кема тўхтамай устимизга бостириб келаётганини ҳис қилаётгандим. Ўша дақиқанинг ўзида рулда ўтирган одам қўлинни маҳбуснинг елкасига қўйганини, иккала қайиқни оқим айлантира бошлаганини, матрослар оёқларини қўлларига олиб кеманинг қуирук томонига югураётганларини эшитдим. Шу пайт маҳбус ўрнидан сакраб турди ва қўлинни полициячининг елкаси оша узатиб нариги қайиқда ғужанак бўлиб ўтирган одамнинг бошидан плашни юлиб олди. Ўша лаҳзанинг ўзида мен болалигимдаги иккинчи маҳбуснинг башарасини танидим ва ҳеч қачон эсимдан чиқмайдиган даҳшатда котиб қолган бу башара ўзини орқага ташлади, кемадагилар кўплашиб ҳайқириб юборишиди, ёнгинамда қаттиқ шалопплаш, кейин қайиқнинг тагимдан чиқиб кета бошлаганини ҳис қилдим. Қандайдир лаҳзалар ичida минглаб тегирмон парракларидан ва минглаб ёғдулардан ўзимни ҳимоя қилаётгандек бўлдим; ушбу лаҳзалар тугагач, мени қайиқка тортиб олишди. Герберт билан Стартоп ҳам шу ерда эдилар, лекин қайифимиз ва икки маҳбус фойиб бўлганди.

Қулоқни қоматга келтирадиган бақир-чакир, отилиб чиқаётган буғнинг ҳуштаги, кеманинг бурилиб-суримишлари орасида аввалига осмонни сувдан ва бир қирғоқни иккинчисидан ажратади олмай қолдим; лекин денгизчилар усталлик билан қайиқни ўнглаб олдилар ва уч-тўртта кучли силташ билан уни олд томонга юргизиб, атрофни дикқат билан кузата бошладилар. Тез орада сув сатҳида биз томонга оқиб келаётган қора нарсани кўрдик. Ҳеч ким ҳеч нарса демади, лекин рулдаги одам қўлинни кўтарди, эшкакчилар аста эшкакларни қимирлатиб, оқим қайиқни суриб кетишига йўл қўймай турдилар. Қора нарса яқинлашди, шунда мен Мэгвичнинг бир амаллаб, қийналиб сузиб келаётганини кўрдим. Уни қайиқка тортиб олишди ва ўша заҳоти оёқ-қўлларини кишанлаб ташлашди.

Қайиқни яна ўнглашди, сукунат ичida сув сатҳини кузатиш давом этди. Роттердамга кетаётган кема яқинлашиб қолганди, ҳеч нарсадан хабарсиз, у шаҳд билан сузиб келмоқдайди. Кемадагиларга қичқириб кўрилди, тўхтатишга ҳаракат қилдилар, лекин кеч бўлганди: бир дақиқадан кейин иккала кема ҳам биздан узоқлашиб кетди, қайиқ эса улар кўтарган тўлқинда чайқалмоқдайди. Ҳамма ёқ тинчиди, кемалар кўздан фойиб

бўлгандан кейин ҳам кузатишни яна узоқ давом эттиридилар, лекин ҳамма бунинг энди бесамар эканини тушуниб турарди.

Нихоят чекиндик ва қирғоқ бўйлаб, бир қовоқхонага сузиб бордик, у ердагилар бизни кўриб жуда ҳайрон қолишиди. Ўша ерда мен, кўкрак қафаси эзилган ва боши ёрилган Мэгвичнинг у энди Провис эмасди! – азобларини бир амаллаб енгиллаштира олдим.

Айтишича, у кеманинг остига тушиб қолган ва сув тагидан сузиб чиққанида унга боши билан тегиб кетган. Кўкрак қафасини, кўринишдан қайиқнинг қиррасига уриб олган, зарба шунчалар кучли бўлганки, нафас олиши қаттиқ оғриқ билан кечмоқдайди. “Компесонни ўша лаҳзаларда нималар қилишга тайёр бўлганимни айтиб ўтирамайман”, деди у, лекин бошидан плашини юлиб олганида, аблах ўрнидан туриб, ўзини орқага ташлаган ва икковлон қайиқдан сувга ағдарилганлар; қулаётган Мэгвич қайиғимизни итариб юборгани ва полициячининг уни тутиб олишга уриниши оқибатида, қайиқ ағдарилиб кетган. Яна у менга, иккаласи бир-бирига ёпишиб олганича сувга чўкканларини, сув остида қаттиқ олишув бўлганини, кейин у бир интилишда сув юзасига чиқиб олиб, сузиб кетганини шивирлаб айтиб берди.

У айни ҳақиқатни ҳикоя қилиб бераётганига шубҳа қилишга асосларим йўқ эди. Қайиқни бошқариб келган полиция зобити ҳам уларнинг сувга қулаганларини ўша гап-сўзлар билан айтиб берди.

Қовоқхонада соат учларгача бўлдик, сув қўтарила бошлаганда эса, Мэгвични қирғоққа олиб бориб, қайиққа ётқиздилар. Герберт ва Стартоп Лондонга куруқлик билан кетишилари керак эди. Видолашувимиз қайгули бўлди, қайиққа чиқиб, Мэгвичнинг ёнига ўтираётганимда, у тирик экан, энди менинг жойим шу ерда бўлишини ҳис қилаётгандим.

Негаки, унга бўлган нафратимдан энди асар ҳам қолмаган, кўлимни ушлаб ётган, кувғин, ярадор, кишанланган маҳбус қиёфасида саховатпеша бўлишни хоҳлаган ва узоқ йиллар давомида менга нисбатан самимий, миннатдорлик, олийжаноблик туйғуларини асраб келган одамнигина кўраётгандим. Унинг қиёфасида мен билан, менинг Жога муносабатимдан анча яхшироқ муносабатда бўлган инсоннигина кўраётгандим.

Унинг нафас олиши борган сари қийинлашар ва инграшдан ўзини тута олмай қолаётган ҳолатлари кўпаяётган эди. Унинг бошини соғ қўлим билан ушлаб туришга уринар эканман, тезроқ куни битса, оғир азоблардан кутулган бўларди, деган фикрдан ўзим даҳшатга тушдим. Уни таний оладиган ва кўрсатма беришга тайёр одамларнинг топилишига шубҳа қилмасдим ва афв этилишига умидим йўқ эди. Ахир ўз пайтида маҳкамада унга факат ёмон тавсиф беришга ҳаракат қилгандилар, ўшандан кейин у қамоқдан қочиб, яна судланган, ўлим хавфи борлигини била туриб сургундан қайтиб келган ва моҳиятан, ўзини тутиб олишларига сабабчи бўлган одамни ўлдирганди.

Ботаётган қуёш томон сузиб борар эканмиз, кеча у орқа томонимизда ботганди ва умидларимиз дарёси тескари томонга тўлқинланаётгандек кўринар экан, мени деб Ватанига қайтиб келгани тўғрисидаги фикрдан эзилаётганимни айтдим.

– Азиз ўғлим, – жавоб қилди у, – нима воқеа рўй бермасин, мен мамнунманд. Мен болагинамни кўра олдим, жентльмен бўлишни эса, у менсиз ҳам удалайди.

Йўқ. Ёнида ўтирар эканман, бу тўғрида атрофлича ўйлаб улгургандим. Йўқ. Бу ёғи шахсий истак-ҳоҳишлиримга боғлиқ эмасди, Уэммикнинг

сермањно ишораларини энди тушуниб ета бошлагандим. Унинг устидан ҳукм чиқарсалар, бор мулки мусодара қилинишига шубҳа қилмаётгандим.

— Гапимни эшишт, ўғлим, — деди у. — Жентльмен мени танишини одамлар энди билмаганлари маъкул. Олдимга тасодифан, Үэммикка ҳамроҳ бўлиб келгандек бўлгин. Қасам ичираётгандарида эса, — буниси энди охиргиси бўлади! — менга кўриниб турадиган жойга ўтири. Менга бошқа ҳеч нарса керак эмас.

— Ёнингиздан ҳеч қаёққа кетмайман, — дедим мен. — Рухсат берилган соатларда доимо сиз билан бўламан. Худо шоҳид, менга қанчалар садоқат кўрсатган бўлсангиз, сизга ҳам шундай содик қоламан.

Қўли титраётганини сездим: у қайиқнинг четига юзини ўгириб олди, ва яна томоғидан менга таниш бўлган қулт этган товуш чиқди, лекин у, Мэгвичнинг ўзи каби, анча юмшоқ эди. Ва шуниси яхши бўлгандики, сўзларини эшита туриб, мени бадавлат одам қилиш нияти барбод бўлганини унга зинҳор билдириш керак эмаслигини фаҳмлаб қолдим, акс ҳолда бунинг фарқига жуда кеч бўлганда бориб қолишим мумкин эди.

LV боб

Кейинги куни уни полиция маҳкамасига олиб боришли, шахсини тасдиқлаш учун сузуви қамоқхонада назоратчи бўлиб ишлаган қарияга одам юбориш зарурияти бўлмаганида, ишини дарҳол кўрган бўлардилар. Унинг ким эканини билишарди, лекин бунга гувоҳлик бериши мумкин бўлган Компесоннинг жасадини аллақаерда тўлқинлар оқизиб юрар, Лондонда бўлса, ўша вақтда, гувоҳлик бериши мумкин бўлган қамоқхона ходимларидан ҳеч кимни тополмадилар. Маҳкамага боришдан бир кун олдин, яъни қайтиб келган кунимоқ, мистер Жеггерсдан ёрдам сўраб, унинг уйига бордим ва мистер Жеггерс махбусга қарши кўрсатма бермаслигини ваъда қилди. Бошқа ҳеч бир тадбирнинг иложи йўқ эди. “Гувоҳ келганидан кейин, — деди мистер Жеггерс, — иш беш дақиқада ҳал бўлади ва ер юзидағи ҳеч қандай кучлар уни бизнинг фойдамизга ҳал қилиб бера олмайди”.

Мистер Жеггерсга режимни — Мэгвичга бор нарсасидан маҳрум бўлганини айтмоқчи эмаслигимни баён қилдим. Мистер Жеггерс жаҳл билан “пулларни кўлдан чиқариб юборганим” учун койиди ва мулкни ҳеч бўлмаса қисман сақлаб қолишга уриниб кўриш учун, кечикмасдан арзнома ёзиш керак бўлади, деди. Айни пайтда у, чиқариладиган ҳукмлар ҳар доим ҳам мол-мulkни мусодара қилишни кўзда тутмасалар-да, бу сафар мусодарадан қочиб бўлмаслигини менга очиқ айтди. Буни ўзим ҳам яхши тушунаётгандим. Маҳбусга қариндош эмасдим, тан олинган муносабатларимиз йўқ эди; қамоққа олингунинг қадар у менинг фойдамга бирон-бир васиятнома ёки хадя васиқасини ёзмаганди, бу ишларни энди қилишдан наф йўқ эди. Унинг мулкига мен ҳеч қанақасига даъвогар бўла олмасдим; шунда, ушбу ҳуқуқни кўлга киритиш учун бесамар уринишлар билан дилимни оғритиб ўтирамайман, деб аҳд қилдим ва қароримни кейинчалик ҳам ўзгартирамадим.

Чўкиб ўлган айғоқчи, мусодара бўлган тақдирда каттагина мукофотдан умидвор бўлган ва Мэгвичнинг мулклари тўғрисида аниқ маълумотлар йиғган, дейишга асослар бор эди. Фалокат содир бўлган жойдан кўплаб чақирим нарида бадбашара бўлиб кетган жасадни нихоят топганларидан кейин, уни таниб олиш учун чўнтакларидағи нарсаларгина асос бўлди — ҳамёнида сақланиб қолган ёзувларда Мэгвичдан катта миқдорда омонат

пул қабул қилган Янги Жанубий Уэльсдаги банк эгасининг исми, анчагина қиммат турадиган ер мулкларининг рўйхати қайд қилинганди. Мэгвич қамоқхонада мистер Жеггерсга берган рўйхатга юқоридаги икки банд киритилганди. Бу сафар ушбу шўрпешонанинг омилиги унинг жонига оро кирганди: Мэгвич, модомики ишга мистер Жеггерс киришган экан, менинг ворислик хукуқим таъминланишига бир лаҳзага бўлса ҳам шубҳа қилмади.

Уч кун ўтгач, маҳкама айбловчиси кутаётган гувоҳ етиб келди ва унчалар мураккаб бўлмаган тергов ниҳоясига етди. Мэгвичнинг суди бир ойдан кейин ўтадиган маҳкама мажлисига белгиланди.

Ҳаётимнинг ана шундай қийин палласидаги оқшомларнинг бирида Герберт кайфияти бузилган ҳолатда уйга келиб:

– Азизим Гендел, тез орада сен билан хайрлашишга мажбур бўлсан керақ, – деди.

Шериги томонидан огоҳлантириб қўйилганим учун, бу хабарни эшитиб, Герберт куттган даражада ҳайрон бўлмадим.

– Агар ҳозир Қоҳирага жўнаб кетмасам, жуда яхши имкониятларни бой берган бўламиз, лекин, иккинчи томондан, сенга энг керак пайтимда кетиб қоляпман.

– Менга ҳар доим кераксан, Герберт, чунки сени ҳар доим яхши кўраман; лекин ҳозир бошқа вақтдагидан кўпроқ кераксан, деёлмайман.

– Жудаям зерикиб қоласан.

– Бу тўғрида ўйлашга вақт йўқ, – дедим мен. – Биласан-ку, қанча вақтга рухсат берсалар, унинг ёнида шунча ўтираман, агар мумкин бўлганида, кун бўйи олдидан кетмасдим. Қолган фурсатларда ҳам хаёлларим барибир унда.

Мэгвич тушиб қолган даҳшатли ҳолатдан иккаламиз ҳам чуқур изтиробда эканимиздан, у тўғрида бошқа аниқроқ гапларни айтишга кучимиз етмасди.

– Азиз дўстим, – деди Герберт, – факат айрилиқ яқин экани сабабли – у эса, жуда яқин – сенга савол беришга ботиняпман: келажагинг ҳақида ўйлаб кўрдингми?

– Йўқ, мен келажак тўғрисида ўйлашдан қўрқаман.

– Лекин ўзингни унутиб қўйишга ҳаққинг йўқ, бундай қилиш умуман ярамайди, азизим Гендел. Қани кел, шунча йиллик дўстлигимиз ҳурмати, ишларинг тўғрисида бир оз гаплашиб оламиз.

– Розиман, – дедим унга.

– Янги идорамизга, Гендел...

Одоб юзасидан керакли сўзни айтишга ботинмаётганини кўриб, унинг ўрнига ўзим айта қолдим – ...клерк керак бўлади.

– Ҳа, клерк. Ва, тушунишмча, вақти келиб у (ўзинг яхши таниган бир клеркка ўхшаб), бемалол шерикка айланиб қолиши мумкин. Хўш, Гендел... хуллас, азизим, менинг ёнимга боргин!

Гербертга қизгин миннатдорчилик билдиридим, лекин унинг олийжаноб тақлифиға ҳозир жавоб бера олмаслигимни айтдим.

Ўша ҳафтанинг шанбасидаёқ Гербертни бандаргоҳга олиб кетадиган почта аравасигача кузатиб қўйдим; дўстим ёрқин умидларга тўлиб-тошиб, лекин мен билан видолашаётганидан жуда хафа бўлиб, жўнаб кетди. Кичик бир қаҳвахонага кириб, у ердан Кларага, Гербертнинг жўнаб кетгани, унга ҳадсиз-саноқсиз саломларини етказиб қўйишимни сўраганини маълум қилиб хат юбордим, кейин ёлғиз ўзим уйга йўл олдим – агар шундай дейиш жоиз бўлса, негаки энди уйдаман дея олмасдим ва дунёда мен энди уйим деб айта оладиган жой йўқ эди.

LVI боб

Суд мажлисигача бўлган бутун муддат мобайнида Мэгвич қаттиқ бетоб бўлиб ётди. Унинг икки қовурғаси синиб, ўпкалардан бирига жароҳат етганди, кун ўтган сайин нафас олиши қийинлашар ва оғриқ берарди. Шунинг учун, у оғриқдан эшитилар-эшитилмас, жуда паст овозда гапирава кўпинча сукут сақларди. Лекин мени тўхтамасдан эшитишга тайёр эди, шу сабабли гапириш ва назаримда, унга энг зарур нарсаларни ўқиб бериш, асосий вазифам бўлиб қолди.

Вақт-соати келгач, мистер Жеггерс ишни кейинги мажлисга қолдиришни сўраб илтимоснома ёзди. У кейинги мажлисигача етиб бормайди, деган фикрда ушбу қадам қўйилганди, лекин илтимоснома рад этилди. Унинг ишини биринчилар қаторида кўрдилар. Судда уни стулга ўтқаздилар, менга, маҳбуслар ажратилган панжаранинг ёнида туриб, унинг кўлидан ушлаб туришга рухсат бердилар.

Ишни кўриш узоққа чўзилмади – ҳаммаси равshan эди. Уни ҳимоя қилиши учун айтилиши мумкин бўлган ҳамма нарса: сургунда қандай ҳалол меҳнат қилгани, қонуний ўйллар билан бойлик орттиргани айтилди. Лекин унинг қайтиб келгани ва энди ҳакам ҳамда маслаҳатчилар олдида турганидан хеч ким кўз юмолмасди. Уни айнан шунинг учун маҳкамага тортганларини ҳисобга олганда, айбдор, деб тан олмасликнинг иложи йўқ эди.

Суд залини, ундаги ҳамма нарсани, ҳатто ойнадаги апрель қуёши нурларида яркираётган ёмғир томчиларини хозир ҳам кўриб тургандекман. Унинг қўлинини ушлаган ҳолатда, панжара олдида турибман; унинг орқасида ўттиз иккита инсон – эркаклар ва аёллар қатор қилиб турғизиб қўйилган: баъзилари писандсиз, бошқалари қўркувдан ғужанак бўлиб олганлар, айримлари пиқиллаб ёки хўнграб йигламоқдалар, айримлари юзларини қўллари билан беркитиб олганлар, бошқа бирлари хўмрайиб атрофга алангламоқдалар. Аёлларнинг баъзилари чинқириб юбордилар, лекин энди уларни тинчлантириб қўйишди, ўртага яна жимлик чўқди. Бўйинларига оғир занжирлар илиб, медалларини такиб олган шерифлар, судда ўралашиб юрувчи майда-чуйда хизматчилару йирикроқ ваҳшнийлар, жарчилар, суд ижрочилари, театрдаги каби одамлар билан лиқ тўла зал – ҳамма эндиликда ҳакам билан юзма-юз қолган маҳкумларга тикилиб турибди. Ҳакам уларга қаратса нутқ сўзламоқда. Кўз ўнгидаги турган баҳтиқаролар ичиди, деярли гўдаклигидан қонунни бузиб келаётган; бир неча марта қамоққа ташланиб, бошқа жазоларни ўтаганидан кейин маълум муддатга сургун қилинган; зўравонлик ишлатиб, у ердан усталик билан қочган, шундан кейин умрбод муддатга сургун қилинган, алоҳида қайд этилишга лойиқ бир одам бор. Жиноятларини амалга оширган жойлардан узоқларга бориб қолганидан кейин, у маълум муддат айбини тушунгандек бўлган ва осойишта, ҳалол турмуш кечирган. Лекин, аллақандай машъум соатларда, уни узоқ вақт жамиятимизнинг оғрикли ярасига айлантириб келган васvasалар ва одатларнинг қутқуларига дош беролмай, маконини ташлаб, қонун худудига киришни таъкидлаган мамлакатга қайтиб келган. Бу ерда уни тезлиқда фош қилганлар, лекин маълум муддат у адлия идораларидан беркиниб юришга муваффақ бўлган; қочишга уриниш чоғида уни ушлаб олганларида эса, каршилик кўрсатган ва атайлабми ёки ғазабдан нима қилаётганини билмай қолибми – буни энди ўзи яхши билади – бутун ҳаёти тарихидан хабардор бўлган ва уни фош қилган кимсанинг ўлимига сабабчи бўлган. Уни сургун қилган мамлакатга қайтиб келгани учун ўлим жазоси белгиланган,

кейинчалик айбини янада оғирлаштиргани учун у ўлимга тайёр туриши керак.

Ойналарда ялтираётган ёмғир томчилари орасидан қуёшнинг ёруғ нурлари катта деразаларни ёритмоқда. Ҳакамдан ўттиз икки маҳкумга қараб ёғудудан ташланган йўлка уларни бир-бирига боғлаганди ва бу билан ҳамма нарсадан воқиф бўлган ва ҳеч қачон адашмайдиган, бошқа, абадий ҳакам эҳтимол, бу ерда ўтирганларнинг айримларига, вақти келиб, ҳакам ҳам, маҳкумлар ҳам teng равишда унинг хузурига боришлирини эслатиб қўймоқда эди. Ёғду тушиб турганидан юзи аниқ кўринган маҳкум, ўрнидан қийналиб турди ва: “Милорд, ўлим хукмини менга Яратганинг ўзи чиқариб бўлган, лекин сизникини ҳам қабул қиласман”, деб яна жойига ўтирди.

Худодан хукмни ижро этиш тўғрисидаги фармонга имзо чекилгунга қадар унинг жонини олишини илтижо қилдим ва шундай бўлишига қаттиқ ишонардим. Лекин, узокроқ яшаса-я, деган хавотирдан изтиробга тушиб, ўша куни оқшомдаёқ Ички ишлар вазирига арзнома ёзишга ўтирдим. Унда маҳкум тўғрисида ниманики билсан, ҳаммасини баён қилдим, Англияга фақат мени деб қайтганини алоҳида таъкидладим. Арзномани эҳтирос, ҳиссиётларга берилиб ёздим, кейинги куни уни жўнатиб бўлиб, бошқа мансабдор шахсларга, ҳатто ҳазрати олийнинг номларига ҳам, афв этишларидан умидвор бўлмасам-да, яна арзномалар ёзиб чиқдим. Ушбу шикоят мактубларини ёзишга берилиб кетиб, хукм эълон қилингандан кейин бир неча кун ва тун давомида, стулда ухлаб қолганларимни ҳисобга олмаганда, ҳеч тиним билмадим. Уларни жой-жойига жўнатиб, ўша жойлардан нари кетолмадим: якинроқда бўлсан, харакатларим зое кетмайдигандек кўринаверди. Телбаларча ҳаяжон ва изтиробга берилиб, оқшомлари шикоятларим йўлланган катта идоралар ва саройлар жойлашган кўчаларни кезавердим. Ҳозир ҳам, баҳорнинг совуқ, чанг оқшомларида гарбий Лондоннинг эшиклари тамбаланган данғиллама уйлари жойлашган, қатор, беҳисоб фонуслар билан ёритилган кўчалари менда ғамнок ўйлар уйғотади.

Кунлар ўтгани сайин Мэгвич шифтга бефарқ тикилган кўйи борган сари кўпроқ жим ётадиган бўлиб борар, у ёки бу сўзимни эшитганидагина бефарқ юзида жонланиш белгилари пайдо бўларди. Баъзан у умуман гапира олмай қолар, бундай пайтларда у жавоб ўрнига қўлимни сиқиб кўярди; бинобарин унинг истакларини тез тушунишни ўрганиб олгандим.

Қамоқхонага ўнинчи куни келганимда унда одатдагига қараганда кўпроқ ўзгариш борлигини сездим. Эшиқдан узилмаётган кўзлари кириб келишим билан ёришиб кетдилар.

– Азиз ўғлим, – деди у каравотининг ёнига ўтирганимдан кейин, – кечга қоласан деб кўрқаётгандим.

– Вақт энди бўлди, – жавоб қилдим мен. – Дарвоза олдида ҳам кутиб турдим.

– Ҳар доим дарвоза олдида кутасан, шундайми, болагинам?

– Ҳа. Бир дақиқани ҳам йўқотмаслик учун.

– Раҳмат сенга, ўғлим, раҳмат. Яратган сенга соғлик ато қилсин. Мендан юз ўғирмадинг, ўғлим.

Индамай унинг қўлини сиқдим, негаки ундан юз ўғирмоқчи бўлган вақтларимни унуголмасдим.

– Ҳаммадан ҳам қадрлиси шуки, устимда қора булат пайдо бўлганидан бери қуёш чиқиб турган кунлардагига қараганда, мен билан яхшироқ муносабатда бўляпсан. Энг қадрлиси ана шу.

— Азизим Мэгвич, энди сизга бу нарсани айтсам бўлади. Нима деяётганимни тушуняпсизми?

Бармоқлари билан қўлимни сал сиқиб қўйди.

— Бир вақтлар қизингиз бўлган, уни ардоқлагансиз ва йўқотгансиз.

Бармоқлари қўлимни қаттиқроқ сиқди.

— Қизингиз ўшанда тирик қолган ва обрўли одамларнинг тарбиясини олган. У ҳозир ҳам тирик. У обрўли, сохибжамол малика бўлиб етишган. Ва мен уни севаман.

Сўнгги интилиш ва менинг ёрдамим билангина у қўлимни лабларига олиб борди, кейин яна кўкраги устига оҳиста қўйиб, қўллари билан уни ёпди. Яна бирлаҳзага бефарқ кўзлари шифтга тикилди, кейин юмилди, ва боши кўкраги устига эгилиб тушди.

Кейин, биргалиқда биз нималарни ўқиганимизни эслаб, эхромга ибодат қилиш учун кирган икки кишига хаёлим кетди ва унинг ўлим тўшаги ёнида айтиш учун куйидагилардан яхшироқ сўзларни айта олмаслигимни тушундим: “Парвардигор! Гуноҳкор бандангта шафқат қил!”

LVII боб

Бир-икки кун дам диванда, дам ерда – қаерим оғриётганига қараб, бошим оғриб, оёқ-қўлларим қақшаб, мадорсиз ва ҳиссиз қимирламай ётдим. Кейин даҳшат ва надоматларга тўла бўлган ниҳояси йўқ тун бошланди.

Кўзларимни очганимда Жо деразанинг ёнига борди, менга орқа ўгириб, кўзини артди. Мен эсам ҳали жуда ҳолсизлигимдан, ўрнимдан туриб, унинг ёнига бора олмаганимдан, ётган жойимда шивирлаб, уни дуо қила бошладим: “Парвардигор, уни ярлақагин! Парвардигор, фаришталардек саховати учун уни ярлақагин!”

Жо яна ёнимга ўтирганида кўзлари қизариб кетганди, мен унинг қўлини ушлаб олгандим ва иккаламиз ҳам баҳтиёр эдик.

— Қанча вақт, Жо, азизим?

— Қанча вақт касал ётганингни билмоқчимисан, Пип?

— Ҳа, Жо.

— Майнинг охири ҳозир. Эртага биринчи июн.

— Шунча вақт сен шу ерда бўлдингми, Жо, азизим?

— Шунака шекилли, оғайни.

Эзмалик қиласвериб, Жони қийнаб қўймаслик учун (бунга ҳолим ҳам йўқ эди), ўша куни мисс Хевишем тўғрисида ундан ҳеч нима сўраб ўтирамадим. Эрталаб, у тузалиб кетдими, деб сўрагандим, Жо бош чайқади.

— У ўлдими, Жо?

— Нималар деяпсан, оғайни, – деди Жо танбех бериб ва қўринишдан мени аста-секинлик билан тайёрлаб олиш учун, – факат, билсанг... у йўқ...

— Тириклар орасида йўқми, Жо?

— Шундай дейилса, тўғри бўлади, – деди Жо. – У тириклар орасида йўқ.

— Кейин у узоқ ётдими, Жо?

— Сен бетоб бўлиб қолганингдан кейин, адашмасам – бир ҳафтача, – жавоб берди Жо аввалгидек мени аяшга ва ҳаммасини секин-аста маълум қилиш ниятига содик қолиб.

— Жо, азизим, унинг мероси тақдирни тўғрисида ҳеч нарса эшитмадингми?

— Биласанми, оғайни, – деди Жо, – айтишларича у анча аввал ҳаммасини мисс Эсталланинг номига хатлаб қўйган экан, айтмоқчиманки, унга боғлаб қўйган экан. Лекин мусибатдан икки кун аввал ўз қўли билан васиятномага

кўшимча қилиб қўйибди – яхлит тўрт мингни мистер Мэтью Покетга қолдирибди. Энг қизиги, нима учун унга яхлит тўрт мингни қолдирганини биласанми, Пип? “Номи юқорида зикр этилган Мэтью тўғрисида Пип билдириган фикрга асосланиб”. Биддининг айтишича у ерда айнан шундай, деб ёзилганимиш, – деди Жо ва роҳат қилиб такрорлади: – “Номи юқорида зикр этилган Мэтью тўғрисидаги фикрга асосан”. Бир ўйлаб кўргин-а, Пип, яхлит тўрт минг!

Жонинг назарида “яхлит” сўзи нимани англиши мен учун сир бўлиб қолаверди, лекин кўринишдан, шундай шаклда пулнинг миқдори унга янада кўпроқдек туюлаётганди, негаки тўртта мингталикни у яхлит, деб мамнуният билан такрорламоқдайди.

Жонинг ҳикоясидан жуда хурсанд бўлдим. Бошлаган ягона эзгу ишимни ниҳоясига етганини кўриш насиб қилди. Ундан бошқа қариндошларга ҳам меросдан теккан-тегмагани тўғрисида нималар билишини сўрадим.

– Мисс Сарага, – деди Жо, – йилига йигирма беш фунт тегадиган бўлди, ўт пуфагини даволашга дори олади. Мисс Жоржианага йигирма фунт – вассалом. Миссис Кэмэлга, – Камиллани шундай айтиётганини тушундим, – кечалари уйғонганида зерикмаслиги учун шам сотиб олишга йилига беш фунтдан тегадиган бўлди.

Кўрсатмалар одамига қараб шунчалар аниқ берилгандики, Жонинг гапларига тўла ишондим.

– Энди, ошна, – деди Жо, сени яна бир янгилик билан сийлайман, шу билан бугунга тамом. Биласанми, қария Орлик нима ишлар қилиб қўйди? Бировнинг уйига ўтирилкка тушибди.

– Кимнинг уйига? – сўрадим мен.

– У одам кўқрак керишни яхши кўради, бўлгани шу, – давом этди Жо айборларча хўрсиниб қўйиб, – лекин инглизнинг уйи – унинг кўрғони, кўрғонга фақат уруш шароитида бостириб кириш мумкин. Уни гуноҳсиз умр кечирди, деб айтиб бўлмаса-да, ҳар ҳолда у аллоф, хурматли одам эди.

– Ҳали улар Памблчукнинг уйига бостириб киришганми?

– Ҳа, Пип, ҳа, – деди Жо, – кунлик тушумни ва пул солинган кутисини олиб қўйишган, мусалласини ичиб, овқатларини еб қўйишган, роса савалаб, бурнини бир томонга деярли қийшайтириб қўйишган, ўзини каравотига боғлаб роса тепкилашган, қичқирмаслиги учун оғзини бир йиллик кўчатларнинг уруғлари билан тўлдиришган. Лекин у Орликни таниб қолган ва энди у қамоқхонада.

Шу тарзда, қадам-бақадам биз юракдан суҳбатлашиш учун барча ихоталарни олиб ташладик. Мен ҳамон ҳолсиз эдим, лекин секин-секин, аммо ишонч билан қувватимга қувват қўшилаётганди. Жо бўлса, менда нари кетмасди ва хаёлимда мен яна кичкина Пипга айланниб қолгандек эдим.

Камина соғайиб, Жо қишлоққа кетгач, унинг орқасидан эски ва қадрден устахонамизга йўл олиш ва ўша ерда ҳамма гапларни очиб ташлаш, ундан ўпкалаш ва хузурида тавба қилиш, ва ниҳоят, мавҳум бир нарса сифатида пайдо бўлиб, энди аниқ ва қатъий ниятга айланган мақсадни айтишдан бошқа нима ҳам қиласадим?

Ниятим эса, Биддининг ёнига бориши, унга тавба қилганим ва тақдир ҳукмига бўйсунганимни, бир вақтлар орзу қилган ҳамма нарсани йўқотганимни айтишдан, узоқ ўтмишга айланниб қолган дастлабки изтиробларим палласида юракдан суҳбатлашганларимизни эслатишдан иборат эди. Кейин унга: “Бидди, менимча бир вақтлар мени севардинг, менинг телба қалбим эса, сендан нари кетишга ҳаракат қиласа-да, ёнингда бўлсан, хотиржам ва шод бўларди, бундай

хис-туйғуни кейинчалик хеч қаерда топмадим. Агар мени, хеч бўлмаса аввалги муҳаббатингнинг ярминаллик сева олсанг, барча ҳатоларим ва изтиробларим билан қабул қила олсанг, хато иш қилиб қўйган болани кечиргандек, мени кечира олсанг (мен жуда нокулай ахволдаман, Бидди ва ёш боладек эркаловчи қўл ҳамда юпантурувчи сўзларга муҳтојман), умид қиласманки, илгаригига қараганда сенга озгина бўлса ҳам муносиброқ бўламан. Кейин Жо билан устахонада ишлайми ёки ўзимиз томонларда бошқа иш қидириб кўрайми, ёки аввал сенинг жавобингни эшитмоқчи бўлганим учун, таклиф қилганларида рад жавобини берган иш жойи кутаётган узоқ мамлакатга сени олиб кетайми, ўзинг ҳал қиласан буни. Агар ҳаётимни баҳам кўришга розилик берсанг, азизам Бидди, ҳаётим яхши томонга ўзгаради, ўзим ҳам яхшироқ одамга айланаман ва сен ҳам баҳти бўлишинг учун иложи борича ҳаракат қиласман”, дейман.

Ниятим шундан иборат эди. Яна уч кун ўзимга тўла даволаниш учун вақт бериб, уни амалга ошириш учун қадрдон қишлоғимга йўл олдим. Бу ишни қанчалар амалга ошира олганим ҳикоямга хотима ясади.

LVIII боб

Келажакка мўлжалланган ажойиб умидларимнинг барбод бўлгани тўғрисидаги хабар қадрдон шаҳарчамизга мендан илгари етиб келганди. “Зангри қобон”да ҳамма нарсани билишар ва у ердагиларнинг муносабати ҳайратланарли даражада ўзгарганини сездим. Мулкка эгаликни қўлга киритганимда менга ёқиш учун айланиб-ўргилиб хизмат қилган “Зангри қобон”нинг хўжайини, энди омад мендан юз ўтирганида, жуда совуқ муомала қилаётганди.

Сабабини билмаганим ҳолда, устахонага назарим тушадиган сониядан қўрқа бошладим ва ниҳоят уни қўрдим, устахона ёпик эди. Ўчокда олов ёнмас, учқунлар ёмғир бўлиб сочилмас, босқонлар овоз чиқармасдилар; устахона бўй-бўш ва сокин эди.

Лекин ҳаёт нафаси уйни тарк этмаганди, кўринишдан меҳмонхонага ҳам жон кирганди – очиқ турган деразада оқ парда ҳилпирав, токчасига ёрқин гуллар қўйилганди. Уйнинг ичига гултуваклар оша қарайман деган ниятда секин дераза томонга йўналдим ва кутилмагандан, ер тагидан чиққандек, қаршимдан қўл ушлашиб олган Жо ва Бидди чиқиб қолишиди.

Бидди арвоҳимни кўраётгандек қичқириб юборди, лекин ўша лаҳзадаёқ бўйнимга отилди. Мен Биддининг очилиб кетганини ва латофатини кўриб, Бидди менинг озиб-тўзиб кетганимни кўриб, йиғлаб юбордик.

– Бидди, азизам, қанчалар ясанибсан!

– Ҳа, азизим, Пип.

– Сен ҳам, Жо, қанчалар ясанибсан!

– Ҳа, Пип, оғайнини.

Мен Жога, кейин Биддига, кейин яна Жога қарадим, ва шунда...

– Бугун тўйим куни! – деди Бидди баҳтидан тўлиб-тошиб. – Жога турмушга чиқяпман!

Улар мени ошхонага олиб киришди, бўйлмаган стол ёнида бўйнимни эгиг ўтирдим. Бидди қўлларимни ўпар, Жо эркалаб, елкамни силамоқдайди.

– Ҳали кучга кирмаган одамни бирданига ҳайратга солиб қўйдинг, азизам, – деди Жо.

Шунда Бидди:

– Шуни ўйламаганимни қара, Жо, жуда ҳам хурсанд бўлиб кетибман, – деб жавоб берди.

Улар мен билан кўришиб турганларидан баҳтиёр, ташрифимдан бошлари осмонга етган, шундай кунда тасодифан уйларига келиб, хурсандчиликларини тўқис қилганимдан завқу шавққа тўлиб кетгандилар!

Хаёлимга келган биринчи нарса, эндиликда барбод бўлган охирги умидим ҳакида Жонинг ҳеч нима билмагани учун тақдирга бениҳоя шукrona айтиш бўлди. Менинида яшаётганида неча маротаба унга бу тўғрида айтишга оғиз жуфтлагандим. Агар ўшанда Лондонда у бир соатга ушланиб қолганида ҳам, қайтариб бўлмайдиган сўзлар оғзимдан чиқиб кетган бўларди!

– Азизам Бидди! – дедим мен. – Бутун дунёда эрингдан яхшироқ эрни топа олмайсан, агар бетоблигимда менга қандай қараганини кўрганингда, сен уни... йўқ, йўқ, сени уни ҳозиргидан кўпроқ яхши кўрмаган бўлардинг.

– Ҳозиргидан кўпроқ яхши кўра олмасдим, бу тўғри, – деди Бидди.

– Сенга эса, Жо, дунёдаги энг яхши хотин насиб қилган ва у, азиз, олийжаноб, сахий Жони муносиб даражада баҳтли қиласди!

Жо менга қаради, лаблари титрай бошлади ва кўзларини енги билан яширди.

– Кадрдонларим, Жо ва Бидди, сизлар ҳозиргина черковдан қайтдингиз, одамларга меҳр ва саҳоватга тўласиз, менга қилган ва мен нонкўрлик билан жавоб қайтарган барча яхшиликларингиз учун камтарона миннатдорчилитимни қабул қилинг! Тез орада хорижга жўнаб кетаётганим сабабли бир соатдан кейин уйингизни тарқ этаман. Жо, азизим, бор вужудим билан умид қиласманки, болаларингиз бўлади ва анави бурчакда қиши оқшомларида ўша бурчакни бутунлай тарқ этган бошка бир болани эслатадиган кичкинтой ўғлинг ўтиради. Жо, унга нонкўр бўлганимни айтма; Бидди, бағритош ва адолатсиз бўлган, дема; унга фақат икковингизни садоқатингиз ва саҳоватингиз учун чукур хурмат қилганимни, ва у мендан кўра яхшироқ одам бўлиб етишади, чунки у сизнинг ўғлингиз, деганимни айтиб беринглар.

– Ўйлаб топган нарсасини-чи, – деди Жо енгини юзидан олмай туриб, – унга ҳечам бу гапларни айтмайман. Бидди ҳам айтмайди. Ва ҳечким айтмайди.

– Энди эса, қалбингиз билан бу ишни қилганингизни билсан ҳам, иккалангиз менга “сени кечирдик”, денглар! Айтинглар ва мен сўзларингизни эшишиб, уларни ўзим билан олиб кетай, ўшанда бундан бўён менга ишонишингизни ва аввалтига қараганда мен тўғримда яхшироқ фикрда бўлишингизни билиб юраман.

– Эҳ, Пип, менинг азиз ошнам, – деди Жо, – Худо шоҳид, кечирадиган нарсамнинг ўзи мавжуд бўлса, сени кечирдим!

– Омин. Мен ҳам, – деди Бидди.

– Энди юқорига чиқиб, хужрамни кўраман, у ерда бир оз ёлғиз колмоқчиман. Кейин, дастурхонингиз атрофида еб-ичганимдан кейин, чорраҳадаги устунгача мени кузатиб қўйинглар!

Бор нарсамни сотиб, менга қарз берганларни тўловини ҳозирча у қадар шоширмайдиган даражада хотиржам қилдим-да, Гербертнинг ёнига жўнаб кетдим. Бир ойнинг ичида Англия худудидан чиқиб кетдим, икки ойдан кейин Кларрикер ва Компания ширкатига хизматчи бўлиб ишга кирдим, тўрт ойдан кейин эса, масъулиятли вазифани ишониб топширдилар. Гап шундаки, Тегирмон ховуз ёнидаги уйнинг шифтидаги ёғочлар қария Билл Барлининг ҳайқириқларидан қисирламай қўйгандилар ва Герберт Клара билан никоҳдан ўтиш учун жўнаб кетган, менга эса, йўқлигига Шарқий бўлимни бошқариб туришни топширганди.

Компанияга учинчи шерик бўлгунимга қадар узоқ йиллар ўтди; лекин мен Герберт ва унинг хотини билан хотиржам, сокин ҳаёт кечирдим, кам харажат бўлдим, аста-секин қарзларимни тўладим, Бидди ҳамда Жо билан доимо ёзишиб турдим. Фаолиятга қўшилганимдан кейингина, Кларрикер, сирни жуда узоқ саклаб келганини айтиб, ҳақиқатни бошқа яширлмайман, дея Гербертга бор гапни айтиб берди. Шундай қилиб, Герберт ҳамма нарсадан хабар топди, ҳайратининг ва миннатдорчилигининг чеки йўқ эди, дўстлигимиз аввалгидан ҳам мустаҳкам қарор топди. Савдо уйимиз машҳур бўлиб кетди ёки қоплаб пул ортиридик, деб ўйлаш нотўғри бўларди. Биз ўта катта ишларга сармоя тикмасдик, лекин яхши обрў топдик, ҳалол ишладик ва қашшоқлик нима эканини билмадик. Буларнинг катта қисмига асосан Гербертнинг туганмас файрати ва тетикилиги туфайли эришдик; нега у менга ҳаётга мослашмаган одам бўлиб кўринди экан, деб ҳайрон бўлиб юриб, ҳаётга мослашмаган у эмас, мен бўлсан керак, деган хуносага келдим.

LIX боб

Декабрь оқшомларининг бирида, қоронғи тушганига чамаси икки соатлар бўлганида, қадрдон уйимизнинг занжирига қўл теккизганимда, Жо ва Бидди билан учрашганимдан кейин ўн бир йил ўтганди. Эшикни оҳиста тақиллатдим, ҳечким эшитмади, секин ошхонага мўраладим. У ерда, ўзининг ўчоқ олдидаги эски жойида, ўша-ўша бақувват ва тетик, лекин соchlарига оқ оралаган Жо трубкасини тишлаб ўтиради; Жо тиззаси билан тўсиб ўтирган бурчакда эса, менинг митти курсичамда... мен – кичкина Пип оловга тикилиб ўтирадим!

– Сенинг шарафингга унга Пип, деб исм қўйдик, оғайни, – деди Жо болакайнинг ёнидаги курсига ўтирганимни кўриб (адашимнинг соchlарини тўзғитиб ўтирмадим!), сенга бир оз бўлса ҳам ўхшашини хоҳладик, кўринишдан ниятимизга етдик шекилли.

Менга ҳам шундай кўринди. Эртаси куни тонгда кичкитойни сайрга олиб чиқдим, бир-биримизни бинойидек тушуниб, мириқиб суҳбатлашдик. Қабристонда бўлдик, болакайнин таниш ёдгорлик устига ўтқазиб қўйгандим, ўша баланд жойдан туриб у ушбу қавмнинг аъзоси Филип Пирипп, шунингдек, юкорида зикр этилганнинг рафиқаси Жоржиананинг қабларини кўрсатди.

– Бидди, – дедим мен тушлиқдан кейин суҳбатлашиб ўтириб, қизалоги қўлида ухлаб қолгач, – Пипни, вақтинчага бўлса ҳам ўзим билан олиб кетсан бўларкан.

– Йўқ, йўқ, – деди Бидди мулоиймлик билан. – Сен уйланишинг керак.

– Герберт билан Клара ҳам шундай дейишиди, лекин уйланишим даргумон, Бидди. Уларнида яшашга шунчалар кўнишиб қолдимки, уйланиш ҳаёлимга ҳам келмаяпти. Аллақачон қари бўйдокқа айландим шекилли.

Бидди қизалогига қаради, унинг қўлчасини ўпди, кейин ҳозиргина боласига теккан иссиқ қўлини қўлимга қўйди. Ушбу ҳатти-ҳаракат ва никоҳ узугининг теккизиб қўйилишида чуқур маъно бор эди.

– Азизим Пип, – деди Бидди, – уни аниқ соғинмаётганингга ишончиниг комилми?

– Албатта... шунаقا шекилли, Бидди.

– Менга, шунча йиллик дўстингга айт-чи. Уни бутунлай эсингдан чиқардингми?

– Бидди, азизам, ҳаётимда бўлиб ўтган ва қандайдир из қолдирган ҳеч бир катта ёки кичик воқеани унутганим йўқ. Лекин ўша мискинларча орзу,

бир вақтлар уни шундай атагандим, ўша орзу, Бидди, энди саробга айланган!

Лекин, шу сўзларни айтиётганимда ўша оқшомдаёқ эски уй жойлашган ерга бир ўзим бориб, уни ёдга олишни кўнглимга туғиб қўйгандим. Ҳа, Эстеллани хотирламоқчи эдим.

Унинг турмуши оғир кечгани, шафқатсиз муносабатда бўлган, мақтанчоқ ва қизғанчик, қўпол ва бетайин, деб ном чиқарган эридан ажрашгани қулоғимга чалинганди. Эрининг, отига қилган разилларча муносабати оқибатида рўй берган баҳтсиз ҳодисада ҳалок бўлганини ҳам эшитгандим. Эстелла ундан қутулганига чамаси икки йил бўлган, ўйлашимча, у қайта турмушга чиқиб улгурганди.

Биз кечки овқатни эрта қилдик, эр-хотиннинг марҳамати билан, Бидди иккимизнинг самими суҳбатимиздан кейин мен ҳали куннинг ёруғида шаҳарга етиб олиш имкониятига эга бўлдим. Шошмасдан қадам ташлаб, таниш жойларни кўздан кечириб, ўтган кунларни эслаб, Сатис Хауз турган жойга етиб борганимда, қоронғи тушиб бўлганди.

Энди бу ерда на уй, на пивохона, на бошқа бинолар бор эди. Кўхна боғнинг деворларигина сақланиб қолганди. Ҳувиллаган майдон тахта девор билан ўраб олинганди, девор оша ичкарига мўралаб, қари чирмовиқ айрим жойларда яна кўкариб, шағал ва чиқинди уюмларига яшил гилам тўшаганини кўрдим. Девордаги эшик қия очиқ эди, уни кенгроқ очиб, ичкарига кирдим.

Пешиндан бошлаб ҳавода совуқ, кумушранг туман муаллақ туриб қолган, ҳатто ой ҳам уни тарқатиб улгурмаганди. Лекин туман оралаб юлдузлар кўринар, ой кўтарила бошлаган ва кеча зимиштон эмасди. Уйнинг қайси қисми қаерда бўлгани, пивохона, дарвоза, бочкаларнинг жойларини хатосиз чамалай олардим. Ҳаммасини эслай туриб, боғнинг ўт-ўлан босиб кетган йўлкасига кўз югуртиарканман, унда танҳо кезаётган одам шарпасига кўзим тушди.

Афтидан у ҳам мени пайқаганди: қарама-қарши томондан келаётган шарпа тўхтаб қолди. Яқинроқ бориб, унинг аёл киши эканини кўрдим. Яна ҳам яқинроқ боргандим, у ортига ўғирилиб узоқлаша бошлади, лекин кейин, бир оз ўйлагандек бўлиб, ўзига етиб олишимга имкон берди... Шунда у тўсатдан сесканди ва нимадандир ҳайратга тушгандек, исмимни айтди.

– Эстелла! – деб қичқириб юбордим.

– Жуда ҳам ўзгариб кетганман. Қандай таний олдингиз, ҳайронман.

Дарҳакиқат, унинг ҳуснидаги ёшлиқ таровати энди йўқ эди, лекин тасвирлашга сўз ожиз викор ва жозиба сақланиб қолганди. Ҳа, булар яхши эсимда эди, лекин ушбу мағур нигоҳларда илгари ҳечам бунчалар сокин қайғуни кўрмагандим; бир вақтлар ҳиссиз бу кўлнинг бунчалар дўстона тегинишни сезмагандим.

Биз боғ курсисига ўтиридик:

– Шунча йил ўтиб, илк учрашувимиз бўлиб ўтган айнан шу ерда кўришиб турганимиз қанчалар файриоддий! Бу ёққа тез-тез келиб турасизми? – дедим унга.

– Ўшандан бери бир марта ҳам келмадим.

– Мен ҳам.

Ой кўтарилаётганди, ва мен, оппоқ шифтга тикилган, эндиликда сўниб бўлган, бефарқ кўзларни эсладим. Ой кўтарилаётганди, фоний дунёда қулоғига кирган охирги сўзларни айтганимда, қўлимни қандай сикқанини эсладим.

Эстелла иккимизни қийнаб турган ноқулай сукунатни биринчи бўлиб у бузди.

– Бу ерга келишни кўп марталаб орзу қилдим ва умид боғладим,

лекин турли воқеалар йўл бермай келдилар. Эссиз, эссиз, кўхна уй!

Кумуш туман ойнинг илк нурларидан сесканди, шу нурларнинг ўзи унинг ёноқларидан оқиб тушаётган кўз ёшларини ёритди. Йиғлаётганини сезганимни Эстелла билмади ва ҳаяжонини босиб олиб, деди:

– Бу ерда юрганингизда ҳамма нарсанинг бундай ахволга тушиб қолганига ҳайрон бўлгандирсиз?

– Ҳа, Эстелла.

– Ер менга қарашли. Қўлимдан чиқиб кетмаган ягона мулк шу. Қолган ҳамма нарсани бирин-кетин йўқотдим, лекин ерни сақлаб қолдим. Ўтган барча кўнгилсиз йиллар давомида уни қўлдан чиқармаслик учун қатъият ва сабот билан курашиб келдим.

– Бу ерга янги уй тушадими?

– Ва ниҳоят шундай. Бу жойлар ўзгариб кетишидан аввал улар билан хайрлашиш учун келдим. Сиз-чи, – деди Эстелла, унинг овозида дарбадар одамга хуш ёқадиган ҳамдардлик бор эди, – ҳали ҳам хориждамисиз?

– Ҳали ҳам.

– Ишларингиз яхшидир?

– Кўп ишлайман, оз нарсага қаноат қиласман, шунинг учун... ха, ишларим яхши.

– Сиз ҳақингизда кўп ўйладим, – деди Эстелла.

– Ростдан ўйладингизми?

– Кейинги пайтларда жуда ҳам кўп ўйладим. Қадрига етмай, ўзимдан нари қувганларимни эсламай юришга интилган давр – ҳаётимнинг узоқ давом этган қийин палласи бўлди. Лекин ушбу хотираларим бурчимга зид бўлмай қолганидан бўён, қалбимдан уларга жой ажратдим.

– Менинг қалбимда сиз ҳар доим яшаб келгансиз, – жавоб қилдим мен. Ва биз яна жим қолдик.

– Бу жойлар билан хайрлашаётиб, сиз билан видолашиш насиб қилишига деярли умид боғламагандим, – деди Эстелла яна биринчи бўлиб жимликка чек кўяркан. – Шундай бўлиб чиққанидан жуда хурсандман.

– Яна хайрлашаётганимиздан хурсандмисиз, Эстелла? Айрилиқ мен учун ҳар доим оғир. Сўнгги марта сиз билан қандай хайрлашганимни элаш мен учун оғрикли бўлиб келган.

– Лекин сиз менга: “Яратган сизни афв этсин ва ярлақасин!” дегандингиз, – жиддий эътиroz билдириди Эстелла. – Ҳамонки, сиз ўшанда буларни айтган экансиз, азоб, деб аталмиш энг талабчан устоз қалбингизда нималар кечганини менга уқтира олган бугунги кунда ҳам айта оласиз. Ҳаётда кўп зарбалар едим, синдим, лекин яхши томонга ўзгардим, деб ўйлагим келади. Бир пайтлардагидек, менга нисбатан самимий ва кечиримли бўлинг ва бизлар дўстмиз, деб айтинг.

– Бизлар дўстмиз, – дедим мен ўриндиқдан туришга унга кўмаклашар эканман.

– Ва дўст бўлиб қоламиз, – деди Эстелла.

Унинг қўлидан ушлаб олдим ва биз вайрана жойлардан нари кетдик; яна узоқ ўтмишда, мен биринчи марта устахонани тарқ этган, субхидал тумани кўкка ўрмалаган вақтлардагидек, кечки туман юқорига кўтарилар, ва кўз ўнгимдаги ой нурига чўмилган бепоён кенгликлар Эстелла билан навбатдаги айрилиқ соясидан фориғ эди.

(Тамом)



NASR

Jahon
ADABIYOTI

ГУЛБАДАНБЕГИМ

(1522–1603)

ХУМОЮННОМА¹

*Форс тилидан
Аҳмад ҚУРОНБЕКОВ
таржимаси*

Подшоҳ ҳазратлари Хожа Касакка Сиви тарафга бориб, Мирулло Дўста айт, бизнинг олдимиизга келиб кўрсалар, яхши бўларди, деб айтдилар. Ўша Хожа Касак Сивига қараб кетди. Ҳазратлари [подшоҳ] то сен келмагунингча бу ердан кўчмаймиз, дедилар. У Сивига яқин борганида Маҳмуд қарvonбоши уни тутиб: “Бу ерга нима иш билан келдинг?” – деб сўрайди. У: “От ва тую сотиб олиш учун”, – дейди. У: “Бунинг ёнини ва бош кийимини текширинглар, эҳтимол, Оллоҳ Дўст ва Бобо Жужукқа вожиб фармон келтирган бўлса”, – дейди.

Уни тинтув қилишганда, ёнидан хат чиқади, у хатни бирон ёққа бекитишига улгурмаган эди. Уни олиб ўқиди ва қайтиб бермайди. Ўша заҳоти Оллоҳ Дўст ва Бобо Жужукни қалъанинг ичкарисига олиб киради ва уларга анвои қўполликлар кўрсатади. “Бизнинг бу келишингдан хабаримиз йўқ, бу киши менинг қўлимда сабоқ олган ва Хожа Фозий бизга яқинлик жихати бор эди ва Мирзо Комроннинг олдида эди, шунинг учун хат ёзган”, – деб қасам ичади. Маҳмуд Касакни бир гуруҳ ҳамроҳлари билан Шоҳ Ҳусайн ҳузурига жўнатишга қарор қилди. Мируллоҳ билан Бобо Жужук кечаси билан Маҳмуднинг олдида қолиб, уни юпатдилар ва уни туткундан халос қилдилар.

Мириулло Дўст ҳазратларига [подшоҳ] уч юз анор ва юз беҳи бериб жўнатдилар ва қўлга тушишдан қўркиб арзларини ёзмадилар. Аммо: “Агар Мирзо Аскарийнинг ёки амирларнинг арзномаси етиб келган бўлса, подшоҳ ҳазратларини кўришни хоҳласалар, Кобулга борса ёмон бўлмайди, акс ҳолда Кобулга боришни маслаҳат кўрмаймиз. Ахир ҳазратларининг одамлари кам, Худо билади, не ҳодисалар рўй бермайди”, – деб оғзаки айтиб юбордилар. Касак келиб арзга етказди.

Ҳазратлари “Энди нима қилсан экан?” деб ҳайратланиб, ўйга толдилар. Кенгаш қилдилар. Турди Муҳаммадхон ва Байрамхон кенгаш бердиларки, Қандаҳорга чегарадош Шимолиён ва Шоли Мастонга азимат қилишдан ўзга чора йўқ. Чунки ана шу атрофда аффонлар кўп, уларни ўз томонимизга тортамиз. Мирзо Аскарийнинг амирлари ва мулизимлари ҳам биз томонга қочиб ўтсалар керак, дедилар.

Ахири ўзаро шундай қарорга келишиб, кўчама-кўча Қандаҳорга қараб силжиidlар.

Шоли Мастон яқинидаги Рали номли манзилга қўндилар ва бу ерда ёмғир,

JAHON ADABIYOTI 2015/4

¹ Охири. Боши ўтган сонларда.

кор ёғиб, ниҳоятда ҳаво совуқ эди. Бу ердан Шоли Мастонга қараб кетишга қарор қилинганди. Намози аср вақтида бир ўзбек йигит қирчанғи отда келиб наъра тортди ва “Ҳазратлари тезда отлансинлар, йўлда гапимни арзларига етказаман, вақт кам ва ҳозир гапириб ўтиришга фурсат йўқ”, – деди.

Ҳазратлари ўша заҳоти отга миндилар, шовқин-сурон бошланди ва подшоҳ йўлга тушдилар. Икки ўқ етар масофага боргандариди подшоҳ ҳазратлари Ҳожи Муассам ва Байрамхонни Ҳамида бонубегимни келтиришга юбордилар. Булар келиб бегимни отлантирдилар ва Жалолиддин Муҳаммад Ақбар подшоҳни ҳам олиб кетишга имконлари бўлмади. Бегим подшоҳга қўшилиш учун ўрдадан чиқиши ҳамоно Мирзо Аскарий икки минг отлик билан кириб келдилар ва тўс-тўполон кўтарилиди.

Етиб келиши биланок ўрданинг дарвозасига шошилдилар ва: “Подшоҳ қаердалар?” деб сўрадилар. Одамлар: “Овга кетганларига анча вақт бўлди”, – дедилар. Ва чиқиб кетишга улгурганини билдилар. Ахири Жалолиддин Муҳаммад Ақбар подшоҳни бирга олиб, ҳамма подшоҳ одамларини ўлдириб, Қандаҳорга олиб кетдилар. Муҳаммад Ақбар подшоҳни ўз аёли Султонимбегимга топширдилар. Мирзо Аскарийнинг аёли Султонимбегим ўта меҳрибонлик кўрсатиб ғамхўрлик қилдилар.

Подшоҳ отга миниб тоғ тарафга юзландилар ва тўрт курухча йўл босдилар ва шундан сўнг шиддат билан олға юрдилар.

Ўша пайтда: Байрамхон, Ҳожа Муассам, Ҳожа Ниёзий, Надим кўка, Равшан кўка, Ҳожи Муҳаммадхон, Бобо Дўст бахши, Мирзо Қулибек Чўлий, Ҳайдар Муҳаммад Ахтабеги, Шайх Юсуф Чўлий, Иброҳим эшик оғо, Яъқуб кўрчи, Анбар нозир, Малик Мухтор, Сунбул Мирҳазор, Ҳожа Касакдан иборат жамоат унинг мулозаматида эдилар.

...Ака-укаларнинг ўзаро келишмовчилиги ва амирларнинг орасида ҳамжиҳатлик йўқлигидан, чорасиз қолиб, шундай маслаҳаттага келишдик, барча мавжудотларнинг сабабчиси ҳазратларига тавакkal қилиб, Хуросонга кетишга азми қарор қилишди. Йўл юриб, йўл юрса ҳам мўл юриб, ахири Хуросон миңтақасига етиб келишди.

Ҳилманд дарёсига етиб келганида Шоҳ Тахмос бу хабарни эшишиб, Ҳумоюн подшоҳни шу кўйга солган ва борлиқнинг яратувчиси бу ерларга олиб келган бу кажрафтор ва ғаддор ва нофаржом фалакнинг ишларидан ҳайратга тушиб, фикрга толдилар.

Барча аҳоли ва валийлар, олийзот ва олийнасаблар, катта-кичикни жамлаб подшоҳ ҳазратларига пешвуз чиқардилар. Улар ҳаммаси Ҳилманд дарёсигача келишди ва шоҳ [Тахмос]нинг укалари Баҳром мирзо, Алфоз мирзо ва Сом мирзо ҳаммани уларнинг истиқболига жўнатди. Барчалари шоҳ ҳузурига келдилар ва иззат-икром билан ҳазратларини олиб келдилар.

Якинроқ етиб боргандарida шоҳнинг укалари унга хабар бердилар. Шоҳнинг ўзи ҳам отга миниб, ҳазратларининг истиқболига чиқдилар. Улар бир-бири билан дийдор кўришишди. Бу икки юксак мартабали подшоҳнинг ошначилиги ва ҳамжиҳатлиги худди бир пўст ичидағи икки бодом мағзининг бир-бирига яқинлигидай эди. Улар орасидаги ихлос ва иттифоқ шу даражага етдики, ҳазратлари у ерда бўлган бир қанча муддат ичида қўпинча шоҳ уларнинг манзилларига келардилар ва шоҳ келмай қолган куни ҳазратлари уларнинг ҳузурига ташриф буюрардилар.

Хуросонда бўлган даврларида ҳамма боғу бўстонларни ва Султон Ҳусайн мирзо барпо қилган ва ундан олдин курилган олий иморатларнинг барчасига сайр қилдилар ва Ироқда бўлган пайтларида сакзиз марта

овга чиқдилар. У [шоҳ Таҳмос] ҳар гал овга чиққанларида ҳазратларини ҳам таклиф қиласардилар.

Ҳамиданубегим ё кажавада ё тахтиравонда ўлтириб томоша қиласардилар. Шоҳнинг синглиси малика Султоним отга миниб шоҳнинг орқа томонида турадилар. Ҳазратлари: “Овда шоҳнинг орқасида бир заифа отга миниб туради ва унинг жиловида бир оппоқ соқолли туради”, – деб гапиргандилар. Одамлар: “Бу шоҳнинг синглиси малика Султоним”, – дердилар. Хулласи калом, шоҳ [Таҳмос] ҳазратларига ҳаддан зиёд меҳрибонлик ва муруват кўрсатар ва оналарча ва оталарча мушфиқ ва ғамхўрлик қиласардилар.

...Шу орада ўзининг вафодорлиги ва собиқ хизматларига қарамай, ўша бегона ва хавф-хатарга тўла юртда бевафолик қилди.

Подшоҳ ҳазратларининг туморларида бир неча дона қимматбаҳо лаъл бўларди. Ҳазратлари ва Ҳамиданубенинг ўзлариёқ биларди. Учинчи киши булардан хабари йўқ эди. Агар подшоҳ бирон жойга ташриф бу юргудай бўлса, бу туморни Ҳамиданубегимга топширади. Бир куни бегим бошини ювишга кетдилар. Ўша туморни кир ўрайдиган сочиқка тугиб, подшоҳ каравотининг бош томонига бекитдилар. Равshan кўка фурсатни бой бермай, бешта лаълни ўғрилайди ва Ҳожа Ғозий билан тил бириттириб, уларни Ҳожа Ғозийга топширади ва бир оз вақтни ўтказиб, сарфламоқчи бўлишади.

Ҳамиданубегим бошини ювиб қайтганидан сўнг подшоҳ ҳазратлари ўша туморни бегимга бердилар. Бегим қўлида турган туморнинг вазни камайиб қолганини дархол пайқайди. Бегим буни подшоҳга айтади.

Ҳазратлари: “Бу қанаقا гап бўлди, сиз билан мендан бошқа учинчи кишининг бундан хабари йўқ эди. Нима бўлганийкан? Ким олганийкан?”, – дедилар. Улар хайрон бўлиб қолдилар.

Бегим укалари Ҳожа Муаззамга, шундай иш бўлди, деб айтади. “Агар шундай бир пайтда укалиқ бурчингизни бажо келтирсангиз ва бу ишни ортиқча шов-шувсиз бир йўлини қилиб, сўраб-суриштирангиз, мени бу хижолатпазлиқдан қуткарсангиз, йўқса, то тирик эканман, подшоҳнинг олдида юзим шувит бўлади”, – дейди.

Ҳожа Муаззам: “Хаёлимдан бир фикр ўтди: мен подшоҳ ҳазратларига яқинлигимга қарамай, бир оріқ кирчанғи от сотиб олишга қувватим келмайди. Ҳожа Ғозий ва Равshan кўка, аксинча, ўзларига тўбичоқ отлар сотиб олишган, лекин ҳали тилласини беришмаган. Уларнинг бу харидлари бир нарсага умидворлиги бўлмаса, бежиздан эмас”, – дейди.

Бегим эса: “Эй, ука, опа-укаликни кўрсатиш вақти келди. Бу олди-сотдини, албатта, суриштириш керак”, – дейди. Ҳожа Муаззам: “Моҳи чечам, сиз ҳеч кимга бу гапни айтманг. Иншоолло, ҳақ жойида қарор топади, деб умид қиласман”, – дейди.

Бу ердан тўғри ўша савдогарларнинг олдига боради ва улардан: “Бу отларни қанчага сотдингиз? Бу отларга қачон тилласини берасиз? Ваъда қилишган тиллаларни қай тариқа адо қиласиз?” – деб сўрайди. Савдогарлар: “Бизга бу икки шахс лаъл берамиз деб ваъда қилишди ва отларни олиб кетишиди”, – дедилар.

Ҳожа Муаззам у ердан Ҳожа Ғозийнинг хизматкори олдига келади. Ундан: “Ҳожа Ғозийнинг кийим-кечак бўғчasi ва бор буди-шуди қаерда туради?” – деб сўрайди. Ҳожанинг етими айтадики: “Бизнинг Ҳожамизнинг бўғча ва нари-бериси йўқ, битта тақияси бор, уни ухлаётганида гоҳи бошига, гоҳи қўйнига солиб ётади”, – дейди.

Хожа Муazzам гап нимадалигини фаҳмлайди ва қўнглига тугиб қўядики, ўша лаъллар Хожа Фозийнинг қўлида ва ўша тақиясида сақламоқда. У ҳазратларининг олдига келиб: “Мен Хожа Фозийнинг тақиясида ўша лаълларнинг дарагини топдим. Мен бир йўлини қилиб, уни ўғирламоқчиман. Агар Хожа Фозий ҳазратларининг олдига келиб, мендан шикоят қилса, ҳазратлари менга ҳеч нарса демасинлар”, – дейди. Ҳазратлари буни эшитиб, табассум қиласидар.

Хожа Муazzам ўша кундан бошлаб, Хожа Фозийга ҳазил-мутойиба ва қочирим қила бошлайди.

Хожа Фозий келиб, подшоҳ ҳазратларига арз қиласиди, “Мен бир бечораҳол кишиман, ўзимга яраша обрў-иззатим бор ва бу қандай гапки, Хожа Муazzам кичик ёшда бўлишига қарамай, бу бегона вилоятда мен билан ҳазил-мутойиба ва мазах қиласиди ва мени таҳқирлайди?” – деди. Подшоҳ ҳазратлари: “Ҳечқиси йўқ, ёши кичик, бирон нарса хаёлига келиб қолган ва бу дилхираликлардан бир оз кўнгил очиш учун беадаблик қилган бўлса керак, сиз ҳеч нарсани кўнглингизга олманг, у ёш бола”, – дейдилар.

Бошқа куни Хожа Фозий девонхонага келиб ўтирган эди. Хожа Муazzам уни гафлатда қолдириб, тақиясини бошидан юлиб олади. Унинг ичидан тенги йўқ лаълларни олиб, подшоҳ ҳазратлари ва Ҳамидабонубегимнинг олдиларига олиб келиб қўяди. Подшоҳ ҳазратлари табассум қиласидар, Ҳамидабонубегим хурсанд бўладилар ва Хожа Муazzамга офаринлар ва раҳматлар айтишади.

Хожа Фозий ва Равшан кўка ўз қилмишларидан шарманда бўлиб, ҳар иккаласи шоҳ [Таҳмос]нинг олдига боришади ва шоҳга хуфёна бир нарсаларни етказишади, шу қадар гапларни айтишадики, шоҳнинг кўнглида хиралик пайдо бўлади.

Подшоҳ ҳазратларига маълум бўладики, шоҳ Таҳмоснинг ихлос ва эътиқоди бурунгидай эмас. Дарҳол қанча лаъл ва жавоҳири бўлса, ҳаммасини шоҳга тортиқ қилиб жўнатадилар. Шоҳ Таҳмос подшоҳга айтадики, бизни бир-биримиздан бегона қилган Хожа Фозий ва Равшан кўканинг гуноҳи, дейди, бўлмаса биз сизни ўзимиз билан битта одам ҳисоблардик.

Ҳар иккала подшоҳ қайтадан яқдил бўлишди ва бир-бирига нисбатан кўнглидаги ғуборни чиқариб юборишди ва ўша икки ҳаромхўр ҳар иккала подшоҳ томонидан рад қилинди. Подшоҳ ҳар иккаласини шоҳ Таҳмосга топширди. У лаълларни қандай қилиб бўлса ҳам, қачон бўлса ҳам, қайтиб олдилар, уларни эса зинданга солишини буюрдилар.

Подшоҳ ҳазратлари Ироқда бўлган даврларини охиригача кайф-сафо билан ўтказдилар ва шоҳ турли йўллар билан кўнгилларини кўтарар ва подшоҳ ҳазратларига ажibu ғариб совгалар жўнатар эдилар. Нихоят ўз ўғлини, хонлар ҳамда сultonлар ҳамда амирларини подшоҳ ҳазратлари билан бирга ёрдамга тайинлаб, кўнгилдагидай яроқ, чодиру ўтовлар, соябону айвонлар, ипак гиламлар, терма шолчалар ва ҳар хил уй анжомларидан кераклигича: тўшакхона, хазинахона, ҳар хил корхоналар; бовурчихона (ошхона) ва подшоҳона мулозимлар хонаси тайёрлаб, қутлуг соатда бу икки подшоҳи олиймақом бир-бирларига рухсат беришди.

Подшоҳ ҳазратлари у ердан Қандаҳор томонга йўл олдилар. Подшоҳ ҳазратлари ўша пайтда бу икки бевафонинг [Хожа Фозий ва Равшан кўка] гуноҳини шоҳдан тилаб, уларни кечириб, ўzlари билан бирга Қандаҳорга олиб кетдилар.

Подшоҳ ҳазратларининг Хуросондан қайтиб Қандаҳорга келаётганини эшигтан Мирзо Аскарий Жалолиддин Муҳаммад Ақбар подшоҳни Кобулга – Мирзо Комроннинг ҳузурлариға жўнатдилар. Мирзо Комрон уни бизнинг аммамиз Хонзодабегимга топширдилар.

Аммамиз уни олиб боққанларида Жалолиддин Муҳаммад Ақбар подшоҳ икки ярим ёшда эди. Уни жуда яхши қўрардилар. Унинг қўл-оёғини ўпардилар ва худди укам Бобуршоҳнинг қўл-оёқларининг ўзгинаси, жудаям ўхшаш, дердилар.

Подшоҳ ҳазратларининг Қандаҳорга келганлари аниқлангач, Мирзо Комрон Хонзодабегим ҳазратларига ялиниб-ёлвориб: “Сиз давлат томонидан подшоҳнинг ҳузурига – Қандаҳорга боринг, бизни яраштириб қўйинг”, – деб сўранарди.

Хонзодабегим ҳазратлари Ақбар подшоҳни Мирзо Комронга топширдилар, Мирзо Комрон ўз аёлларига топширдилар ва зудлик билан Қандаҳорга кетдилар.

Подшоҳ ҳазратлари Қандаҳорга келганларидан сўнг, Мирзо Комрон ва Мирзо Аскарийни қирқ кун қамал қилдилар. Сўнг Байрамхонни Мирзо Комроннинг олдига элчиликка юбордилар.

Мирзо Аскарий ожиз ва забун ҳолатда ташқарига чиқиб гуноҳидан ўтишларини сўради ва подшоҳ ҳазратларининг хизматларига етишди. Подшоҳ ҳазратлари Қандаҳорни олиб, зафар қучдилар ва шоҳ [Таҳмос] нинг ўғлига бердилар. Бир неча кундан сўнг шоҳнинг ўғли тоби қочиб ўлди. Подшоҳ ҳазратлари Байрамхон келганидан кейин Қандаҳорни унга бердилар.

Ҳамиданубонубегимни ҳам Қандаҳорда қолдириб, Мирзо Комроннинг орқасидан йўлга тушдилар.

У билан бирга кетаётган Хонзодабегим Қабалҳак деган жойга етганда уч кунгача иситмалади. Табиблар тузатишга қанча уринмасин, фойдаси бўлмади.

Тўртинчи куни сана тўққиз юз эллик бирда Ҳақ раҳматига етишдилар. Ўша Қабалҳак мавзесида дафн қилдилар. Уч ой ўтгандан сўнг олиб келиб, подшоҳ отам ҳазратларининг мақбараасига қўйдилар.

Мирзо Комрон Кобулда бўлган бир неча йил давомида ҳеч қачон юриш қилмагандилар. Подшоҳ ҳазратларининг келишларини эшитиб, уларнинг бирданига чопқин ясашга ҳаваслари қўзиб қолди. Чопқин ясаш учун ҳазоралар¹ томонга жўнади.

Шу аснода дарвишлик гўшасини ихтиёр қилган Мирзо Ҳиндол, подшоҳ ҳазратларининг Ирок ва Хуросондан қайтганлари ва Қандаҳор устидан ғалаба қозонгандарини эшитиб, фурсатни ғанимат билиб Мирзо Ёдгор Носирни сўратиб: “Подшоҳ келиб Қандаҳорни фатҳ қилиди. Мирзо Комрон сулҳ тузиш учун Хонзодабегимни жўнаттган эдилар. Подшоҳ бу тариқа сулҳни қабул қилмадилар. Подшоҳ ҳазратлари Байрамхонни элчи қилиб жўнатгандилар. Мирзо Комрон Байрамхоннинг сўзларига кўнмадилар. Ҳозир подшоҳ Қандаҳорни Байрамхонга топшириб, Кобулга қараб келмоқдалар. Келинг, бизу сиз бир-биримиз билан аҳду паймон қилиб, хийла билан подшоҳ ҳазратлари олдига етиб олайлик”, – деди. Мирзо Ёдгор Носир рози бўлди. Бу икков ўзаро аҳду паймон туздилар.

Мирзо Ҳиндол: “Сиз қолишдан қочишни афзал қўринг. Мирзо Комрон эшигтгач, албатта, менга, Мирзо Ёдгор Носир қочибди. Сиз бориб

¹ Ҳазора – жой, кенг, қасабага ўхшаш худуд. Самарқанднинг Жомбой туманидаги “Ғазира” деган шаҳарча номи шу сўздан олинган бўлса, эҳтимол (муҳ.).

кўнглини тинчтиб олиб келинг, дейиши аниқ. Мен боргунимча сиз аста-секин кетаверинг. Мен етиб олганимдан сўнг, иккаламиз биргалашиб имкон борича тезроқ подшоҳ ҳазратларининг хизматларига етишамиз”, – дейди. Мирзо Ёдгор Носир қарорни бир жойга қўйиб қочади. Мирзо Комронга хабар кетади. Мирзо Комрон шу ондаёқ қайтиб Кобулга келади ва Мирзо Ҳиндолни тилатиб: “Сиз бориб Мирзо Ёдгорнинг кўнглига таскин бериб олиб келинг”, – дейди. Улар шу заҳоти отга миниб, бор кучи билан унга етиб ҳамроҳ бўлади. У ердан илгарилаб, беш-олти кунда келиб, ҳазратларининг хизматларига мушарраф бўладилар. Улар ҳазратлариға Такия Ҳимор йўли билан кетиш керак, деб арз қиласидар.

Сана тўққиз юз эллик бир муборак рамазон ойининг тўққизида Такия Ҳиморга тушдилар. Ўша куниёқ Мирзо Комронга хабар етиб борди. Мирзо Комрон бир ажиб изтиробга тушди. Ўша заҳоти чодирларни олиб чиқиб, Гузаргоҳ қархисида тикди.

Подшоҳ ҳазратлари рамазон ойининг ўн бири куни Жулга тепадан тушдилар. Мирзо Комрон ҳам жанг килиши мақсадида унинг рўпарасига тушди. Шу орада Мирзо Комроннинг ҳамма амирлари ва сипоҳийлари қочиб келиб, подшоҳ ҳазратларининг оёқларини ўпишга мушарраф бўлдилар.

Мирзо Комроннинг донғи кетган амирларидан бири Бопус ўз жамоаси билан қочиб келиб, ҳазратларининг пой-қадамларини ўпишга мұяссар бўлдилар.

Мирзо Комрон якка-ёлғиз қолдилар. Теварак-атрофида ҳеч ким қолмаганини кўргач, донғи кетган амирларидан бўлган Бопуснинг уйи шу яқинда эди, бориб унинг эшик-деворини бузиб, вайрон қилдилар. Аста-секин юриб, Наврўзий боғи ва Гулруҳбеким қабристони олдидан ўтиб, ўн икки минг отлигини ташлаб кетдилар.

Қоронғи тушгач, ўша йўл билан кўл ёқасидаги Бобо Дашибийга келиб тўхтадилар ва Мирзонинг катта қизи Ҳабибабегим ва Мирзо Комроннинг ўғли Йброҳим Султон мирзо ва Хизрхоннинг акасининг қизи Ҳазорабегим, бегим ҳарамининг синглиси Моҳбеким, Ҳожибекимнинг онаси Мехрафуз бека ва Боқи кўканинг барчасини олиб келинг, деб Дўстий кўка ва Жўтихонни юбордилар. Ниҳоят бу гуруҳ Мирзо Комронга ҳамроҳ бўлдилар ва Мирзо Тата ва Бакарга қараб йўл олдилар.

Бакар йўлида жойлашган Хизрхоннинг вилоятига етганда Ҳабибабегимни Оқ Султонга никоҳлаб бердилар ва ўзлари Бакар ва Тата томонга жўнадилар. Подшоҳ ҳазратлари 12-рамазон куни кечаси соат 12 дан ўтганда ғалаба ва саодат ва иқбол билан Болои Ҳисорга келиб тушдилар. Подшоҳ хизматлариға мушарраф бўлган Мирзо Комроннинг одамлари ҳаммалари ноғора чалиб ҳазратларининг хизматларида Кобулга кириб келдилар. Шу ойининг ўн иккинчи куни, онамиз ҳазратлари Дилдорбегим ва Гулчехрабегим ва бу ҳақир ҳазратларининг дийдорлариға мушарраф бўлдик.

...Бир неча кундан сўнг Ҳамидабонубегимни тилатиб, Қандаҳорга одамларини юбордилар. Ҳамидабонубегим келганларидан кейин Жалолиддин Мухаммад Акбар подшоҳнинг хатна тўйини қилдилар. Ва суннат тўйин анжомларини тайёрлашга киришилди.

Наврўздан сўнг ўн етти кун шодиёналар бўлиб ўтди ва кўк либос кийишиди. Ўттиз-қирқقا яқин қизларга кўк кийим кийиб тоғнинг тепасига чиқишига хукм бўлди. Бир Наврўзда Ҳафт Додарон тоғига чиқишиди. Аксар халқ хузур-ҳаловат, фароғатда яшарди.

Муҳаммад Акбар подшоҳ беш ёшга тўлганда, Кобулда хатна тўйи қилишди. Тўйни ўша катта девонхона ичида ўтказиши. Ҳамма бозорни безатиши. Мирзо Ҳиндол, Мирзо Ёдгор Носир, сultonлар ва амирлар безаш учун кўркам ва чиройли жойларни тиклашганди. Бека бегимнинг боғида бегимлар ва заифалар ажойиб жойлар ҳозирлашганди. Барча мирзолар ва амирлар соқчини ўша девонхона боғига олиб келишганди.

Бир ажойиб ва ғаройиб маърака бўлди. Одамларга кўркам кийимлар ва кўпдан-кўп бош-оёқ сарполар улашилди.

Раият, уламою фузало, ғарибу ғурабо, бой ва камбағаллар, каттаю кичик барча тинч-осуда ҳаёт кечирарди.

Шундан сўнг Зафар қалъасига йўл олдилар ва бу қалъада Мирзо Сулаймон туарди. У жанг қилишга чиқди. Тўқнаш келгач, қаршилик кўрсатишга тоб беролмади ва қолишдан қочишни афзал билди.

Подшоҳ ҳазратлари ғалаба ва саодат билан Зафар қалъасига кирдилар. Ва Кешимда подшоҳнинг ўзлари ташриф буюргандилар.

...Ҳазратлари Кобул атрофига етиб келгач, Мирзо Комрон волида ҳазратлари ва мени уйдан чақиритиб, волидам ҳазратларига кўргенинг уйида бўлинг, деб ҳукм қилдилар. Менга эса мана шу сизнинг уйингиз, шу ерда бўласиз, дедилар. “Нега энди бу ерда бўлар эканман, менинг волидам қайси жойда бўлса, мен ўша ерда бўламан”, дедим. Улар менга жавобан айтдиларки, сиз, демак, Хизр ҳожаҳонга бир хат ёзасиз, келиб бизга қўшилсин ва хотиржам бўлсинлар. Мирзо Аскарий билан Мирзо Ҳиндол менга ака-ука бўлганларидаи, улар ҳам менга ака-ука ва ҳозир мадад берадиган вактлари, – дедилар.

Мен унга жавобан: “Хизр ҳожаҳон саводи йўқки, менинг хатимни таниса. Мен ҳеч қачон ўзим ёзмаганман”, – дедим. “Ташқарида фарзандлари номидан ёзишади. Сизнинг фикрингизга нима келса, шуни ёзинг”, – дедилар. Ниҳоят Маҳди Султон ва Шер Алихонни тилатиб жўнатдилар. Мен хатнинг бошида: “Сенинг ака-укаларинг Мирзо Комроннинг ёнида. Сен ҳам уларнинг олдига боришини ва ака-укаларингга қўшилишни ҳечам хаёлингга келтирмагин. Зинҳор, минг бора зинҳор ҳазратларидан айрилишни хаёлингга келтирма”, – деб ёздим.

Шундай, алҳамдулиллоҳ, шукрки, мен нима деб айтган бўлсам, хон ортиқча иш қилмадилар.

Подшоҳ ҳазратлари Мирзо Комрон Маҳди Султон ва Шер Алини Хизр ҳожаҳонни олиб келишга юборганини эшитиб, ҳазратлари ҳам Мирзо Ҳожининг отаси Қамбарбекни Хизр ҳожаҳонни тилатиб юборди.

Ўша пайтларда хон ўзининг туаржойида эди. [Подшоҳ] айтиб юбордиларки, зинҳор, минг бора зинҳор Мирзо Комронга бориб қўшилмасин, бизнинг хизматимизга келсинлар. Шундай қилиб, Хизр ҳожаҳон бу хабар ва куттуғ тилакни эшитгач, ул фалак мақом хузурларига йўл олдилар ва келиб Үқобайнда хизматларига етищдилар.

Ниҳоят ҳазратлари Минордан ўтганларида Шерафканни бош қилиб, лашкарини унга қўшиб, Мирзо Комрон билан жанг қилишга юборди. Биз тепалиқдан туриб, унинг ноғора чалиб Бобо Дашиб ёнидан ўтиб кетаётганини кузатардик. Биз: “Худо сенга бориб жанг қилишни бу юрмасин”, – дердик ва йиғлардик.

Ниҳоят Дехи Афғононга етганларида икки томоннинг коровул қўшинлари тўқнаш келди. Тўқнаш келиши биланоқ ҳазратларининг коровул қўшини Мирзо Комроннинг қоровулларини қўлга олдилар ва ҳазратларининг олдига олиб бордилар.

Ҳазратлари мўғулларга буюриб, уларни пора-пора килдирди. Жангга кирган Мирзо Комрон қўшинларининг аксарияти асир тушдилар. Ул ҳазратлари баъзиларни қатл қилдилар ва баъзиларни қамоққа ташладилар. Шу жумладан, Мирзо Комроннинг амирларидан бўлган Жўгихон ҳам кўлга тушди.

Подшоҳ ҳазратлари ва уларнинг хизматларида бўлган Мирзо Ҳиндол зафар кучдилар ва шодиёна карнай-сурнай чалдириб, асьаса ва дабдаба билан Уқобайнга кириб келдилар. У ерда ўзларига чодир, кўшк, айвон барпо қилдилар. Мирзо Ҳиндолни Пули Маston посбонлигига тайинладилар ва ҳар жой-ҳар жойдан амирларга посбонлик жойини тайинладилар.

Етти ойгача қамал қилиб турдилар. Тақдир тақозоси билан бир куни Мирзо Комрон ҳовлидан даҳлиз томонга ўтиб кетаётган пайтда бир киши Уқобайндан тўфанг¹ отди. Улар чопкиллаганича ўзларини чеккага олишди. Улар Ақбар подшоҳни уларнинг рўпарасига олиб чиқиб ушлаб туришни буюрдилар. Ахири энг муқаддас ва олийотни Мирзо Муҳаммад Ақбарни рўпарада тутиб туришибди, деб огоҳлантиридилар. Ҳазратлари, тўфанг отманглар, деб буюрдилар. Шундан сўнг подшоҳлик одамлари Болои Ҳисордан тўфанг отмадилар. Мирзо Комроннинг одамлари Кобулдан Уқобайнга қараб тўфанг отардилар. Подшоҳнинг одамлари Мирзо Аскарийни уларнинг рўпарасига турғизиб қўйишарди. Подшоҳ қўшини одамлари ҳазил қилишарди. Мирзо Комроннинг одамлари қалъадан ташқари чиқиб жанг қилишарди ва икки томондан кишилар ҳалок бўлардилар.

Қўпинча ҳазратларининг одамлари ғолиб келардилар. Энди қалъадан довюрак одамлар ташқарига чиқмасдилар. Ҳазратлари аёллар ва болалар, бегимлар ва аҳли ҳарам ва бошқа қуроллардан оттирмасдилар ва уйларга сув етказиб беришни камайтирмасди.

Қамал ишлари узокқа чўзилгач, ҳазратларининг олдига Хожа Дўст Хованд элчи жўнатиб: “Худо ҳаққи, Мирзо Комрон нимани сўраса рози бўлинг ва биз Худо бандаларини азобдан қутқаринг”, – дейишиди.

Ҳазратлари ташқаридан уларга аatab тўққизта қўй, етти шиша гулоб ва бир шиша лимон шарбати ва етти-тўққиз матолар ва бир қанча ярим тайёр кийимлар юбордилар. Улар: “Сизларни ўйлаб, қалъага қаттиқ ҳужумга ўтмаётибман, мабодо сизларнинг душманларингиз сизларга бошқача муомала қилмасинлар”, – деб ёзибдилар.

Ўша пайтларда Жаҳон Султон бегим икки ёшда эди, ўша қамал даврида вафот қилди.

Ва улар: “Агар биз қалъага қаттиқ ҳужумга ўтсан, шу онда Мирзо Муҳаммад Ақбарни бекитиб қўйишлари мумкин”, дердилар. Хуллас, одамлар намозшомдан бомдодгача жанговар ҳолатда туриб, ғавро солишарди. Мирзо Комрон қочган кечаси, намозшом ўтди, хуфтон ҳам бўлдики, ҳеч бир шовқин-сурон кўтарилимида. Ўша ерда бир довон бўлиб, пастдаги ахоли тепасига қараб чиқишарди. Шаҳар ахолиси тинчланиб, ором олаётган бир пайтда бирданига жуббаю қалқон ва зирҳларнинг овози кўтарилиди. Биз бир-биримизга ғала-ғовур бошланди, деб хабар қилдик. Жиловхона [қабулхона] олдида мингга яқин одам туради.

Биз ҳаммамиз ваҳимада эдик ва ҳеч нарсадан бехабар ташқарига чиқкандик. Шу пайт Қорачаҳоннинг ўғли Баҳодирхон келиб, “Мирзо [Комрон] қочибди”, деб хабар берди. Девор устидан арқон ташлаб, Хожа Муаззамни чиқарип олишди.

¹ Тўфанг – милтиқ.

Бизнинг одамларимиз, бегимлар ва бошқалар ташқарида эдик. Бизнинг уйимизда бекитилган дарвозани очиши. Бекабегим: “Кетдиқ, уй-уйимизга борайлик!” – деб қистади.

Мен эса: “Бирпас сабр қилинглар, қўчадан юриб ўтишимиз керак, эҳтимол, ҳазратларининг олдидан биронтаси келиб қолар”, – дедим. Айни шу пайтда Акбар нозир келди ва: “Ҳазратлари мен келгунимча уйларидан чиқмасинлар деб буюрдилар”, – деди.

Бир оз вақт ўтгач, ҳазратлари келдилар ва Дилдорбегим ва мен билан кўришдилар. Ундан сўнг Бекабегим ва Ҳамидабонубегим билан кўришдилар. Сўнг: “Тезда бу уйдан чиқинглар, бу қафасдан дўстларни Худо сақласин ва душманларга насиб қилсин”, – дедилар. Нозирбекка: “Бир томонда сен бўлгин, бошқа томонда Турдибек туриб бегимларни ўtkазиб қўйинглар”, – деб буюрдилар. Нихоят ҳаммалари келдилар ва ўша кеча ҳазратларининг хизматларида бўлдик. Ҳурсандчиликдан кеча бир зумда тонгга улашди. Лашкарда ҳазратлари билан бирга келган МөхЧучакбеким, Хониш оғо ва ҳарамлари билан кўришдик.

...Мирзо Комрон Қобулдан қочиб Бадахшонга кетди ва Толуқонда яшаб турарди. Ҳазратлари Ўртабоғда эканларида, эрталаб намозга турганларида, ҳазратларининг мулозаматида бўлган Мирзо Комроннинг аксар амирлари қочиб кетдилар, деган хабар келди. Жумладан, Қораҷаҳон, Мусоҳибхон, Муборизхон, Побусхон ва қўпчилик бетавфиқлар кечаси қочиб Бадахшонга кетиб, Мирзо Комронга қўшилдилар. Ҳазратлари баҳтли соатда Бадахшонга йўл олдилар ва Мирзо Комронни Толуқонда қамалга олдилар.

Бир оз вақтдан кейин, Мирзо Комрон унинг ҳукмронлигини қабул қилиб итоат қилди ва келиб ҳазратларига таъзим бажо келтириди.

Ҳазратлари Кўлобни Мирзо Комронга ва Зафар қалъасини Мирзо Сулаймонга, Қандахорни Мирзо Ҳиндолга ҳамда Толуқонни Мирзо Аскарийга иноят қилдилар.

Бир куни Кешимда чодир тикдилар, ака-укалардан Ҳумоюн подшоҳ ҳазратлари, Мирзо Комрон, Мирзо Аскарий, Мирзо Ҳиндол, Мирзо Сулаймон йиғилишдилар.

Подшоҳ ҳазратларининг хизматларида шай бўлган бир қанча тўрага амр қилдиларки, офтоба-чиловчин обкелинглар, қўл ювиб бирга таом тановул қиласлийлик. Аввал подшоҳ ҳазратлари, ундан сўнг Мирзо Комрон қўл ювдилар. Мирзо Сулаймон ёшга нисбатан Мирзо Аскарий ва Мирзо Ҳиндолдан улуғроқ эди.

Ҳурмат юзасидан ҳар иккала ака-укалар офтоба ва чиловчинни Мирзо Сулаймоннинг олдига қўйдилар. Мирзо Сулаймон қўл ювгандан кейин бурнини хунук қилиб қийшайтириди. Мирзо Аскарий ва Мирзо Ҳиндол ўта жаҳли чиқиб: “Бу қандай қишлоқилик? – дедилар. – Аввало биз подшоҳ ҳазратлари хузурида қўл ювишга не ҳаддимиз бор? Лекин шундай ҳукм қилганлари учун ҳукмини ўзгартиролмадик. Бу бурун жийириш қиликларини қандай тушунса бўлади?”.

Охири Мирзо Аскарий билан Мирзо Ҳиндол ташқарига чиқиб қўлларини ювиб келиб ўтиридилар.

Мирзо Сулаймон қаттиқ шарманда бўлди. Ҳаммалари бир дастурхонда ўтириб таом ейишиди. Ҳазратлари бу йифинда бу ҳақирни эсга оладилар ва укаларига қараб: “Гулбаданбеким Лоҳурда, менинг бир орзуйим бор, ҳамма ака-укаларни бир жойда кўрсам, дердилар. Бугун эрталаб ўтирганимизда шу сўзи ёдимга тушди. Иншооллоҳи таоло, Ҳақ субҳонаҳу таоло бизнинг йиғинимизни ўз паноҳида асрагай! Ҳудога маълумки, менинг замиримда

ака-укаларга зиён етказиш истаги у ёқда турсин, ҳатто бирон мусулмонга зиён етказиш истаги йўқ. Иншоолло таоло, сизларнинг ҳаммаларингизга ўзаро бирдамлик ва ҳамжиҳатлик тавфиқини Оллоҳ таоло каромат қилсин”, – дедилар.

Одамлар орасида ажойиб кайфият ва хушнудлик юзага келди. Негаки амирлар ва навкарларнинг аксарияти бир-бирига қавм-қариндош эдилар. Ўз хўжайнларининг бир-биридан айрилгани жонибидан, улар ҳам бир-биридан ажралган, балки бир-бирининг қонларига ташна эдилар. Эндиликда ҳаммалари бирлашиб шоду хуррамлик билан ҳаёт кечиришарди.

...Мирзо Комрон Кўлобда эди. Тархонбека номли бир айёр ва маккор кампир “Ҳарамбегимга ошиқлик изҳор қилинг, бунда бир қанча манфатлар бор”, деб йўл кўрсатди. Мирзо Комрон ҳам ўша ақли калтанинг тилига кириб Беги оғо орқали Ҳарамбегимга хат ва рўмолча юборди. Бу кампир хат билан рўмолчани олиб Ҳарамбегимнинг олдига қўяди ва Мирзо Комроннинг мулозаматини ва беҳад иштиёқини изҳор қиласди. Ҳарамбегим: “Ҳозирча бу хат ва рўмолчани сақлаб қўйинг, қачон мирзолар ташқаридан келишса, бу хат билан рўмолчани келтиринг”, – деди.

Беги оғо йиғи-сиғи ва илтимослар билан: “Бу хат ва рўмолчани Мирзо Комрон сизга бериб юборди ва анча пайтдан буён сизга ошиқ ва сиз бўлсангиз уларга нисбатан бемурувватлик қиляпсиз”, – дейди.

Ҳарамбегим қаттиқ эътиroz билдиради ва шу заҳоти Мирзо Сулаймон ва Мирзо Иброҳимни чақириб: “Мирзо Комрон сизларнинг номардликларингизни билганки, менга шу хатни ёзган. Ҳақиқатда, мен шунга лойик бўлсам керакки, менга шундай ёзган. Мирзо Комрон сенинг катта аканг бўлса, мен эса уларга келин ўрнида бўлсам ва менга шунака мазмунда хат ёзса. Бу хотинни тутинглар ва уни тилка-пора қилинглар, токи бошқаларга ибрат бўлсин ва ҳеч ким бироннинг оиласига кўз олайтирмасин ва бузук хаёлларга бормасин. Бу хотиннинг мендан ва болаларимдан кўрқмай шундай хат келтиришига қандай ҳадди сиғди?” – дейди.

Шу ондаёқ Биби Давлатнинг қасдини олиб Беги оғони пора-пора қилиб ташлашади. Мирзо Сулаймон ва Мирзо Иброҳим шу туфайли нафақат Мирзо Комрон билан оралари бузилди, балки душман бўлдилар. “[Мирзо Комрон] қарши чиқиши пайида, қаршилик бундан аникроқ бўлмайди, чунки Балхга юриш пайтида хизматларида бирга бормади”, – деб ҳазратларига ёзилар. Мирзо Комрон Кўлобда бу гаплардан чўчиб, ўзини четга тортишдан бўлак иложини топмадилар.

Ўғли Абулқосим мирзони Мирзо Аскарийнинг олдига жўнатади ва қизи Ойша Султонбегимни бирга олиб Мирзо Комрон Толуқон томонга кетади.

Мирзо Комроннинг аёлининг исми Хоним эди. Унга: “Сиз қизингиз билан орқадан келинг. Қаерда жойлашсам, ўша жойга сизларни чақираман. Аммо ҳозирча сиз Хўст ва Андаробга бориб туринг”, – дейди.

Бу Хонимнинг ўзбек хонлари билан яқинлиги бор эди. У ўзбекларга маълум қиладики, агар мақсад ўлжа олиш бўлса, молу дунё ва бор қулларини олинглар ва заифаларни қўйинглар. Агар эртанги куни Ойша Султонбегимнинг акасининг ўғли буни эшитса, сиздан ранжиди, дейди. Юз макру ҳийла, юз ҳайронлик ва бехонумонлик билан ўзбеклар тутқунидан кутулиб, Хўст ва Андаробга етиб келади ва ўша ерда жойлашади.

Мирзо Комрон Балх мағлубиятидан хабар топади. Ҳазратлари мен

ҳақда ўйлаганча эмас аслида, дейди. Ва Кўлобдан чиқиб кетиб ҳар қаерларда юарди.

Шу аснода ҳазратлари Кобулдан чиқиб, Даشتி Қибчоққа етиб борган эдилар ва ҳеч нарсадан бехабар бир тепаликка тушган эдилар. Мирзо Комрон тиш-тирноғигача куролланган ҳолда юкоридан ҳазратларининг лашкарига бостириб келдилар.

Оллоҳнинг иродаси экан, бир кўр кўкрак, бўйнинг узилгур, ситамкор золим, нобакор келиб подшоҳ ҳазратларини ярадор қилди. Уларнинг [подшоҳ] муборак бошларига жароҳат етиб, бутун пешонаси ва кўзлари қонга беланган эди.

Худди шундай подшоҳ ҳазратлари, фирмавсмакон Бобурга мўғуллар билан жангда бир мўғул жароҳат етказган эди, ўшанда тақияси ва салласи йирилмаган, аммо муборак бошлари жароҳатланган эди. Хумоюн подшоҳ ҳазратлари доим таажжубга тушиб: “Бу ғалати бош экан, тақия ва салла йирилмаса-да ва боши жароҳатланса!” – дерди. Қисқаси, уларнинг муборак бошлари ҳам шундай бўлди.

Даشتити Қипчоқ мағлубиятидан кейин, ҳазратлари Бадахшонга кетдилар. Мирзо Ҳиндол, Мирзо Сулаймон, Мирзо Иброҳим келиб ҳазратларига таъзим бажо келтирдилар ва ҳазратлари Кобулга кетдилар. Мирзолар давлатни қўллаб-куватлаб, яқдиллик ва ҳамжиҳатлик билан хизматда бўлганлари сабабли Мирзо Комрон жўнаб кетдилар.

Подшоҳ ҳазратлари: “Келинга айтинглар, зудлик билан Бадахшон лашкари ва одамларини тартиб бериб жўнатсан”, – деб Ҳарамбекимга айтиб юборди. Бегим ўта қисқа вақт ичида, бир неча минг кишига от ва яроқ бериб, уларни керакли анжом билан таъминладилар ва довонгача ўзлари бирга келиб, у ердан лашкарни олдинга жўнатдилар. Ўзлари орқага қайтдилар. Бу лашкар келиб подшоҳ ҳазратларига қўшилдилар.

Чорикорон ва Қорабоғда Мирзо Комрон билан жанг бўлди. Ҳазатларининг лашкари ғолиб чиқиб, зафар қозонди ва Мирзо Комронни мағлубиятга учратдилар. Мирзо Комрон қочиб даралар ичига, Лағмонотга кетади.

Мирзо Комроннинг куёви Оқ Султон: “Сиз доимо Ҳумоюн подшоҳ ҳазратларига қарши чиқасиз, бундан қандай маъни чиқади? Итоат қилиб, ҳукмга бўйинсансангиз ёки бизга рухсат берсангиз, маъқул бўлмасмикан? Чунки ҳамма биздан кўрятпти”, – дейди. Мирзо Комрон қўполлик қилиб: “Менинг ишларим шу даражага етиб кептики, энди сен менга насиҳат қиладиган бўп қопсан”, – деди. Оқ Султон ҳам аччик устида: “Агар мен сизнинг олдингизда қоладиган бўлсам, менинг ҳалолим ҳаром бўлсин”, – дейди. Оқ Султон шу захоти ажралиб, аёли билан Бакар томонга кетади. Мирзо Комрондан Шоҳ Ҳусайн мирзога фармон келади: “Оқ Султон мени ранжитиб кетди. Агар у ерга боргудай бўлса, унинг хотини билан бирга бўлишига йўл қўйманг ва аёлини ундан ажратинг ва унга “Қаерга хоҳлассанг боравер!” денг”, мазмунида.

Шоҳ Ҳусайн мирзо фармон келиши билан Ҳабибабегимни Оқ Султондан ажратади ва Султонга Маккан Муаззамага кетишга рухсат беради.

Ўша Чорикорон жангиди Мирзо Комроннинг [амири] Корачаҳон ва бошқа атоқли кишилари ўлдирилади. Ойша Султонбеким ва Давлатбахт оғоча қочиб Қандаҳорга кетаётганларида подшоҳлик одамлари Такия Ҳимордан тутиб келишди. Мирзо Комрон аффонларга қўшилиб, уларнинг орасида яшарди.

Подшоҳ ҳазратлари ахён-ахёнда норинж¹ боғига бориб турарди. Ўша

¹ Норинж – норжил, апельсин (муҳ.).

йили эски одатга кўра норинжни кўриш учун тоғ-дараларига кетдилар. Мирзо Ҳиндол уларнинг хизматида эди. Ҳарам аҳлидан Бекабегим, Ҳамидабонубегим ва Моҳ Чучакбегим ва бошқа кўпчилик бегимлар бирга эди.

Менинг ўғлим Саодатёр ўша кунлари бемор эди, бинобарин, мен бора олмадим. Бир куни подшоҳ ҳазратлари даралар бағрида овда эдилар ва Мирзо Ҳиндол хизматларида эди. Ов бароридан келиб турарди. Мирзо [Ҳиндол] қайси томонда ов қиласа, ҳазратлари ҳам ўша томонга борарди. Мирзо кўп ов қилди. Мирзо Чингизхон одобига кўра ҳамма овларини ҳазратларига тақдим қилди. Чингизхон тўраларида кичиклар катталарга шундай муомала қилиши расм бўлган. Хуллас, у ҳамма овни ҳазратларига тортиқ қиласи. Шундан сўнг “Опаларнинг хиссаси қолди-ку”, деган фикр Мирзонинг дилидан ўтади. “Яна опалар гинахонлик қилмасин! Яна бир оз ов қилай-да, опаларга олиб борай”, – деб Мирзо яна овга машғул бўлди. У бир оз ов қилиб қайтаётганида, Мирзо Комрон тайинлаган одам йўлини тўсиб чиқади – Мирзо бундан бехабар – унга қараб ўқ отади. Ўқи табаррук елкаларига тегади. Менинг аҳли ҳарамларим ёки опаларим эшитиб безовта бўлмасин, деб шу заҳоти “Келган бало ўзи билан даф бўлди”, – деди. “Сизлар хотирингиз жам бўлсин. Мен сиҳат-саломатман”, – деб ёзибди. Хулоса шуки, ҳаво исиб кетгач, ҳазратлари қайтиб Кобулга келдилар. Бир йил ўтгандан сўнг ўқнинг жароҳати тузалди.

Бир йилдан кейин Мирзо Комрон яна атрофига одам тўплаб, жанг қилиш қобилиятига эга, дейиши. Ҳазратлари ҳам жангга тайёрланиб, дараликлар томон йўл олдилар. Мирзо Ҳиндол уларнинг хизматида эди.

Улар тоғ дараларига асъаса-дабдаба билан етиб тушганларида, жосуслардан ҳар лаҳза ва ҳар соатда “Мирзо Комрон шу кеча чопқин ясашга қарор қипти”, деган хабар келарди.

Мирзо Ҳиндол келиб ҳазратларига арз қилдилар ва ҳазратлари мана шу тепаликда турсинлар, укам Жалолиддин Муҳаммад Акбар подшоҳ ҳузурларида бирга бўлсин. Бу тепаликда одамлар эҳтиётни қўлдан бермай, посбонлик қилсинлар, деб кенгаш бердилар.

Ва ўzlари одамларини чақириб ҳар бирига алоҳида-алоҳида далда бердилар ва кўнгил кўтардилар. “Ҳамма хизматлар ҳам бир тараф, бугунги кечадагиси бир тараф. Иншоолло, сизлар дилингларда нима муддаонглар бўлса, сизлар истагандек юксак даражада қадрланади”, – деб таъкидладилар. Ҳаммани жой-жойига кўйиб ўzlарига жубба-жома, тақия ва дубулға келтиришларини сўради.

Тўшакчи бўғчани энди қўлга олган ҳам эдики, кимdir акса урди. Тўшакчи бўғчани бир соат ушлаб турди. Кечикиб кетгани учун яна биттасини таъкидлаб юбордилар. Эслатгандан кейин ҳамма нарсани келтиришди. Ўzlари сўрадилар: “Нега кечикиб кетдинг?” Тўшакчи жавоб қилдики, энди бўғчани ердан кўтарган эдим, кимdir акса урди, шу сабабли бўғчани қайта кўйдим, кечикишимнинг сабаби шу, деди.

“Бекор қилибсан, иншоолло, шаҳодат муборак бўлсин дегин”, – дедилар. Сўнг: “Дўстлар барчаси гувоҳ бўлсин, мен барча ҳаром нарсалардан ва ношойиста амаллардан тавба қилдим”, – дедилар.

Хозир бўлганлар барчаси фотиха ўқиб, муборакбод қилдилар. Кейин: “Нимча, кийим, жубба келтир”, – дедилар ва уни кийиб хандақ тепасига кетдилар ва сипоҳийларга мардоналик тилаб тасалли бердилар.

Шу аснода Мирзо Ҳиндолнинг товоқчиси (ошпази) Мирzonинг

овозини эшитиб: “Мени қилич билан чопишияпти”, – деб фарёд солди. Мирзо уни эшитиши ҳамоно отдан тушдилар ва уларга қараб: “Биродарлар бизнинг товоқчани қилич билан чопишса-ю, биз ёрдам бермасак, бу мардоналиктан эмас”, – дедилар ва ўзлари хандақقا тушдилар. Сипохийларнинг хеч қайсиниси отдан тушмади. Мирзо икки марта хандақдан чикиб ҳамла қилдилар. Шу харакатларда шаҳид бўлдилар. Билмадим, қайси бераҳм золим ўша беозор йигитни зулм тифи билан жонидан айирдийкан. Кошки ўша бешафқат тиф менинг кўзу юрагимга ёки менинг ўғлим Саодатёрга ёки Хизр хожаонга санчилган бўлса. Ох, юз оху афсус, во дариг, минг дариг!

*Эй дариго, эй дариго, эй дариг,
Офтоб ниҳон бўлди ортида тиг.*

Хуллас, Мирзо Ҳиндол ҳазратларининг хизматларида дили ачишиб жонбозлик қилди.

Мирбобо Дўст Мирзони кўтариб, Мирzonинг хонадонига олиб келди ва ҳеч кимга билдирилди. Ясовулларни олиб келиб дарвозага қўйди: “Ким келиб сўраса, Мирzonинг жароҳати оғир, ҳазратлари “ҳеч ким кирмасин”, – деб амр қилганлар дейсизлар”, – деди.

Подшоҳ ҳазратларининг ҳузурларига келиб: “Мирзо Ҳиндол ярадор бўлди”, – деди. Ҳазратлари бориб Мирzonи қўрай, деб от чақирдилар. Мир Абдулҳай: “Уларнинг жароҳати оғир, ҳазратларининг боришлири ўринли эмас”, – деди. Ҳазратлари тушундилар ва қанча ўзларини тутишга уринмасин, чидолмадилар.

Хизр хожаоннинг қароргоҳи Жўйи Шоҳийда эди. Ҳазратлари Хизр хожаонни тилатиб: “Мирзо Ҳиндолни Жўйи Шоҳийга олиб бориб, вақтинча ушлаб туринг!” – дедилар. Хожаон туюнинг жиловидан тутиб, ҳой-ҳой йиглаб, фарёд солиб кетар эди. Бу хабар подшоҳ ҳазратларига етиб борди. Хизр хожага: “Сабр қилмоқ керак. Менинг дилим сендан баттар куймоқда, аммо ўша қонхўр, золим ғанимнинг дастидан сабрсизлик қилмаётубман, ҳолбуки, у яқинда турибди, сабрдан ўзга чора йўқ”, – деб айтиб юбордилар.

Юз афсус ва надомат, дарду алам билан Жўйи Шоҳига олиб бориб омонат қўйдилар.

Агар ўша золим, биродаркуш, бегонапарвар, бераҳм ўша кеча келмаганида бу бало осмондан ёғилмас эди. Подшоҳ ҳазратлари Кобулга хатлар ёздилар. Бу хатлар опа-сингилларга етиб келиши билан бутун Кобул мотамсарога айланди ва саодатли шаҳид кетган Мирzonинг ҳолига бутун еру кўк фарёд чекиб, зор йигларди. Гулчехрабегим Қорахоннинг уйига кетган эдилар. Улар қайтиб келганларидан сўнг қиёмат қойим бўлди ва азбаройи кўп йиғлагани ва ғам-қайғудан бемор бўлиб қолганидан ақлхушини йўқотди.

Мирзо Комрондай золим ва бераҳм кишининг баҳодирлигидан Мирзо Ҳиндол шаҳид бўлди. Шу кундан бошлаб Мирзо Комроннинг ишларида рушду ривож бўлганини эшитмадик, балки орқага, таназзулга юз тутди, кундан-кун баттар бўлиб, ёмонлаша берди, шундан сўнг Мирзо Комронга давлат ёр бўлмади ва муродига етмади, гўё Мирзо Комроннинг хаёти, балки кўзининг нури Мирзо Ҳиндол бўлгандай эди.

Ўша мағлубиятдан сўнг тўғри Шерхоннинг ўғли Салимшоҳнинг олдига қочиб борди. У бир минг рупия берди. Шу орада Мирзо Комрон

арзи ҳол қилиб, ундан кўмак сўрайди. Салимшоҳ Мирзога жавобан ҳеч нарса демайди, лекин орқаваротдан ўз укаси Мирзо Ҳиндолни ўлдирган одамга қандай қилиб ёрдам бериб бўлади, дейди. Бундай одамни аксинча нобуд қилиб, ўлдирса савоб бўлади. Мирзо Комрон зимдан бу кенгашни эшигади ва ўз одамларига ҳам маслаҳат солмай, бир кечада жуфтакни ростлаб қолади ва Мирзонинг одамлари бехабар қоладилар. Булар қолдилар. Салимхонга хабар етиши билан кўпчилик одамларини қамоққа хукм қилди. Мирзо Комрон Бҳира ва Хушобга етиб борганда, ўша миңтақадаги Одам Гаккар юз ҳийла ва макр билан уни қўлга олиб, подшоҳ ҳазратларининг олдига олиб келди.

Оқибатда Мирзо Комрондан кўнгли қолган барча хонлар ва аъёну ашроф, катта-кичик, сипохийлар ва раият аҳли ўша ийғинда бирлашиб: “Подшоҳлик ва хукмронликда ака-укалик расми назарга олинмайди. Агар ака-укаликни юз-хотир қиласангиз, подшоҳликни тарқ этинг, агар подшоҳликни хоҳласангиз, укангиздан кечинг, Даشت Қипчоқда мана шу Мирзо Комроннинг дастидан муборак бошларига жароҳат етди, афғонларни макр-ҳийла билан алдаб, тил биритириб, Мирзо Ҳиндолни ўлдирди. Мирzonинг дастидан кўпчилик Чигатой аҳли нобуд бўлди, оила аҳли қамоққа тушди, номусидан айрилди. Энди одамларнинг оиласлари ва болаларининг асирликка азоб чекишга тоб-тоқати қолмади ва бошқалар дўзах азобини чекмоқда. Бизнинг молу жонимиз, оила аҳлимиз ҳазратларининг бир тола тукларига садақа бўлсин. Бу ука эмас – бу ҳазратларининг душмани”, – деб арз қилдилар. Хуносай калом, ҳамма бир бўлиб, жиддий арзига етказдиларки “...Мулк раҳнагари юз-тубан бўлгани яхши”. Подшоҳ ҳазратлари уларга жавобан айтдиларки, гарчи сизларнинг айтган сўзларингиз менинг ёдимда бўлса ҳам, аммо кўнглим бўлмаётиди. “Ўша арзга етказганларимиз айни муддао”, – деб фарёд чекиб тиладилар.

Оқибатда ҳазратлари: “Агар барчангизнинг маслаҳатингиз ва ризолингиз шу бўладиган бўлса, ҳаммангиз йиғилиб тилхат ёзинг”, – деб буюрдилар. Амирлар ҳаммаси ўнгу сўлдан йиғилиб ўша: “Мулк раҳнагари юз-тубан бўлгани яхши!” мисрасини ёзib бердилар.

Подшоҳ ҳазратлари ҳам мажбур бўлдилар. Раҳтош мавзесига етганда Сайд Муҳаммадга: “Мирзо Комроннинг кўзларига мил торт”, – деб амр қилдилар. Ўша заҳоти мил тортдилар. Подшоҳ ҳазратлари мил тортгандан сўнг...¹

¹ Кўлпёзма шу ерда узилган (Тарж.).



DRAMA

Jahon
ADABIYOTI

Бранислав НУШИЧ

УНВОН КЕРАКДИР ЙИГИТТА

(Фалсафа доктори)

Tўрт пардали комедия¹

*Рус тилидан
Муҳсин ҚОДИРОВ таржимаси*

ИККИНЧИ ПАРДА

Цвийович уйидаги меҳмонхона

1

В е л и м и р (киради ва эшик олдида туриб қолади). Кечирасиз, мен сизга халақит бердим.

С л а в к а (хатни гижимлаб). Йўқ, асло! Мен сизга ёзаётган эдим! Сиз билан учрашомлай юргандим. Ҳеч ким айтишни истамаган нарсани билмоқчиман. Уч кундан бери уйимизда даҳшатли ҳаяжон хукм суради. Сизни кунида уч марталаб чақиришади, мендан эса яширишади. Нима бўляяпти ўзи?..

В е л и м и р. Сиз нега ташвишланасиз?

С л а в к а. Нега ташвишланмас эканман? Дадам уч кундан бери оҳ-воҳ қилади... Пепик... Пепик... Пепик дегани ким? Кимнинг исми? Нимага бу дадамни бунчалик қаттиқ ташвишга солиб қўйди?

В е л и м и р (довдираb). Хабарим йўқ! Пепик?

С л а в к а. Биласиз. Сиз бизга яқин кишисиз, ҳаммасини биласиз. Худо хайрингизни берсин, айтинг менга. (*Ўйлайди.*) Агар бу ишларда сиз ҳам қандайдир роль ўйнаётган бўлсангиз ва сир очилгудай бўлса менинг кўзимга ёмон кўриниб қолишингиз мумкин бўлса... у ҳолда ҳақиқатни билмаганим яхши.

В е л и м и р. Кўзингизга ёмон кўринишими истамайсизми?

С л а в к а. Ҳа, истамайман...

В е л и м и р. Ташаккур сизга!

С л а в к а. Демак, сиз ниманидир яшираяпсиз!

В е л и м и р. Отангизга сўз бердим.

С л а в к а. Сўз берган бўлсангиз, нима ҳам қила олардим...

JAHON ADABIYOTI 2015/4

¹ Давоми. Боши ўтган сонда.

В е л и м и р. Сўз мени боғлаб турибди, бироқ сизнинг олдингизда мен пок бўлишим керак.

С л а в к а. У ҳолда бу ерда нималар бўлаётганини очиқ айтинг.

В е л и м и р. Сиз мени чет элга кетганимни ва отангиз мени таъминлаб турганини биласиз.

С л а в к а. Биламан.

В е л и м и р. Аммо сиз ҳаммасини билмайсиз... Швейцарияда, Фрейбургда мен акангизнинг номи билан яшаб, унинг ҳужжатлари билан ўқиганман.

С л а в к а (*ҳайрон*). Нега?

В е л и м и р. Отангиз қай йўл билан бўлмасин, Милорадга фалсафа доктори дипломини олиб беришни истади.

С л а в к а (*нохуши ажабланиб*). Қандай қилиб?.. Наҳотки ҳалиги диплом...

В е л и м и р. Ҳа, дипломда акангизнинг номи бор холос, бироқ у ҳеч қачон Фрейбургда ўқимаган.

С л а в к а. Шунча вақт қаерда эди бўлмаса?

В е л и м и р. Европа бўйлаб саёҳат қилиб юрди, одамлар чет элда ўқиб юрибди деб ўйлашлари учун.

С л а в к а. Сиз унинг ўрнида имтиҳон топширдингизми?

В е л и м и р. Ҳа.

С л а в к а. Ё тавба, нақадар тубанлик, нақадар пасткашлик! Мендан шуни яшириб юришган экан-да. Ҳўщ, сиз нима учун бунга кўндингиз?

В е л и м и р. Хижолатдаман, қанчалик калтабинлигимни кеч тушундим. Аммо ўшанда мен чет элга чиқиб, жаҳоншумул олимларнинг маърузаларини тинглаш орзузи билан яшардим, моддий ночорлигим туфайли бу орзу гўёки амалга ошмайдиган туш каби эди. Бирдан тушни рўёбга чиқариш учун имкон туғилганда, мен ўйламай-нетмай рози бўла қолдим.

С л а в к а. Бари бир диплом ололмаган бўлсангиз, нимага ўқидингиз, ҳайронман.

В е л и м и р. О, бу унчалик даҳшат эмас. Менинг иззат-нафсим ҳамиша бунака бир парча қофоздан устун бўлиб келган. Диплом кўпинча жоҳилликни яшириш вазифасини бажаради. Қимки чинакам билимли бўлса, дипломга муҳтоҷ эмас...

С л а в к а. Тўғри, бироқ, ҳар ҳолда, сиз учун ҳаёт йўллари бекилган.

В е л и м и р. Мансаб йўли бекилгандир, балки, аммо мен учун фанга, илмий ишга йўл очик.

С л а в к а. Балки шу фикр билан таскин топиб юргандирсиз, бироқ менимча бу енгилтаклигингизни оклай олмайди.

В е л и м и р. Бу ҳали ҳаммаси эмас.

С л а в к а. Бошқа гапирманг, эшитишни истамайман.

В е л и м и р. Бекам, ҳозир мен ўзимни гуноҳлари учун тавба қилаётган одамдай ҳис киласяпман. (*Пауза.*) Фрейбургда бир бева аёлнинг уйида ижарада яшардим. Унинг талаба қизи бор эди.

С л а в к а (*бир оз қўрқув билан*). Университетда ўқирмиди? Чиройлимиди?

В е л и м и р. Балки, лекин ҳозир бу муҳим эмас. Биз кўпинча университетга бирга бориб, бирга қайтардик, бир-биримизга ёрдамлашардик – у менга, мен унга. У бизнинг тилимизни ўрганишга киришди ва икки-уч йилда яхшигина эгаллаб олди.

С л а в к а (*кўнгли гаш бўлиб*). Яхши тайёрланибди-да... Гапиринг, мен ҳаммасини билмоқчиман.

В е л и м и р (*нокулай аҳволда*). Бирда қоним қизиб...

С л а в к а (*ўта диққат билан*). Нима, нима деяпсиз?

В е л и м и р. Ортиқ гапиролмайман... Қилмишимдан пушаймон бўлдим, бироқ... Бироқ виждонсиз, бадбаҳт бўлиб қолиши истамай, ўша куниёқ унинг қўлини сўрадим.

С л а в к а (*титраб*). Сиз..

В е л и м и р. Сўнг никоҳдан ўтдик. (*Славка бу гапдан ўзини йўқотиб, қўллари билан кўзларини бекитганича йиғлаб юборди. Велимир ҳайрон бўлиб, ҳаяжонланиб.*) Бекам, бу қанақаси, Худо хайнингизни берсин...

С л а в к а (*ўзига келади, Велимирга қарашига ботинмай, четга қараб гапиради*). Кечирасиз, асаб. Суҳбатни давом эттирайлик.

В е л и м и р. Бор гап шу, шуларни айтиб сизнинг олдингизда тавба қилмоқчи эдим.

С л а в к а (*хижсолат билан*). Мен сизни сўроққа тутмаслигим керак эди, кечирасиз...

В е л и м и р. Нега? Сўрайверинг, сизга ҳаммасини айтиб бераман.

С л а в к а. (*кучли хижсолатда*). Ҳамонки, никоҳ севги туфайли бўлгач...

В е л и м и р. У чиройли, истарали аёл, бирга яшаб кетишимиз ҳам мумкин эди-ю, лекин кўп ўтмай ундан кўнглим совиди.

С л а в к а. Кўнглингиз совиди? (*Хуши ёққандай ҳайрон бўлади.*)

В е л и м и р. Ҳа, кўп ўтмай мен ўзимни қопқонга тушганимни англаб етдим. Унинг онаси мени бойвачча эканимни билиб, қизини менга яқинлаштириш учун нима мумкин бўлса, барини қилган. Балки Клара гуноҳсиздир, аммо... Аммо у онасининг ниятларини амалга ошишига имкон яратган.

С л а в к а. Клара – хотинингизми?

В е л и м и р. Ҳа.

С л а в к а. Пепик дегани ким бўлди?

В е л и м и р. Пепик... бизнинг боламиз... Хотиним бола билан йўлга чиқдим, деб ёзиби.

С л а в к а. Бугун-эрта Белградга келиб қоларкан-да?

В е л и м и р. Ҳа.

С л а в к а. Ҳайронман, нега энди бу дадамни бунчалик ташвишга соларкин.

В е л и м и р. Чунки қонун бўйича Клара акангизнинг хотини-да.

С л а в к а. Қанақасига?

В е л и м и р. Акангизнинг номида бўлганим учун бошқа фамилия билан никоҳдан ўтолмадим.

С л а в к а. Энди менга ҳаммаси равшан. Дадам шунинг учун ҳам асабийлашиб, фифони фалакка чиқиб юрган экан-да.

В е л и м и р. Менга қанчалик оғирлигини тасаввур қиласяпсизми. Да-дангизнинг менга яхшиликлари кўп.

С л а в к а. Чинданам, вазият... Сиз ундан қандай чиқмоқчисиз?.. Дадамнинг ҳам ахволи...

В е л и м и р. Мен жуда афсусдаман, шунинг учун ҳам бутун масъулиятни, кўнгилсизликларни, ҳамма-ҳаммасини ўз зиммамга олишга тайёрман!

Ж и в о т а (*Благое билан бирга киради; Велимирга*). Шу ердамисан?

В е л и м и р. Ҳа, сизни кутиб турибман.

Ж и в о т а (*қизига*). Славка, сен боравер. Бизнинг жиддий гапимиз бор.

С л а в к а (*эшик олдига бориб*). Дада, кўп ташвишланаверма, ўтинаман.

Бирон чора топармиз. Биз ҳаммамиз сенга ёрдам берамиз. Ишон менга, бундай бўлишида жаноб Велимир гуноҳкор эмас.

Ж и в о т а. У гуноҳкормас, йўқ, мен гуноҳкорман!.. Бор!

3

Ж и в о т а (*Велимирга*). Унга айтдингми?

В е л и м и р. Шундай қилиш керак эди: унинг назарида виждонли киши бўлиб қолишни истадим.

Ж и в о т а. Менинг назаримда, виждонсиз киисан, бу сени ташвишга солмайдими? Сенга ишониб, қаттиқ янглишган эканман. Мен сени одам деб университетга юбордим, ўқир, имтиҳон топшириб қайтар дедим. Сен мана қандай имтиҳон топширибсан. Клара камлик қилса, етмаганига мана сенга Пепик, дебсан-да!..

В е л и м и р. Мен сизга диплом келтирдим-ку ахир.

Ж и в о т а. Келтирдинг, албатта, келтирдинг, лекин болани нимага келтирасан? Мен сенга нима учун пул тўлагандим? Уйимга бегона болани етаклаб келгин дебми!

В е л и м и р. Бегонамас! У – менинг болам.

Ж и в о т а. Сеникиликка сеники-я, бироқ унинг отаси аслида ким – ҳамма гап шунда.

В е л и м и р. Бунақа гап йўқ.

Ж и в о т а. Йўқ?.. Менинг ўғлим-чи?

В е л и м и р. У расман ота холос.

Ж и в о т а. Расман, албатта! Расман уйланган, расман боласи бор, мана энди менинг бошим расман ёрилай деяпти.

Б л а г о е. Адвокатга учраган эдик, у ҳам нима маслаҳат беришни билмай қолди. Энг қийини шуки, ҳақиқатни айтишдан кўрқасан киши.

Ж и в о т а (*Велимирга*). Энди менга айт-чи, ўша, сенинг хотининг, агар, ўн, борингки, йигирма минг динор берсанг келган жойига қайтиб кетармикин?

В е л и м и р. Билмадим... Бундан нима фойда?

Ж и в о т а. Нима фойда? Сен-ку мана тинчиб, уйланиб олибсан, ахир мен ҳам ўғлимни уйлашим керак-ку! Яхши бир жой топилган эди, лекин мен ҳеч нима қилолмайман, кўл-оёғимни боғлаб кўйдинг.

В е л и м и р. Бу билан нимага эришасиз? Клара пулни олиб, Швейцарияга қайтган тақдирда ҳам барибир ўғлингизга қонуний хотин, боласи эса – сизнинг меросхўрингиз бўлиб қолаверади-ку.

Ж и в о т а. (*чўчиб*). Қанақасига? Сен энди меросга ҳам бошингни тиқаяпсанми?

В е л и м и р. Мен эмас, тушунсангиз-чи, гап мен ҳақимда бормаяпти.
Б л а г о е. Гап Пепик ҳақида!

Ж и в о т а. Пепик! Менинг меросхўрим-а?

В е л и м и р. Шундай деса ҳам бўлади.

Ж и в о т а. Йўқ, ҳеч қанақа Пепикнинг кераги йўқ! Эшитаяпсанми? Пепиксиз ҳам ташвиш имтиҳондан ошиб ётибди! Меросхўрмиш! Бир менинг қўлумга тушиб кўрсин-чи ўша меросхўр!..

В е л и м и р. Ҳали у митти гўдак.

Ж и в о т а. Гўдак!.. Худди шунақа митти гўдаклар одамга туюдай ташвиш келтиради. (*Асабий юради, бирдан тўхтаб.*) Бугуноқ ажралиш ҳақида ариза ёз!

Б л а г о е. Мен ҳам шу фикрдаман.

В е л и м и р. Қандай қилиб бирорнинг хотини билан ажралишаман?

Ж и в о т а. Нима, бўлмаса мен ажралишайми?

В е л и м и р. У билан никоҳдан ўтмаганман-ку.

Ж и в о т а (*хурсанд*). Никоҳдан ўтмагансан? Демак, сен ноқонуний ўйлангансан? Шуни олдинроқ айтмайсанми, бошимни қотириб ўтирумасдан?

В е л и м и р. Никоҳдан ўтганман, фақат ўғлингизнинг номи билан.

Ж и в о т а. А? Нима ҳаққинг бор!.. Бугуноқ полицияга хабар қиламан! Билсанг агар, бу жиноят! Ушбу мамлакатда ҳам қонун борлиги сенга маълумдир?

В е л и м и р. Кўриб турибман, ахвол чатоқ, шунинг учун ҳам нима десангиз розиман. Агар хоҳласангиз, ҳозироқ полицияга бориб, ҳаммасига икror бўламан.

Б л а г о е. Шошма, бир оз ўйла... Полицияда нега бирорнинг номи билан ўйландинг, деб сўрашса нима дейсан?

В е л и м и р (*елкасини қисиб*). Ҳм...

Ж и в о т а. Ҳазиллашдим, дер. Милорад – унинг ўртоғи, болаликда бирга ўқишган, унинг устидан бир кулмоқчи бўлган.

Б л а г о е. Шунақаям ҳазил бўладими?! Никоҳ, дейлик, ҳазил бўла қолсин, Пепик-чи? Болаям – ҳазил, деб бўлмайди-ку. Буниям кўя турайлик. Полицияда: “қайси хужжатларга асосан никоҳдан ўтдингиз, тақсир?” – деб қолишиша нима бўлади? А?!

Ж и в о т а. Хужжатлари бўлган-ку.

Б л а г о е. Бўлишга бўлган-у, бироқ бирорнинг бўлган-да! Мана шу чатоқ! Полицияда сўрашади: хужжатларни қаердан олдинг, ундан нима мақсадда фойдаландинг, Фрейбургда шунча йил нима қилдинг?!

В е л и м и р. Мен университетда ўқидим, дейман.

Ж и в о т а (*чўчиб*). Ш-ш-ш, жим, бундай дея кўрма, тушундингми?

В е л и м и р. Тўғрисини айтишни талаб қилишади-да.

Ж и в о т а. Тўғрисини айтишни... Ким сенга айтди, полицияда тўғри гапиришади деб? Ҳамма полицияда тўғри сўзлаганида, ахолининг ярми турмада бўларди!..

В е л и м и р. Нима қилай бўлмаса?

Ж и в о т а. Ҳеч нима қилма! Қилғиликни қилиб бўлгансан! Бу ёғига аралашма. Мен ўзим бир ёқлик қиласман.

В е л и м и р. Ихтиёрингиз.

Ж и в о т а. Милораднинг маърузасини ёзиб тутатдингми?

В е л и м и р. Мана! (*Бир қанча ёзилган қоғозларни Животага беради.*)

Ж и в о т а. Нима тўғрида ёздинг?

В е л и м и р. Антиципатив динамика тўғрисида.

Ж и в о т а. Яна динамиками? Мундоғ бир салмоқлироғи топилмабдида. Антиципа... тилинг ҳам айланмайди бу сабилга. (*Қоғозларни Благоега бераб.*) Қани, сен уриниб кўр-чи! (*Велимирга.*) Анави Райсер қани?

В е л и м и р. Кечакечқурун мен уни кутиб олдим. Кечки овқатни бирга қилдик. Эрталаб шаҳарни айландик, кейин мен уни университетга ректор қабулига олиб бордим...

Ж и в о т а (*Благое қўлидан қоғозларни олиб, чўнтағига солиб қўяди*). Яхши ўйлабсан, университетда гумдан қилавер, ўшалар шугулланаверишсин.

В е л и м и р. У сиз билан танишмоқ-чи.

Ж и в о т а. Мен билан танишишининг ҳожати йўқ. Университет бўлмасам.

В е л и м и р. Уни бу ниятидан қандай қайтараман?
Б л а г о е. Йўқ, Живота, нима бўлса ҳам, сен уни қабул қилишинг керак.

Ж и в о т а. Энди сен қолувдинг. Ўзинг қабул қилавер, шунча гапни биларкансан.

Б л а г о е. Мен қандай қилиб қабул қиласман?

Ж и в о т а. (*миясига бир фикр келиб*). Шошма, чинданам унинг отаси бўлақол – вассалом!.. Немисчани биласан, уй таъмирланаяпти, шу сабабли мен сизни қабул қила олмайман, дейсан. Бирон жойда тушлик қиласиз... Шу йўл билан мен ундан осонроқ қутиласман.

В е л и м и р. Жаноб Благое менга ота бўлиб учрашсин, демоқчимисиз?

Ж и в о т а. Райсерга барибир! Сен менга қандай ўғил бўлиб олган бўлсанг; бу ҳам сенга шундай ота бўлиб олиши мумкин!.. (*Ҳамёнидан пул чиқариб Благоега беради*.) Мана пул, тушликка етади. Ҳар қалай ойналарни синдиримасанглар керак!

Б л а г о е. Жиддий айтаяпсанми?

Ж и в о т а. Жиддий, албатта. Уйимда бутун Швейцарияни йифишимни истайсизми: Пепик, Клара, Райсер... (*Велимирга*.) Ажаб, бира тўла Швейцария Республикаси президентини ҳам таклиф қилавермабсан-да... Кўриб туриб яна эътиroz билдирганларингта ўлайми!

Б л а г о е. Эътиrozимиз йўқ!..

Ж и в о т а. Бўлмаса, ана, ота бўлиб, бошлаб бор! Ҳеч бўлмагандан, шу профессордан қулогим тинчисин.

Б л а г о е. Яхши, фақат ҳалиги...

Ж и в о т а. Нима, ҳалиги? Боринг!.. (*Благоега*.) Мана ўғлинг! (*Велимирга*.) Мана отанг!

Б л а г о е. Сен шундай дегандан кейин... қани юр, ўғлим.

(*Велимир билан бирга чиқади*.)

4

Б л а г о е (*ўзи қайтиб кириб*). Ҳалиги темир йўл министрининг яхши таниши – Драга хоним келибди.

Ж и в о т а. Ўшами? Бирон нимани билиб келибдими? Қани?

Б л а г о е. Кутиб турибди.

Ж и в о т а (*эшикка бориб*). Нимани кутади? Кутиш кимга керак? (*Эшикни очиб*.) Марҳамат қилинг, хоним!

Б л а г о е (*эшик олдида*). Киравер, киравер, совчи!

Ж и в о т а. Марҳамат!.. (*Благоега*.) Сен ўз ишингга боравер.

(*Благое чиқади*.)

5

Ж и в о т а. Бекорга кутибсиз.

Д р а г а. Мехмонларингиз бор экан, нозик ишни, биласиз, хилватда гаплашмаса бўлмайди.

Ж и в о т а. Марҳамат, ўтиринг!

Д р а г а (*ўтириб*). Нимага келганимни сезгандирсиз?

Ж и в о т а. Ҳа, Благое учини чиқарган эди.

Д р а г а. Мен министрникига шошмасдан, бир йўлим тушганда кириб ўтмоқчи эдим. Газетада ўғлингизнинг маъруза ўкиши ва маърузада

қандайдир хорижий олим бўлиши хақидаги хабарни кўриб қолиб, газетани сумкамга солдим-у...

Ж и в о т а (завқланиб қўлларини ишиқалайди, эшикка бориб). Мара! (Драгага.) Хўш, шундай қилиб ишимиз нима бўлди?

Д р а г а. Ишонаманки, яхши бўлади.

6

Ж и в о т а. Бу киши Драга хоним, Благоенинг совчиси.

М а р а (саломлашиб). Биз танишиб олдик.

Д р а г а. Танишиш нимаси, биз ахир қариндошмиз!

М а р а (ўтириб). Кўпдан кўришмай... Ўтиринг... Аҳволлар яхшими, қудажон?

Ж и в о т а (Марага). Драга хоним темир йўл министрининг хотини билан яхши танищ, жаноб министрининг бўйи етган қизи бор экан...

М а р а (чехраси очилиб). Бизнинг Милорадгами?

Ж и в о т а. Йўқ, менга!.. Унга-да, албатта!

Д р а г а. Жуда чиройли қиз! Нима деяётган эдим, ха, жаноб доктор Милорад Цвийовичнинг маъruzаси тўғрисида босилган газетани сумкамга солдим-у...

М а р а. Хўш?..

Ж и в о т а. Мана шу “солдим-у” деган жойида сени чақириш учун тўхтагандик.

Д р а г а. Министрнига югурдим. Бордим, денг. Салом, аҳволлар қалай?

Ж и в о т а (унинг ҳикоясини давом эттириб). Ташаккур, ёмон эмас, ўзингиз қалайсиз?

Д р а г а. Ҳа, ишлар жойидами? Нима қиласиз? Об-ҳаводан, шаҳар янгиликларидан, у ёқдан-бу ёқдан гаплашиб ўтириб, пировардида, гапни маъруза томонга буриб юбордим.

Ж и в о т а. Аҳа, шундай!

Д р а г а. “Эрталаб ёш олим доктор Цвийович маъruzасига борасизларми?” – деб сўраб қолдим.

Ж и в о т а. Улар нима дейишид?

Д р а г а. Мана шу ёш олим билан танишсангиз бўларди, ҳамманинг оғзида дув-дув гап, фан мўъжизаси эмиш, келажаги порлок, дедим.

Ж и в о т а. Ҳа, яхши айтибсиз.

Д р а г а. Кечакундуз китобдан бошини кўтармайди, дедим.

Ж и в о т а. Ҳа, у худди шундай, мана Марадан сўранг. (Мара нима дейишини билмайди.) Қанча гапирдим: китоб деб умрингни хазон қилма, ёшлигингда ўйнаб қол ўртоқларинг билан... У нима дейди денг? “Дада мени ранжитманг, мен учун фан – муқаддас!” . Ўғлимиз мана шунақа!

Д р а г а. Қиздай бирам мулойим, бирам камтарки, дедим, ресторон нима, ҳар хил бошқа муассасалар нима, билмайди!

Ж и в о т а (тасдиқлаб). Ҳа, тўғри, билмайди!

Д р а г а. Ичмайди, чекмайди, олим, бой, рисоладагидай ...

М а р а. Бўлмасам-чи, худди шундай!

Д р а г а. Олимлиги ҳам ростми?

Ж и в о т а. Сўраб нима киласиз? Дипломига бир қаранг. Хўш, улар нима деди?

Д р а г а. Ҳеч нима, нукул сўрагани сўраган. Оиласи, мавқеи... Мана қулаи фурсат, дедим, эрталаб у маъруза ўқиди, боринг, эшитинг. Ўша ерда

кўрасиз... Қиз қизиқиб: “Ойи, ўтиниб сўрайман, эрталаб маърузага борайлик”, – деб қолди. Келишса керак.

Ж и в о т а. Бу учрашув учун бир баҳона, Мара.

М а р а. Насиб этса!

Д р а г а. Чиқиб кетаётганимда онаси орқамдан: “Драга хоним, бизникига кириб туриңг, албатта кириб туриңг”, – деб қолди.

М а р а. Кейин-чи?

Ж и в о т а. Сенга яна нима керак?

Д р а г а. Ҳаммаси жойида бўлади, мен яхши биламан бу ишларни. “Драга хоним, бизникига кириб туриңг, албатта кириб туриңг” деган гапининг тагида нима борлиги равшан.

Ж и в о т а. Биласиз, мен камбағал эмасман, аммо, ҳар ҳолда, билиб кўйсак чакки бўлмас: кизига неча километр сеп бераркин?

Д р а г а. А? Нега сепни километрлаб ўлчайсиз?

Ж и в о т а (*кулиб*). Аҳа! Новвойдан тандирда қанча пул пишираяпсан деб эмас, қанча нон пишираяпсан деб сўралади-а? Нон – унинг бойлиги. Темир йўл министрида ҳам шундай: километрлар – унинг бойлиги.

Д р а г а. Мен негадир унча тушунмадим, жаноб Живота.

Ж и в о т а. Ҳозир тушунтираман. Министрнинг кўлида Трансбалкон темир йўлининг қурилиши. Бу – минглаб километр, давлат аҳамиятига эга! Мен бутун Трансбалкон йўлини сеп қилиб берсин деяётганим йўқ, бундай қилолмайди, лекин тўрт юз-беш юз километрини ажратиб берар ахир.

Д р а г а. Шунақа денг? Ўз фарзандига бермай, кимга берарди... Совчигаям, балки, бирон километри тегиб қолар.

Ж и в о т а. Бўлмасам-чи. Мен сизга кўприк ёки тоннель ваъда қилолмасамда, бирон километр...

М а р а. Маъзур тутасиз, сиздан баъзи нарсаларни сўраб олсан.

Д р а г а. Марҳамат қилинг, Мара хоним.

М а р а. Қиз чиройлими?

Ж и в о т а. Министрнинг қизи бўлади-ю, чиройли бўлмайдими!

М а р а. Одоблими?

Д р а г а. Ҳа-да. Одобли бўлмаганида, аллақачон эрга тегиб кетган бўларди.

М а р а. Бизнинг Милораддан катта эмасмикин?

Ж и в о т а. Катта, бемаъни гап! Министрнинг қизи-я!

Д р а г а. Хуллас... Эрталаб маърузада бўлишади, мен ана ўша ерда ўғлингиз уларга ёқдими, йўқми, биламан. (*Ўрнидан туради*.) Келиб ҳаммасини сизга айтиб бераман.

Ж и в о т а. Жуда яхши!

Д р а г а. Энди менга жавоб, хайр кудажонлар. (*Хайрлашиб чиқади*.)

М а р а (*кузатиб*). Хайр, раҳмат сизга.

Ж и в о т а (*кузатиб*). Раҳмат, кириб туриңг, албатта кириб туриңг!

Ж и в о т а. Хўш, эшитдингми?

М а р а. Баҳти очилармикин?

Ж и в о т а. Ўргулай, министрнинг қизи-я, министрнинг қизи!

М а р а. Яхши, Живота, фақат... Нима десамикин... қандайдир ғалати... уйланганни уйлантираяпмиз.

Ж и в о т а. У эмас, унинг номи уйланган.

М а р а. Ўйқумда ҳаловат йўқ, туни билан ўйлаб чиқаман: орзу-ҳавас кўрсам

дегандим, бирдан осмондан шалоп этиб келин тушди, кимлигиниям билмайсан киши, бунинг устига – невара. Милован, Радован ёки Доброслав бўлсаям майлийди, Пепик деганларига ўлайми!.. Одам исмини айтишгаям уялади.

Ж и в о т а. Нимасини айтасан... Бир бошимга шунча ташвиш!

М а р а. Ишониш қийин... Адвокат ҳеч нима демадими?

Ж и в о т а. Адвокат яхши маслаҳат берди: Клара келиб, “ассалому алайкум” дейиши билан Милорад унга бир тарсаки туширади.

М а р а. Аёлни уриш, нега?

Ж и в о т а. Ҳақорат қилиш учун. Ҳақорат – ажралиш учун баҳона.

М а р а. Милорад кўнмайди.

Ж и в о т а. Бўлмаса, аёл ўғлингни тарсаки билан туширсин – бу ҳам ҳақорат.

М а р а. Нима деяпсан, кўйсанг-чи! Благое айтганидай, биз Кларани гувоҳлар олдида хиёнатда айблаймиз.

Ж и в о т а. Тентак, ким гувоҳ олдида хиёнат қиласи.

М а р а. Благое айтдики, Милорад уни уришга рози бўлмаса, балки ўпишга рози бўлар.

Ж и в о т а (*ишонч билан*). Рози бўлади. Ўғлимни яхши биламан, бундай ишларга суги йўқ.

М а р а. Милорад уни ўпиб турганида, бошқа хонадан гувоҳлар чиқиб, уларни судга олиб боришса қандай бўларкин, дейди Благое.

Ж и в о т а. Хўш, судда нима қиласи?

М а р а. Кларани хиёнатда айблаймиз!

Ж и в о т а. Ана бу донони қаранг-а... Благоенинг синглиси эканинг шундоққина кўриниб турибди.

М а р а. Нима бўпти?

Ж и в о т а. Ахир Милорад унинг қонуний хотини-ку. Демак у судга “Қонуний хотиним мени ўтгани сабабли мен уни хиёнаткор деб биламан ва ажралишина талаф қиласман”, дер экан-да.

М а р а (*ҳайрон*). Во-ей, ҳаммаси алкаш-чалкаш бўлиб кетди-ку, бошимни йўқотиб кўймасам кошкайди.

М и л о р а д (*киради, қўлида газета*). Бу нимаси?

Ж и в о т а. Нима?

М и л о р а д. Мана бу, газетада ёзилган нарса: гўё мен маъруза ўқирмишман, мени эштай деб чет элдан доктор Райсер келган эмиш.

Ж и в о т а. Газетада ёзишибдими, демак, тўғри.

М и л о р а д. Нима тўғри?

Ж и в о т а. Доктор Райсернинг келгани.

М и л о р а д. Лекин менинг маъруза ўқишим нотўғри.

Ж и в о т а (*Марага*). Кўрајапсанми? (*Милорадга*) Ҳой, менга қара.

М и л о р а д. Қанака маъруза, нима тўғрисида?

Ж и в о т а. Мана маъруза тайёр. (*Қўлёзмани беради*.)

М и л о р а д. Ўзингга буюрсин. Менга керакмас.

Ж и в о т а. Илтимос қиласман. Бунда сенинг бахтинг масаласи турибди! (*Марага*) Сен ҳам бир нима десанг-чи, оғзингта талқон солдингми?

М а р а. Нима дейман? Болагинам ақлли, айтганингни қиласи.

Ж и в о т а. Бахтингни эмас, ор-номусинг ҳам шунга боғлик, агар билсанг, менинг номусим ҳам!

М и л о р а д. Ҳа, шунақа дент, сизларнинг номусларингни мен ҳимоя қилай,

менинг шаънимга доғ тушсаям майли. (*Марага.*) Кеча ўн минг динор сўраган эдим, бермади.

Ж и в о т а. Шу ўн минг динорни берсам, маъруза ўқийсанми?

М и л о р а д. Аввал бераман дегин, кейин бир гап бўлар.

Ж и в о т а. Бир оз камайтиргин, камайтирасанми-а? Ўн минг динор, ахир, жуда кўп-ку!..

М и л о р а д. Жуда кўп?.. Шунча қарзим бор. Диплом, хотин, бола етмай тургандай, маъruzani ҳам бўйнимга илдингиз! Яна ўн минг динор кўп эмиш!..

Ж и в о т а. Ахир буларнинг ҳаммаси сен учун. Маъруза сенга нима келтиришини биласанми? Мара, тушунтири бунга, маърузада ким бўлишини очиқ айт.

М а р а. Ўғилгинам, министрнинг қизи бўлади, атайин сени кўриш учун келармиш, совчи шундоқ деди.

М и л о р а д. Совчига бало борми, уйланганман-ку?

Ж и в о т а. Нима қилибди? Уйланганлар ажралишмайдими? Буни менга қўйиб бер.

М а р и ҷ а (кириб). Иккита хоним келишди.

Ж и в о т а. Қанақа хонимлар?

М а р и ҷ а. Уч-тўрт кун бурун келишувди-ку, ўшалар.

Ж и в о т а. Етимхонадан. (*Милорадга.*) Маъруза учун келишган.

М и л о р а д. Бу мени қизиктирмайди.

Ж и в о т а. Бутун Белградда масҳара бўламиз-а. (*Мариҷага.*) Майли, киришсин.

М а р и ҷ а. Хўп бўлади. (*Чиқади.*)

9

Ж и в о т а. Ўғлим, ўзингният мениям шармандаликдан қутқар.

М и л о р а д. Ўзимни қутқараман. (*Кетмоқчи бўлади.*)

Ж и в о т а (кийимидан маҳкам ушилаб). Мара!.. Ушла!..

М и л о р а д. Ўн минг динор берасанми?

Ж и в о т а (иккilanади, хонимларнинг оёқ товушини эшитиб, ноилож рози бўлади). Хўп, майли, товламачи, юлғич!

10

П р о т и ч в а С п а с о е в и ч (кириб, бир овоздан). Салом, хоним афанди! Салом жаноб Цвийович!..

Ж и в о т а. Менинг ўғлим, доктор Милорад Цвийович!.. (“р” ҳарфига алоҳида ургу бериб гатиради)

Х о н и м л а р. Ха, бизнинг ёш олим, жуда соз, бағоят хурсандмиз. (*Кўришаидилар.*)

Ж и в о т а. Ҳозиргина ўғлим сизлар билан танишиш иштиёқида эканини айтиб турганди.

Х о н и м л а р. Ох, бу қандай баҳт!..

С п а с о е в и ч. Биз вакил...

П р о т и ч. Тўққизинчи етимхона бошқармаси кенгаши...

С п а с о е в и ч. Протич хоним, маъзур тутасиз, мен ўзим... биз газетадан маъruzani эшитиш учун Фрейбургдан доктор Райсер келганини билиб қолдик.

Проти ч. Жаноб Райсерни шахсан таклиф этмоқчи эдик.
Спасоевич. Уни қаердан топса бўларкин?
Живота. Яхиси, қидирманглар, афтидан, у маърузаларни ёқтирумаса керак.

Проти ч. Газеталарда шу маърузани эшитиш учун келди деб ёзилган-ку.

Живота. Ҳа, албатта, жаноб Райсер умуман маърузаларни ёқтирумасада, буни эшитади.

Спасоевич (*Милорадга*). Жаноб доктор, сизни бошқармамиз кенгаши аъзоларидан биронтаси тингловчиларга таништирса яхши бўлмасмикин. Шунга нима дейсиз?

Мирорад. Менга барибир.

Проти ч. Балки, сизни кенгашининг иккита аъзоси таништиришини истарсиз?

Мирорад. Иккита бўлса ҳам майли, бироқ улардан биттаси гапиргани маъкул.

11

Благое (*киради, ҳансираган ҳолда*). Ана у, келаяпти!..

Живота. Ким?

Благое. Профессор Райсер!..

Хонимлар (*хурсандликдан сакрашиб*). Ох, қандай соз!..

Живота. Эсинг жойидами? Уни менинг олдимга олиб келиб нима қиласдинг?

Благое. Нима қилай, Милораднинг онасини кўришим керак деб туриб олди!..

Живота. Отасини кўрди-ку, онасини нима қиласкан?

Спасоевич. Бахтимизни қаранг-а, буюк олим билан шахсан танишиб, етимхонага таклиф қиласми.

Живота (*Благоега*). Бориб айт, келмасин!

Благое. Шунча уриниб кўрдим, бўлмади!

Живота. Унда йўқол кўзимдан!

(*Благое хижсолат чекиб, чиқади.*)

12

Живота (*секин кулаётган Милорадга*). Ҳа, сен нимага шақиллаб қолдинг?

Мирорад. Благое тоғам жуда кулгили-да.

Живота. Кулгиликка кулгили! Лекин энди нима қиласми?

Проти ч. Тўққизинчи етимхона номидан унга ташаккур билдиришга ижозат берсангиз.

Живота (*ўзини тамомила йўқотиб*). Ҳа, унга айтинг... фақат, илтимос, ўзингизни йўқотиб қўйманг... э, кечирасаниз сиз эмас, сен Милорад, кўрқма, дадил бўл!..

Мирорад. Нега энди мен?

Живота (*баттар довдираб*). Ҳа, ҳа, сен эмас. Мара, унда сен дадил бўл.

Мара (*чўчиб*). Нега энди мен?

Живота. Нега энди мен, нега энди мен?! Кимdir уни кутиб олиши керакми, йўқми!..

(Благое, Райсер, Велимир кирадилар)

Благое. (Биринчи бўлиб киради, довдираған, ўзини йўқотган). Марҳамат қилсинлар, марҳамат қилсинлар! (Райсер киргандан кейин.) Ижозатингиз билан... Милораднинг отаси, жаноб Животани таништирасам...

Ж и в о т а. Қачондан бери мен ота бўлиб қолдим, нега мени бу ишга аралаштирасан?

Благое. (баттарроқ довдирағ). Яъни, масалан, мен – ота, бу эса она. (Животани кўрсатади.)

Х о н и м л а р. Вой ўлмасам!..

(Мара чўқинади, Милорад қотиб-қотиб кулади.)

В е л и м и р (жсаҳли чиқиб, аҳволни тузатмоқчи бўлади; Благоега). Дада, нима бўлди сенга, мана бу-ку ойим.

Благое. Ҳа, ҳа... (Райсерга, Марани таништириб.) Ижозатингиз билан таништирасам, Милораднинг ойиси.

Р а й с е р. (тилни китобдан ўргангандан киши бўлганидан секин, ҳижжалаб). Ҳурматимни қабул қилсангиз, хоним афанди, мен ўғлингизни жуда қадрлайман.

Ж и в о т а. Марҳамат қилсинлар!

Х о н и м л а р (Животага). Ўтинамиз бизни таништиринг, бизни таништириб қўйинг!

Ж и в о т а (Благоега). Буларни таништир!

Благое (ўзини олиб қочиб). Мен буларни танимайман.

Х о н и м л а р (Райсер олдига келиб, бир овоздан). Ҳурматли жаноб профессор, биз 9-етимхона бошқармаси кенгашининг аъзоларимиз. Мазкур етимхона шундай бир муҳим ижтимоий муассасаки...

Р а й с е р (Велимирга). Илтимос, таржима қилиб беринг...

С п а с о е в и ч (Протичга). Э-э, рухсат беринг, мен гапирай, бўлмаса жаноб профессор бизни тушунолмайди.

П р о т и ч. Гапиринг, марҳамат!

С п а с о е в и ч. Биз, олийхиммат жаноб профессор, 9-сонли етимхона бошқармаси кенгашининг аъзоларимиз!

П р о т и ч. Мазкур етимхона шундай бир муҳим ижтимоий муассасаки...

С п а с о е в и ч. ...маърузалар ташкил қилиб туради.

Ж и в о т а (Благоега). Ҳозир бомба портлайди!

П р о т и ч. Биз сизни маърузага таклиф қилгани келдик, маърузани сизнинг саховатли шогирдингиз... (Милорадни кўрсатади.) Жаноб доктор Милорад Цвийович... ўқиди.

Р а й с е р (ажабланиб). Кечирасиз...

С п а с о е в и ч. Унинг ҳурматли отаси жаноб Живота... (Животани кўрсатади.)

Благое (секин Животага). Портлади...

П р о т и ч. ...илтифот қилиб, жаноб докторни кўндиришда бизга ёрдам берди.

С п а с о е в и ч. Биз шунинг учун ҳам баҳтлимизки, ҳурматли жаноб профессор, Фрейбургдан атайлаб шу маърузада қатнашиш учун келибсиз.

Р а й с е р (Велимирга). Мен ҳеч нимага тушунолмаяпман. Қанақа маъруза ўқимоқчисиз?!

С п а с о е в и ч. У эмас, жаноб доктор Милорад Цвийович. (Милорадни кўрсатади.)

Райсер. Э, ха, жанобнинг ўғли. (*Благоени кўрсатади.*)
 Протич. Унинг ўғли эмас! Бу жанобнинг ўғли! (*Животани кўрсатади.*)
 Живота (*Протичга*). Худо хайнингизни берсин, мени бу ишга аралаштирунган.

Райсер (*Животага*). Сиз кимнинг отасисиз?

Живота. Билмай қолдим!

Мара. Эх, Живота!

Райсер (*Благоега*). Хўш, сиз кимнинг отасисиз?

Баго. Билмай қолдим!

Протич (*Животага*). Тақсир, ахир Милорад Цвийович сизнинг ўғлингиз-ку, маъруза ўқиб беради, шундай эмасми?

Райсер. Пардон, хоним, доктор Милорад Цвийович – бу кишининг ўғли. (*Благоени кўрсатади.*)

Баго. Ха, шундай!

Хонимла. Вой ўлмасам!

Живота. Кўриб турибсиз, масала равшан, бу тўғрида ортиқ оғиз очмаган маъқул.

Пасоевич (*Марага*). Ўтиниб сўрайман сиздан, хоним афанди, айтинг-чи, ўғлингизнинг отаси ким?

Мара. Мен қаердан билай?!

Хонимла. Вой ўлмасам!..

Мирорад. Ойи, нима деяпсан?

Мара. Нима деяётганимни ўзимам билмайман, ипга ўралиб қолган ғозга ўхшайман.

Хонимла. Аммо марҳамат қилиб тушунтирангиз, биз негадир англаёлмаяпмиз...

Живота (*ўзига бир оз келган эди, бирдан қайнаб кетади*). Овозларингни ўчирасанларми, йўқми! Нега ҳадеб оиласи ишимизга аралашаверасанлар?.. Менга Пепик камлик қилиб турувди, энди етимхонани ҳам елкамга ортишди...

Хонимла. Бу нимаси, тақсир!

Райсер (*уни тинчтишига ҳаракат қилиб*). Хонимлар демоқчики...

Живота (*қайнаб*). Э-э, сизни ўзи Фрейбургдан қайси алвасти чақириди, нега ҳа деб оиласи ишларимга бурнингизни тиқасиз?.. Ҳой, Византия, оиласи тинч қўй! Фрейбург номини эшитсан кўнглим айнайди. Бас! (*Бақиради.*) Етар!.. (*Умумий ҳаяжон, Велимир Райсерни тинчтишига уринади. Протич ва Спасоевич Мара билан Благоега бир нималарни тушунтираяпти. Милорад бир четда туриб, мазза қилиб куляяпти. Живота мушкул бир аҳволда, ўзича.*) Пепик, бечора Пепик, мени не кўйларга солдинг!..

ПАРДА

(Давоми бор)



Абдулхамид
ИСМОИЛ
(1954 йил туғилған)

ЖИНЛАР БАЗМИ
ёхуд катта ўйин

Асарда рассом Бахтиёр Маҳкамов сувратларидан фойдаланилди.

Роман¹

Маълумки, ёзувчилар реал дунёда яшаган ёки яшаши мумкин бўлган антиқа кишилар образларини яратиб, улар ҳаётидаги рўй берган ёки рўй берши мумкин бўлган ибратли воқеалар асосида асар яратадилар. XX асрда адабиётнинг реал ҳаётга яқинлашиши натижасида адабий қаҳрамонлар галереяси ўтмишда яшаган машҳур тарихий шахслар баробарида куни кечада ёруғ дунёни марк этган реал кишилар образлари билан ҳам бойиди. Жамиятда нафақат Амир Темур, Жалолиддин Мангуберди, Форобий, Ибн Сино, Навоий, Бобур сингари даевлат, фан ва маданият арбоблари, ҳамто куни кечада яшаб ўтган Абдулла Қодирий, Чўлпон, Ойбек сингари ўзида ўзбек халқи тарихининг муайян даврини акс эттира олуочи шахслар ҳақидаги асарларга катта эҳтиёж туғилди. Ана шу эҳтиёж тақозоси билан бир қатор романлар, спектакллар, кинофильмлар, мусиқа ва тасвирий санъат асарлари яратилди.

Абдулла Қодирийнинг сермазмун ижоди ва фожиали ҳаёти нафақат китобхонлар, балки ижод аҳлиниң дикқат-эътиборини ҳам анчадан бери ўзига жалб этиб келади. Миллий театрнинг томошабинлар томонидан қизгин кутуб олинган Иzzат Султон драмаси асосидаги “Абдулла Қодирийнинг ўтган кунлари” спектакли, Ўзбекистон телевидениесининг Хайриддин Султонов асари асосидаги “Мозийдан бир саҳифа” видеофильми, ўнлаб ҳикоя ва шеърларда яратилган улуғ адаб образи севимли адабий қаҳрамонлардан бирига айланниб, айниқса, ёш авлод учун еатанпарварлик ва халқпарварликнинг энг юксак намунаси бўлиб хизмат қилмоқда.

¹ Романдан парча.

Яқинда Абдулла Қодирийга бағишланған яна бир янги асар яратилди. Ўзбек китобхонлариға шеърлари, адабий ва публицистик мақолалари билан таниш бўлган Абдулхамид Исмоил “Жинлар базми ёхуд катта ўйин” романини ёзив туғатди.

Абдулхамид Исмоил Абдулла Қодирий ва Чўлпонларнинг фуқаро сифатида оқилинишидан икки йил олдин, 1954 йилда туғилган. Она юртида дастлабки таълимни олганидан сўнг, Москвага бориб, ҳарбий билди юртида ўқиган. Уни 1974 йилда туғатгач, Тошкентга келиб ҳозирги Ўзбекистон Миллий университетида ўқиган. Сўнгра яна Москвага бориб, Бутуниттифоқ Ёзувчилар юшмасида ўзбек адабиёти бўйича маслаҳатчи бўлуб ишлаган. Унинг Тошкентда ўзбек тилида 2 та шеърлар тўплами, “Ўзбекистон маданияти” газетасида бир неча мақолалари босилган. А.Исмоил Чўлпоннинг бир неча шеърлари ҳамда “Кеча ва кундуз” романини рус тилига таржима қилган, Чўлпон ижодига бағишланған бир неча мақола ёзган. Асарлари ўзбек, рус, инглиз, немис, француз тилларида таржима қилинган.

А.Исмоил 70-йиллардан бери Чўлпон ва Қодирийнинг фожиали тақдирлари мисолидә стalinча қатағон сиёсатининг келиб чиқиш сабаблари билан қизиқиб, Ўзбекистондаги, Россия ва бошқа бир қанча архивларда шу масалага ойдинлик киритувчи янги материалларни излаган. “Жинлар базми”даги Ян Виткевич, Артур Конопли (Хоналиев), Нурми Тригулое сингари махфий хизмат ходимлари билан боғлиқ саҳифалар шундан далолат беради.

Абдулла Қодирий ижоди муҳлислари адабининг 1937 йил қатағони арафасида Амир Умархоннинг канизи ҳақида янги роман ёза бошлаганини яхши билишади. Атоқли фольклоршунос олима Музайяна Алавиянинг хотирлашича, адаб агар шу асар туғалланиб, нашр этилган тақдирда китобхонлар “Ўтган кунлар” ва “Мехробдан чаён” романларини ўқимай қўяди, деб ҳаётирланган. Демак, бу роман бадиий баркамоллиги билан Қодирийнинг аевалги икки асаридан ҳам баланд бўлиши куттилган.

Ҳабибулла Қодирий отаси ҳақидаги китобларида бу романнинг ғоявий йўналиши тўғрисида муайян маълумот берган.

“Жинлар базми” воқеалари адабининг қамоққа олиниши воқеалари билан бошланиб, унинг НҚВД қамоқхонасидағи сўнгги куни тасвири билан туғайди. Муаллиф ана шу сюжет чизигига параллел рафишида романга бошқа воқеаларни ҳам олиб киради. Бу воқеалар Амир Умархоннинг канизи Ойхоннинг ута машаққатли тақдирни билан боғлиқ. Асар муаллифи романда Ойхон яшаган фожиали давр билан Қодирий яшаган фожиали давр ўртасидағи яқинликни; ихтиёрида қатта куч бўлган золим ҳукмдорларнинг ҳатти-ҳаракатлари нафақат айрим кишилар, балки ҳалқ ва мамлакат тақдирига ҳам салбий таъсир кўрсатиши мумкинлигини тарих сабоқлари асосида очиб беришга интилган.

Ёзувчи адаб ҳаётига доир сюжет чизигини шакллантиришда асосан Х.Қодирийнинг “Отам ҳақида” ва Н.Боқийнинг “Қатлнома” китобларида берилган материалларга таянган.

Адабиётшуносларнинг фикрича, А.Исмоил адабиётнинг топталган кўчаларидан боришини истамайдиган, янги-янги адабий экспериментларга мойил ёзувчи. “Жинлар базми” ҳам муаллифнинг шу сирадаги асари дидер.

Наим КАРИМОВ

Кўнгилдаги муҳаббатнинг учқунин
Ҳаёлтимнинг бир бурчида беркитдим.
Ул учқуннинг кучлигидан сийнамда
Ҳеч тузалмас, оғир яра бор этдим.

Кулогимга ол баҳт, деб эшиштилган
Аzonларни шайтоний деб ўйладим.
Шунинг учун баҳт берган малакка
Турли-туман афсоналар сўйладим.

*Сочларини ўйнаб туриб эшишти
Ва дедиким: “Афсоналар беҳуда”.
Бул сўзлари қулогимга етишиди:
“Оқдим, – деди, – қонли, зардобли сувда...”*

*– Оқ-оқ, – деди афсоналар султони, –
Сенинг тахтинг, баҳтинг унда кутадир.
Ул зардобли, қонли сувлар остида
Қора кийган жонинг жислава этадир.*

*Кет, эй шайтон, босирқадим... қўрқаман;
Кет-кет. Қилич синган, қалқон тешилган.
Кўрасанми? Мен эзилган, ётаман,
Устимга-да бало тоғи ииқилган.*

*Сўнгги нафас, охирги дам, эй малак,
Кел, бир қара, сўнера ииқилсун фалак!*

ЧЎЛПОН

УЛОҚ

Ўша йил куз ўзгача чиройда келди. Шахар кезиб Кўкчадаги янги тушган трамвай бекатидан ҳувиллаган кўчалар бўйлаб уйга қайтасанми, Самарқанд дарвозадаги синчу гувала деворлар ортига кўз қирини ташлайсанми, толиқиб ўз боғингта чиқасанми – кўк осмон остида алвон-алвон ранглар. Сарғишу қизғиши барглар негадир бу кузак қовжирамай, шоху бутоқлардан узилмасдан, гўёки мусаффо ва осуда ҳавода қишлирга довур ялт-ялт ҳилпирағусидек. Шундай эса-да, силжимас ҳаводаро қартайган қуёшда аллақандай ҳазинлигу аччиқлик, кўзга бўлмаса-да, димокқа сезиларди. Узокларда ёқилган чўпу хазоннинг элас-элас исимиди бу тахирилик...

Ким билсин...

Бугунга Абдулла ток кўмишни мўлжаллаган. Барди ўрилиб, хув чеккароқда увун-тўда ғарамланган. Туновида болалар гулхан ёқиб, бардига ўт кўйиб юборай дейишиди. Худо бир асрари ўшандада. Ток-қайчи қўлида, Абдулла кенг ишком тагида тураркан, бир-икки ерда истак узилиб, бағозлар бўшаганига кўзи тушди-да, бу фавқулодда ҳолни нимага йўйишини билмади: ҳосилнинг мўллигими ё қаровнинг озлигимиди боис? Рост-да, бу ёзу бу куз боғига одатдагидек қаролмади, жабр бўлди пояга. Кўнгли алаҳсиди. Офтобчувоқ кўкламда токни очганидан бери, оламда жинлар базми бошланиб кетгандек. Кўча-кўйда уззукун янграгани – ғат-ғат оркестру “ура-ура” ҳайқириқлари. Ҳадрадан то Ўрдага қадар ҳар бинога сўлақмондек қилиб расмлар осилган. Ерга тиқилган хода борки, устида ранг-баранг байроқ. Кечалари эса ягана кўрган даладек бирма-бир жўралари йўқолади. Бириси куни Фози Юнус домланинг беркинавериб унниқкан ўғли Тўлқин, отасининг тилла соатини кўтариб, пул сўраб келибди. Тунов эса Чўлпоннинг бебахра хотини Катя хоним: “Сиз тавсия хати ёзиб юборинг, сизга ишонишади-ку!” – деб йиғлайди. Кимга ким ишонарди ҳозир?! Кунимиз бетайнин, қаттол замонга колиб кетган бўлса. Даля яганаланиб, уватга айлангани йўқ. Ҳазрат айтмиш: “Бешаи Мозандаронга тушти ўт”. Олағовурда ҳўлу қуруқ бир ёняпти. Мана унинг ўзи ҳам эгарланган очаға отдек тайёр турибди. “Чўх!” – дейишиша кетади.

Бу маъюс хаёлларда Абдулла токнинг пастқам, олақароқ новдаларини кеса

бошлаганини ҳам сезмай қолибди. Аста-секин қийшанғи пояни бутоқларди. Ҳали-бери чуғурлашиб болалари ҳам ёппасига, қийғос ҳашарга чиқиб келишса ажаб эмас. Афсуски, түнгичи Ҳабибулла касал бўлиб ётиб қолди, ёнига кириб ишни тезлаштиришармиди. Лўумбиллаган кенжатоий Масъуд “отам-отам” бўлиб, ўрок дегандা косовни узатса-да, гапга солиб турар. Кенжасини эслаб, Абдулла мийигида кулиб кўйди. Олам ҳодис, ҳалида нарвонни шитоброқ тиккайтирилган ишкомга қўйса борми, маймунчадек тепасига чиқиб кетади. “Дада-чи, дада, чилпиган истакларни мен кесай”, – деб боғбон-отачадек хархаша килади. Майли-да! Қайдам, токларнинг барини бугун кесиб, ётқизиб, қўндокклаб, барди билан ёпишга улгурмас-ўв! Яна эрта бор, яна Худо хоҳласа индин бор... Токларини қўмар ҳам, совуклар ҳам ўтар, шовур-шовур ёмғирли кўклам қайтиб, буюрса, пою бачкилар яна занг отар... Бир – кўмилади, бир – яна ҳеч нарса бўлмагандек, очилади... Адабиёт ҳам шундай эмасми, деб ўйлади, қаншаридағи бир томчи терни артиб, Абдулла.

Олачалпокдан кўзлари қамашдими, чунки худди шу пайт кесилган бир новда қўлига илашиб, шапалоқдек баргни ўзи билан ерга тортдию, бояги барг остида яширинган майдагина ғужумча узум очилиб қолди. “Қирмизка-қирмизка!” – деб ўтган йили аллақаердан топиб эккан токи. Бояги шингил ҳам қирмизка номига монанд, узилмай панада ётаверганидан, қип-қирмизи бўлиб етишган, юм-юмалоқ узумчалари ҳам – зўри келса – шабнам томчисидан зиёда эмас, худди ўйинчоқ ғужумнинг ўзгинаси. Юраклари дук-дук урди Абдулланинг. Анчадан бери кўнглига тугиб юрган китоби бор эди: уч подшохга хотин бўлган гўзал каниз хикояси. Барг остида қизларнинг луччак бетидек қип-қирмизи бўлиб яширинган бу шингилнинг кеч кузда бир куни яланғоч қинғайган новдалар аро тўсатдан муҳайё бўлиши Абдулланинг чигал ўйларини бирдан ёзиб юборгандек эди. “Масъуд, отам, кела қолинг!” – деб уй томонга ҳайқирди. Кўнгил кургур кув-да, ғужум ҳали тахир бўлмасин, дея, кенжасига илинган шингилнинг энг майда донасини эндингина узун рўздан чиққан тишига қўйиб эдики, безаха узумча тирс этиб, тилни ёрадиган шираю маза бехосдан Абдулланинг бутун вужудига урди.

Бирваракайига билди у қандай бошлашини бу қиссани. Шундай ажабтовор қисса бўлсинки, уни ўқиган одам “Ўткан кунлар”ни ҳам, “Мехробдан чаён”ни ҳам унтиб юборсин. Кўча бошидаги Аҳмад қоридан “Бадое ул-вақое” ни олиб ўқиш демаса, Мулло Олим маҳдуму Ҳакимхон тўраларни аврасидан астаригача титкилаб чиқди. Манави уйнинг атала-бўтала ишларидан хотиржам бўлиб, бир қиши оёғини сандалга солиб, узлатда ўтиrsa, қиссани албатта ёзиб битиради...

Лўппи кенжатоий, отаси, Отабеги уйдан чиқавермагач, Абдулла чирсиллатиб яна бир дона ғойибдан келган қирмизка узумдан еди-да, ғужумчанинг қолдигини, бежама сифат, қулоқ кетига қистириб, ишга киришди.

Ўша аёз қишининг 31 декабрь куни, янги 1938 йил арафасида, Абдуллани уйдан қамоқقا олиб кетишиди...

* * *

Абдулланинг ўз қиссасини кеч кузда ғайбдан пайдо бўлган бир бошча узумдан эмас, улоқдан бошлаганича ҳам бор экан.

Янги йил арафаси, 31 декабрь куни уйига бостириб кела, Янги йил кутамиз деб турган бола-чақанинг доду воину оби-дийдасига қарамай, ўртадаги байрам дастурхонини ағдар-тўнтар қилиб, Абдулланинг китобу қофозлари

тинтувига киришишганида, ана ўша улоқ саҳнаси бир кечиб ўтди Абдулла хаёлидан. “Чўх!” – дейишни кутган от эдим, энди бу чавандозлар ўзимни тақимларига босишиади чоғи”, деб ўйлаган эди ҳамки, шайтони лайнлар икки қўлига икки кишан солиб, икки қўлидан судраганича, ҳовлида кўтарилиган қиёмат оралаб, дарвоза тагида турган учқур машинага улоқтиришди.

Хадраларга етганда атрофларда Янги йил мушаклари отилгани, радиокарнайлардан Янги йилнинг лахтак-лахтак табриклари янграётгани Абдулланинг қулоғига чалингандек бўлди. Аттанг, бугун Темирийўлчилар саройига бориб, болаларига олиб келган Янги йил совғаларини уйда яшириб қўйган эди-да! Ҳар бир бордонда Москвадан келган шириналлару болаларга энг ёққани – биттадан сап-сарик норинж бор эди-я! Хотини Раҳбарбону, болаларини юпатгач, бўйсаралаб, совға халталарини бўлишармикан? Ё иғи-сиғида эсидан чикиб қолармикан?

Абдулла бундан ўн бир йил аввал қамалиб чиққанлиги учунми, на саросима, на ғулғулага тушган эди. Боёв кўнгил ўшанда ғалаёнга учраб, ўшанда куйиб бўлган. Ҳозир эса ачингани – Янги йилсиз қолган болаларию қиши ўртасида узилган иши.

Ташқаридан анбуҳ карнай-сурнаю ноғораларнинг фат-фатиу гижбадабанги қулоғига чалинап экан, қўлидаги кишани ҳар силкинишдан занг урганида тўймисан тўйни эсларди у.

Шу пайт ичи қоронғи машина таққа тўхтаб, Абдулланинг хаёлини узди. Манзилига етиб келишибди-да... Нималарни ўйлаётган эди боягинда. Ҳа, қандили ўчган уйдаги болаларига улашилмаган бешта қуёшранг норинж ҳақида... Аттанг-а! Йўқ, навқирон ёшлигида ёзган бир хикояси бўлгич эди. Отасининг бир ваҳимали саргузашти ҳақида. “Жинлар базми” деган... Отасига ўхшаб Абдулланиям жин босдими?

Эшиклар шарақлаб очилди-да, ташқаридан осуда ёғаётган лайлак қорни ҳар томонга тўзитиб, ҳайқириқ янгради: “Кадыри, выходи!”. Тўрт тарафи қоп-кора олабаргоҳ бино билан ўралган ҳовлида одам оёғи босмаган покизаю беғубор зумрад қор ётарди...

* * *

Қўлида кишани билан Абдулланинг қоронғи бинонинг қоронғи зиналари бўйлаб қоронғи ертўласига судраши. Ертўланинг бир хонасида темир катакка илинган жинчироқ остида пешанаси кетга кетган бир барзанг ўрис Абдулланинг чопони остига қўлини тиқиб, чўнтакларини кавлаб, сарик чақагача бор пулинни йиғиб олди-да, сўнг иштонига ёпишиб, камарини ечди. “Мана бунга имзо чек!” – деб бир парча қофозни узатар экан, Абдулла қўлидаги кишанга имо қилган эди: “Ҳа, ёзувчишка, қичиган қўлларинг қисқарибди-да!” – деб тиззасига оғир этиги билан тепган эди, Абдулла чидаб бўлмас оғриқдан икки эгилди. “Тишла энди ручкани!” – деб ўшқирди бу бандибон жаллод.

“Қўй, Винокуров, – деб аралашгандек бўлди уйда тинтув қилганлардан бири, – келиши биланоқ ўлдириб юборма! Ҳали бу ифлосни сўроқ қилишим керак! Пока же в одиночку!” – деб буйруқ берди-да, Винокуровни Янги йили билан табриклаб, ўзи уйга, оиласи билан байрамни кутгани кетишини айтдии маҳбусни унинг қарамоғида қолдирди.

Янги йил аламини олдими, ўшанда Абдулладан қияпешона Винокуров, ё Янги йил қилиб аввалдан ичиб олган эканми, роса тепкилади, сўқди, урди маҳбусни ва чалажон ҳолатда, якка камерага ташлади. Бўғзига ёпишай

деса – қўллари кишанланган, тишлай деса – номардлик, лабини қон қилиб тишлаганича Оллоҳга солди бу безанглаган маҳлукни Абдулла...

Лўқиллаган оғриққа ҳам кўниска бўларкан: нафасингни оғриқ тўлқинларига мослайсан-да, бу мавжнинг авжини атайнин кутасан, лекин адолатсизлик аламига чида бўлмайди, кучиззлик азобига бардош бериш қийин. Абдулла аввалига анавининг бағритошлигинию юрагини анор қилиб эзган бу оғриқни унинг ўрислигига йўйди, бироқ уйидан чиқаверишида афтидан андироқ татар терговчининг “ий” лаганроқ талаффузидаги гаплари эсига тушди: “Сини биз билибиз. Ургақларинг барлигини бизгя йеткургянляр...”

Қамоқ борки, қамоқда тепки емасдан қолмайсан. 26-йили ҳам Абдуллани ўлардек тепкилашган. Унда ўзининг эгиз ўзеклари. Лекин унда ҳам юрагини қон қилгани бу тепкилару муштлар эмас, ўзи ишонган, ўзи дўст деб тутинган қорақўзларнинг хиёнати бўлган эди. Ўшандада шу қорақўзларга қайта қарашиб ўрнига маҳкамадан, тузукроғи, уни отиб ташлашни сўраган эди. Ўшандада бебок ёшлик ғурурида на бола-чақасини, на Раҳбарини ўйлаган экан...

Бердимикан Раҳбарбону болаларига аталган норинжларни? Эртага (ё аллақачон бугунми?) Абдулла болаларини Темирйўлчилар саройига арча байрамига олиб бориши керак эди. Темирйўлчилар саройида арчаларнинг ҳам энг каттаси, томошанинг ҳам энг сараси бўлгич эди. Ўтган йили болаларига айникса одам гапига жавоб берувчи қирриқ итлар ёқкан эди. Кейин бу ажойиб маҳлуқлар бир-бирини чанада басма-бас тортиб кетишган эди. Олиб борармикан Раҳбар болаларини, ё олиб борса-да энди қўйишмасмикан уларни? Эшик тагидан хайдармикан баттоллар, қамалганнинг болалари деб? Юраги бирам эзилди болаларини эслаб.

Бир куни ўзининг болалигига рус мактабида ўқиётган чоғи ҳавас қилиб башанг янги шим, янги чопонда арча байрамига келаётганида мактаб қоровули Холмирза тажанг эшик тагида тутиб олиб. “Сан ҳам копир бўлдингми?” – деб балдоки билан бола болдирига аямай тушириб қолганида, буни кўрган адабиёт ўқитувчиси Георгий Евстигнеевич, чолнинг олдига келиб, тоза сарт тилида: “Ахир Исо ибн Мариямнинг милоди бу. Исо сенинг ҳам пайғамбаринг-ку!” – деб айтганини эслади Абдулла. Ўшандада янги шимию оёғи қонга беланиб, арча байрамининг ўрнига Георгий Евстигнеевичнинг извошида аввал касалхона, сўнг уйига қайтган эди у. Йўқ, саховатнинг ҳам, разолатнинг ҳам миллати бўлмас экан.

Ана, буларнинг барини гуржи бошқариб ўтирибди. Бирининг гўштини бири еган...

Бу фикрда Абдулланинг алмойи-алжойи хаёллари яна олисларга учди...

* * *

Янги йил ҳам кирибди. Янги йилингиз муборакбод, Абдулла! Бир қиши ўтирсам қиссамни ёзиз битираман, деган эдингиз. Худо хоҳласа демаган экансиз-да ўшанда. Кўнглингизда бор эдию бу хатар, ахир Фитрату Чўлпон, Вадуд Маҳмуду Фози Юнус, Анқабою Элбекни олиб кетган жойда сизни тинч қўйишармиди?! “Чўх”, деса кетадиган от экансиз, арқонингизни узунроқ ташлаб қўйишган экан-да, “Қани, ёзиз бурсин-чи, роса қизифида босамиз”, дейишган эканми.

Янги йилни қаерда кутиб олсанг, йилинг ҳам шундай ўтади, деган ўрислардан юқсан бир ирим бор эди, қамоқда ўтказар экансиз-да бу йилни, Абдулла! Ўтган сафар олти ой дегандада қўйиб юборишган эди, бу сафар ана Фитратнинг ҳам, Чўлпоннинг ҳам қамоққа тушганига ярим йилдан ошиб кетди. Чиқишидан дом-дарак йўқ. Улар ҳам шу атрофдамикан? Бир-икки

девор наримикан? Анави барзанги Винокуровга ўхшаб ҳайқирса, жавоб беришармикан?!

Ҳах! Эсига тушди боя миясида чақнаган анави учқун. Мұхаммадҳакимхон түранинг чимилдиқ пойлагани. Деярли ёд олган “Мунтахаб ат-таворих”ни эслади Абдулла. “Аммо камина ҳам айни ёшлиқ даврим бўлгани учун ва ҳам бир томони шўхлик қилиб ҳеч ёққа кўзгалмадим ва беадаблик йўлига кириб чимилдиқнинг бир чеккасида бекинганча, ул ой ва қуёшнинг яқинлашувини тўйиб томоша қилдим. Хуллас, ўша чоғда Амир Умархоннинг димоғида жуфтлашиш шароби кўпирди, ул дилрабо юзида эса ҳаё тори шабнам донасиdek намоён бўлди. Нозу ниёз лаҳзалари қизиди – харидор иштиёки кучайиб, мол эгаси мулойимлиги ортди. Чунки орзу қишининг булути мақсадини ҳосил қилиш учун мурод пардаси ортида шай турарди. Гулғунча шамолнинг уятсизлиги натижасида қабога бандини ечишга мажбур бўлди ва ўзининг гулғунлик оғушига солди. Омонлик суманинг ғунчаси мақсади ҳосиллик насими ҳилпираши сабабидан оғзини очди ва мақсуд бўстонидан кумуш ранг садафга симоб гавҳари томчилади.

Айни ўша пайт каминанинг кулгиси қистаб қолса бўладими?”

* * *

Ойхон пошша Сайд Ғози хожа ҳазратларининг тўнгич қизи эди. Ўн саккизга ҳали кириб-кирмаган бу қиз ёш умрига қарамай кўпни кўрганиданми, ўз онаси Қантак пошшога қиз эмас, сингил қатори эди. Улар туғилиб ўсган Ўратепани Хўқанд подшохи Амир Умархон босиб, сайдлар панохи Маҳмуд хожаю бошқа улуғ-улуг ҳазратларнинг қўлларига кишан соганида, бало Сайд Ғози хожанинг ҳам хонадонига кириб келди. Қишининг қаттиқ совуғига қарамай буларнинг барини қор устида зор йиғлатиб бутун борлигини мусодара қилишида-да, уловга солиб, Хўқанд томон бадарға этишди. Ойхон пошша ўшанда ўн беш ёшда эди. Оч-яланғоч булар Хўқандга етишга, Амир Умархоннинг хожагонга қарши ғазаби битмай, Сайд Ғози хожаю Ўратепа улусининг бошқа улуғларини ундан ҳам нари, Шаҳрихонга сургун қилди. Ул бечораларни шу қадар талашган эдики, бир кулча нон буларнинг кўзларига фалак чархи, жулдур кўйлак эса биҳишт ҳилъатидек кўринарди.

Қиши қаҳратонида яйдоқроқ ерда бир кулба қуриб, Сайд Ғози хожа маҳалладаги учта-тўртга майдага дарс ўқитиш ила, Қантак пошшо билан Ойхон пошшо эса дўппи тикиш ила кун кўриша бошлашди. Дўппи гулларини ипакдан тикишса-да, ўзлари бўз кўйлак кийишиди. Топган-тутганлари фақат қора қозон қайнатишга етиб турди холос. Кичик ука-сингилларини – отасини уринтиримасдан – ўзи ўқитди Ойхон пошша. Уларга аллалар айтди, эртаклар тўқиди, ғазаллар битди.

Ютган аламлариданми, иккинчи қишига бориб, Қантак пошшанинг аввалига бўқоғи шишиб кетди. Кейин битмас йўтал ёпишиди. Сайд Ғози хожа аллақаердан кийик ўти тилаб келди, уни қайнатиб ичиришиди, ёрдам бергани йўқ, кўкламга етар-етмас беш болани тирик етим қолдириб, Қантак пошша бу вафосиз дунёдан кечди. Зор-зор йиғлаб қолишиди булар. Энди Ойхон пошша отасига ягона суюнчик, ука-сингилларига она ўрнида қолди. Илгари ҳафтасига ўн дўппи тиккан бўлса, энди йигирматадан тикди, ўшанданми шаҳло кўзлари икки ўтқир ханжардек чархланди, укаларини ювди, таради, ўқишию ошига қаради, ҳаракатлари сиртлоннинг урғочисидек енгилу эпчил бўлди, бирданига мункайиб қолган отасининг синиқ кўнглини асраб-авайлаб чегалади – овозлари чиннидаги қиёмдек ширалади...

Буни биринчи бўлиб ҳар кўклам Эски Новқатдан Шаҳрихонга келиб,

боғчаларни чопишдау экин экишда ёрдам бериб юрадиган амакиваччаси Сайид Қосим хожа йигитча сеза бошлади. Энди у аввалгилардек ишини битирса, Сайид Фози хожа хазратларининг дуосини олиб йўлига ошиқмас, балки турли баҳона топиб, бир буларнинг ковушларини ямар, бир тандиру ўчоғ атрофидаги сувоқни янгилар, бир деворингиз нураб қолибди, дея пахса қаларди.

Сайид Фози хожанинг болалари ҳам Сайид Қосимни хуш кўрар, бири унга лой отган, бошқаси хипчин олиб келиб, тойчоқ ясад бер дея харҳаша қилган, учинчиси “Катта бўлсам, сизга тегаман”, деб ваъдалашган. Фақат Ойхон пошша ўзини бу амакиваччаси билан сипо тутар, керагида чойига, керагида жойига қаради.

Ўша эрта кўклам ҳам бошқа ишларини битириб бўлгач, Сайид Қосим буларнинг икки тупгина токини очиб бериш важҳида яна Эски Новқатига қайтишга кеч қолди. Ҳолбуки, Сайид Фози хожа ўша куни Янги Новқат томон Саҳобани зиёрат қилгани ўзининг ўн тўрт яшар ўғли Сайид Олим билан йўлга чикқан эди. Ойхон пошшанинг икки синглиси маҳалладаги отинча-бувиникига дарс олгани чиқиб кетишган, ёлғиз кенжатой Сайид Нозимхон уйда ҳали ҳам уйкусидан турмаган эди.

Сайид Қосим аввалига ишкомининг бир-икки ямогини янги ходалар билан ямади. Бир чой қайнар вақтдан сўнг токни очишга киришди, бардиларни аста бир чеккага йиғди, қўндоқланган токни авайлаб очди, ҳартугул, совуқ урмабди ва оҳиста таг-тагидан бошлаб, ток поясинию новдаларини истак билан ишкомга тараф-тараф боғлай бошлади. Кўклам жони поя танасидан югура бошлаган, шўралар эгилиб-букилиб, ҳар томон гажак ташлаётган эди.

Шу пайт чойини кўтариб Ойхон пошша келиб қолди. “Хормангиз, ака! – деб сўрашди-да, қўлтиғидаги қийикчани ёзиб, ичидаги нонни ушатди, чойни пиёлага куйиб имо қилди: – Чойдан ичиб олинг, қувват бўлади!”. “Майлингиз!” – деб жавоб берди Сайид Қосим ва дастурхончага яқинлашар экан, Ойхон пошшанинг анави гажак-гажак шўралар каби ўгирилиб, уй томон кетажагини пайқади-да, бирдан:

– Менга ёрдамингиз керак эди, Ойпошша! – деди.

Ойхон бир қиё бокди-да:

– Нима эди, ака? – деб сўради.

Бу “ака” деб айтган сўзида неларни англамади ўша он Сайид Қосим, дами ичига тушиб кетиб, қарийб шивирлади:

– Шотини ушлаб туролмайсизми? Ишкомнинг тепаси нозикроқ, шўрани боғлаб олай...

Ойхон бебоғ шўрадек ялт этиб ўгирилди.

– Майлингиз...

Чой ҳам бир чеккада қолиб кетди, Сайид Қосимча, қўлу нафаси титраганича, ишком тагида ётган нарвонни турғизиб, ишкомнинг пухтароқ бир ходасига тирадио:

– Мана бу тарафдан ушлаб турсангиз, мен дарровгина токни тараф ташлай, – деди.

Ингичка Ойхон қаддини ростлаб, бор жаҳди билан нарвонга ёпишди. Сайид Қосим эса бирданига ўзини дорбоз янглиғ ҳис этиб, шоти тепасига учиб чиқди. Кўклам шабадаси унинг юзу соchlарини қитиқлар, у эса ўзини ишком тепасида тугул, бутун олам узра учётгандек сезарди. Кўлидаги истак билан бир новдани боғлади, иккинчисини. Учинчиси – бебошроғи хийла узокқа қайрилган экан, истак ушлаган қўли билан чўзилганини билади Сайид Қосим, бирданига нарвон бир томонга оғиб, боягина янгидан ямалган ишком катаги

қарс этдию, қизнинг “Дод!” – деганига қарамай, Сайд Қосим нарвони билан осмондан ерга қулади.

“Дод!” – деб Ойхон йигит олдига ташланди, бетларига уриб боқди, ёқасидан ушлаб силкитиб кўрди, қани, жон асорати кўринса. Йигитнинг юзига дув-дув ёшлар оқди, жонсарак лабларини йигитнинг тер босган манглайига босган эди, йигит бирданига бир ингради.

– Вой Худойим! – деб хитоб қилган Ойхонни: “Кўрдим, кўрдим, ўпищдийла!” – деган овоз чўчитди...

Кечаси кенжекка укаси Сайд Нозимхонни қучоғида олиб ётаркан, Ойхон пошиша унга:

– Сиз боягини ҳеч кимга айтиб юрманг-а, яна, – деб сирлашарди.

Кўшни хонада ётган Сайд Қосимнинг эса урилган бадани лўқ-лўқ қақшасада, юраги елвизакка бўй берган новдадек сархуш эди...

* * *

Эрталаб қамоқхонанинг эшиги шараклаб очилди-да, чўчиб: “Қаердаман ўзи?” – деб уйғонган Абдуллага ошпаз аскар бир товоқ бўтқа билан бир кружка чой қолдирди. Қамоқдаги биринчи уйғониш бошқача бўлади. Буни Абдулла биринчи қамалишидан эслаб қолган: тушсиз уйқуда бўлса-да, қамоқда эканлигингни англайсану уйғонгач биринчи хаёлинг – “Тунги вассасаларим туш бўлиб чикса-я!” деган ўй бўлади. Лекин, қарайсанки, босинқираш ёки алаҳсираш эмас экан у, ростданам қамоқдасан. Ростданам кеча 31 декабрь уч киши келиб, қўшнинг гувоҳлигига уйингни тинтуб қилишган, Раҳбару болалар қор устида зор йиғлашган, гўдаклигига: “Кўтаринг бер!” – деб кўлга ўргангандан кенжатои Масъуд: “Дадажон!” – дея, кишанланган қўллари томон талпиниб қолган...

Урилгани, тепилгани ҳам рост, бурчақда турган пакирдаги сувга турмоқчи бўлган Абдулла бутун вужуди зирқираганидан яна жойида узалиб қолди. Йўқ, наҳс босиб, бомдодниям қазо қилибди, аста туриб таҳоратини олиши керак, қазо қилиб бўлса-да бомдодни ўқиб олиши лозим... Бадандаги оғриғини енгиб, Абдулла ўрнидан турди, бурчақда таҳорат ушатди, ётоғига қайтиб, қибла қайси томонда эканини билмасдан, гардкамига қазо бўлган бомдодини ётоқ бўйлаб ўқиб олди. Бўтқага кўнгли бормади, тахир чойни ичиб олди.

Чой фикрларини ёзид юборди.

Ўйламабмиди, шу деворлар орқасида Ғози Юнус аллома бўлиши мумкин, Фитрат домла бўлиши мумкин, Чўлпон, ҳа, Чўлпон бўлиши мумкин, деб. Аравада ашула айтган қизни Чўлпон ёзмаганмиди, ана ким Шаҳрихонниу Эски Новқатни афзалроқ қизиб бериши мумкин эди. Қўйсади Чўлпонни Абдулла. Қанчадан-қанча гаплашадиган гаплари туғилиб юрган эди кўнглида. Энди кўришармикан у билан бу ерда? Энди етказа олармикан унга рус хотинининг хавотири туашвишларини?..

Қамоқдаги биринчи кун айрича. “Нималар бўларкан?” – деб пуч хаёлларда эшик орқасида қитир этган ҳар бир сасга қулоқ тутиб ўтирасан. Лекин узоқ-узоқ ҳеч нарса бўлмайди. Бундан яна беҳудаю зое хаёлларга бериласан. Яна бир нарсаларни эслайсан, яна ўз кўнглингни оғир тегирмон тошлари орасига соласан. Бундан чиққани эса – пух деса тўзиб кетадиган тўқимаю тахайюл уни...

Оғир тош деди. Лекин Ойхон пошшанинг ўз қамоғидаги биринчи эртаси бундан юз карра оғир бўлмаганми? Зўрланган ул қизнинг, эрталаб келин саломга чиқиб, ўз отаси Сайд Ғози хожага бош эгиши, ундан сўнг хонага бирин-кетин кириб келаётган хотин-халаж, уни зўрлаган ва ҳалқумидаю

корнида оғир бир тугун қолдирған амирнинг онаю холалари, аммаю хотинлари олдида қад әгиш оғирлигини бир зумга сездию Абдулла, ўз нолишини шу кезоқ унүтиб, хаёлинин Оллоҳнинг зикрига бурди.

Озми-кўпми вақт ўтди, қамоқхона эшиги яна очилиб: “Заключенный Кадыри, руки за спину, на выход!” – деган аскар уни ертўладаги бошқа бир катакка бошлади, у ерда кўлига номери ёзилган тахтча тутқазиб, бир юзи тарафидан, бир ёнидан расмга туширишди, кейинги катакда эса қартайган жуҳуд сартарош сочию соқол-мўйловини тозалаб қиртишлади. Ғўдайиб турган аскар ўнгидаги очишга изн берилмаганиданми, соқовлиқдан ичи ёрулгудек у сартарош пишилларди, вишилларди, шивирларди, илож тоғмагач, гапга чанқоқлигини қўллари орқали ифодаларди. У Абдулланинг кўпикдан озод бетларига енгил шапатлар туширас, яктагининг ёқасини тортиб қўяр, қулоғига энгашиб яна пишиллар, вишиллар, яна ўзига бир нарсаларни шивирларди.

Абдулла бирданига Сайд Қосим устида гиргиттон бўлган Ойхонни эсладию, кулиб юборай деди. Йўқ, устара остидаю анави аскарнинг муздек кўзлари ўнгидаги ўзини жиддий тутгани дуруст. Келиб-келиб бу кулгининг нуқси манови бечора сартарошга ҳам урмасин. Уям ахир бир навъ маҳбус эмасми? Кўлга тушмай деб буларга ишлаётганмикан? Ё чинданам маҳбусмикан? Кўлларини аямай оппоклади у Абдулла ёнокларини.

* * *

Шомга Абдулла “Ваз-Зуха” билан “Ваш-Шамсу”ни овозини чикариброк ўқиди. Намоз ярмида эшик яна шарақлади-да, кечки нонуштага бижиганроқ қарамнинг қовурдоғи билан бир бурда қора нон келди. Анави қарамнинг ўткир хиди бутун қамоқхонани тутди. Намозни дилга ўтқазиб, Абдулла ошпаз аскарнинг кўлидан овқатини кутиб олди. Негадир эсига тўнғич ўғли Ҳабиулланинг доимий ҳазили – қачонки уйда қарамдан томоқ пиширилар экан, “лутфи қараминг...” деб хиргойи қила бошлиши тушди. Касал қолди-я, ётган ерида тўнғичи. Олдига кириб хайрлашишга ҳам қўйишмади.

Кечки овқатни тарқатган аскар йигитча мусулмондан эканми, чиндан ҳам темир товоқдаги таомни узатишида аллақандай лутфу қарам бордек эди. Кимга ўхшатди-я шу йигитни Абдулла? Гап очиб бокса бўларди, аммо намозини бузгиси келмади. Балки бу йигитча воситасида Чўлпонми, Ғози Юнуслар билан хабарлашармиди... Намозини ўқиб бўлгач, Абдулла овқатдан татиб боқди. Бижиган қарамнинг таҳир таъми оғзини қамаштириди. “Есан, кейинроқ ерман”, деб нонини кавшай бошлади у. Кечга келиб сұйклари яна оғрий бошлаганини сезди. Ҳар бир чайнашдан жағларининг оғриғи чаногига, чаноғидан икки қурагига, қуракларидан қовурғаларига, қовурғаларидан белию оёқларига тарқарди. Бир бурда нон оғриқ билан ейилди. Рост, оғизда ширин бир таъм қолди. Уни анови бижик қарам талхи билан бузгиси келмади Абдулла ва яна ўйга толди.

Эслаганларининг барини ёзиб улгурганмиди? Ёзиб улгурганларини эсладими холос? Ё бари тўзиб, ақлига келгани пойинтар-сойинтар бўлдими? Чунки ёзса буларнинг барини: Умархоннинг Хўқанд саройио Насруллоҳхоннинг Бухоро аркини қориширмасди. Чунончи орада бир эмас, ўн йил фарқ бор. Амир Умархонга муқобил қиласидиган бўлса Амир Ҳайдарни кўпроқ ёзарди. Лекин нега бирданига Насруллоҳхонга ўтиб кетди? Ҳаёллари, ҳаёти тўзиб кетганиданми? Сезгандари анча тиникроқ эди-ку... Моҳларойимнинг ҳам феълу атвори бошқачароқ эмасмиди? Нима бўляпти Абдулланинг миясида ўзи? Жин босди дегани шуурига ҳам етиб бўлдими?

Абдулла зўр бериб буларнинг барини унутишга харакат қилди. Чўлпон айтмиш:

*Тун ёмон, тун қоронги,
тун қўрқинч, тун азоб,
тунда эски ва янги
ҳар нарса хаёл, сароб...*

Буларнинг барини ўзининг сўнгти пайт севиб-севиб ўқиган “Зарбулмасал”ига алмаштироқчи бўлди. Шу нарсанинг ҳалига қадар поёнига етгани йўқ эди. Қай йўсинда киссасига киритишини ўйлаб-ўйлаб, ўйларининг тубига етмаган эди.

“Аммо ровийлар андоғ ривоят қилурларким, илгарига айёми нафаржомда Фарғона иқлимида Кайкубод отлиғ подшодин қолган бир эски шахристон бор эди. Аммо ани ҳавоси хуш ва боди дилкаш. Сабза, раёхин, анвои гуллар, чечаклар касратидин кўрган баҳор чоғда товуснинг парлариdek турланиб, мунаққаш кўринур эди. Ва анинг ёнида бир ёғочлик ерда Япалоққуш маскани, ота-бобосидан қолган жойи бор эрди. Аммо Бойўғлиниң бир қизи бор эрдики, меҳри ховарий юзига банда эди.

*Оразидин шамсу қамардур хижил,
Сўзларидин шаҳду шакар мунфаил,
Ҳосили умри эди ул бойни,
Оти Гунашибону ўшал ойни.... ”*

Ахир бу Амир Умархоннинг Сайд Гози хожа қизи Ойхон пошишага уйланиши тарихи-ку! Наҳотки ҳозирга қадар Абдулла буни сезмаган бўлса! Қойил-э!

Лаззатидан ўзича ёдга тушиб қолган сўзларни бирма-бир қайтарар экан, Абдулла ички севинч билан ўз инкишофини ўзи тасдиқлаётгандек эди. Япалоқ Кўркушни совчиликка юборганини эслаб, Ҳаким тўранинг “Мунтахаб ат-таворих”ига қиёслади:

“Бойўғлиниң бир чиройлик қизи бор эмиш. Бизни тарафдин совчи бўлиб боринг. Ҳарқанча қалин бўлса топилур.

Анда Кўркуш айди: “Бор мақтанса топилур, йўқ мақтанса чочилур”, деган яхшиларнинг масалидур. Бойўғлиниң оғзининг бурчидан чиқар: “Минг чордевор қизимнинг қалини”, деб. Ҳоло подшоҳимиз ҳазрат Сайд Умархон амирул-муслимийн аҳд ва замонларида одам маъмур ва раоё масрур. Ҳар нечук аёлманделар тасбихи маржондан уйрулур – бир бўш чордевор топилмас, уялтурмиз. Нечукким айтмишлар: “Ёлғон масал турмас”, “Уят – ўлумдин қаттиг”. Яна айтмишлар: “Эрман ёғочининг эгилгани – сингани, эр йигитнинг уялгани – ўлгани... ”

Ахир Гулханийнинг ҳам ўша тарафларда туғилганини билмасмиди Абдулла? Аттанг, текшириб бокмаган экан, Нола тахаллусли шоир Сайд Гози хожага агарчи қариндош чиқмаса, онҳазрат қўлларида таҳсил олган бўлмасин... Сайд Амир Умархон ҳақидаги заҳарханда бундан далолат эмасми?..

Ундан кейин Фазлийдан маълумки, Гулханий Умаршоҳга навкар бўлган. Ким билсин, бу дўлвор одамни Амир Умархон Ҳакимхон тўрага қўшиб

Сайд Ғози хожаникига важоҳат учун юборган бўлса-чи?! Ҳакимхон тўра қиз билан ота орасида нималар ўтганини ёзмаса-да, Гулханий “Зарбулмасал”да бу саҳнани тоза ўҳшатган-ку!

“Анда Бойўғли айди: “Ори, боланинг бўйи етибдур. Ўзидан сўраб жавоб берсам керак”, – деб туруб, қизининг олдига кирди: “Эй болам, Япалоқ бибининг боласи Кулонкирслутон ҳавоҳоҳ бўлуб, совчи юбормиш, на жавоб берурсан?”

Анда Гунашбону ойим, нечукким рўзғор қизларининг аълолари дур, “Сукут – аломати ризо” дегандек, бошини қуий солиб ўлтурдид. Бойўғли қизнинг майлини билиб айдики: “Бу болиганинг кўнгли эр тилар ўхшар”, – дегач, қиз тилга келиб айди: “Эй, бемаъни чол, соқолингдин ўёл. Хомуш турмоқлик жавоби бўйла бўлурми? Хайр ишиға мутакаллим бўлғоннинг хитоби бўйла бўлурми?”

Шу пайт қалитлар ғичири билан эшик шарақлаб очилди-да, йўғон ва малла навкар Гулханий ўрнида девсимон Винокуров қамоқхонага кириб келиб: “Ну что, с Новым годом что ли, буржуазно-националистическая крыса, думал зарылся в нору здесь? А я тебя тут же за хвост!” – деб “Карнайчидан нима кетди, пух”, – дея Гулханий билан хайрлашишга улгурмаган Абдулланинг оғзи-бурнини бир қилиб, урибу тепиб кетди...

* * *

Эрталаб эшик ғичирлашидан сесканиб уйғонган Абдулла зехни билан эмас, кечаги аламининг кучи билан кириб келганга ҳамла қилмоқчи эканлигини уйғониши биланқ туйиб, қўллари муштга тугилган эдики, қараса эшикдан анави бесўнақайроқ ўзбек аскарчаси кириб келаяпти. “Худо бир асради-я!” – деб ўзиними, ё йигитними ўйлади Абдулла ва мусулмон бу йигитта юзини ювмасдан салом беришга бетламай, апил-тапил қонлари қотган пешонасию қўздарини, шишган икки ёноғу оғриган жағини бурчакда ювиб олди.

Йигитнинг ўзи шивирлаброқ салом бергандек бўлди. Саломи ҳам Тошкентчасига: “Соламан, aka!” қабилида бўлиб, Абдулла юзини чопонининг этагига артиб, алигини олди.

– Ока, сизга нон-чой опкелудув...

Абдулла кечагидака бўтқа билан кружкадаги чойни таъзим билан қабул қилиб, пастроқ овозда:

– Тошкентликмисиз? Қайси маҳалладансиз? – деб сўради.

Аскарча идиш-товоқни тақиллатиброқ топширар экан, бу шовқинга овозини ўраб:

– Қумлоқливуз, Калҳовуз бўйидан. Бзайа хизмат бўса этувринг! – деб пицирлади.

Абдулла ҳам кружка билан товоқни бир-бирига шақирлатиброқ:

– Майли, ўйлаб бокай-чи! – деди-да, қайрилиб, “уху-уху” билан чиқишга юзланган аскарчага: – Чўлпон билан Ғози Юнус дегани қайси хонадайкан? – деб қолди.

Эшигдими унинг саволини кумлоқлик аскарча, ким билсин, эшик шарақлаб ёпилдию, Абдулла анави бўтқа устида ўз хаёллари билан яккама-якка қолди.

Нимани сўраса экан бу йигитчадан? Нима келар экан унинг кўлидан? Пичоқ обкелиб бер, десамикан? Эплолармикин? Ё осонроғи – бир парча қоғоз билан қалам топ деб уйдагиларига хат ёзиб юборсамикан? Нима деб ҳам ёзарди? Эсон-омонман деса – ёлғон, эрта-индин чиқиб қоларман деса – пуч хаёл, уриб-тепкилашяпти, деб ёзмайди-ку! Ё Винокуров деган

ярамасни ўлдирмоқчиман, кечириңглар ва алвидо дейиши ҳам қип-қизил аҳмоқлик. Лекин барибир негадир аввалига бир парча қофоз билан қалам сўрашни ният қилиб қўйди, жилла курса, Раҳбарга: “Темирийўлчилар саройига бордингларми?” – деб ёзиб юборар. Кейин: “Канизак қиссасининг кўлёзмаларини шийпондаги ёқилмайдиган чўян пекканинг ичига беркитган эдим, уни қариндош-уругларнида асраб қўй!” – дермиди? Кўлёзманинг тўлароқ қисмини авваламбор болалардан, қолаверса, Раҳбарнинг ўзидан яшириб, чўян пеккада сақлаши кўл келдимикан, терговчилар майда-майда қофозларгача барини тинтиб-тортиб-тергаб олишди, бироқ шийпондаги пекканинг ичига қараашга биронтасининг ақли етмади...

Абдулла мазасиз сўк бўтқани еркан, яна терговчилару домкомни эслади. Тергови қачон бошланаркан? Бир-икки кун Янги йил қилиб, дам олишса керак, демакки, бу кунлар Винокуровнинг маҳрига ёзилиб, Винокуровнинг хасмига айланган экан-да!

Пичоқ сўраши керак қумлоқлик йигитчадан.

Ойхон пошша гўшангода янчилган талқондек ётар экан, на дод дейишга кучи, на юм-юм йифлашга ёши, на ўзини бўғиб ўлдиришга мажоли бор эди. Зўрланган қизнинг адоксиз кечаси... Зўrlаган махлуқ эса ғусл олгани чимилдиқ ортидан ташкарига чиқиб кетган, унга эргашгану қулаган нафрат қиз кўкрагини тегирмон тошидек босган. Тепинди қиз, тимдалади, тишлади, дарранда-чи, бундан қайтага жўшиб, пишқириб, кўпикларини нозик гулбаданга соғди. Чип-чип қону оғир оғриққа буланиб ётган қиз: “Энди келса бўғзига тишим билан ёпишаман!” – деб маржондек тишларини ғижирлатиб ётибди.

Ойхон пошша уловга солинганида навкарлар орасида баланд бўйли қизғишироқ одамни кўрган эди. Кўзига иссиқ қўринган бу навкар ваҳший ҳайвонни ҳам гўшангагача кўриб келган эди. Үратепада отасининг кўлида ўқиган кўхлик Муҳаммад Шариф бўлмасин тағин! Ўзини “Нола” атаган отаси уни эркалаб “Гулханий” деб атарди... Агарда ўша бўлса, ялиниб, эркаланиб, ханжар сўрасамикан?¹

* * *

Ёзувчи халқи одам танимайди. Илк қараашда бу фикр зиддиятли тувласа-да, Абдулла умрида неча бор бунга амин бўлган. Ёзувчи халқи одамларни тўқийди, ўз хаёлларидан ясади. Безайди, ясантиради, тусантиради. Қарабасизки, бир ярамас исқирт ҳам бу бежовда туппа-тузук қаҳрамонга айланади-кўяди. Одамларни ким яхши танир экан – хотинлару театр режиссерлари. Раҳбар билан Маннон Уйғурни эслади шу топда Абдулла. Аёлларнинг юраги хавф сезади чамаси: “Дадаси, манови шогирдингиз ортиқча мулоzамат қиласидими, эҳтиёт бўлинг, кўнгли тоза эмас унинг...” – дегани дуппа-дуруст гап бўлиб чиқади. “Йўғ-э, хотин, бу йигит адабиётимизнинг келажаги, ҳали шундай ярқирайдиди!” – деб Раҳбарбонусига бас келиши эса аксинча ёппа-ёлғон бўлиб чиқади.

Маннон Уйғур ҳам одамларни тўқимайди, афтидан, вазият ичига солади. Ана ўшанда абллаҳнинг абллаҳлиги, мунофиқнинг мунофиқлиги, дўстнинг дўстлиги яққол очилади-кўяди шекилли...

Абдулла бу бекорчи фикрларда қамоқдаги яна бир кунни ўтказарди. Бир тарафдан қишининг калта куни йўқолиб боришидан юраги ачишса-да, бошқа

¹ Журнал имкониятидан келиб чиқсан ҳолда асардаги Абдулла Қодирийнинг ҳибсдаги кунларига оид айрим тафсилотлар қисқартирилди. – Таҳр.

ёндан, кеч тезроқ келишинию чўнтағидаги бир парча қоғозу бир кесим қаламчадан тезроқ фойдаланишни орзуқиб-орзуқиб кутарди.

Махмуд Қошғарийда ўқиган эски туркча бир сўз – “им” сўзини ўйларди Абдулла. Бу сўз ўзбекчада “имо” ё “имлаш” сифатида қолган холос. “Им” сўзи эса икки одам ўртасидаги келишилган очқич сўзни англатар экан. Солдатлар орасидаги пароль сўзини. “Им билган эр ўлмас”, – дейди Қошғарий. Кумлоқлик аскар билан бир имга келишиб олишсамикан?

Шу пайт Абдулланинг фикрларини бузиб, Муборакнинг жўраси Содик Абдулла елкасига қоқди-да, бесўнақай имладио: “Мана бу одам Чўлпон деганийззи ёнида ётуди”, – дея, ёнидаги симрайганроқ, тажангроқ маҳбусга имо-ишора қилди.

Абдулла хаёллари тўридан озодланар экан, Чўлпон отини ҳамоно туйса-да, бу ерга нима алоқаси бор эканлигини дарров тушунмай, бир оз гарантсигандек эди. Миядаги тегирмон тошлар айланиб, негадир қайта Маннон Уйғурга йўлиқди. Бир пайлар Маннон Уйғуру Чўлпону Абдулланинг ўзи ва яна бир қанча ўзбек Москвада яшаган эди. Рост, Абдулла ўшандা ўз муддатининг сўнгигача пойтахтда қололмади, бироқ Москвадан Тошкентга ёлғиз ўзи қайтаркан, бир кун эмас бир куни Чўлпоннинг Москвада яшаган ҳаёти ҳакида бир нарса ёзишни орзу қилиб келди. Роман бўлмаса қисса бўлар, қисса бўлмаса узурок хикоя... Аммо, афсус, буни хам ёзолмади.

У Содикнинг жўраси билан саломлашди.

– Лазиззода, –деб таништириди ўзини энсаси қотганроқ бу одам. – Чўлпон ҳакида суриштирган экансиз. У мен билан тўшак бўлишиб ётган.

Лазиззода иштиёқсиз бир йўсинда қамоқҳаётининг кундалиқ манзараларини кавшар, Абдулла эса анави ёзилмай қолган асар армонини қайтадан, юрагида аччиқ бир ўқинч билан турдиди. Ана шу ўқинч, ана шу юпанчизлиқ ҳакида бўлиши керак эди бу асар. Дунёнинг марказига айланган Москва, ўқидан чиққан олам, ҳар соҳада инқилоб. Москвага илгарироқ келиб қолишган Ботуми, Фитрат уйларидаги учрашувлар. Буларнинг ҳар бири ўз соҳасини афдар-тўнтар қилиб, янгидан тузатган даҳо. Чўлпоннинг-да ўзбек шеъриятида қилаётгандар аслида булардан қолишимасди, бироқ ўзлари билан ўзлари овора бу даҳолар бошқаларни кўришармиди...

Буларнинг орасида ким билан топиши Абдулла – тагли-тугли, шажараю наасабли зодагон Алексей Толстой билан. Иккаласи тарихни севишда бирлашишди. Инқилоблар эса бир шоир сўзига мувофиқ:

*Эски ола-гастон
тартибсизликдан
янгисини ясаси
бу балки яшаши... –*

деган фикрда, иккиси-да айни хulosага келишди. Лекин Толстойни эмас, Чўлпонни эслаетган эди Абдулла. Бирорнинг юртига тушиб қолган шоирни.

*Билмадим, кўнглимни юпатгай кимлар,
Тоғларми, тошларми ё оқар сувлар...*

Ёки кун кетишига Абдулланинг кўнгли бўшашиб кетдими.

*Денгизлар қайнаса, тоиса сувлари
Кесилса йўлчининг истак йўллари,*

*Денгизга айланса ўнг ва сўллари,
Шунда юпатгайму ҳўлланган кўзлар?..*

Лазиззода Чўлпоннинг ғилдирак кўзойнаги ҳакида гапирав, Абдулла эса ўзининг ёзмаган асарини афсус билан эсларди...

Абдулла Москвада ўқиб юрган чоғи кимдир Тошкентдан Чўлпоннинг “Ўйғониш” китобини олиб келди-да, бу китоб дарҳол ўзбеклар орасида қўлма-кўл бўлиб кетди. Абдулла Чўлпонни анчадан бери билар, 1919 йили “Ўзбек ёш шоирлари” юғурмаси шов-шув бўлиб кетгач, Чўлпон номини танимаган инсон қолмаган эди. Булар бир-икки маротаба Фитрат домланинг “Чифатой гурунги”да ҳам бир-бирига йўлиқишиган, бироқ Чўлпон – машхур шоир, Абдулла эса у вақт атиги бир-икки ҳикоя чоп этган беном ёш ёзғучи – шунинг учун ҳам “сен airyи, мен airyи” бўлиб юришган.

Бироқ “Ўйғониш” Абдулланинг қўлига тегдию, муқовадаги икки сатр: “Нечун очилди қўзим, қайда қолди уйқуларим? Бу уйғониша тўлиб тошди, ошди қайгуларим...”ни ўқидио, кўзлари очилди. Бу тилда ҳали ҳеч ким ёзмаган, бурун ёзилган адабиёт эса бу тилнинг ўнгига шалвираган увададек титилиб-тўкилиб, Абдулла Москва осмонига қараганича: “Меним ўйимми қора ёки юрт кўкида булут...” дея, аллақандай сармаслиқда бу шоирни топишга, унга ўз кўнглидаги бор севгинию эҳтиромни, фахрниу ҳавасни рози изхор қилишга интиқиб интилди.

Ҳали ҳам эсида Москвадаги ўша учрашув. Зиё Сайду, Айн деган икки қизислосуз Москва Ёзувчиларнинг ишчи-пролетар ассоциацияси дачасида ёш ўзбек адibu шоирларини тўплаб, рус пролетар қаламкашлари оталифида икки кунлик ўкув семинари ўтказадиган бўлишиди. “Ўрмонда ош дамлаймиз” – деб Чўлпону Боту, Олтою Анқабой, Абдуллаю яна аллакимлар зўр иштиёқ билан дачага тўпланишиди. Семинар Чўлпоннинг бир шеърини шарҳ этишдан бошланди:

*Кўнгил жисмидир. Совуқ кўкда
қараб унга ёниб турган
ҳануз холаю юлдузлар.
Бутун атроф ва ҳарёқда
“Нон! Олтин!” – деб фигон қилган
талаичи, галвачи эллар.*

*У жисм, лекин фигонларга
қулоқ берган ва кўз тиккан
узоқларга-йироқларга!..*

Аввалига Айн бу шеърнинг ғоявий чуруклигию, буржуа индивидуализми ҳакида оғиз кўпиртириб гапирди. Бу шеърнинг Зиё Сайд томонидан тайёрланган рус таржимасини ўқиган Авербух дегани ҳам марксизм ғояларидан келиб чиқиб, шеърнинг пала-партишлигию мантиқий носозлигини фош қила бошлади. Бир нуқтада у:

– Мен айтаётган хulosаларимни таъкидлаш учун худди шу шеърни бошдан-оёғига ўгириб ёзиб чиқдим. Бирон нарса ўзгаргани йўқ – ўша-ўша мужмаллик! – дея, ўқий бошлади.

*Узоқларга-йироқларга
қулоқ берган ва кўз тиккан
у жисм, лекин фигонларга*

*талаичи, галвачи эллар
“Нон! Олтин!” – деб фигон қилган
бутун атроф ва ҳарёқда.*

*Ҳануз холаю юлдузлар
қараб унга ёниб турган
кўнгил жсимдор. Сөвуқ кўкда.*

Ундан кейин Зиё Саид урди, яна бир-икки рус пролетар тоифаси девалашди, танаффусда Чўлпон кўздан ғойиб бўлди. Ўқув семинарининг иккинчи қисмида Олтой мақталди, Абдулла рағбатлантирилди... Кейинги танаффусда дили беҳаловат Абдулла Чўлпонни қидиришга тушди. Қараса, у ўз хонасида темир каравотига чалқанча ётганича, бошини чангллаган. Ёлғиз икки кўзйнаги миљтирайди.

Абдулла унинг оёқ томонига ўтиб, каравотнинг бир чеккасига ўтиради. Орада сукунат. Кейин Чўлпон ҳазин овозда:

– Буниси менинг шеърим ҳам тугул, Блокни таржима қилган эдим, – деб хўрсиниб қўйди-да, қўшиб қўйди: – Емаган сомсага пул тўладик-ку...

Абдулла ўзини тутолмай, кулиб юборди. “Бефаросат! – деб ўйлади у ўзичабаногоҳ. – Шоир андуҳда ётсаю, сен кулиб ўтиранг!” Бироқ Чўлпон ҳам кутилмагандага кулиб юборди.

Роса отамлашишди ўшандаги иккиси. Абдулла тўкилиб-сочилиб Чўлпоннинг “Юпанч истаги”ни ўқиди:

*Ўйлаган ўйлар-ла кўнгил юпанмас,
Кўнгилнинг истаги ўй билан қонмас,
Айталар бу тунда ёргу шам ёнмас
Чакмаса гугуртни асл ўгуллар...*

– Жумабозор истансасида чекиш хумори тутиб, гугурт тополмай бу шеърни ёзган эдим, – деб кувлик қилди Чўлпон. Булар яна ичаги узилиб қулишди...

Шу-шу пролетар ёзувчиларининг фитналари орасида буларнинг иккиси қиёмат дўст бўлишган эди...

* * *

Фитналарнинг улуғи Умаршоҳнинг девонида эмас, балки ҳарамида юз берарди. Булардан сўнгтиси – Моҳларойим бошига Ойпошша кундош бўлиб тушгач, Моҳларойим туйган зорликни Ойпошшанинг ўзига ҳам билдириш воқеаси бўлди. Айтмаганмиди Моҳларойим бир ғазалида:

*Урди зулфинг ҳалкаси бўйнимда печ,
То хаёли дами сайёд айладим.*

Сайддан сайёдга айланди бу ишда ҳарамнинг тўнгич бекаси. Ойпошша Моҳларойимдек бекнинг қизи эмаса-да, марта бада юқорироқ “хўжа қизлардан” – поишшалардан эди. “Оқсуяклиқда” ундан ортиқ нима бўлиши мумкин – хўжаларга ўхшаб ҳалифалар авлодидан эмас, Пайғамбаримизнинг уруғларидан бўлган сайид ё тўра қизи. Ҳарам атрофида ким кўп – ғаддор кампирлар. Булардан иккитасини ишга соглан эди, қидириб-қидириб уруғига “қорача” зинҳор аралашмаган эшон Султон Ҳожай калоннинг исмат пардаси ортида ўтирган қизини топишиди. Ҳам ота, ҳам она томонидан сайидликнинг

ипак толасидан яралган бу маъсума – ота тарафидан Аҳорий, она томонидан Маҳдуми Аъзамий шажара самари бўлиб, хусну латофатда ойдан бож олар эди. Ана ўша сайиданинг таърифини амирул-муслимийннинг қулоғига етказиш пайдан бўлди ҳарамнинг тўнгич бекаси.

Шу пайт сайидлардан бири Маҳмудхон тўра Ўратепага ҳоким бўлиш дағдағасида кунора Амир Умархоннинг хузури олийларига қатнарди. Орага отинчаларнинг улуғини солиб, Сайид Маҳмуднинг пошшаси орқали унинг Ўратепа ҳокимлигига бўлган иштиёқи эшон Султон Ҳожаи калоннинг бокира қизини амирул-муслимийн никоҳига олиб бериш орқали ҳал бўлиши ётиғи билан етказилди.

Хон хузурига кейинги ташрифи замонида Сайид Маҳмудхон тўра мўминлар амирининг Пайғамбаримиз хонаводасига уланиши аҳамиятини таърифу тавсиф этди.

– Бу дунёнгизни Парвардигоримиз бекаму кўст берди, энди нариги дунёни ҳам Тангрилизнинг суюкли арзандаларидан бўлмоқчи экансиз, бунинг ҳам тадоригини кўриб қўйган маъкул.

Сайид Маҳмудхон тўра тез-тез гапирав, бу билан бирга ҳамиша сухбатдоши билан сир бўлишгандек туюларди. “Бошқа одамга айтмас эдиму, бироқ сизга...” – дегандек.

– Бошқа ёндан амирул-муслимийн рутбангиз ушбу алоқанинг ҳам омили, ҳам мақсади мувофиқидир, – деб сўнгти сўзларни пи chirлаш или ютарди Маҳмудхон тўра.

– Boғда ўсган энг чиройлик гулни боғбон чакасига тақади эмасми, ул гули раъононинг дурри шабнами осмонимизнинг ягона қуёшига тобедир, – деб тобларди у тезоб амирни. – Хулласи шоир айтмиш:

*Агарда бо магар ҳам жуфтсози,
Аз у фарзанд зояд коики ном.*

Яъни:

*Агар билан магарни жуфт қурсанг,
Ундан коики исмли фарзанд туғилар.*

У қилиб, бу қилиб, совчи солишга кўндириди у Умархонни. Совчилар эшон Султон Ҳожаи калоннинг эшик турмини бузишди. Тўзида ўшанда сайидлар хонадони, уясига пашша кирган арилардек ғувиллади ахли байт. Улуғ-улуг сайиду хожалар келишди Амир Умархон қошига: асилзода шайхулислому табаррук қозикалонлар амирни бу қўримсиз, нобакор ишдан қайтармоқчи бўлишди. “Исён” деб айтди бири, “ғулув” деб айтди иккинчиси, бироқ шу ерда амирул-муслимийннинг ҳам қайсараги тутди. Бундан бир кечада аввал гўшанишинликда ҳарамнинг тўнгич бекаси бетаъма айтган ғазалдан ўқиди ул “оқсуяклар”га:

*Берур ғурур ила ороишиу фаши дастор,
Ки худнамолиг эрур зеби корхонаи шайх...*

Булар кетидан дарғазаб амирнинг ўнгига кирган Сайид Маҳмудхон тўра эса – ё қудратингдан! – юракка малҳам босгандек, Умаршоҳ ҳозиргина шайхулислому қозикалонга қайтарган жавобини улагандек мана бу сўзларни айтса бўладими:

*Хомуши этарман ани бир шарори оҳ ила
Агарчи тез эрур ўт каби забонаи шайх.*

Қисқаси, пишди амирул-муслимийн юрагида ихтиёр. Эшон Султон Ҳожай қалон хонадонига совчи бўлиб Сайд Махмудхон тўранинг ўзи борди. Тағин эшонларнинг бузурги билан сирлашгандек нафасини ичига ютиб-ютиб, совчилик мақсадини айтди. Эшон Султон Ҳожай қалон аввалига ўз қулоғига ишонмади, Сайд Махмудхон жумла кетларини ютишда мақсадини яхши англатолмади, дея уни узоқ гапга солди. Ул зот қарасалар, Султон Махмудхон ҳазрати эшон билан тилсимлашгандек, ички гапини чиндан ҳам фитнаю исёнларнинг каттасига олиб боряпти. Бир зум эшонимиз ўз уруғини дуои бад қилиб, қувиш хаёлига ҳам бордилару, шайтонга “ҳай” бермай, дея, ўзларини зўрга тутиб олдилар.

– Амирул-муслимийн – Худонинг ердаги сояси. Сайд Ғози хожа қардошимиз ҳам бул андишаларга борган, ахир тақдиру мувакқатга тан бериб, исмат пардаси ортидаги душизасини... – Сайд Махмудхон тўра яна сидқидилдан гапирган маҳрамдек жумласининг сўнгини пичирлашга ўтди.

– Сайд Ғози хожа нима қилган экан? – деб билмагандек овоз пилигини бу мавҳумиятда юқори кўтарди Эшон Султонхон.

– Амирул-муслимийннинг бошараф Минг уруғи билан чатишли, энди ўзлари ҳам файзлик амалига эриш...

– Айтаётганингизнинг бари эриш... – деб гапни узди Эшон Султонхон Ҳожай қалон. – Менинг Минг бўладими, юз мингми, қорачага берадиган қизим йўқ, тамом-вассалом!

Ўз қардоши Сайд Махмудхон тўрага, амирул-муслимийн Умархонга “йўқ” дейишга ботинди онҳазрат, бироқ ишга хон саройининг ҳарами бош қўшган экан, бул мардона “йўқ”ларнинг бардошлари бир кун турар, икки кун. Эшон Султонхон Ҳожай қалоннинг отин пошшалари бор эмасми. Бардош ташқи хужумдан эмас, ички мулоҳазадан емирилар экан...

Бир ой ўтар-ўтмас муаррихларнинг жимжимадор ёзиши бўйича: “Амир Умархон тўйхонанинг осмонўпар чодирида баҳт таҳтига ўтирди ва унинг мажлиси, хурсандчилик ўтириши муҳтарам бекларнинг қуёшангиз пешоналари нуридан безак топди. Арғувоний шароб жомлари ялтирашдан ва тароватли майин ичимлик тўла қадаҳлар ёғдуси ўтирганлар юзи саҳифаларини равшан айлаб, кўзларини қамаштириди. Сиймбадан соқийлар юзининг нури офтоби ул базмгоҳ теварагини нурлантириб сафобахш этди. Хушловоз мутрибларнинг дилкушо нағмалари майпарастлар хузур-ҳаловати ва қувончини неча чандон зиёда қилди...”

Индаллосини айтганда эса, Амир Умархоннинг суюкли кенжа бекаси Ойпошша устига ундан-да ёш, ундан-да зодагон келин туширилди...

* * *

...Хаёлга келган нарсани ёзавериш керак эмас экан. Ким билибди, “бузук кулба” деган истиора эртага кўнгил вайроналарига айланishiшини, “сояи девор” қиёси эса ёп-ёруқ ҳаёти устига умрбод ташланган кўланка бўлишини?! Ёзганинг бир кунмас-бир кун бошингга тушар экан... кошки билсайди буни аввал...

Абдулла бу фикрларни ўзига ҳам чоғлаб бокди. Қаерда ёзган экан бошига тушган бу қора кунларни? Наҳотки тўқол Ойхон пошшанинг Амир Умархон ҳарамидаги тутқунлик ҳаёти бугунги қамоқнинг аломати бўлган эса? Шунга энтиқкан эдими, “бир киши ўтириб, ёзиз олай бу киссани”, деб? Бу фикрларда ёнбошлаган Абдулла кўзи қандай илинганини ҳам билмай қолди.

Тушида кўрса, Амир Умархоннинг ҳарамида ўз онаси Жосият биби Амирнинг хотинларига бош-қош бўлиб ўтирганишлар.

— Қаерларда қолиб кетдинг, ўлгур, Қозонингта кетганингдан бери қоранг хеч кўринмайди! — деб жаварармишлар.

Абдулла оналарини юпатиб:

— Мана қайтиб келдиму, сиз бу ерда нима қилиб юрибсиз? — деб қизикармиш.

— Ойхон пошша менга қиз ўрнида бўлиб қолди, шунга қараб ўтирибман, — дермиш онаси. — Анови, чилласида чироқ кўрмаган, Мадалинг менга хеч ёқмаяпти-да, нукул эрқакман деб чиранишини қара!

— Кўп айтдим унга, — деб оқланармиш Абдулла. — Отангта чақаман, дедим. Анча кўркиб қолгандек эди...

— Балодан қўрқибди. Ўлик отасидан қўрқадими энди? Ҳозиргина “Кўлийздан энди бемалол чой ичадиган бўлдик!” — деб эшигига келиб кетди, шилқиминг...

Абдулла тушида кучаниб, Амир Умархон чиндан ҳам ўлганини, уламою эшонлар, оқ кигизга ўраб, ўн етти яшар Мадалини хонликка кўтариб бўлишганини эслади.

— Майли, менам борай-чи... — деб журъатсизгина, қаерга боришини билмай, бироқ Ойхон пошша эшигидан кетиши шартлигини билиб, онасидан юз ўтириди Абдулла.

— Яна Қозон-позонларингда гум бўлиб кетмагин-а, бола! — деб кетидан безилаб қолди Жосият биби...

Қизиқ, саройдан чикиб, қадам ўлчаганича, Абдулла Кўбирапиқ кўчасидаги ўз уйига йўл олармиш. Роппа-роса 277 қадам санагач, уйига кириб келармиш, қараса: уйида хеч ким йўқ. Раҳбарни, болаларини чакиравмиш — бирон жавоб келмасмиш. “Тўй-пўйга кетишгандир-да”, — деб тинчланармиш Абдулла ва боғига чиқиб, шийпони олдида тўхтармиш. Қош ҳам қорая бошлаган, “Болалар бемаҳал чикиб кетибди-да!” — деб куюндармиш у. Кейин дикқатлироқ қараса, девор ортида ўйнаб, сипоҳлар гулхан ёқиб, унинг уйио ҳовлисини курсаб ўтиришганмиш. “Ким экан булар?” — деб ваҳимага тушармиш Абдулла. “Яхшиямки болаларим уйда йўқ экан!” — дея бир зумга суюндармиш у, бироқ ўша лаҳзаёқ “Булар олиб кетган бўлмасин болаларимни”, — деган саросимага тушармиш. “Йўқ, ҳозиргина уйга қайтаётганимда булар йўқ эди-ку!” — деб эслармиш у. “Эндикина келишган бўлса керак...”

“Ха, булар Мадалихон моданинг навкарлари. Афтидан, Абдуллани бу тўсковуллар тутқунликка олган. Хонабанд қилишган. Ойхон пошша ҳақида айтган насиҳатлари Мадали модага ботиб кетган ўхшайди, шунга аччик қилган. Энди бу ёғига — Худо пошшо, билганини қилади...”

Абдулла ташқарига қарабди. Посбонлар ўзлари билан овора, асқия қилиб, увилдириқ ташлаган бақалардек, қахқаҳа уриб ётишибди. Кўча ўртасида темир ўчоқдаги қозонда эса шўрва биқирлаб қайнаб ётибди...

Навкарларнинг курбақа вак-ваклаши ҳали ҳам ерни осмонга кўтарарди. “Сўнгти кулган зап кулар!” — деб ўйлаб қўйди ўзича Абдулла...

* * *

Абдулла ҳозиргина кўрган тушини ўйлай бошлади, аввалига ҳодисаларни бирма-бир эслаб чиқди: онасини, Ойхон пошша эшигини, Мадалихон модаю қадам санашини, шийпонини, ҳовлисида хувиллаган бўшлиқни, уйини қуршаб олган навкарларни, қайнаётган қозону унга шўхлик қилиб ташлаган дорини... Бу саҳналардан юраги бир увушди, бир ёришди. Кейин буларга таъбир излай бошлади. Онаси Жосият бибини кўргани — балки уларнинг руҳлари чирқиллаётганидандир. Шу кунларда на тиловатида тузукроқ эсга олди, на ис-пис чиқаришга ёлчиди. Ўзи онасидан икки дунё қарздор. Ӯлимларининг

иккинчи куни ёқ ҳали жасадлари қабрда совиб улгурмасдан, думини думалоқ қилиб, Қозонга кетвортган эди. “Пиширип қўйиптими ўшатта, ёзувчиликмиш, ёзувчи бўмий ордона қотур!” – деб қолгандир руҳлари ўшанда. “Болалигингда қулоғийни биттасини тешип қўювдим, иккаласини тешип сирға сопкўйсам бўларкан, ўтирадинг олдимда, аммамми бузғидай, қимилламастан...”

Оналарининг Ширвон бувинамо гапларини эслаб, Абдулла маъюсгина кулиб қўйди.

Лекин Ойхон пошша нима қилиб юрибди онасининг ёнида? Раҳбар бонунинг тимсолимикан у? Ахир сарғишроқдан келган Раҳбар бонусини кўпроқ Моҳларойимга ўхшатарди-ку Абдулла. Устига Кумушу Зайнабу Раънолар кундош бўлиб тушган тўнгич хотинга... Бир куни шийпонда пиқ-пиқ йиғлаб ўтиrsa, ўғли Ҳабибулла Жосият биби билан Раҳбар бонуни етаклаб келибди: “Қарайла, адам йиғлаб ўтириптила!” – деб. “Ха, бола, тинчлийми, кўзинг хўл жойга тушиб қопти?” – деб эхтиётгина кесатгандек бўлди Жосият биби. “Ўлдирдим! Ҳозиргина ўлдирдим! Шу қўлларим билан Кумушни ўлдирдим...” – деб йиғисидан тўхтамаган эди ўшанда Абдулла. “Бу бола жинни бўпқопти!” – деб “Лоилоҳо”ни ўқиганича, келинию набирасини олиб чиқиб кетган эди онаси. Ўша тун ким йиғлади – Раҳбар бону йиғлади. “Сиз мени яхши кўрмайсиз, яхши кўрганингиз Кумушу Зайнаб!” – дея. “Ҳей, инсон, улар ахир тўқима-ку!” – деса, қани, тўхтаса! “Тўқимага ҳам эрқак киши йиғларканми?!?” – дейди...

Мана энди буларнинг устига Ойхон пошша. Ҳозир қумлоқлик Суннат буларнинг уйига бориб, Раҳбарга Абдулла дилхатини етказгач, Раҳбар қўллэzmани топиб, ҳойнаҳой ўзи кўз югуртириб чиқадиган бўлса, яна кўнгли вайрон бўлади-ку! Айниқса ҳозир бошига шу кулфатлар тушиб турган бир пайтда-я! “Ха, кўювринг, қоқиндиқ, шу болам ўзи болалигидан овсарроқ эди!” – деб келинини тинчтадигану яримтаки кўнглига тасалли берадиган Жосият онасини ҳам Худо кўп кўрган бўлса... Бекор қилдимикан Абдулла бир парча қоғозда шунча хатога йўл қўйиб. “Ўша ерда ётсаям куюккани – қўллэzма!” – деб ўйламайдими Раҳбари?

Кўнгли булғанди, куйкаланди, олудаланди Абдулланинг. Ойхон пошшани ўйлаётган эди. Ўзи Сайд Қосимга айланиб, ошиқи мубтало бўлдими унга? Ёки тескарисими – Сайд Қосимнинг кўлидан нима ҳам келарди? – деб ўзини Ойхон пошшага айлантиридими?

* * *

Абдулла бирданига бу ҳислар қаердан келаётганини сезиб қолди: Қумлоқлик Суннатни уйига элчи қилиб юбормадими ўзи, ундан хушхабар кутишдек эди бу туйғу. Яна ўз ўйларига толмоқчи эди Абдулла, бироқ шу пайт қизилсоқол Журъатнинг йўғон овози: “Тур ҳамманг! Туққан хотиндек чўзилиб ётаверасанми?!?” – деб қамоқхонани ларзага келтирди...

* * *

Қиссаси учун майда деталларнинг улкан аҳамиятини Абдулла яхши биларди. Ана ўша майдა-чуйдалар романни ишончга тўлдиради, ўйнатиб юборади, Абдулланинг ўз таъбирида “серсув” қиласи. Шунинг учун у эринмасдан-ялқамсинмасдан деталлар йиғар, ҳар бир бўлажак қаҳрамонини таг-тубига қадар тушуниб этишга уринарди. Ана ундан кейин қаҳрамонлар ўз ҳаётларини табиий равишда яшай бошлардилар. Абдусамад тўпчи ҳам шулардан бири эди. Абдулла уни ҳали ёзишга киришмаган, лекин шунча шоҳу ҳукуматларини ўйинчоқ қилиб ўйнатгану безаб-безаб сотган бу жаҳонгаштада

ўз қиссасига ярагулик бир нарса борлигини пайқарди у. Виткевич ҳам ҳали тўлалигича ёзилмаган бир шахс эди. “Қани, профессордан гап олай-чи!” – деб ён-атрофидагиларни беминнат оқартиб ўтирган профессор олдига борди-да, русчасига:

– Даврангизга қўшилсан майлим? – деб сўради.

Профессор, гапини узар-узмас, бошини лиқиллатиб қўйди-да, ҳикоясини давом эттириди. Бу сафар у тилини бузмасдан русча сўзлар, шу туфайли унинг ҳикояси равон ва равшан кечарди.

– Биз Даљварзинда қазилмалар қилаётган пайт, таллон чоллар менга “Даљварзин” сўзини тушунтириб айтишганки, Али Термизни кўлга киритиб, шимол томон юрган экан. Даљварзин атрофи чоҳ бўлиб, сувга тўла экан. Сувнинг қаердан келганини билмаган Али қалъани ҳам ололмабди. Али дорбоз бўлган экан, арқон ташлаб чоҳни текшираётган чоги, Даљварзин подшоҳининг қизи унга ошиқ бўлиб қолибди. Қиз Алига хат ёзиб, севгисини изҳор этиби. Али эса: “Севсанг, чоҳга сув қаердан келишини айт”, – деб шарт қўйибди. Қиз: “Тўпалангдарёга сомон ташлагин-да, чоҳнинг қаеридан чиқиб келса, ўша ерини тўс”, – деб маслаҳат берибди. Али шундай қилибди. Қалъани бостиrsa, буларнинг бари ҳайвонга айланиб ўлганмиш. Якка бир кучук юрганмиш. “Бу менинг отам Даљ”, – дебди қиз. Али сўрабди: “Отанг сени не билан боққан?” – “Илик билан” – деб жавоб берибди қиз. “Илик билан боққан отангни сотган эсанг, сен менга вафодор бўлурмисан?!?” – деб Али бу қизни чопиб ташлабди. Даљварзин деган от ўшандада қўйилган экан...

Абдулла бу ҳикояни узилмасдан тинглаб ўтириди. Афсуски, қиссасига ярамайди-да, бирмунча алғов-далғов бўлса-да, анча чиройли экан. Профессор ҳикоясини битирдию Абдуллага: “Хўш, хизмат” қабилида ўтирилди. Абдулла эроний Али Аббос Казвииий билан кечган хатосини қайтармаслик учун:

– Менинг отим Абдулла, – деб кўл узатди.

– Профессор Засипкин, – деб жавоб берди олим.

– Мен ёзувчиман... Сиз кеча Иван Виткевич ҳақида сўзлаган эдингиз, ўша давр ҳақида китоб ёзишни режалагандим...

– Молодой человек, где вы так хорошо научились говорить по-русски? (Сиз русчани қаердан бу қадар яхши ўргангансиз, навқирон йигит?) – деб ҳайратланди профессор ва жавобини кутмай: – Бу холатда узоқни режалашибироз қалтисроқ эмасми? – деб ўзича кулиб қўйди.

Абдулла профессорнинг қай бир саволига жавоб беришни билмасдан, мақсадига ўтиб қўя қолди:

– Виткевич ҳақида бир оз сўзлашсак...

– Виткевич, нима Виткевич, Виткевич келган Бухорога 1837–36 йили, – деб ўзбекчага кўчди профессор. – Бундан аниқ юз йилча бурун.

– Русча гапираверинг, мен болалигимдан рус-тузем мактабида ўқиганман. Ажойиб хотираларимни уйғотасиз... – деб зарофат қилди Абдулла, бир йўла профессорнинг бояги саволига жавоб бераркан.

Профессор она тилига кўчди.

– 1835 йилнинг 31 декабрь куни Иван Виткевич (Абдулла яна ўша машъум сана – 31 декабрни эшитиб, бехосдан сесканиб олди) Бухорога карвони билан етиб келади. Карвонни божхонада қушбегининг ўзи қаршилиб олади.

У Шопўлат исми остида яширинган Виткевични ўз олдига чақирибди-да:

– Ўрисмисан? – деб сўрабди.

– Ўрисман, – деб айтиби Виткевич.

– Нимага келдинг?

– Шунчаки. Қозоқлардан асиrlаримизни олгани бориб эдим. Йўлларга қор ёғиб, бекорчилиқда Бухорони кўриб кетай дедим.

– Молинг борми?

– Йўқ.

– Пулинг-чи?

– 200 червоним бор. Мана, ўзингиз санаб кўринг! – Виткевич ҳамёнини күшбегига узатиби. Күшбенинг кўзлари ола-кула бўлибди, бироқ очиқдан-очиқ бу пулни тортиб олишга уялибдими, баҳона қидира бошлабди.

– Бухорога ҳар нарсага қонун бор, ана ўша қонун бўйича сендан бож олишимиз керак.

– Бизда ҳам қонун устувор. Бош устига! – дебди Виткевич.

– Искандарни танийсанми? – деб сўрабди бирдан қүшбеги.

– Зулкарнайними?

– Йўғ-э, Искандар Бёрнсни.

– Ҳа, саёҳатчими, сиз, қүшбенини менга роса мақтаган...

Күшбеги мирс-мирс кулиб қўйибди.

– Ана ўша Искандар менга бир китоб ҳадя қилган...

– Оти нима экан у китобнинг?

– Ҳарфлари зардан...

– Оти қандай?

– Муқовасига гавҳар тошлар қадалган...

Шу пайт Виткевичнинг тўппончаларинио милтиқларини қўтариб келишибди. Қүшбеги булардан хайикибди чоғи, бу ўрусадан қанча бож олиш мухокамасига тушибди.

– Мусулмонлардан биз чилдан як оламиз. Кофирлар икки ҳисса тўлайди, – дебди қүшбеги. – Армани, ҳиндулардан панж фисад олинади. Искандар ҳам шунча тўлаган. Ўрислардан... тўхта-чи... – Қүшбеги татар муллани чақириб, номига ундан сўрагандек бўлибди-да, – Як фи дах! – деб қўйибди.

Форсчани сувдек билган Виткевич:

– Агар меҳоҳед як аз панж ва ё ҳамеаш биқунед бигиред! (Хоҳласангиз бещдан бирини ё бариниям олишингиз мумкин!) – деб жавоб берибди.

Ўсал бўлган қүшбеги:

– Сен забони форсийни қайдан ўргандинг? – деб қизиқибди ва охир икки юз червондан йигирматасини олибди-да, бир неча бор:

– Мен хондан яна сўраб боқаман, агар ҳақингни олган бўлсак, қайтариб берамиз, – дебди.

Шундай қилиб Виткевич Бухорога кириб келибди.

* * *

...Абдулла у ҳақда ёзиб бўлган саҳналарни бирма-бир эслаб чиқди. Бир нарсани, назарида, янада қалинрок ёзиши керак: Моҳларойим билан Ойхон пошша муносабатларини. Амир Умархон хотинлари сифатида буларнинг кундош ҳаётини балки етарлича ёзгандир, лекин Амир Умархон ўлимидан сўнг Ойхон пошша ҳарамдан чиқиб кетиш тарааддуудида экан, нега 15-16 яшар ўспирин шоҳ – Мадалихоннинг онаси фарзона Моҳларойим унга ёндашгани йўқ? Ахир маълум-ку, ҳокимият у қадар Мадалихоннинг қўлида тугул, Моҳларойимнинг қўлида қолган эди. Яккаш онасига гап қайтаришдан қўрқкан йигитча Мадалихон, хали қотмаган мишигини тортиб, елқанот капитарларини учириб юриш ўрнига, нега ўғай оналари Ойхон пошшага ундан кейинги кундоши Зубайда пошшага тегажоқлик қилиб юрган?! Моҳларойим “пишт!” – десаёқ, бу ўғри мушук ўз ақли-хушини йиғиб олмасмиди? Мана шу ери

қийнарди Абдуллани бу қиссада. Аёл кўнглини билиш қийин экан. Хотини билан маслаҳатлашай деса, хотини уни буларга қизғаниши тайин... Ё аксинча, худди мана шу гайир аёл қизғанчи туфайли, сўлаги қуримаган Мадалихон бу икки кундошга Моҳларойим томонидан гиж-гижланганмикан?

*Рашқдин юз фитна барпо айлади даври фалак,
Кўзларим ойинасин ёр олдида ҳайрон кўруб...*

Балки юз фитнани даври фалак эмас, рашқ туйган кўзу кўнгилнинг ўзи барпо этгандир?!

Бориб-бориб Ойхон пошшанинг қулоғига Муҳаммад Шарифнинг машъум ўлими хабари етишди. Бундан бир оз вакт аввалроқ, отаси Сайд Фози хожа Умархон тарафидан ўз пайтида ато этилган файзлик лавозимидан четлаштирилганди. Энди тарозию бозорларга бошқалар мутасадди бўлишди. Отаси файзликдан кетгач, кутилмаганда ётиб қолди. Лекин булари ҳам холва экан.

Бир куни намоз асрдан кейин ҳарамнинг ажузаларидан бири Ойхон эшигига келиб: “Хон ҳазратлари бекамга оталарини кўриб келиш ижозатини бердилар. Шоҳаравага отлар уланган, тезда отланинг!” – деб қолди. Ойхон пошша атирупа қилмасдан чачвонини кўлга олдию эшик тагидаги мўрдак аравага шошилди. Кажава ичиди чачвонини четга ташлади-да, аравакашга: “Отамнигига!” – деб буюрди. Отлар пишқириб арава силжиди. Ўрда дарвозасига яқинлашишар экан, ташқаридаги майдондан аллақандай шовқин эшитилди. “Шошилганда йўлни тўсишмаса гўрга эди!” – деб изкирганди Ойхон. Мана ўрда дарвозалари очилиб, арева майдонга чиқиб борди. Чиндан ҳам майдонда тумонат одам қийчув орасида бир нарсага машғул эди. “Хон ош беридими? – деб ўйлади Ойхон. – Ё дорбозлар ўйинимикан? Унда карнайлар ғат-ғатио ноғоралар бум-баки қани?” Арева сарой аркidan ғиштин йўл бўйлаб сакраб-сакраб, майдон томон пастрлар экан, Ойхон пошша аста чап томондаги шохи пардани қиялатиб боқди. Кўргани – ғазабнок оломону бир уюм тош бўлди. Юраги шиф этди: “Кимнидир тошбўрон қилишяпти чамаси... Келиб-келиб унинг саройдан чиқишига тўғри келадими бу ўлгур қазо... Ким экан бу осий?” Карамай ўтиб кетаверса ҳам бўларди, ўзининг бошига шунча ғам тоши ёғилиб ётганда бирорнинг журмию дарди кўнглига сиғармиди. Лекин аёл кўнгли сабрсиз эмасми, бирпас ўтиб чидолмай ўнг ёнига сурилиб бу тараф пардасини ҳам қиялатиб очди. Майдон ўртасида оқ яктаги қип-қизил қонга бўялиб бўлган, кўл-оёғи боғлиқ ялангбош йигит тиз чўкиб ўтиради. Пастикам қуёш ўша томондан кўзга урар, магар анави қон дегани ҳам қуёш аксимикан? Ойхоннинг юраги яна шиф этди. Арева қия ғиштин йўлдан майдонга тушиб бўлгач, тезлигини шиддатлади. “Ким экан узокдаги бу йигит, гуноҳи нима экан?” Арева майдон ўртасида ёлғиз тиз чўккан бу йигит сари яқинлашар экан, Ойхоннинг юраги гуп-гуп уриб, оломон жунбушида у яна пардасини қиялатди. Кўзига ташлангани – аревага муштарак сакраб-сакраб думалаётган қип-қизил қуёш бўлди. Қаерда кўрган эди бу каби қуёшни? Бояги зўрлиқ-зўмбилиққа юз тутган лобар йигит қаерга йўқолди? Шу маҳал халойиқ айюҳанос кўтариб, тошбўрон бошланди чамаси, тошлардан бири келиб арева шотисига так урди. Аревакаш йигит жон ҳолатда отларини қамчилаб чоптириди. Ойхоннинг кўркувдан фалажланган қўли пардада қотган эмасми, арева сапчиши билан шохи парда кенг очилди-да, майдон ўртасида қип-қизил қонига беланиб йиқилган йигит – Сайд Қосим эканлигини кўрган Ойхон икки дунёга “Дод!” – дедиу аревага ўллик ҳолатда йиқилди...

* * *

Яна бир ҳодиса рўй бердики, Ойпошшанинг шамчироқ нуридек бекарорликда тикланган дамини қайта ичига тушуриб юборди.

Ойхон пошша ўзининг кичик кундоши Зубайдада пошша билан апоқ-чапоқ эди. Иккаласининг хожалар авлодидан бўлишию кундош зуғуми остида яшами бирлаштиридими буларни, баҳарҳол икки хўжа қиз бир-бирларининг эшигига соатлаб вақтларини ўтказар, катта кундошларининг дабдабали мушоиралари ю дағдаға тўла зиёфатларини кесатки аралаш мазах қилишар, ўзлари бирлашиб ҳажвиялар тўкишарди. Рост, Ойхон Зубайдада пошшага хеч қачон Сайд Қосим хақида оғиз очмаган, ўз сирини ўз юрагига кўмган эди. Бу роз истисно, Зубайдада ҳар бир бошқа нарсада Ойхоннинг маҳрами эди.

Жонидан тўйган кунларидан бири Ойхон пошша кечаси Зубайданинг ясадоқ эшигига кириб борай деса, Мадалихон бу ўтгай онасининг уйида ҳам илгари Ойхонга қылган қилиғларини қиляпти. Зубайдада эса кўрққаниданми, ё ўзини йўқотганиданми, бу қилиқларга, бу ваҳший шаҳватга “тинги” демайди. Бостириб кирай деса – юраги бетламади Ойхоннинг, орқага қайтай деса – оёғи фалаж бўлиб қолди унинг. Ўз кундошининг Мадали модазан тарафидан зўрланганига бехосдан шоҳид бўлди ўшанда Ойхон.

Кейинчалик Зубайданинг кўнглини ёрмоқчи бўлди у. Лекин даҳшатиданми, анча пайтгача Зубайдада ёрилмади-ёзгирмади, караҳт бўлиб юрди. Бир кун эса кечаси Ойхон пошша эшигини қоқиб кириб келди-да, хўжа қиз кўнглидаги тўплангандар зардоларини йиғлаб-йиғлаб, кундоши олдида тўқди. Жазавада модазан бу муртадни дуои бадлар билан қарғаб турган бир пайт буларнинг устига маст-аласт Мадали мода кириб келди-да, “Сир очадиган ҳали сенми?” – дея, чилвирсоч Зубайдани Ойхон пошша кўзи ўнгига чопиб ташлади...

* * *

Абдулла ич-ичидан келган титроқни енгиш учун Рафаил тўғрисида ўйларини узди-да профессор Засипкин ёнига ўтди. Профессор ўз ҳаёлларига чўмган, Абулланинг яқинлашишини қўриб “Бир дақиқа”, – дегандек ишора қилди. Бир зум ўтар-ўтмас у Абуллагага бокди-да: “Миямни банд тутиш учун ўзим билан ўзим шахмат ўйнаётган эдим”, – деди. “Бунақасиям бор эканми?” – деб ўзича ҳайрон бўлган эди Абдулла, юзида бу савол акс этдими, профессор гўё жавоб бергандек: “Сизга ҳам тавсия этаман, мияга машқ”, – деди.

– Мен сиздан сўрамоқчи бўлганим, руслар чиндан ҳам полковник Штоддартни қутқаришга харакат қилишганми? – деб мақсадига кўчди Абдулла.

– Менинг билганларим бу хусусда узук-юлуқ, – деб бошлади ўз ўзбекчасида профессор Засипкин. Абдулла яна унга русча мурожат этиб:

– Нима билсангиз бари мен учун муҳим, – деди.

– Билишимча, – русчага ўтди профессор, – 1840 йили Бухородан Санкт-Петербургда Муқимбек деган элчи юборилади. Санкт-Петербургда у чор Александр II томонидан қабул қилинади ва унинг қўлига чорнинг Бухоро амирига ёзган ёрлиғи топширилади. У ёрликда Русия билан Бухоро амирлиги орасидаги муносабатлар олқишлини, Русия подшоси Бухорога ўзининг элчиси подполковник Бутеновни юборишни маълум қилади. Бутеновга қўшиб эса, амир илтимосига биноан, маъдан ишлари бўйича бир мутахассисни ҳам жўнатишади.

Бу ёрлиққа қўшимча тарзда Русия вице-канцлери ҳам Бухоро амирлиги вазирига кенгроқ мактуб ёзиб, унда чор Александр Пнинг ёрлиғидаги бандларни такрорлагач, қайта Бутеновга меҳрибонлик кўрсатишни ҳамда

истаган пайтида ўз юртига, Муқимбек қайтганидек, қайтиш имконини яратиб бериш сўралади.

Худди шу хатда полковник Штоддарт ҳам “Стадерт” шаклида тилга олинган. Вице-канцлер бундай деб ёзади: “Маълум бўлишича, Амир ҳазратлари бу ерга келган элчи билан биргаликда қўлингизда бўлган инглиз Стадертни ҳам юбормоқчи бўлган, бироқ хиваликлар хужумидан ҳайкиб, бу ниятдан тийилган. Русия билан Британия орасидаги умумий келишувга биноан англашилган ният биз учун жуда қимматлидур.

Аввалги хавотир энди ўртадан кўтарилигани туфайли Амир ҳазратларининг ул ниятлари амалга ошади деган умиддамиз. Мазкур инглизни бу ерга етказиши учун энг ўнғай йўл – уни карвон билан Оренбургга жўнатишидир. У ерда мардонавор ҳарбий ҳоким керакли чоралар кўра биларди”.

Мен бу сўзларни ёддан билмасам-да, маъноси шундай бўлган.

Абдулла Муборакнинг гаплари рост эканлигига икрор бўларкан, профессор Засипкин лекцияномо ҳикоясини шу ерда узиб, Абдулланинг қулоғига энгашди-да, тирсагига нўкиб, яна ўзининг ажиб китобий ўзбекчасида:

– Нега сиз сўрамайсиз сизни қизиқтирган саволларни Косоний домладан. У ажойиб-ажойиб тарихчи! – дея боя қўш супургида супиришу, уларни тик кўйиш устидан ижирғангандан кишига ишора этди.

– Албатта, албатта, – деб ўз сулукатида уни ишонтиргандек бўлди Абдулла, кейин тутинди, – мен уларни танимайман-да...

– Юринг, мен сизни тавсия этаман унга.

Профессор чуст дўппи кийган бароқ қошли, семиз бурун, хўмрайганроқ отахон олдига ўтиб борди-да:

– Домла Косоний, ижозат беринг тавсия этай сизга ёзувчи ўртоқ Қодирийни, – деди.

Ўз ўйлари билан банд пажмурда юз домла қалин қошлари остидан Абдуллага бир назар ташлади-да, қулоғи оғирроқ одамдек Абдулланинг ўзидан:

– Отингиз нийма? – деб сўради.

– Қодирий... Абдулла Қодирий, – қисиниброқ ўзини таништириди Абдулла.

– Ёзувчи Қодириймисиз? Эшитғондим, – деб қўяқолди беҳаяжон овозда Косоний домла. – Мен янгиларни ўқимайман-та, ўқиганим эскича, – деб тушунтириди у.

Гапга яна профессор Засипкин аралашди:

– Ўртоқ Қодирий ёзаяпти китоб воқеалар ҳақида 19-асрнинг: Муҳаммад Алихон, Насруллоҳонлар тўғрисида. Мен ўйладимки, сиз бўласиз яхши ҳамсұхбат... Сиз гаплашинг, мен шахматимни битирай, – дея ўрнига қайтиб кетди.

– Хўқанд хонлигию Бухоро амирлиги дeng? Абдуллоҳ Амирий-лашкарнинг “Тарихи Сиғорий”и бор, “Баёни таворихи хавоқини шаҳри Хўқанд” деган китоб бор, биянда “Девони Фозий”, Ҳакимхон тўранинг “Мунтакаб ат-таворих” – ажойиб манбалар, Ниёз Муҳаммад Хўқандий “Тарихи Шоҳрухия”ни ёзғон, бу китобнинг тош босмаси Қозонда чиққон, Тожирнинг “Ғаройиби сипоҳ” дейдиғон асари, Абдулкарим Наманғонийнинг “Умарнома”си, Абу Убайдулла Муҳаммаднинг “Хулосат ул-ахвол” тазкираси, Имомали Қундузийнинг “Тарихи манзума”, Исҳоқхон Ибратнинг “Тарихи Фарғона”.

Домла Косоний сидирғасига китоб кетидан китоб, манба кетидан манба келтирадики, Абдулланинг боши бехосдан айланниб кетди. Домла буни сезди, чамаси, бир зумга тиниб, Абдуллага ўтқир кўзларини қадади-да:

– Хулласи калом, китоб кўп, умр оз, – деб хулосалади.

– Муборак айтган ҳикояларни эшитган бўлсангиз керак? – ўсмоқлади Абдулла.

– Қаттиғрақ гапиринг, қулағим оғир, – деди домла ва Абдулла томон бошини эгди.

– Муборак айтган ҳикояларни эшитдингизми? – бир поғона кўтарди овозини Абдулла.

– Йўқ, нима экан? – деб қизиқсинди домла.

– Йўқ, шунчаки, – деб қўяқолди Абдулла ва савол тарзида: – Амир Насруллоҳ саройига инглизлар келишган экан, – деб бошлаганди, Домла Косоний дарров:

– Зағчакўз инглизларингиз нафақат Амир Насруллоҳ баҳодурхон, балки Хўқандга Мадалихон мода олдиға ҳам, Хивага Мухаммад Раҳимхон хузурига ҳам келишғон. Ва нафақат инглизлар, яламсиқ русларингиз ҳам ўша замон серқатнов бўлиб қолишғон, – деди.

– Руслар инглиз элчиси Штоддартни Бухородан кутқармоқчи бўлишган эканми? – деб савол доирасини торайтирди Абдулла.

– Элчи дейилса-да, аслида у жўнакай жосус бўлган. Насруллоҳхон унинг суханчинлигини тез англаб олғон. Бир-икки ров чоҳга ташлағон, зинданбанд қилғон. Руслар Бутенев деган элчиларини юбориб, бу нораво полковнингингизни кутқариб олмоқчи бўлишғон. Ўша ҳолатда амир инглизингизга кўп меҳрибонликлар кўрсатиб, ундан торож этилган молбисотини қайтариб берғон. У пайт Амир Насруллоҳ Хўқандга юриш азмida бўлғон – бунинг ўзи башқа ҳикоя. Ўша вакт полковнингингиз Ўрусия элчихонасида яшагон. Дуруст, амирнинг вазири уни ўз қарамогига олмоқчи бўлғон, бироқ Штоддартингиз: “Илло билло, мени вазир қўлига топширмангиз, у мени ўлдиради”, – деб русларга ялинғон. Шунда бир субхи содиқ руслар инглизингизни ўз таржимонлари билан вазир саройига юборишқон. Ўрислар таржимонингизга “Инглизсиз қайтмайсан”, – деган шарт қўйишғон. Вазир инглизингизни олиб қолай деса, чақчайган таржимонингиз ўзини инглиз қўлига боғлаб “Йўқ, усиз кетмайман!” – деб туриб олғон. Хоҳ-ноҳоҳ вазир маташмасдан буларингизни қўйиб юборғон...

Домла “Косоний” эса-да, негадир лаҳжаси кўпроқ Андижонийга тортар, Абдулла: “Кўпрак Анжанда таҳсил олғондур-та” деб ўзича ўйлаб қўйди. Домла-чи, муҳтасар ҳикоясини битириб, Абдуллага: “Саволларингиз борми?” – дегандек зингил солди-да, кейин:

– Чоғимда аср пайти тушиб қолди. Асримни ўқиб олай, – дедио, Абдулладан сўради: – Тақводан бормисиз ё янгиларданмисиз?

– Алҳамдулиллоҳ! – деган эди Абдулла, домла бир кўзини муғомбираона қисиб қўйди-да: – Жамоада ўқисоқ бўлмасу, жамоада ўқифондек ёндама ўқиб олайлик, Худо ўзи кечиргувчи, – деди ва ёнига имлади. Абдулла домланинг берисига тиз чўкди.

* * *

Кечки овқат битиши биланоқ яна терговга чақиришлар бошланди. Тағин Абдулла ўз оти янграшини қутди, бироқ профессор Засипкин чақирилди, Домла Косоний чақирилди, Абдулла танимаган бошқалар чақирилди, унинг отини ҳеч ким атагани йўқ. Абдулла узук-юлуқ бир нарсаларни ўйлаб ўтириди. Бир қумлоқлик Суннатни эслади, “Эртага келиб қолармикан?” – деган умидга борди, кейин пайдар-пай бу ерда бўлиб ўтган сұхбатларни хотирасида янгилаб олди. Ниҳоят қиссаси ҳакида хаёл суро бошлади. “Катта ўйин” у шпионларнинг саргузаштларини романига қай тарзда ва қанчалик киритишини чамалаб

боқди. “Керакмикан ўзи?” – деган ўйга ҳам борди. Сўнг “Майли, кейинчалик бир тўхтамга келарман”, – дея яна Ойхон пошасига қайтди.

Ойхон пошша бир зўрланди, икки пайҳонланди. Орада ишсиз қолгану чиндан ҳам турган-битгани Нолага айланиб бўлган отасидан Эски Новқатда шаҳид Сайд Қосимнинг йил оши бўлганини эшигти. Кейин иликузди баҳорга чиқар экан, ҳомиладорлигини англади. Йиғлай деса – кўзида ёши қолмаган, ўзини ўлдирай деса – аллақачон тирик мурдага айланган, қочай деса – оғир оёғи кишинланган, иччиликка ружу қўйди ўшандада Ойхон пошша. “Бошим қоронғи”, – деб бўза ичди, “Ғазал ичидалан”, – деб ҷоғир сипкорди, қолган пайт эса миясини бемаъни бир нарсага ҷалғитиш учун Гулсум канизаги билан соатлаб шатранжда доналар сурib ўтириди.

Моҳларойим ўз кундошининг жангу жадалсиз тан берганини кўриб, ҳайрон қолди. Хонпошшани тўлақон ҳаётга қайтаришга чўх уринди, тамтароқ зиёфатлар уюштириди, шукуҳли мушоиралар тузди, бодабдаба базмлар барпо қилди – ҳеч ёрдам бергани йўқ.

Мұхаммадалихон Ойхон пошшанинг ҳомиладорлигидан хабар топгачоқ, уни ўз никоҳига олишга шошилди. У ўзига содик уламони чақириб, никоҳ фатвоси ҳақидаги гапни ўртага ташлади. Лекин ҳатто бу мижғову мертиқ муллалар орасида журъатлироғи топилиб:

– Ҳазратим, шариатда бу иш аниқ кўрсатилган. Агарда ўгай онангизни ўз никоҳингизга оладиган бўлсангиз, тўртала мазҳаб наздида ҳам сиз коғир бўласиз. Яхшиси сиз илгариги одатингиз бўйича бу аёл билан яширинча зино қилиб юраверганингиз маъқул. Ҳаттоки сир очилиб, сизни зинода айблашса, бу коғирлик айбидан дурустроқдир, – дебди.

Бироқ унга бошқа мулла зид келибди:

– Кўпгина уламолар зинони ҳам коғирликка тенг кўришган. Бошқа тарафдан хоҳ кичик, хоҳ катта гуноҳ аниқ далил билан исбот этилган экан, уни ҳалол санаш куфрдир!

Мадалихон қараса, уламою ислом йўли билан ўз ниятига эришиш амри маҳол. Шунда у:

– Мен сенларни ишимга чора топиш учун чақирдим. Менга муллачилик қилиб, бошимни қотириш учун эмас! Каллами бу ё куруқ салла! – деб муллаларни олдига солиб, қувиди.

Ўша куни, ўз отасидек, аччиғида қиморхонага борган экан, у ерда Қорамахрам исмли қиморбозу банги улфати амирни танг аҳволда кўриб:

– Тақсир, тинчликми ўзи, қовоғингиздан қор тугул дўл ёғяпти? – деб сўраган экан, Мадалихон ўз сирини ул тоғутсифатга очиби.

– Ҳа, шунга ҳам ота гўри қозихонами, – дебди ул шайтон. – Бу моча уламонгиздан ўргилдим. Ахир она бачадонида ётганимизда чуксиз эмасдик-ку. Туғилганда бу албатта онамизнинг фаржига тегади. Хўш, нега у пайт тегиши жоизу кейин ножоиз бўлиб қоларкан? Фарқи фақат у пайт сабий бўлганмизу энди балоғатта етканмизми?!

Бу бединнинг имонсиз гаплари Мадалихоннинг қулоғига майдек ёқибди:

– Балли! Зўр сўзларни айтдинг, ҳалигача таъбимга бу қадар ёқадиган сўзни ҳеч ким айтмаган эди, – деб унга шу ернинг ўзидаёқ эгнидаги зарбоф тўнни ечиб берибди.

Бирор кундан кейин Мадалихон ўз хузурига янгидан тайинланган шайхулислому қозикалону муфтий-аъламларни чақириб, уларга никоҳ хусусида маслаҳат солибди. Оғизлари энди ошга етган янги уламолар ўз валий неъматлари бўлган Мадалихонга содик бўлиб: “Ба назди мужтоҳидини

киром асли эътибор ақди шаръийдир”дан бошлаган янги фатво чиқариб, “бинни муфтии аълам марҳум”, “бинни Хўқандий марҳум”, “бинни мударрис марҳум” деган муҳри баҳайбатлари билан қалаштириб беришибди.

Рост, мардумнинг айтишича, ўшанда ҳазрати Калон Соҳибзода деган шайх бир куни дарғазаб ҳолатда хон саройига от устида кириб келибди-да, от устидан тушмасдан таҳт ўнгига бориб, Мадалихонга:

– Ту сак шуди, модарзан! (Сен ит бўлдинг, модарзан!) – дебди.

Шунда сарой аъёнлари Мадалихон “Жаллод!” – деб ҳайқиради дейишса, писмиқ Мадали мулоимгина:

– Тақсирим, бул итнинг тупроғидан чиқиб кетсинлар! – дебди.

Шундай қилиб, Мадалихон, муродига етиши қаторида, эл орасида Мадали мода ё Мадали модазан – ўз онасига уйланган Мадали лақабини олибди...

* * *

Аямажиз битиб, март ойининг бошлари эди. Абдулла қамоқда ўтказган кунларининг ҳисобини йўқота бошлаган, лекин март ойи келганини бошқалардан эшигтгач биларди. Шу кунгача у нималар билан яшаган, кимлар билан ҳамнишину ҳамрозд бўлган, кимлар билан нелар ҳақида сухбат курган, қандай хаёлу ўйларга берилган – буларнинг барини Худонинг ўзи билади, бирок ўша куни кечки овқату шомдан кейин бирданига унинг номини жарлаб чақириб қолишибди. Икки ой давомида кутавериб, ҳеч кимга керакмаслигингга кўнишиб қоларкансан пашмалоқ киши, лекин энди кутилмаганда уни чақиришгач, шошиб қолди Абдулла. “Нимага чақиришяпти уни?! Вакти-соати етибдими?! Ё “ол қулим” деб кўйиб юборишармикан?!” Абдулланинг юраги ҳаприқди. Оёғини сезмаган ҳолатда йўрғалаб, эшикка етди.

– Руки за спину! Следуй за мной! (Кўлингни ортингга! Изимдан қолма!) – деб сенсираб буюрди ёшгина аскар. “Йўқ, буниси кўйиб юборишга ўхшамайди...” – деб ўзича ўйларди Абдулла. Кетидан шараклаб эшик ёпилди. Икки ойда илк бор Абдулла қамоқхонадан ташқарига чиқаётган эди. Аскар уни ўз олдига солди. Даҳлиз қамоқхонадан анча ёругрок эди. Абдулланинг кўзлари қамашди. Даҳлиз узундан узоқ, биринчи куни абллаҳ Винокуров томонидан урилгани учунми, яхши англамаган экан. Унинг мушлари беҳол туғилди. Аскар буни сезди шекилли, милтифи билан кўлига уриб:

– Шаг вправо, шаг влево – буду стрелять! (Ўнгта ё чапга бир қадам ташласанг отаман!) – деб огоҳлантирди. Даҳлиз бўйлаб бошқа куролли зиндонбонлар шай туришарди. Булар орасида ўзбек башараси кўринмасди. Узун даҳлиз бўйлаб Абдулла деярли охирига етганида, аскар эпчиллик билан ёндаги бир эшикни итарди-да:

– Кир! – деб буюрди.

Агар бу якка хонада стол билан икки стул бўлмаганида, уни күштхона деб билармиди Абдулла, бироқ анави анжомларни кўриб, алоқ-чалоқ кўнгли шиф этдию тинчигандек бўлди.

– Бурчакка тур! – деб буюрди соқчи. Абдулла бўйсуниб бурчакка ўтди. Бирданига унинг эсига рус-тузем мактабиу ўша ерда илк бор эшигтган бу ибора: “Бурчакка тур!” ибораси тушиб кетдию ўзини кулиб юборишдан зўрға тийиб қолди.

Вақт бундай дамларда ўз шарпасини кўрсатиб ўтади эмасми, вақтнинг илондек йўғон ва сўйри бадани бетон шипдаги катақка солинган чироқдан пистаки деворлар бўйлаб цемент полга ва ундан тўлғониб-судралиб, Абдулла ортида очик қолган эшикка жингиртобон чиқиб кетарди.

“Аждарҳо эканми бу вақт?” – деб ўйларди сукунатда Абдулла, токи у нағал

қоқилган этик қадамларини туйди. Бу этиклар цемент ерни янчиб-пийпалаб келаётгани тобора аниклашиб, ахир унинг гардани ортидан таниш овоз:

— Абдулла Қодирий? Махбус Қодирий, ўтириңг! — деде янгради-да, бу овозга аста ўгрилган Абдулла, куролини шайлаб турган жангдовул ёнида терговчи Тригуловни кўрди. Эски танишга бош ирғагандек бош ирғаб, Абдулла столнинг бу тарафидаги стулга ўтирилди. Тригулов столни айланиб ўтиб, тўрдаги стулга ўзини ташлади, “Уф!” — деде керишиб, ҳомуза тортди-да:

— Хўш, икрор бўламизми? — деб сўради.

— Нимага? — сидқидилдан ҳайрон бўлди Абдулла.

— Ўзингизни гўлликка солманг! — деди терговчи. У ўзи билан кўтариб келган семиз папкага қоқиб: — Кўлимизда далил лиқ! Контрреволюцион антисовет миллатчи саъи-харакатингиз ҳакида гапиринг! — деб овозни кўтара бошлади.

— Қанақа контрреволюцион?! Қанақа антисовет? — тушунмади Абдулла.

— Бу ерда саволни мен бераман! Сен эмас! — деб ўшқирди терговчи. — Сен жавоб берасан, миллатчи аблла!

— Тахқирламанг! Ҳар нарсага қонун бор... — инсофга чакиргандек бўлди Абдулла.

— Бу ерда мен қонунман! Тушундингми, контра?! Совунимга ҳали кир ювмабсан, исқирт! Сендақаларни эзиз, ...ини чиқараман!

Абдулла қараса, бу ерда ақл-идрок, инсоф-имон билан иш битмайдиган. Ичлари бу хорликка қанчалик оғримасин, ўрисларнинг ўзи айтмиш: “Қамчининг гапи тўқмоқка ўтармиди?” Оғзини юмди Абдулла.

Терговчи яна қизишди, сўқди, ҳақоратлади, Абдулла эса ўзини ўзи ўз ўйларига қамади.

Мадали мода Ойхонни сочидан судраб, икки бетига шапалоқлар тортиб: “Тавба қилдим де! Тавба қилдим де!” — деде онаси Моҳларойим ўнгига тиз чўқтириарди. Ойхон эса қарахт ҳолатда: “Мақто... мақто...” — деб шивирларди. Мадали бундан жазавага тушиб, яна хотинини тепкилар: “Оғзингни юм! Овозингни ўчири!” — деде ҳайқирап, қоп-қора соchlари патақланган Ойхон эса думалаб, ётган жойидан: “Кофири... Модарзан...” — деб пичирларди...

— Келинг, сиз ақлли одамсиз. Кўзга кўринган ёзувчисиз. Бола-чақангиз, уй-бўлангиз олдига қайтишни истайсиз. Менга қулоқ солсангиз, у ёгини ўзим миҳдай қилиб тўғрилайман. Мени жаврақи демангут, мана 1926 йили қамалган экансиз. Эсон-омон қамоқдан чиқибсиз. Бу сафар ҳам шундай қиламиз. Факат айтганимга қулоқ солсангиз бас. Келинг, ўша 1926 йилдан бошлайлик. Ўшандада нима учун қамалган эдингиз?

Абдулла “Навмид шайтон” — деде терговчининг саволларига қисқа ва лўнда жавоблар бера бошлади.

* * *

Бир неча кунга Абдуллани тинч қўйишиди. Унинг терговга чиққанини билиб, дўстлашиб қолган ҳамқамоқлари бирма-бир келиб, ахвол сўрашгандек бўлишиди. Уларга ҳам Абдулла ёрилгани йўқ. Қайтага улар Абдуллани алаҳситишига уринишиди. Бироқ минғаймас Абдулла асабийлашган ҳолда, унинг номи яна янграб қолишиниу яна аваби дажжолларнинг сўрокларига жавоб беришни ўйлаб ўтиради. Тригулов кўрсатган манхус попкада нималар тўпланган экан? Кимлар ёзган экан юмaloқ ҳатларни Абдулланинг устидан? Нималарда айблашган экан? Ундей деса, қамалмасидан бурун Чўлпону

Фитратлар устидан ёзилган мақолаларни “Қизил Ўзбекистон”у “Правда Востока”ларда ўқиган-ку! “Ўзбек халқининг душманлари！”, “Хоинларга ўлим！” – деган жizzаки мақолалар...

Исми жисмига монанд Сотти Ҳусайн дегани Абдулланинг уйига келиб: “Ўтган кунлар” ҳакида катта мақола ёзаман”, – деб юришини эслади у. 30-ийлармиди ўшандаги? Кейин ўзидан эшигтан сўзларини олиб, оёгини осмондан қилган эди бу хумпар. Халқни тушунмасликдаю адабиётнинг “сўнгти приёмларини” билмасликда, тип бўлмаган одамларни тасвирлашдаю пролетар эмас, балки майдага буржуазиялигида ўша пайтнинг ўзида айлаган эмасмиди ўшал Соттивой? Булари ҳам майли-я, нима эмиш, Абдулла ўз романини араб ёзувчиси Жўржи Зайдоннинг “Армануса” ва “Ўн еттинчи рамазон” деган китобларидан кўчирғанмиш... Сотиш ҳам эви билан-да, қоракўз ўзбек ўғлони Соттивой! Ким кўп экан, афтидан, атрофида, мана шундай бозори чаққон Соттилар!

Шу ўйларда Абдулланинг боши қотиб ўтирап экан, касал бўлиб қамоқ шифохонасида ётиб чиққан Домла Косоний инқиллаб-синқиллаб унинг олдига келди-да:

– Тақсир, шаштингиз паст кўринади... – деб қолди. Абдулла бирдан уялиб кетди. Ахир кепата бўлиб ўтирмай, ўзи ўтиши керак эди чолнинг олдига, ўзи хабар олиши керак эди ундан. Бир ярамас терговчини деб одамгарчиликданам чиқиб кетаёзиби-ку... У домладан астойдил узр сўради.

– Кечдик бир қошиқ зардобаға тўлғон қонингиздан, – деб ҳазиллашди чол. – Келинг, бир отамлашайлиқ, йўқса сиз – шўппайиб, биз – юракзада бўлиб кетдик... Ўтқон сафар инглиз ишпиёнлари ҳакида қизиқкан эдингиз. Хон Али ё Конолли дигони тўғрисида айтиб беришни кўзамал қилғондим. Хоразм тарихнавислари ўткир бўлишғон, биронта ҳодисани ушоқ-урвоқигача унумтмай ёзишгон.

Штоддартингиз Бухорода бир озод бўлиб, бир камалиб қолаверғач, инглизлар Ҳиндистондан ўзларининг энг зуккою моҳир жосусларидан бири – капитан Артур Конолли ё Хон Алини Бухорога жўнатишқа қарор қилишади. Лекин бу сафар улар бир тарафдан Хон Алиға Шужоъшоҳнинг ҳам элчисини кўшишади, бошқа тарафдан эса булар Ўсмон сулоласи султонио Русия чориу Хиваю Ҳўқанд хонлари тарафидан ҳам босим ўтқазишни режалашади.

Удли-шудли Хон Али Кобулдан Ҳирот, Ҳиротдан Майманаю Шибирғон қилиб, Марвгача, ундан биёбон ўтиб, дарё кечиб, қорувли Мухаммад Раҳимхон Оллоҳқули шоҳ ҳузуриға кириб боради.

Хон уни Меҳтарога билан бирга кутиб олади-да, сұхбат ўрнида бир навъ сўрекка тутади. Аввалиға хон узоқлаб кетқон Аббот ва Шекспир, яъни Обид ва Шайх Пир ҳақида сўрайди. “Бири – Инглизстонда, бири – Русияда,” – деб жавоб беради Хон Али. Шунда Оллоҳқули-хон кутилмағонда куткулағандек:

– Айт-чи, инглизлар кучлими ё руслар? – деб қолади.

– Иккала миллат ҳам – юқори даражадаги миллат. Инглизстон қадимроқ ва бойроқ, бироқ Русия ҳам буюқ давлат, тобора улғайиб бораётур.

– Буларнинг бир-бириға муносабати қандай?

– Анча дўстона, савдо-сотиғимиз бор. Дўстона муносабат иккала мамлакат манфаатидадир.

– Айт-чи, Русия бизга нисбатан қандай муносабатда? – сўрабди қамти ўтиргон хон.

– Сўнғи хабарим шуки, сизлар русларни асирға олғон экансиз. Русия бундан дарғазаб. Бу йил туйлари етмасдан хужум қилишқони йўқ, лекин фурсат кўл келса, бу ишдан тойишмайди.

- Эронда нима гап?
- Қажар саройига биз элчи юборғонмиз.
- Шайх Пиринг баҳорға қолиб кетмасам қирқ кунда қайтиб келаман, дифон эди. Ҳануз қайтмади. Қачон келаркан?
- У ўз сўзида турадиғон инсон. Лекин Рус императори уни сизнинг элчингиз сифатида қабул қиласлиғи мумкин. Унда у тўғри Инглизстонға қайтиб кетса ажаб эмас.
- Ахир уни Даشت қалъада, Оренбургда бизнинг элчимиз сифатида қабул қилишди-ку. Нега Петербургда қабул қилишмасин? – ҳайрон бўлибди Оллоҳқули-хон.
- Оренбургга у бир қанча асири қайтариб оборғон. Сўнг у ерда сизнинг элчингиз ҳам бўлғон. Петербургда чор олдига кириш кийин...
- Биз асиirlарнинг деярли барини қайтариб берғон бўлсақ, руслар бизга барibir таркана қилишармикан?
- Асиirlар, билишимча, уларнинг қўпдан биргина талаби бўлғон. Бошка талаблар нимадан иборат эди? – деб ўзи савол бериш ила гапни кавшар этибди Хон Али.
- Худо билади уларнинг талабларини... – деб елкасини қисибди хон.

* * *

Абдулла қамоқхонага қайтганида ҳамма ётиб бўлган, “Наҳотки бу қиска-қисқа икки юзлаштирув шу қадар узоқ вақт давом этган бўлса?” – деб ажабланди Абдулла. Қайта-қайта бўлиб ўтган гапларни миясида такрорлар экан, бир ўйда таққа тўхтаб қолди у. Буларни синдириб, талқондек янчиб бўлишган. Лекин анави оғзи шалоқ “Хотинингни олиб келаман!” – дегани нимадан далолат экан ё нимага ишора? Ойига бир хат ташувчи қумлоқлик Суннатнинг пойидан тушишганмикан? Хотинига: “Кўктеракками, қишлоқ-пишлоққа кўчиб кет!” – деб ёzsами? Худо кўрсатмасин, буларнинг қўлидан ҳар бало келади. Маҳбуслар машъум 42-хона ҳақида кўрқиб-писиб гапиришади, бу ўша биринчи куни Абдуллани Винокуров моматалоқ қилган хонамикан?!

Хотинини олиб келиб, шаънига тегишиша, чидай оладими Абдулла? Чаппасига нима қилиши мумкин?! Ҳа, биттасига ёпишар, буларнинг сони минг-ку! Ундей деса, ана Винокуровни ҳам ўлдираман, деб юрди, униси тутқич бергани йўқ, бунисининг кўнглидаги интиқом туйғуси қиши коридек эриб битди.

– Худо кўрсатмасин! Худо кўрсатмасин! – деб дуо қилиб ётди Абдулла. Қишлоққа кўчириш керак Раҳбарни, йўқса Абдуллани ҳам ҳовончага солиб янчишияди... Лекин буларга қарши якка ўзи қолса-да, чидаб беролармикан? Ким келди Абдулланинг кўз олдига шу он – ғайридин полковник Штоддарт.

Уни нима билан кўрқитишган: “Сен билан келган хизматкорларинг – Ражаббек, Мухаммад Техронийларнинг калласини кўз олдингда оламиз?” – деб. Кейин “Мусулмон бўласан!” – деб шаҳодатни ўқиттиришган. У шаҳодат келтиргач, буниси ҳам етмагандек, қозикалоннинг ўнгидаги суннатини ҳам келтиришган. Элликларга борган бу бечора Миршаблар сардорининг уйида “чил-чил ҳасса” бўлиб, кўрпага ўралиб, бир ойча нозик ерига қов босиб, яраси битгунча ётган. Кейин уни қушбеги Нурмуҳаммадбек қарамоғига топширишган. У эса Штоддартни Арқдаги кўркам меҳмонхонасига қўйган.

Қушбеги Штоддартни биринчи кунданоқ хуш кўрмасдан, Амирга: “У ҳеч канака мусулмон эмас! Тик туриб чоптиряпти!” – деб бу сафар обхонага қаматган. Обхона – Чохи сиёҳда ётган маҳбусларга сув етказиб турадиган нам ва дим бир хона экан.

Штоддартнинг баҳтига қамоқчилардан бири – Фатхуллабек анча дилкаш одам чиқиб, Штоддартнинг ёзган хатларини полковникнинг хизматкори Ражаббекка элтади. Ражаббек эса карвон кажаваларининг бирига беркиниб, Бухородан ўша хатлар билан бирга Афғонистонга қочишга муваффақ бўлади...

“Худди менинг куним, – деб ўйлади эмранган Абдулла. – Рост, Штоддартнинг ортида унинг ишонган давлати турган бўлса, менда ҳеч ким йўқ...”

Унинг фикри яна забун Берегинга қайтди. Усмоновни Абдулла унчалик яхши билмасди, шунинг учун ҳам унинг жizzаки сўзларига кўпам куюkkани йўқ, бироқ Берегин ўз пайти унинг барча китобларини чоп этгани учун Абдулла уни эъзозлаб юради. Шу туфайли бўлса керак, Берегиннинг совуккон, ноинсоний муносабати Абдуллага оғир ботди. Рост, Файзула Хўжаев Абдулланию Чўлпонни ҳаммадан ортиқ яхши кўрар, “Иккингиз адабиётимизнинг, тилимизнинг кўрки” – деб ҳар кўрганида пул бериб юради. 1932 йил у чиндан ҳам “Ўтган кунлар”ни Қашғарда араб имлосида боссак яхши бўларди! – деган эди. Лекин қанақангич ташкилотни айтишяпти булар? Ё энди ўзбек бўлиш, ўзбекликка мансуб бўлиш – ташкилотга аъзо бўлиш билан тенг бўлиб қолдими?!

Абдулланинг алағда-палағда фикрлари яна бошқа ёқка кўчди.

* * *

Энди яна кимлар билан юзлаштиришар экан? Айби аниқ – антисовет буржуа-националистик ташкилотга аъзолик. Қайси ташкилот экан бу ўзи? Ё Абдулланинг ўзи билмасдан уни унга уйлантириб кўйишибдими? Ё зувчилар-девона халқ, улар билан ҳойнаҳой юзлаштирас, юзлаштираса ҳозиргига қадардек арбоблар билан юзлаштираса керак. Кимларни танирди булардан Абдулла? Лекин Суннат орқали хотини Раҳбарни қишлоққа чиқариб юборгани тузук...

Абдулла бу ғужғон ўйлар орасида ўтирас экан, эшиклар очилиб, яна унинг отини жарлашди. Эси-хушини йиғиб, қўлини орқага чўзиб, эшикка чиқиб борса – тергов юзлаштириш эмас, соч-соқол қиртишлагани экан.

Энди таниш қатори бўлиб қолган жуҳуд сартарош билан дўстона кўришиб, Абдулла табуреткага ўтирида: “Нега юзлаштирувлар ўртасида унинг соч-соқолини ола бошлишди? – деган фикрга борди. – Бунда нима гап бўлса экан? Иши ҳал бўлдими? Отишга тайёрлашяптими? Отишса – ясатиб-тусатиб ўтирмас? Ё буларнинг қаттароғи у билан гаплашмоқчимикан? Ким бўлса у?”

Қамоқда ҳар бир майда-чўйда чексиз аҳамиятларга тўлиб кетар экан: нимага, ким, қачон, қаерда, нечун? Савол кетидан савол, миянг куртлоқилаб сўкчакка айланиб қоларкан. Тут баргини илма-тешик қилгандек хаёллар ҳам мияга жуволдиздек қадаларкан. Тешиляптими у, тикиляптими – не фарқ? Жуҳуд сартарош коровул аскар олдида гапиришга ботинмас, бироқ айтилмай қолган сўзларини тинимсиз пишиллашида, хўрсинишида, лабларини чўлпиллатишида ифодаларди. “Унинг ҳам ичлари тўлиб кетган бўлса кераг-ӯв!” – деб ўйлади Абдулла.

Қамоқда соч-соқолни қиртишлатиш балки-да бирорнинг кўлидан кўрган ягона меҳрибонлиқдир. Сартарошнинг илиқ ва дўмбок қўли унинг бурни ё қулоғига тегар экан, болалиқда бошини ювган онаси Жосият бибининг юмшоқ кўлларини эслади Абдулла ва кўзларидан беҳол ёш сизиб чиқди. Сартарош ҳам буни сезди, чамаси, оппоқ рўмолчаси билан Абдулла юзини упалағандек, бу намни артиб қўяқолди.

– Раҳмат, – деб турди Абдулла табуреткадан.

– Арзе.. – деб эндиғина бошлаган эди сартарош, аскар дархол буларни узди:
 – Не болтать! (Сағсатани йиғиштири!) – ва Абдуллани хонаси томон бошлаш үрнига, тескари томон етаклади. “Қаерга олиб кетяпти бу қоровул? – дами ичига тушиб кетди Абдулланинг. – Вақти-соати келдимикан? Бунчалик аҳамиятсиз тарздами?”

Аскар чап ёндаги эшикни итарди-да: “Товарищ капитан, привёл!” – деб честь берди. Хонага кирған Абдулла кимни күрди – махлук Винокуровни. Унинг муштлари тугилди. Юраги дүк-дүк урди. Юзи аввалига бўзарип, кейин тошиб қон югурди. “Уради! Уради!” – деб жангга шайларди юрак.

– Садись! – деб столининг бу тарафидаги стулга дағдаға аралаш кўрсатди Винокуров, аскарга эса: – Пока свободен! (Хозирча озодсан!) – деди. Аскар эшикни кетидан ёпиб, дахлизга чиқиб кетди. Абдулланинг ташқи дунё билан охириги алоқаси узилди.

“Бўғзига ёпишаман! Ҳалқумига! – деб кўзларига қон қуйилиб ўтириди Абдулла.

Винокуров бирданига у томон очиқ ғудраша кафтини чўзиб:

– Прости меня, Абдулла! – деб қолди.

Эловсираб, ўзини йўқотиб қўйди Абдулла. Тушими бу ё ўнгими? Ё қайси шайтоний хийлага боряпти бу лайн...

– Кечир мени Абдулла, – деб қайтарди синиқ, палағда бир овозда бу айик,
 – Мен сени ёмон ургандим... Тушунаман, сен мени кечирмайсан, – овозини пасайтириб давом этди Винокуров. – Лекин биз ҳам одаммиз. Ўша куни ёмон ичиб олган эдим. Мана бу еримга етган эди, – деб Абдулла тишлари билан ёпишмоқчи бўлган ҳалқумини кўрсатди Винокуров. – На Янги йил бор, на отдих куни. Қама-қама, ур-депсадан бошқаси йўқ.

Кутилмаганда бу ажабтовур махлукнинг кўзларида ёш йилтирагандек бўлди.

– Ўтган якшанба куни, токларимни боғлаб бўлиб, яширинча черковга борган эдим. 6 март куни кечирим якшанбаси эди. Ўша ерда бир танишимни учратиб қолдим. Ёзувчи. Сени таниркан. Сен билан Москвада ўқиган экан. Жуда зўр ёзувчи деб сени роса мактади! Ўрис мактабини битирган экансан... Қандай қилиб булар сени миллагачи деб бу ерга тикишди?

Абдулла бу ўрис қамоқчининг монологига бўшашиб кулоқ солар экан, ҳалигача “Бунинг макри нимада экан?” – деган ғулувдан озод бўлмаган, бироқ Винокуров саволига жавобни ҳам кутмасдан гапидан тинмас эди.

– Сен бизларни ёз, Абдулла, мана бу кўкракдаги қўркувимизни, бугун сени бу ерга қамашибди, эртага мени тикишади... – Винокуров гимнастёркасининг кўкрак чўнтакларига ура бошлади. “Мастмикан?” – деб ўйлади Абдулла, лекин махорканинг ҳидидан бошқа ҳид туйгани йўқ.

– Сен барибири менга ишонмайсан, Абдулла, кўзингдан кўриб турибман, – деди у. – Майли, ишонма. Лекин мен айбим эвазига сенга кўлимдан келган ёрдамимни бермоқчиман. Рост, тўғри тушун, бу ердан сени озод қиломайман. Мен майда пиёдаман холос. Лекин танишларингга айтадиган гапинг бўлса, айтайн.

Бояги куртлардан вужудга келган капалаклар, йўқ, нақд каптарлар тўзиб учди Абдулланинг миясида. Ростми, ёлғонми, бу дунё, довдираб, тушунмай қолди у.

– Майли, – деди Абдулла соғ рус тилида. – Рус эртакларида бир эмас, учта тилак сўралади. Мен ҳам учта кичик тилак айттай. Биринчиси: Қурбон Берегинга – ундан ҳали ҳам кўнглим қолмаганини айтсанг. Иккинчиси – Ғози Олим Юнусовга унинг тилла соати менда эканлигини етказсанг. Учинчиси

— энг муҳими — Чўлпонга: унинг хотини Екатерина мендан бошлиқларга хат ёзишни сўраб келганини, лекин ёзадиган бошлиқларнинг ўзи қолмаганлигини айтсанг...

— Шунда мени кечирасанми? — деб сўради Винокуров ва ҳануз стол устида узатилган ғудраша қўлини аста ўзи томон тортди...

* * *

Ўша тун анчагача ухломай, Абдулла воқеъ бўлган ҳодисани ҳижжалаб ётди. Бу ўрис ўзини дўсарапликка соляптими? Ўйин бўлса — нима ҳақда бўлиши мумкин бу ўйин? Штоддартдайларга ёрдам берган зиндонбон Фатхуллабекнинг таъмаси бор бўлган, бу дўққи Винокуровнинг таъмаси нимада бўлиши мумкин? Абдулланинг кўмиб қўйган тиллоси бўлмаса. Ё кетида турган қироличаси йўқ эса... Ундан кейин таъмагир бўлса, бирон-бир нарсага ишора қилгани йўқ. Кечирим сўради холос.

Кечиримини қабул қилиши керакми? Танадаги жароҳатни вакт даволаган эса-да, кўнгилдаги туғённи бу кечирим билан босиб бўларми? Ё босиш керакми? Ё Абдулла ҳам дўппи қайтақи бўлиб, Винокуровдан истифода қилиши керакмикан? Қани, балки Берегин билан, ё Гози Юнус, ё Чўлпон билан юзлаштирса, унинг нақадар ишончли эканлигини бир амаллаб чиқариб олар...

“Черковда бир ёзувчини кўрдим. Сени роса мақтади!” деди. Ким бўлса экан у ўрис ёзувчи? Бородинмикан? Йўқ, у татар ҳойнаҳой черковга бормаса керак. Никитинмикан? Йўқ, буниси ўлардек коммунист, бўйнига арқон ташлаб ҳам

черковга тортолмайсан. Шевердинмикан? Ха, бўлиши мумкин... Бу йигит ўзи самарқандлик, Москвада ўқиб келган. Абдулла уни Москвада шоирларникида бир-икки кўрган эди. У 1921 йили “Ўтган кунлар”га анча дурустгина тақриз ёзган. “Обид кетмон”нинг рус таржимасига эса сўзбоши муаллифи бўлган. Таржимон Лидия Соцердотова билан бир Абдулланинг уйига ҳам келишувди... Уям анча фирмапараст йигит эди, черковга борганмикан?.. Ким билсин, Винокуровдек бединлар кечирим якшанбаси ҳақида гапиргандан кейин, бир ёзувчи ҳам юкуниб чўқинса чўқингандир-да. Яна қайдам, бошқа кимдир бўлиб чиқиши ҳам мумкин...”

Шу пайт қамоқ оқсоқолининг гумашталаридан бири: “Чап ёнга ағдарил!” — деб буйруқ берди ва ҳамма инқилаб-синқиллаб, бошқа ёнига ўгирildи. Бундан ярим ой аввалроқ терговга чақирилиб дом-дараксиз йўқолган қизилсоқол Журъатни ўйлади Абдулла. Кошки Винокуровдан сўраб олсайди-я, унга нима бўлди деб. Унинг ўрнига ўғриларнинг каттаси Гена Ташкентскийни бу хонага киритишгач, беш-олтита пайтавакулоқ ўғри ўнлаб “сиёсийлар” устидан бош бўлиб қолди. “Энди сенларга зона ҳаётини ўргатамиз!” — деб булар ўзларининг ярамас қонун-қоидаларини кирита



бошлашди. Битди “Чигатой гурунги”. “Лайлак юриш қиласай деб чумчук чатаноғи йирилди”, – дермиди бу ҳолатда эсси Журъат оқсоқол? Кимгадир таъмаки-памаки келиб қолса, булар тортиб олган. Овқатнинг жирлиги буларга. Тарқатилган шакаргача солику бож солишган. “Сиёсийлар”нинг кўпи қариб-қартайган зиёлилар эмасми, “Хих!” – десанг, орқасини тутишади. Абдуллани терговга чақира бошлашган чоғи профессор Засипкиннинг зарҳал кўзойнагини тортиб олишаётган эди. “Нима билан битди экан бу иш?” – деб ўйлади Абдулла. Кимдир Содикми, Муборакми: “Нон бурдаларидан қарталар ясашди, кўзойнак шохчалари билан нақшини чизиши”, – дегандек эди. Тергову юзлаштиришлар билан бўлиб, буни ҳам сўрамабди.

Ўзи ишга аралашсамикан? Бу эсвос ўғриларга бас келиб бўлармиди? Винокуровни орага солсамикан? “Гўлсан, Абдулла! Юнги силанган мушукдек лакқа тушиб коласан-а! Винокуровнинг ўзи буларни “сиёсийларга” “раҳбар” қилиб кўйган бўлса-чи?!

Яна фарогатсиз хотини эсига тушди. Балки Винокуровдан у билан учрашувни сўрганида бўлармиди? Эплармидийкан? Ўзи айтдию, “Мен бу ерда майда пиёдаман” – деб. Ундан кейин хотинини бу ерга йўлатмагани маъқул. Қайтага эловсизроқ қишлоққа чиқариб юбориш керак. Албатта қишлоққа...

* * *

Юзлаштирувларда ё сўроқда бўлиб, тушки ё кечки ёвғон-шулон овқатдан бебаҳра қолсанг, ҳеч ким сенга “Мана бунинг устига бир бурда нон ёниб қўювдим, илиқ турган бўлса керак”, – деб томоқ олиб қўймайди. Тишига босишига бирон нарса бормикан, деб кейинги нонуштагача рўза тутиб ўтирасан, киши. Абдулла ҳам юзлаштирувлардан қайтиб, тишининг кирини сўриб ўтирап экан, бояги фикри эсига тушдию, бориб Домла Косонийни гапга солди.

– Домла, сал қўполроқ қўринса айбга буормайсизу, сиз ҳам умрингизда ҳеч кимни сотганимисиз? – деб сўради.

Домла аввалига эсанкирагандек гувраниб қолди, кейин ўзини тутиб олиб:

– Қайси маънода? Қулдорчилик маъносидами? – деб дучма-дуч саволига савол билан жавоб қайтарди.

– Йўт-э! Бўхтон маъносида...

– Унда, бўтам, арқонни сал кенграқ ташлашингиз зарур, – деб бошлади домла. Мухаммад ал-Ғаззолий ўзларининг “Иҳёи улум ад-дин” китобларининг учинчи жилди “Рубъ ул-муҳлиқот”ида “Офат ул-лисан” бўлимида тилдан келғон оғатларни йигирма қисмга бўладилар. Булар орасида пуч сўз гапириш, хусумат, фахш, шеър айтмоқ, сўкишмок, қарғамоқ, ёлғон гапирмоқ, ғийбат, бўхтон ва шунга ўхшагон балолар бор. Шулардан фақат сизни қизиқтириғон бир-икки оғатдан гапирсак. Сотиш дигонда сиз биринчи галда хусуматни кўзда тутсангиз керак. Хусумат, ал-Ғаззолийнинг фикрича, сўзға эътирозу баҳскашлиқдан келиб чиқади. Расулуллоҳ саллоллоҳи алайҳи васаллам ҳадисларида айтғонларким: “Хусуматларда жоҳилга мужодала этғон кимса бу мужадоласидан воз кечмағунча ё ўлмағунча Оллоҳнинг ғазабидадир”.

Яна бир сизға тааллукли оғат – сир сақламаслиқдир. Пайғамбаримиз ҳадисларида айтибдурларким: “Бир одам бир мажлисда бир сўзни сўзларкан, атроғига бокқан замон, бу сўз тинглағонларга омонатдир”.

Ривоятда келурким, Муовия Утбонинг ўғли Валидга бир нарса дебди. Валид ўз отаси олдиға бориб, “Амирул-мўминийн менга сирли бир гап айтди, шуни сенга очай”, – деса, отаси: “Зинҳор ба зинҳор менга айтма! Сир

сиригича сақланиши керак. Сен эса хато асоратига тушмағин!” – дифон экан.

Сұхбатимизға тааллукли яна бир оғат бу ёлғон гапирмак оғатидир. “Ёлғондан сақланинг, у фужур билан тенгдир ва ҳар иккаласи жаҳаннамдир!” – дейди Расули акрамимиз ўз ҳадисларида. Ва яна: “Ёлғон – нифоқ эшикларидан биридир” – дейдилар.

Луқмон-пайғамбар ўз ўғиллариға айтғон эканлар: “Үғлим, ёлғондан сақлан, зеро у серча этидан ҳам тотлидур. Ундан оз кимсалар қутула билар”.

Лекин шариатда ёлғонға рухсат берилғон ерлар ҳам бор. Расули акрамимиз буюрмишларки: “Икки кимсанинг орасини тузатғон ё хайри сўзлаб хайрни юксалтғон кимса ёлғончи эмасдир”.

Ато бин Ясар деюорки: “Бир киши Расули Ақрамга:

– Эй, Оллоҳнинг Расули, оиласында ёлғон сўйлайми? – деб сўраса, Расули акрам:

– Ёлғонда хайр йўқ, – деб буюрибди. У киши:

– Хотинимға ундей-бундай баъзи нарсаларни ваъда этсам бўладими? – деса, Расули акрам:

– Бунда зиён йўқ, – деб буюрди.

Муросай мадора дифони ана шулардан чиқиб келғон, бўтам. Лекин буниси ҳали охири эмас. Ғийбат дифон оғат ҳам борки, сиз сўрағон масалаға буни ҳам кўшишимиз лозим. Куръони Каримнинг “Хужурот” сурасида Оллоҳ таоло буюрибдиким: “Бисмиллоҳир раҳмонир раҳим, ва ла йағтабу баъзукум баъзан, а йуҳиббу аҳадукум ан йақула лаҳма аҳийихи майитан... садақоллоҳул азийм, яъни бир-бирингизға ғийбат қилманлар. Қай бирингиз ўлик қардошингизнинг гўштини емоқдан хушланарсиз?”

Расули акрамимиз айтмишларким: “Меъроғға чиққон кечам тирноқлари билан юзларини тимдалагон бир гуруҳ инсонларни кўрдим. Жаброилдан: “Булар кимлар?” – деб сўрадим. Жаброил: “Булар инсонларни ғийбат қилиб сирларини очғонлар, – деди”. Ал-Ғаззолий ғийбатнинг саккиз сабабини келтирадилар. Булар орасида кинини енгмоқ, бирорвға ёқмоқ, бир ишдан наф топмоқ, ўзига иснод этилғон нарсани бошқа кишиға юкламоқ, ўзини устун кўрсатмоқ, ҳасад қилмоқ, ҳазиллашмоқ ё масхара қилмоқ, камситмоқ...

Шу ерда мен ҳам муросай мадораға бориб, сизнинг кўнглингизни бузмаслик учун Муҳаммад ал-Ғаззолийнинг бошқа тил оғатлари, жумладан, тўқима, адабиёт, шеъриятларини ҳам оғат сифатида келтирғонини айтмасамда, яхшиси Хусайн Воиз Кошифийнинг “Ахлоқи муҳсиний” китобидан бир ривоят келтирсам.

Айтибдурларким, Ҳажжожи золим ҳаммаға сиёsat қиларкан. Навбат бир эшонға келғонда, эшон бундай дебди: “Эй, амир, мени ўлдирма, чунки сен ҳақингда собит бўлғонман!” Ҳажжож айтибдур: “Мен ҳақимға нима қилдинг?” Айтиби: “Фалон душманинг сени ғийбат қилиб, сен ҳақингда фаҳш ишларни айтди. Мен уни ман қилдим ва сенға бўлажак дашномни қайтардим”. Ҳажжож айтиби: “Бу маънода гувоҳинг борми?” Дебдики: “Бор” ва ўша мажмаъда бўлган бошқа кишиға ишора қилибди. У киши дебди: “Ҳа, рост гапиряпти, у бояғи кишини сени ғийбат қилиш гуноҳидан тийиб қолди!” Ҳажжож дебдики: “Сен нега унда душманға қаршилик кўрсатишда унга шерик бўлмадинг?” Айтибдики: “Чунки мен сенға душманман! Сенинг тарафингни олиш мен учун ҳеч лозим бўлмағон!” Шунда Ҳажжож иккаласини озод килишни буюрибди. Бирини – садоқати учун, бошқасини ростгўйлиғи туфайли. Ана ўшандада мана бу мақол одамлар орасида пайдо бўлғон экан: “Агар ёлғон одамни кутқарса, рост кутқарувчанрокдир”.

* * *

Кечаси, оч ёнбошини остига олиб, қулдураган ошқозонини босиб, чўзилар экан, Абдулла кун ҳодисаларини пайдар-пай эслаб: “Домла Косоний сўралган саволига жавоб бердими ўзи?” – деган фикрни узок ўйлаб ётди. Кейин хаёллари Домла Косонийдан Домла Гози Олимгга ирғиди. Ўз она тилида ёзган ёзувчи табиатдан миллатчи бўлади. Ўз халқини севмаса, ўз тилини эъзозламаса– ёзувчиликда нима қиласди одам? Лекин бу дегани дунёда фақат менинг халқим, ёлғиз менинг тилим бор экан дегани эмас-ку! Бозорга ҳар ёймачи ўз молини мақтаб чиқади. Бунинг нимаси айб, нимаси гунох? Фақат ташкилот деганлари нимаси экан? Рост, хув анави йилларда Фитрат домла “Чифатой гурунги” деган давра тузган эди, унда гапирилгани – фақат адабиёт бўлган. Агар валакисаланг гапу гаштакларни ҳам “ташкилот” деб атаса, унда Ўзбекистоннинг бошдан-оёғи бу ташкилотларга тўлиб кетадио. Унда ҳар дали-ғули чойхона – штаб, ҳар дўппиқайтоқи маҳалла – ҳарбий қисм...

Қамоқларда дом-дараксиз йўқолиб кетган дўстию маҳалладоши Ғулом Зафарийнинг ҳовлисидағи зиёфатларни эслади Абдулла. Кўчада Абдулланинг тўнғич ўғли Ҳабибуллони ушлаб олиб, унга: “Бор, дадангга айт: “Гижбадабанг-гижбадабўнг, пули борнинг иши ўнг, пули йўқнинг гапи тўнг!” Ўзи тушуниб олади!” – дерди у. Ҳабибулло бу сўзларни отасига етказиши билан Абдулла ишларини ташлаб, Эшонгузар маҳалласининг нариги чекасига шошарди. Чунки биларди-да, бу сўзлар айтилдими, Ғулом ўзи ишлайдиган театридан Чўлпон билан биргаликда ё Шожалил ҳофиз, ё Шораҳим, ё Соат дуторчи, ё Карим қизиқни бошлаб келган. Бир сафар эса анчайин қариб қолган Мулла Тўйчини ҳам эрчитиб келибди. Абдулла хаёлан эшиқдан кириб борар экан, кўзига ҳовли ўртасидаги ҳовузу бўйидаги мажнунтол, мажнунтол тагида эса хитойгуллар орасида турган шоҳсупа кўринди. Мулла Тўйчи эндингина қўлига танбурини олган, Абдулла йиғилганларнинг бари билан бирма-бир кўришиб чиққач, ҳофиз белидаги қийикини таранг боғлади-да, худди ҳавога эмас, овозини ич-ичига йўллатгандек:



*Арзимни айтай боди сабога...
Арзимни айтай боди сабога.
Кўзлари Чўлпон, зулфи паришион,
Сарви хиромон, дод-ей, қоши қарога, –*

деб юракларни вайрон этиб кетдилар... Ўзбекдан бошқа кимам тушунарди буни?!

Абдулланинг кўзларига бехосдан ёш қалқди. Дарвоқе, яна қаерда эшитган эди бу ашулани Абдулла? Ҳа, ўзининг қиссасида, Сайд Қосимдан...

Ажаб, қиссаям бу чакана-чукана юзлаштиришу гапларнинг кетидан хаёлидан кўтарилибдими? Қаерини ўйлаб, қаерини пишитаётувди Абдулла?

* * *

Ойхоннинг катта ўғли Музafferининг бўйи дарозлангани сайн кора сочларию қошлари қизариб, кўзлари кўкимтири тус ола бошлади. Хатти-ҳаракатларининг шиддатлилигидан, кўрган одам уни чарс-чурс гулханнинг ўзгинасига ўхшатарди. Мақто боласига бирданига меҳри уйғонган Ойхон ҳам уни энди “Гулханим, Гулханжоним!” – деб эркалатидиган бўлиб, ўғлидан ажралмай қолди. Мадалихоннинг кенжаси ҳам улғайгани сайн отасига хеч ўхшамаслиги аён бўла бошлади.

Ойхоннинг буларга муҳаббати ортиб борар, кун бўйи энди ўғиллари билан бир чистон чакиб, бир хусниҳат чизиб, ё “Минг бир кеч” ўқиб вакт ўтказар экан, Мадалихоннинг кўнглига тушган гумон курти тобора урчий бошлади. Аввалига зимдан буларга боқиб, кейин хосхонада кўзгуга қарай, ўз бурнию қошларини анавилар билан солиштира бошлади. Кейин қиличбозлик машқлари баҳонасида иккала шахзодани қагтархонасига чорлади. Болаларнинг бири у ерда эснади, бошқаси бурнини чимдиди: “Ўф, сассиқ экан!” – деди. Рўзи дигар кўлларига икки митти доира тутқазди: бири уни ғилдирак қилиб думалатди, бошқаси қизил сочига дўппи қилиб кийди-да, укасини кулдиради.

Тушлари бузилди Мадалихоннинг: тушларида аввалидан бадтар урди Ойхонни, юзларини хамир қилиб эзди. Бироқ буниси ҳам кўнглини тинчитгани йўқ! Шубҳа қуртлари зулукка, зулукдан илонга, илондан аждархога айланди. Бир куни бўза ичиб олиб, хон Ойхоннинг эшигига бостириб кирди. Ойхон пошша болаларини ухлатмоқчи бўлиб устиларида алласимон ғазал айттар, маст хонни кўриб, жон ҳолатда: “Гулсум!” – деб бакирди. Айвонда ётган Гулсум уйкуга кетиб бўлган эканми, ваҳший хон ёпирилиб, Ойхоннинг гул юзига аёвсиз тарсаки урди. Бу хотиннинг додлашини кутди хон, бироқ Ойхон оғзига қўлини ёпганича, миқ этгани йўқ. Эндинга ухлаган болаларининг нозик уйқусини аядими, ё...

– Айт, жаллабб, қимдан ттуққансан буларингни?! – деб хириллади хон.

Ойхоннинг кўзларида даҳшатми, ҳайрат қотган эди.

– Каллассини оламман ҳароммиларингни! – у қиличини яланглатди.

Ойхон бошини аста лиқиллатди ва “Менинг бошимни ол!” – дегандек оқ бўйини эгди.

Бундан Мадалихоннинг жазаваси янада кўзиди:

– Кимм билан ўйнашгансан, қаннжжиқ! – дея кокилларини кўлига ўради хон.

Ойхон сас чиқаргани йўқ.

– Гулханий биланн дон чўқишигансан, иффлосс! – деб кўнглини ёрди Мадали.

Ойхон худди бошини қиличга яқинлаштиргандек, яна аста бош чайқади...

Мадалихон аёл бошини бор қучича ўз тizzасига урди. Кўрпага чак-чак қон томди. Ойхон лом-мим дегани йўқ.

– Ммана, анави итингга хатинг! – деб Мадали мода чўнтакида титкиланиб битган бир парча қофозни Ойхон бошига ташлади-да, қиличининг сопи билан аёл энсасига урди. – Иккалассини ўллдирдимм, энди сенларни бўғизлайманн!

– деб вишиллади хон ичидан чиқсан аждархо. Шу пайт дод кўтариб хонага Гулсум отилди, икки бола қулаган онаси тагида чириллаб уйғонди, қиёмат кўтарилди. Хон эса, қиличини ташлаганича, гижжа каби пилтанглаб, хонадан қочди...

* * *

Индинига эрталаб Муборак, тамаки ўраш учун қофоз дея, Абдуллага ваъда берганини узатди.

“Агарда мен Хивага етсам, менинг таклифим сўнгра Хўқандга ўтишидир. Бизнинг Хива билан муносабатларимиз капитан Аббот ва лейтенант Шекспир ёрдамида анча мустаҳкам ва шу маънода биз бу саҳнада қолишимииз муқаррар. Россиянинг бу мамлакат билан галваси битгунга қадар биз Хива хони билан муносабатларни ўзгартирмаймиз ва фақат ўз манфаатларимизни кўзлаймиз.

Бироқ агарда руслар Хивани қуршовга оладиган бўлишиса, биз Хўқандга бошика йўл топишишимизга тўғри келади (ё Кундуз, ё Қашгар томондан) ва Фарғона тарафидан Бухоро амирини ҳушига келтириб, мустаҳкил Туркистонда тинч ўзбек хонлари иттифоқи гоясини сўрашишимиз лозим.

Артур Конолли”

Абдулла бу қофозга Винокуров тунови кун берган тамакини ўради-да, бир чекиб олиб, Муборакка узатди. “Нега булар шу қадар осонлик билан истаган қофозини бу ерга етказадио, Абдулла қумлоқлик Суннат орқали юз хавотир билан уйига учта митти хатча жўнатиб, уйидан бирор ёзма хабар олишдан ҳайикади? Албатта, биринчи галда уйдагиларини хавф остига кўйгиси келмади. Лекин Муборакнинг ҳам бу қофозларни сақлаган оиласи бордир, айтди-ку ўзи, “Буларни уйдагилар кўчириб беришяпти, шунинг учун тап тортмай чекаверинг!” – деб.

Мана, Винокуровга ҳам ҳалигача тўлиқ ишонгани йўқ. Алдамагани аник, Чўлпоннинг хатини берди-ку.

Муборак тамакининг бошқачалигини сезди чамаси:

– Акамулло, тамакени қаердан олденгиз, бисёр нағзу? – деб суриштириб қолди.

– Инглиз хатининг хосияти бўлса керак... – деб ҳазиллашандек бўлди Абдулла.

Муборак яна бир нарса деб сўрамоқчи эди, лекин уни анави тайхар Саларка чақириб қолди. Муборак сигарасини Абдуллага топширганича, безорилар олдига шошилди. Чекишини давом этиб, инглиз Хон Али ҳақида ўйлаб ўтирган Абдулла аввалига уларга эътибор бергани йўқ, аммо камерада аста-секин шовқин кўтарила бошлагач, у тарафга қараса, анави ифлослар қиласиб ўтирилди. Муборакнинг кўзини боғлаб, “беркинмачок” ўйнагандек, ювиндихўр Саларкаси бошка гумаштанинг орқасига чиқволиб, иштонининг йирғочидан зебини Муборакнинг юзига тўғирларди. Бошқалари эса қий-чув кулган...

Абдулланинг юзига қон урди. У сапчиб турди-да, шахдам қадамлар билан палиллар даврасига бориб, айлантирганича салмоқ билан Саларканинг башарасига солди. У бошқа ўғрининг гарданидан қулаб тушди. Безориларнинг бошқалари ҳайқириқлар билан Абдуллага ташланишди. Уртўполон бошланиб кетди. Пайдор Абдулла касалликдан кейин мадорини бир навъ йиғиб олган, шунинг учун бўш келмасди. Доли-гулида у бир-икки тепки еди, лекин иккита ўғрини гурзидек оғир мушти билан сўқди. Атрофда ҳамма писиб қолди. Бирданига Абдулла ёнига Содик югуриб келиб “Ёпиш буларга!” – деб чинкирди. Содикдан кейин Абдулланинг шангиллаган қулоғига Муборакнинг хониш овози чалинди. Бирон дақиқадан сўнг “сиёсийлар”нинг норғули бор эканки – бари муштлашишга, ожизроқлари навҳа солишга қоровул чақиришга қўшилишди.

Аскарлар тапир-тупур кириб келишганида қаланғи-қасанғи безориларни сұлайтириб бўлишганди. Ўша куни Гена Ташкентскийни югурдаклари билан бирга бу камерадан олиб чиқиб кетишиди, оқсоқол қилиб эса Домла Косонийни тайинлашди.

* * *

Қамоқнинг ўз иш жадвали бор. Йўқ, нечада туриш, қачон овқат ейишу қай вақт сартарошга ё душга бориш маъносида эмас... Агарда сенинг номингни кундузими, ё кечқурун чақириб қолиши, бу дегани ё сўроққа, ё юзлаштирувга, энг ёмон ҳолатда 42-хонага тепкилаш учун олиб кетишиди. Яrim тунда олиб чиқиб кетиши, ҳам, ёндама ётган қўшниларинг тинч ухлайверишиди – чунки эрталабга уйкусиз кўзларингни ишқаб, сен ҳам буларнинг орасига қайтасан. Лекин тунда бир соат борки, у бомдоддан сал илгарироқ: қора ипни оқ ипдан ажратиш у ёқда турсин, ҳали ип кўзингга илашмаган соат; ана ўшанда кимнингдир оти янграса борми – уйқудан чўчиб турган бу одам ё типирчилаб қолади, ё кимнингдир биқинига сукулиб – уни зўрлаб судраб кетгунларича, яшириниб бўлмайдиган ерда беркинишга уринади, ё очиқласига йиғлади, илтижо қилади, қўшнилари билан қучоқлаша бошлайди. Фақат энг кучлилар шаходат келтириб, атрофдагилар билан хайр-маъзур қилиб, коронфида ёришиб турган эшик томон қадам ташлашади. Қолганларнинг бари эса ё дуосини ўқиуди, ё пиқ-пиқ йиғлай бошлайди, ё уйқуси қочиб сахаргача қимирламай ўтириб чиқишиди. Чунки бу соатда олиб чиқиб кетганларнинг тақдирини маълум – отилиш...

Март ойининг сўнгига икки тун давомида аввалига Мулла Шибирғонийни, эртасига субхимардонда Домла Косонийнинг номини аташиди. Мулла Шибирғонийнинг айби қолганларга номаълум бўлгани учунми, у билан кўпроқ Абдулла гаплашганлигиданми – бошқаларга зиёд таъсири бўлгани йўқ. Бироқ хона оқсоқоли Домла Косонийнинг исмини чақириб айтишганида, барча уйғониб кетди. Домла лавозими бўйича тўрга ўтиб кетмаганми, ҳаммани айланиб юрмади-да, нигоҳини барчага бир-бир ташлаб: “Барингизни Худоға топширдик!” – деб турдию, эшик томон юрди. Абдулла ўрнидан қалқиб, Домла томон юришга ҳаракат қилди, бироқ кимнингдир оёғига қоқилиб, йиқилиб тушди. Домла эса шахдам қадамларда ёруқ эшикка чиқиб кетдию Абдулланинг юрагида сиёҳ чоҳдек битмас бир армон қолди.

Ўтирган ерида товушсиз йиғлаб юборди Абдулла. Ойлаб, йиллаб юрагига йиғилган хўрликлари тўлиб-тошиб оқиб кетгандек бўлди ичидан. Тўйиб-тўйиб йиғлаб олди ўша коронфиликда у. Домла Косоний ўшига етмаган онасини эслаб йиғлади, баҳтли қиломаган хотинию бола-чақасига қайғурди, шу камоқда қўшни хоналарда ётган дўстларига эзилди, шўрлик халқинио унинг адашган тарихини, ўз ёзганларию бечора Ойхонни, яна аллакиму алланарсаларни кўнглидан ўтказиб, кўз ёши билан ювди, поклади. Хайриятки, ҳеч ким кўргани йўқ унинг ёшларини ўшанда.

* * *

...Махбуслар бирма-бир уйғона бошлашди. Биринчи бўлиб Фитрат домла турди. У ҳам атрофига бир қараб, Абдуллани кўрдию, ўрнидан сапчиб, унинг олдига интилди-да, истиқболига турган Абдуллани қучоқлаб, миқ этмай йиғлай бошлади. Тиник кўз ёшлари билан ювди юзинио қўлларини ўша тонг бу улуғ инсон.

Кейин Абдуллага бақамти ўтириб, сўз айтмай тикилганича, фақат суяклари чиқиб кетган оғир бошини чайқаб қўярди.

Унинг чуқур хўрсинишларидан Муборак уйғонди.

– Э, домла, сиз ҳам бу ердаме? – деб Фитрат домла билан кўришди, кейин Абдуллага қараб: – Худога шугур, бизне боз якдел қўйишибте, – деб қўйди. Содда инсон билмасдики, бу ўлим хукмини кутган маҳбусларнинг хонасиdir. – Ман Лўндун боргонда як музай кўргон, анда одамларде аренинг мумидан сохта қилишгон. Локен бамисле тирек. Мўйлабдор Исталинам бор, челим тутатгон Черчилам, бизде Юсуф Бўрениям қўйишишон... Безлар ҳам эмди ҳаминжо мумдан ясалгон киби бўлғон...

Маҳмадона Муборак, кўзларини ишқалаб, бир оз тинди-да, мум босган булар орасида жимжитлик турганидан ҳайрон бўлди шекилли:

– Немага гапурмаяпсизлар? – деб сўради.

Нима ҳам дейишишин бу иккиси? Бари аён бўлган жойда нималарни ҳам гаплашишишин. Чўлпон айтмиш:

*Кўзимда сен каби уйқу йўқ, эй булут!
Истайман ўлимдек умрли бир сукут!*

* * *

Ойхон пошшанинг сирини дунёда бир киши билса – Жаҳонотин эди. Ўзининг марҳум қизи Офтоб-ојимга бўлган бор меҳрини Жаҳонотин-буви энди Ойхонга бағишилади, уни ўз қизи ўрнида кўра бошлиди. Лекин у ҳам Ойхоннинг кўнглида кечгандаридан бехабар эди.

Хон Али дарвеш Хўқандни тарк этиб, Бухоро томон кетгач, Ойхон пошшанинг юрагидан чегалаб бўлмайдиган бир чатноқ дарз кетди. Аввалига ўзини қаерга қўйишини билмай, бир қайта-қайта хасталанган отасининг олдига бориб: “Сизга мурид тушган фарангি билан нималар ҳақида гаплашдиларинг?” – деб гап суриштириди, “Уни кимга тавсия қилдингиз?” – деб из топишга ҳаракат қилди. Бошқа пайтларда ҳарамдагиларга билдирамасдан Жаҳонотин-бувиникига қатнади, лекин ҳеч кўнгли ёришмади.

Яна чоғиру бўзага берилмоқчи бўлди, аммо чоғир билан бўза қалбидаги ҳиссини булғатса булғатди-ки, йўқ қила олмади-ку! Бунисига ҳам ҳай берди.

Кейин юз куткую хийлалар билан отасининг муридларидан бирини қаландар қилиб, қисқа мактуби ила Бухорога юборди-да, бир пайтлар Новқатдан Муҳаммад Шариф оғасини кутгандек, орзиқиб, ёш қаландарнинг қайтишини кута бошлиди.

Ўттиздан ошиб киркқа қараб кетган аёлнинг бу балога мубтало бўлиши оғат экан! Ёшлиқдаги илк севгига ноаниқ орзулар уйқаш бўлса, бу ёшдаги савдога нафақат орзу, балки кечган ҳаётининг армонлари ҳам чирмашару айқашар экан.



Нодираю Увайсийларнинг мажнунвашилик ҳақидаги байтларини энди тушуниб етди Ойхон... Икки ой давомида ишқ ўтида қоврилгандан сўнг, жулдир жандаю йиритиқ кулоҳ кийган қаландар йигит Бухородан Фози хожа хонадонига қайтиб келдию, юз эҳтиёткорлик ила Ойхонга Хон Али дарвешнинг Чил дўхтарон зинданига ташланганини айтди. “Оҳ!” – деб хушсиз йиқилди отасининг уйида Ойхон...

* * *

Абдулланинг кўнгли талотўпда эди. Қўлига етиб келган хатни ўқиёлмай, кўзлари бир томонга қараса, хуши олма-кесак бўлиб, бошқа томонга торгар, бироқ ақли яна ўзга бир тарафга бошларди. Нишотийнинг “Хусну дил” достонида Ақл билан Ишқ жангига нобуд бўлган ҳиссиётларни эслади Абдулла. Эскилар барини билишган. Биз: “Дунёга янгидан келдик, дунёни янгидан яратамиз!” – деб ўйлаймиз, аслида дунё хутустига жойлашган ўша эски тогораю эски тос. Берироғиям гапми, эскилар Хутнинг ичига-да Юнус пайғамбар каби кириб чиқишган. Лекин ҳар бир янги бўғин барибир ҳаётни бошқатдан бошларкан, ўз бошини ўз тошига уриб шиширмагунча, тиниб тинчимас экан. Майли, бу фалсафалар дурусту хатни қандай қилиб ўқиса экан Абдулла? Кеч тушгунча кутадиган бўлса, юраги ёрилиб кетиши тайин... Макрларини ўйлаб ўтирган эди Абдулла, лекин инсоннинг ҳар бир мақрига Оллоҳнинг ҳам мақри бор деганидек, тушлик бўлмасдан Абдулланинг номини айтиб, эшикка чақириб қолишиди.

Аввалига шошилди Абдулла: “Чиндан ҳам мени чақиришдими?” – деб гумонсиради. Чунки тергов битиб бўлган. Отувга олиб чиқишадиган бўлса, бомдодда уйғотишади. Кейин, ундан аввал бу навбатда турганлар камерада кўп...

Фақат оти такрорлангач, у туриб, эшик томон юрди. Қоровул аскар уни тепага эмас, қамоқдаги сўрокхона томон жадаллаштириди. Бу хонага эшик очилдию, ичкарида тик турган Винокуров аскарга: “Сен бўшсан!” – деб чиқариб юбордида, Абдуллага пичирлаб:

– Сени Тригулов чақирирган. Ҳозир тушиб колади. Илгарироқ кўриб қолай дедим, биродар. Бугун пасхамиз. “Христос воскрес!” – дея Абдулла томон энгашида-да, уни қучоқлаб юзидан ўпди.

Абдулла болалигидан бу одатни биларди... Ўша одатни эслаб, Винокуровнинг кўзлари жиққа ёшга тўлди. У қўйнидан ранг-баранг тухумларни чиқариб, Абдулланинг чўнтакларига солди.

– Камерада еволарсан, биродар, – дея шошилиб кўзларини артди-да, хонадан чиқиб кетди. Абдулла атрофга аланг-жаланг боқиб, эшикка қулоқ солди. Фақат Винокуровнинг эшиқдан узоқлашашётган қадамлари. У қўлини чўнтағига тиқди-да, тухумлар тагидан мактубни чиқарди... Йўқ, буниси эмас! Мана буниси... Бу типирчилашда иchlари қизиб, пешонасини тер босди. Мана буниси... Қани энди бармоқларида ёзилса-чи... Намунча бесўнақай бўлиб кетибди бармоқлари... ўғрилар билан қарта ўйнаб турса бўларкан... Ахир у бир парча катак қофозни очди... Ўғли Ҳабибуллонинг кунгурасимон хати... Тузалибди-да!

“Ассалому алайкум, адажоним! Омонмисиз? Биз тинчмиз, кўркманг. Аям қишлоқда. Ман боқقا қаравотман. Хавотир олманг. Ўғлингиз Ҳабибулло”.

Даҳлизда нағал қоқилган этикларининг товуши яқинлаша бошлади. Жаллод Тригулов келяпти. Абдулла жон ҳолатда хатни ғижимлаб, чўнтағига тиқди. Эшик шарақлаб очилди.

– Ҳа, ҳалиям тирикмисан? – деб ҳазиллашгандек кирди терговхонага Тригулов. У тўрга чиқиб, ўз ўрнига ўтириди-да, Абдуллага ҳам ўрин кўрсатди.

Абдулла ерга қотирилган табуреткага ўтирди. Ҳали ҳам у ич-ичидан қизир, рост пешонасининг тери Тригулов турқидан қотиб, у тезда ўзини босиб олди. Яна нималарни тайёрлабди бу дажжол. Ўз ерига ўтирган биткўз Тригулов Абдуллага қараб, папиросини тутатиб олди-да, тутунини у томон пуллади.

“Лаззатланаяпсан-а, абллах!” – деб кўйди ичиди Абдулла.

– Мен сени ҳалқ ёзувчиси деб ўйласам, бутун ҳалқинг сенга қаршию, – деб Тригулов Абдулла ўнгига бир даста газета ташлади.

“Хоинларга ўлим!”, “Ўзбекистон меҳнаткашлари ашаддий ҳалқ душманларини отиб ташлашни талаб килишмоқда!”, “Ярамасларга шафқат йўқ!” – деган бақироқ сарлавҳалар. Бир-икки жойида “Чўлпон, Жулқунбой...” деган отларни кўриб, Абдулланинг юраклари эзилиб кетди. Буниси ҳам етмагандек, Тригулов унга яна бир шапалоқ қофозни узатди.

“ЎзССР Адабиёт ва нашириёт ишларининг бош идораси “Узглавлит”

287-сон. 1938 йил, 15 апрель

ЎзССР НКВД Давлат Хавфсизлик Бошқармасининг 4-бўлими, ўртоқ

H. Тригуловга

Ҳалқ душмани сифатида фоши этилган Абдулла Қодирий (Жулқунбой)нинг барча китоблари ва брошиоралари 1937 йил рўйхатига биноан йиғиштириб олинганини маълум қиласиз.

“Узглавлит” бошлиги Аскулов”

– Мана, – деди Тригулов, – сендан асар ҳам қолмайди! Айтмадимми сенга, менга қулоқ сол, деб. Истамадинг. Энди ўзингдан кўр... – Кейин бир оз сукут сақлаб, яна мазза қилаётгандек, тутунни ичига тортди-да, куйиндисини Абдулла томон буркситди. – Романимиз эса сенсиз ҳам илдамлашяпти, – деди у бирдан. Ҳа, худди шундай, “романимиз” деб айтди. – Ҳамма сени сотди – шогирдларинг, дўстларинг, ҳамкасларинг, ўқувчиларинг. Фақат мен сенга муносабатимни ўзгартирганим йўқ. Сен ёзмаган нарсангни мен ёзиб ётибман.

Абдулла ҳайрон бўлиб Тригуловга қараганди, терговчи унга тушунтиргандек:

– Сенинг ҳаётингни, – деб изохлади. – Лекин, кел, роман қайси томонга сийжиятганини сенга ўқиб бера қолай. – У “Ер юзи” журналининг ичига бир неча варақ қофозни кўйди-да, чамаси, улардан ўқий бошлади:

“Бу хатда шундай сўзлар ёзилган эди: “Сени деб икки дунёдан воз кечиб, динимдан чиқдим. Ҳозир бошимга мушкулликлар жала бўлиб ёғиляпти. Ёнимда биронта маҳрамим ё ҳамрозим қолмади. Кел, биргаликда бу шаҳардан, бу ўлқадан бош олиб чиқиб кетайлик!”

Мактубни ўқигач, хотини хат етказган одамни кутдирмасдан жавобини ёзди: “Эй, нопок эрим! Сен наҳотки “Баҳори дониш” деган китобни ўқимаган бўлсанг?! Ё Бархудор Туркманинг “Махфил оро” китобига кўзинг тушмаганми? Жилла курса “Тўтинома”ю “Чор Дарвеш”ни мутолаа қилгансан-ку, “Жомеъ ал-абвоб” китобини ҳам кўлингда кўрган эдим. Буларнинг барида эрлар давлат қўлида бор пайтда хотинларидан нима яхшилик кўрибдики, шипшийдам бўлган чоғларида улардан муруvvват кутишса, деган фикр мавжуд. Шуни била туриб мени ўз ёнингга чакирасанми?!”

Тригулов овозини келиштириб, артистона ўқигани сайин Абдулланинг кўзларига қон қуйилиб борар, бармоқлари босқондек муштумга тугилиб, нафаси тобора қисиларди. Ахир Тригулов:

– Қишлоқда беркинган хотинингдан бу хатни олгач... – дейиши билан Абдулла сапчиб, ўзини Тригулов томон ташлади.

– Аблах! Ўлдираман, онағар! – деб стол уза унга ташланар экан, стол устидаги қоғозлар сирпаниб, Абдулланинг кўллари Тригулов ҳалкумida эмас, ҳавода осилиб қолди. Тригулов чийилдок овозда:

– Карапул! – деб увиллади. Шу заҳотиёқ камерага икки аскар келиб, Абдуллага ташланишди ва кўлларини қайириб, қоғозлари сочилиб кетган столга бошини юзтубан ура бошлишди.

Абдулла буларга қаршилик кўрсатай деганида, Тригуловнинг нағал қоқилган этиги келиб бошига урилди.

Булар учаласи Абдуллани моматалоқ қилиб, уриб-тепиб кетишиди...

Чалажон Абдуллани камерага олиб келиб ташлашгач, Муборак билан Фитрат домла хўл латталар билан унинг қонаган юзинию бошини артишди, топилган қоғоз борки – куйдириб(булар орасида Абдулла чўнтагидаги хатларни ҳам кул қилиб),пахтадоф ўрнида яраларига босишиди. Тун ярмида ҳамма ёнлаб ухлаб ётганида, Абдулла судралиб, бурчакдаги параша олдига борди-да, чўнтакларида пачоғи чиқиб кетган тухум увоқларини пақирга бўшатди. Ейишга ярамаган бўлса-да, балки анави абллаҳлар ётқизиб тепишганида, жигарими, буйрагини сақлаб қолгандир бу пасха юмуртқалари...

* * *

Оғриқ бир тараф, Тригулов ўқиган парча иккинчи тараф бўлиб, тун бўйи мижжана қоқсанни йўқ Абдулла. Абдулла ҳар бир романими қиссасига киришганида, бир бошдан то охиригача ёзмасди. Ўасарнинг асосий режасини тузиб олиб, кўпинча қисса нима билан тугалланишини ўзига аниқ-тиник қилиб оларди. Баъзида охирги саҳнанинг қораламасини, мусаваддасини ҳам ёзib кўярди. Кейин эса хикояни ўша мўлжал томон чоптиради. Рост, йўл-йўлакай хикоя кутилмаган томонга бурилиб кетиши ҳам эҳтимолдан холи эмасди, бироқ қиссанинг яхлитлигию мавзунлиги ана ўша мўлжалга интилиш ёрдамида анчайин сакланарди. Тригулов ўқиган парча – Абдулланинг шийпонида беркитган қоғозларидаги охирги саҳналардан бири эди.

Бу саҳнада Хўқанд учун жангда мағлубу варта бўлиб, Андижоннинг Бўтақора қишлоғига қочган Мадалихоннинг ўз суюкли хотини Ойхон поишшага юборган хатио Ойхон поишшадан келган акс жавоб тасвир этилган эди. Тригулов уни қарийбки сўзма-сўз қайтарди. Ҳойнаҳой, тасодиф бўлмаса керак буниси. Рост, Абдулланинг эсида, у ерда “қишлоқ” деган сўз йўқ эди. “Қишлоқда беркинган хотинидан” – дейиши биланоқ Абдулла бу гапнинг иғво эканлигини англаб, энагар Тригуловнинг Раҳбар биби орқасига тушганини туйдио, бунисига чидай олмади...

Наҳотки бу ярамас Раҳбарни тинч қўймаган бўлса?! Бу жинқарчлардан ҳар нарса кутиш мумкин! Суннат эрталаб келса, гаплашиш керак. Суннат орқали яна хат бериб юборсамикан: “Узокроққа – Сайрам-пайрамми, Тўқмоқ-пўқмоққа бориб тур!” – десамикан. У ерлар ўзбеклар учун тинчроқ бўлса керак! Уйини эслаб, ўғли Ҳабибуллонинг бир-икки хато билан ёзган хатчаси Абдулланинг хотирига келдио, кўзидан иссиқ ёш сирқираб оқди. Нима деб ёзибди: “Ман боққа қаравотман. Ҳавотир олманг!” – демак, тузалиб қолибдида тўнғичи, ўзининг дўхтирилик ўқишига боряптимикан? Ҳабибуллоси анойи эмас, унга ҳам Абдулланинг зийраклигию одамларни кузатиш қобилиятидан юқкан. Абдулла, айниқса, “Обид кетмон”ни ёзаётганида, ўтираверганидан танчада оёклари увушиб кетса, уларни ёзгани туриб, қўшни хонада дарс қилиб ўтирган Ҳабибуллосини чакиради-да: “Қани, мавлоно, энди сизданам

эшитайлик!” – дерди, шунда Ҳабибулло Абдулланинг кўзига илинмаган қизиқ-қизиқ гаплардан қиласди. Бир куни ёзнинг энг иссиқ жазирамасида Ҳабибулло атири гулларга сув сепар экан, буларнинг кўшниси Исоқжон домла кириб келибди-да, йигитчанинг ишига разм сола туриб:

– Шу гулзори чаманингнинг ҳиди қанчаларга бораркан, ўғлим? – деб сўрабди.

Домланинг саволига дабдурустдан тушунмаган Ҳабибулло иккиланиб турса, домла нима дер эмиш:

– Бу гулларингнинг ҳиди нари борса – кўчанинг ҳаддига етади. – Кейин қўшиб қўйибди: – Аммо жаннати ризвон гулларининг ҳиди уч йиллик пиёда юриш масофасига етиб борар экан...

– Сиззи Калвай маҳсумийззи ўзгинаси, – деган эди ўшанда зукко Ҳабибулло.

Ҳабибуллосидан Абдулланинг хаёллари бошқа болаларига ўтди, бошқалари қаерда экан? Онаси биланмикан? Уларга ҳам палид қўлларини узатмаса манави ўргумчак...

Кейин боғини бирданига эслади Абдулла. Нега деса, Фитрат домла унинг киссасидан саккиз буқлангану аллақачон атири ҳиди йўқолган рўймолчасини олиб, Абдулланинг пешонасида этик нағали очган қашқа устига боғлаб кўйган эди. Боғда ишлаганида рўймолчани пешонасига боғлаб ишларди Абдулла. Токлари нима бўлдийкан бу баҳор? Ёздимикан, тарадимикан ишкому бағозларга новдаларни Ҳабибулла? Вайиш-ишкомнинг бир-иккита истаги узилиб бағозлар бўшаб қолган эди. Эпладимикан буларни тўнғичи? Дасканасукуналарни топдимикан?

Ҳозир ток барглари кўкариб, каватак қиладиган пайт... Гилосу, ўригу шафтолилар довча тугиб, кампирлар болаларга “Кўкини ема, бўқоқ бўлиб қоласан!” – деб қўрқитишаётгандир. Афсус, Абдулланинг ҳовлисида на Жосият онаси, на Раҳбар хотини болаларни тия олади. Ҳабибулла эсли йигитча, ўртоқлари ҳам анча қуйилган, довча деб шоҳ-поҳ синдиришмайди...

“Боққа қаравотман” – дебдию ўғли, полизни нима қилди экан бу или? Помидор кўчати олишга пул топишдимикан? Редиска уруғи арzonроқ, омборда ўтган йилдан ортиб қолганиям бор эди. Буларни ёзмабди. Ҳойнахой, полиз қилмагану бу йил, бола-факир... Ўқишидан ҳайдалмаган бўлса, гўрга... Нима ейишар экан ёз бўйи, ё қишлоқда туриб келишармикан? Агарда маҳалладаги Иноғам отани қамашмаган бўлишса, ундан экинликка картошка-партошка қарзга олиб туришсамикан? Буни ҳам Ҳабибуллага ёзуб юбориш керак. Ё тўхта, гардкам деб Винокуровнинг ўзидан сўрасамикан? Бошингнинг яраси унинг рўймолчаси билан боғланган, жуда бўлмаганида шунисига ҳам шукур қил, деб уқтириди ўзига-ўзи Абдулла. Ешлигидан бери китоб ёзади, одам танийман деб ўйлаганида, яна ўша танидим деган одамида адашади...

Яна тўзиб кетди Абдулланинг фикрлари, бири боғдан келса, бири тоғдан келяпти...

* * *

Муборак отилиши олдидан ташлаб кетган қоғозлар тарихий жиҳатдан беқиёсу беназир ҳужжатлар эди. Бирин-кетин буларни ўқиб, сўнг бир чимдим таъмаки ўраб, барини ичига олди Абдулла. Фитрат домла билан ўша ҳужжатлардаги маълумотларни ўсмоклаб бўлишса, билмаган нарсаси йўқ домла ҳам: “Буни қаердан ўргандингиз?!” – деб ҳайратда қоларди. Қанийди бу ҳужжатлар Абдулланинг кўзига озодликда тушса бормиди, қиссасини шундай жилолар билан ўйнатиб юборардики, Алавия айтмиш: “Ўткан

кунлар”у “Мехробдан чаён”ларни ҳеч ким ўқимай қўярди. Ундаи деса, тақдир истехзосини қараки, анавинда Тригулов “Узглавлит” бошлиғининг хатини кўрсатмадими – усиз ҳам энди ўқишга на “Ўткан кунлар”ни, на “Мехробдан чаён”ни, на “Обид кетмон”ни топа олишади. Барини мечкай яканчидек йифиб-териб олишибди. Энди куйдиришса керак. Гулханлар ёқишиша керак. “Мулла Гулханийга айландинг энди мулла Абдулла”, – деб ўзига пичинг қилиб қўйди у.

Муборак қолдирган қофозлар орасида нафақат инглизлару ўзимизнинг хонлар, балки руслар ва хусусан Абдулла билган Иван Виткевич хақидаги бир ҳужжат Абдулланинг дикқатини ўзига тортди.

Ёшлигига Польша мустақиллиги учун курашган Ян Виткевич Оренбургга сургун қилингач, у ерда форсчаю туркча лаҳжаларни ўрганиб, Оренбург ҳокими генерал Перовский уни Хиваю Бухорога жосуслик учун юборганини Абдулла бир бобчада ёзган эди. Бухорога у ўзининг таниши Шопўлат деган мардона йигит билан биргаликда карвонга қўшилиб боради. Шопўлат ўзи бухоролик савдогарлардан бўлиб, унинг отаси қозоклардан, онаси эса бухоролик ўзбеклардан бўлади.

Йўлда ҳаммаёқни қор босган эмасми – иккита карвон бир адир ўнгига кори босилган чийир учун талашиб қолишади. Шунда Шопўлат отини чоптириб, талаш ерда бухороликларнинг бир қанчасини уриби-йиқитиб, жўнағайни ўзларининг карвонига олади. Кек сақлаган бухороийлар: “Ҳап саними, ҳали Бухорода сан билан гаплашамиз!” – деб аламларини ичларига ютади...

Виткевич Ҳакимбекни тасвирлар экан, уни: “Филай бир чол, доғули ва ўта таъмагир, беҳад сарватманд – бухороликларнинг баридан, ҳатто амирдан ҳам бойроқ, – дейди. – Унинг қарамоғи остида ошхонаю отхона, хоннинг бутун саройи ва унинг маъмурияти, у ҳар нарса: қози, миршаб, меҳтар, шиговул, барча соҳаларда ўнг қўл вазир, божхона ҳам, юқорида айтилгандек, унинг тўлиқ тасарруфида”.

Виткевич қушбегининг олдида саккиз дафъа бўлган экан, очиқдан-очиқ нима учун Бухоро: “Тоғдаги буқа – инглизларга – бут йирмасдан, ёнидаги руслар билан савдо-садиқ қилиши кераклигини” унга тушинтиради, бу ерда кул бўлиб қолиб кетган русларни олиб кетиш пайдан бўлади. Бироқ пиҳини ёрган Ҳакимбек ҳам бўш келмади. “Нима қиласан ўрисларингни олиб кетиб? Ана бу ерда ўз динларидан чиқмай, ҳар байрам ўлардек маст бўлиб юришибди-ку!” – дейди.

Бир-икки шундай саҳналарни ёзса Абдулла, сўнг Виткевичнинг Амир Насруллоҳ хузурига чақирилганини тасвирласа.

Қиши пайти эмасми, Аркка чақирилгач, Виткевич пўстину дагалайида саройга кириб келса, амир дераза пештоқида нимдошгина шапарак чопону яктакда ўтирганмиш. Кўкраги яп-яланғоч, бошида гул дўппи. Меҳтар Виткевични ҳовлидан ўша дераза сари етаклаб, ўн қадамча қолганда тўхтатиб, ўзи биқин салом қилибди. Ҳон соқолини қизғиш ёғоч тароқда тараабди-да, орқасида турган жавонча унга қайчи узатибди. Виткевич ўйдайганича сўппайиб тураверибди. Меҳтар унга: “Таъзим қил!” – деб енгидан тортармиш. Амир унга назар қирини ташлаб, меҳтардан:

- Ўзбекча биларканми? – деб сўрабди. Виткевич:
- Ҳа, ўзбекча ҳам биламан, форси ҳам мефаҳмам, – дебди.
- Ўрисмисан? – деб сўрабди амир.
- Ҳа, ўрисман, – дебди Виткевич.
- Қачон ва нимага келдинг?

– Бир ойча бу ердаман, даштга юборилган эдим, йўл-йўлакай Бухорога ҳам кириб ўтай дедим.

- Яна узоқ турасанми?
- Мумкин қадар эртароқ қайтмоқчиман.
- Ихтиёр – дебди хон. – Шаҳарни кўрдингми?
- Кўрдим.
- Ёқдими?
- Ёқди.
- Қанақа хизматдасан?
- Пиёда.
- Остингда қанча аскаринг бор?
- Етмиш бешта.
- Юзбоши ҳам эмас экансан-да. Замбаракдан отишни биласанми?
- Йўқ.
- Шунга чақиртирган эдим. Майли, кетишингдан олдин қушбеги олдига кириб ўт!

Меҳтар яна Виткевичнинг енгидан тортиби. Виткевич таъзим берib, карvonсаройига қайтиби.

“Буниси ҳам яхши саҳна, – деб ўйлади Абдулла. – Амирнинг феъли-хўйини яхши акс эттиради...

Буларнинг барини эслашдан мақсад – Виткевич ё Иброҳимбекнинг Бухорода пайтида армани Бархудорни, аффон Ҳусайн Алини, айниқса, ерли Шопўлатни ишга солиб, жосуслик маълумотлари йикқани. Буларнинг бари Бухоронинг казолари билан олди-берди қилас, шунинг учун сарой сиёсатию лашкар ҳолати, мудофа иншоотларию молия оқимлари булар учун сир эмасди. Шопўлат булар ичida энг жонбози эди.

Етарлича маълумот йигилгач, Виткевич Оренбургга қайтиш пайдан бўлди. У карvonларнинг бири билан гаплашиб бўлгач, бир кеча Давлатбеги карvonсаройига Шопўлат кириб келди-да: “Кушбегининг энг яқин дўсти Мирзо Зикирдан эҳтиёт бўлинг, у сизни заҳарлаб ўлдирмоқчи”, – деди. Виткевич: “Буни каердан билдинг?” – деб сўраган эди, Шопўлат одатдагидек: “Узумини енг, боғини сўраманг”, – деб қўя қолди. Ҳозирга қадар у Виткевични бирон марта алдамаган ё адаштиргмаган. Аксинча, қозоқ чўлларию адирларида буларнинг карvonига қароқчилар кечаси ёпишганида Виткевичнинг умрини сақлаб қолган.

Бироқ Виткевич эртасига бутун қурол-яроғини камарларига тақиб, Ҳакимбек қушбегининг олдига бориби-да: “Мени одамларингиз заҳарламоқчи эмиш”, – деб дағдага қила бошлабди. “Кимда-ким менга қарши турса, ҳар бирига биттадан ўқим етади!” – деб пўписа қилибди.

Йўқ, Вобкентда эҳтиёт шарт карvonини ҳам алмаштириб, ўз дўстии ёрдамчиси – аффон Ҳусайн Али билан у эсон-омон Оренбургга етиб олибди.

Лекин Муборак қолдирган қоғозларнинг бирида бу ҳикоянинг Абдуллага номаълум бўлган жиҳати очилиб қолди. Ҳодиса Санкт-Петербургнинг “Малая морская” кўчасидаги “Париж” меҳмонхонасида 1838 йилнинг май бошларида юз беради. (Роппа-роса юз йил аввал, деб ўйлади Абдулла). Ян Виткевич бу сафар подшоҳнинг ўзи билан учрашиб, унга Бухорою Афғонистон ҳақидаги ҳисоботу режаларни кўрсатиши керак. Бироқ 8 май куни қечкурун унинг хонасини кимдир тақиллатади. Эшикни очса савлатли бир инсон турибди.

- Константин, сенмисан? – деб сўради у.
- Ҳа, граф Константин Тишкевич, сенинг ёшлик ўртоғинг! – деб жавоб

берди серсавлат бу одам. Булар кучоқлашиб қўришишади. Виткевич ўз дўстини ичкарига таклиф қиласди. Булар гимназияда ўқиб юришганига салкам йигирма йил тўлган. Орада шунча ҳодисалар содир бўлибди. Булар қизил француз шароби устида бир-бирларига ўз ҳаётларини сўзлаб берар экан, Тишкевич борган сари қизарib борар, бироқ бу шаробнинг таъсири эмас, Виткевич хикояларининг эткиси эди.

– Демак, энди подшоҳ билан кўришиб, унинг қўлидан нишон оламан дегин? – деб қайта сўради у Виткевичнинг юзига тикилиб.

Виткевич бирданига сесканиб, факат бош ирғаб қўя қолди.

– Эсингдами, – деди Тишкевич, – Сену мен ўн олти ёшимизда нималар устидан қасам ичган эдик: ўзимизнинг мамлакатни Россия чоризмию мустамлакачилигидан кутқарамиз деб. Керак бўлса, жонларимизни ҳам аямаймиз, деб онт берган ким эди, Ян?!

Виткевич жағ безларини ўйнатиб, сукут сақларди.

– Ўттизинчи-ўттиз биринчи йил ватанинг исён кўтариб, ҳар бир эркагига муҳтож бўлганида сен қаерда эдинг?!

– Оренбург чўлларида, – деб ғудирлаб қўйди Ян.

– Отингни ҳам Иван қилиб юборибсан. Нималар бўлди ўзи сенга? Мен яқинда Бухорога қазилмалар ўтказгани борган эдим. Сени у ерда ҳам эслаб қолишибди. Шопўлат деган инсонни танирмидинг?

– Кўрдингми уни? Қалай экан? – бирданига жонланди Виткевич.

– У сени заҳарлашдан кутқармоқчи бўлганмиди?

– Буниям сенга айтдими, даюс! – деб севинди Ян.

– Сен эса камарингга тўппончаларингни тақиб, қушбеги олдига борганимидинг?

– Мен ўзимни жосус десам, сен менданам ошиб кетдинг-ку, оғайни!

– Кушбегига бу хабарни кимдан эшиштанингни айтганимидинг?! Билки, сен кетишинг билан улар Шопўлатни тутиб, Минораи Калондан ерга ташлашган...

– Йўқ! – деб бақирди, бошини чангллаганича, Виткевич.

Тишкевич қўлқопи билан шляпасини олди-да,

– Сотқин! – дея хонадан чиқиб кетди.

Эртасига “Париж” меҳмонхонасининг 42-хонасида поручик Ян Виткевичнинг жасадини топиши. Қўлида эса қушбегига пўписа қилган тўппонча...

* * *

Абдулла бу ҳодиса хақида ўйлаб, уни Винокуровнинг 42-хонада ўзини отгани билан пайвандлар, буларнинг иккисига эса бу қофозни қолдириб кетган бечора Муборакни уймалаштиради. “Ўлим мавсуми” бошланганидан ташқари, Виткевич фожиасида яна бир жиҳат Абдулланинг ўйларини эгалларди. Ўзини отишдан аввал у ўзича ўйлаган бўлса керак: “Мана мен бу қолоқ осиёликларни баҳтли қиласман деб чор хукматининг намояндаси, гумаштаси бўлдим. Оқибатда нима бўлди – чор хукмати Шарқда бошқа минтаقا – Туркияю Эронни танлади, уларни сиёsat устувори деб билди. На Бухоро, на Афғонистон эса буларнинг биронтасига керакмас. Орада эса Шопўлат менинг қасримдан ўлиб кетибди, менинг ҳам жонимни жабборга бериб, чўллару сахролар бўйлаб изғишим пучга чиқди... Ўн олти ёшимда она ватанимни Россия мустамлакасидан озод этаман деб онт ичган одам, энди бошқа халқларнинг бошини ҳам ўша сиртмоқча тиқмокчи бўлдим... Орада эса Шопўлат менинг жатимдан ўлиб кетибди... Бутун дунёни баҳтли қиласман деб, бир одамни ўлимга маҳкум қилиб кетибман. Орада эса Шопўлат менинг

касримдан ўлиб кетибди... Менинг ҳаётимни бир эмас, бир неча бор сақлаб қолган Шопўлат..."

Абдулла Фитрат домла билан ҳам бу ҳақда узок-узоқ сўзлашарди. Бошка ҳалқни баҳтли қиласман деб қулликка маҳкум этган ҳалқлар ҳакида улар анча тортишишарди. Руслару Винокуровни эслашарди, "Хинд ихтилолчилари"ни тилга олишарди.

Бир сұхбатда Фитрат домла бундай деб қолди:

– Абдуллажон, бир нарсаны инкор этиб бўлмайди: биз чинданам ботқоқка ботиб ётган эдик. Маълумингиз, бу ҳақда мен кўп ёздим. Қизилсўзлик қилиб, шўролар даврида эмас, қизилсўз камсомонлар туғилмасдан илгари – амир Бухоросида. Кўп ўйладим, нимага Ғарб илгарилаб кетди-ку, бизнинг мусулмон Шарқ эса бутун имтиёзларини қўлдан бой бериб, турғунликка юз тутди.

– Хўш, нимага экан? – деб сидқидилдан қизиқди Абдулла.

– Бунга бир қанча сабаб топдим, – деди домла. – Биринчидан улар "Маърифат" деб аталган даврда Худоникини Худога, одамникини – одамга қабилида ажратиб олишди. Аслида, бизда ҳам бу ҳодиса рўй бериб бўлганди. Баҳоуддин Накшбандий ҳазратлари буни машҳур: "Дил ба ёр, даст ба кор" ибораларида айтиб кўйган эдилар. Ҳалқ орасида ҳам: "Сендан ҳаракат, Мендан баракат" – деган шиор мавжуд.

– Хўш, унда нимага уларда ишладио, бизда ишламади?

– Улар бу шиорга ўзларининг таълимот тизимини ҳам ўтказишидида. Университетлар куришди, инсоний илмлар билан шуғулланишди, қашфиётлару ихтиrolар этишди. Биз эса жадидий мактаблар келмагунча, фақат охират илмини қилиб юрдик. Ўзим уни ўн беш йил ўқиганман, ичидан биламан, – деди Фитрат домла.

Бир оз хотирага берилгандек бўлди-да, фикрини давом этди:

– Кейин уларда аввалига зеҳнда, кейин ҳаётининг ўзида шахс ўзини уммиятдан озод хис қила бошлади. Шахсий ташабbus деган нарса уйғонди. Кими қаҳрамонлик қилиб, Американи қашф этса, бошқаси қутбга борди, тоққа чиқди, денгизга тушди. Кимдири эса корхона очди, қўй бокди, сут соғди. Асосийси – ишлаб чиқаришда мусобақа бошланди. Зеҳнда бошланган жараён – иқтисодга уруф бўлиб тушди.

– Буниси бизга тўғри келармикан, биз ҳар ҳолда уммавий ҳалқмиз. Оила деймиз, маҳалла-гузар деймиз, шаҳар...она юрт, миллат...дегандек.

– Абдулла, ҳамма гап мана шунда-да, – бир оз тоқатсизланди Фитрат домла. – Майли, менинг гапим сизга тескари кўринса, ўзингизга қаранг, китобларингизга қаранг! Отабекни Отабек қилган нарса нима? Унинг ичдан эркин шахсияти. Барчага зид гапларини кўйверинг, ҳаракатига эътибор беринг. У ахир ота-онасига айтмасдан Кумушга уйланди-я! Қайси сиз айтаётган маҳаллачилиқда, уммачиликда, ўзбекчилиқда бор бу нарса?!

Фитрат домла улкан пешонаси остидан ўткир кўзларини чараклатиб, Абдулланинг ич-ичига тикилди.

– Дўстим, сизни Абдулла Қодирий қилган нарса ҳам худди шу ички озодликнинг ҳуввият эркининг ўзгинаси... Лекин Ғарбни музaffer Ғарб қилган яна бир сабаб бор.

– Қанақа? – деб кизиқсинди Абдулла.

– Конун кучи. Бошқанинг эрки сенинг эркингга раҳна солмаслиги учун ҳар тарафнинг қонун олдида тенглиги лозим. Сиз билан бизнинг ҳозирги қонунимиз эмас, – деб истехзоли қулиб қўйди домла. – Лекин қозиу

қуззотнинг замонасоз шариати ҳам эмас. Биласизми, сиз қизиқкан Амир Насруллоҳон даврида ана ўша қозию қуззот бачабозликни машрӯй қилиб фатво чиқаришган.

– Хўқандда модарзанликни оқловчи фатволар олдида буниси ўйинчоғу, – деб ҳазиллашгандек бўлди Абдулла.

– Конун олдида тенглик эса имкониятлар тенглигига пойдевор. Бояги шахсий ташаббусга кўшилиб, бу кечаги қашшоқнинг эртанги сарватманд бўлишига турткидир.

Абдулла Обид кетмон ё Берди татар ҳақида бир нарса демоқчи бўлдию, эътирозини ичига ютди. Баҳсларда ҳам, бояги Виткевичнинг бошидан кечганлари каби: бирорни оқартириб-ўқитаман дейсану, орада фикр ўлади...

* * *

Абдуллани тирик ушлаб турган нарса – унинг қиссаси эди. Йўқса, унинг ҳолати “Париж” меҳмонхонасиning 42-хонасида ўз умри ҳақида ўйлаб ўтирган Иван Виткевичдан ё НКВДнинг 42-хонасида яккаю ягона ўқини қаёққа отишини чамалаб ўтирган Винокуровдан (отини ҳам сўрамабди Абдулла) тузукроқ эмас эди. Рост, унинг кўлида ўзини отадиган қуроли йўқ, лекин одам жонидан тўйса, тўппончадан бошқа қурол ҳам топилади-ку. Камида-ирода. Ўлишга ихтиёр...

Профессор Засипкин ўз шахмат партиясини битиришга интилгандек, Абдулла ҳам бу қиссани ёзib битказмаса-да, сўнгига қадар ўйлаб битказиши керак эди. Нимагами? Чунки ҳар бир нарсани тугатгач, сенга ўзинг билмаган нарса очиладики, ўшанда сен бу асарни шахсиятингдан эмас, хуввиятингдан тугул, ғойибдан ваҳий бўлгандек қабул қиласан. Наҳотки буни мен ёзган бўлсам, деб ўз-ўзингта ишонмайсан.

* * *

Султон Маҳмудхонни Амир Насруллоҳга топшириб келган шаҳрихонликлар тортиқларини кўз-кўз этиш баробарида Хўқанд саройида ким-ким қамалганларини ҳикоя қилиб келдилар. Бу ҳикояни эшиштган Ойхон пошша ўйланиб қолди. Тўғри қилдимикан у эридан учини олиб? Тўғри қилдимикан Султон Маҳмудхонни шаҳрихонликлар қўлидан қутқармасдан? Тўғри қилдимикан кундошию қайнонаси Моҳларойимни бу ерга олиб қочмасдан?! Буларнинг барининг қамалишида Ойхон пошшанинг қўли йўқмикан, ё Ҳофиз айтмиш:

*Дилам ҳазонаи асрорбуд, лек дасти қазо
Дараи бибасту, калидаш ба дилистонам дод...
(Дилим ҳазинаи асрор эди, лек қазо дасти
Эшигини ёпдию, калитини дилситонимга берди).*

Қазонинг дастими бу – улардан бирма-бир интиқом олаётган? Йўқ, барibir ўзини сўроқлаб қийнар эди Ойхон, шундай шўрпешона бўлиб туғилган эканки онадан, бу дунёда қаю ишга қадам кўйди, ундан фақат зиён бўлди. Ўратепа қирларини хушлаган эди, отасини Шаҳрихонга бехонумон сургун қилишди, Сайд Қосимни севган эди, уни зўрлаб, Амир Умархонга никоҳлашди. Бирор Ойхонни зўрлаган дарранда ҳам узоқ яшагани йўқ. Ойхон пошшанинг гайбона қарғишлари етдими Худога, ўттиз ёшида оламдан ўтди. Эндинга: “Қутулдим!” – деб ўйлаганида даррандининг ваҳшийроқ ўғли Мадали мода дин ақидаларини депсаб ўтай онасини ўз никоҳига олди. Буниси ҳам майли,

бегуноҳ Муҳаммад Шарифни чўқтириб, маъсум Сайид Қосимни тошбўрон қўлдирди. Мана энди унинг ҳам бошида жаллод қиличини қайраётган бўлса керак. Буларнинг бари Ойхон пошшанинг бўйнида бўлмасин тагин! Ундан туғилган икки мақто фарзанди бор эди. Буларга меҳри энди очилганда анави рашқдор чиябўри бирини Амир Насруллоҳга гаров берди, иккинчисини эса саройга камади. Энди маъсум шаҳзодаларнинг иккиси ҳам Хўкандда, қамоқда ўлимларини кутиб ўтиришса керак. Бу ўлимларнинг бари охират куни Ойхоннинг ҳисобига тушмаса... Айтишларича, Амир Насруллоҳон Ҳон Али дарвешни ҳам қамаганмиш...

Нима қилса экан Ойхон пошша бедор ярим тунда? Дуолари ҳам чексиз гуноҳларидан булғаниб, энди Худонинг қулоғига етмаса... Балки Амир Насруллоҳоннинг олдига бориб, ўзини унга топширсамикан? Айтса: “Мана, урушни эрим Мадалихоннинг муртадлигига қарши очибсан, аслида у эмас бу муртадликка сабаб, аслида сабаби менман. Мени ўлдир, қолганларни қўйиб юбор!” Ҳа, шундай қилиши керак. Шунда Худонинг раҳми келиб, бир хонадон хонзодаларининг дуолари Таолога етиб, зора, бор гуноҳларидан кечиб, зора, охиратини берса!

* * *

Қисса – Абдулланинг хаёлида охирлагани сайин – тобора ўзига ёқмаяпти. Попуклаб-гажимлаб кетмаса дегани. Одатда авждан кейин фуромад келиб, унда чигаллар ёзилгич эди, мушкуллар осон бўларди. Бироқ атрофдаги хаёт (кошки уни хаёт деб бўлса!) таъсирими – гираку тугунлар қайта боғланмоқда, аёндан ноаёнлар сони қўпайиб бормоқда. Қамоқ бошида, қиши куни бари оқу қораю аниқ-тиниқ эди. Ким дўст, ким душман... Бунисини ҳам Ҳофиз айтиб кетган экан:

Ки ишиқ осон намуд аввал, валие афтоод мушкилҳо...
(Ки ишиқ осон кўринди аввал, валие тушибди мушкуллар...)

Қумлоқлик Суннатнинг қораси ўчди, Винокуров ўзини отди, Муборак сирли равишда ғойиб бўлди, Тригулов ниҳоят ёрилди, Ойхоннинг гўёки ўз ниҳоясига етган умрини қайтадан Амир Насруллоҳу Абдусамад ноиб, Роҳилаю Ҳон Али дарвешлар лойқалантириди. Ўтган кузак мўлжалланган асари қайда қолдию ҳозир ижирғанганд, тоқатсиз миясида шакл қидирган бу тирик қисса қай ахволда...

Абдулланинг олдига Фитрат домла яқинлашди. У худди Абдулланинг фикрларидан боҳабар бўлгандек:

– Абдуллажон, сиз учун бир ҳикоя сақлаб қўйғанман, – деди. – Менинг салкам инглиз жосуси бўлишим ҳақида. Ҳеч кимга айтмай юрар эдим, энди сир сақлашнинг маъноси ҳам қолгани йўқ. Эртагами, индингами, бир ҳафта ё бир ойда баримизни отиб ташлашади...

Фитрат домла бошқаларнинг кўнглида беркитилган гапларнинг пўсткалласини ошкор этишга ёшлигидан ўрганган эди. Аслида Туркистонга янги адабиётни олиб кирган одам шу одам бўлади. Унинг “Сайҳа” деган шеърий тўплами кўтарган шов-шувни ундан кейинги биронта китоб кўтартмаган. “Сайҳа”нинг шеърларини Абдулла ўспиринлигига яширинча кўчириб ёдлаб юрган... Мана энди ҳам ўлим ҳақидаги хуфёна фикрларни у дабдурустдан очиб ташладио, орадан сир кўтарилигандек бўлди: ҳа-да, эртагами, индингами, бир ҳафтадами ё бир ойда буларнинг барини отиб ташлашади, бироқ бу воқеликка, бу муқаррарликка ҳар кимнинг муносабати

бошқача. Анқабой одамови бўлиб, малолатда фақат ўз хаёлларига чўмган, афтидан, у ўзининг “Илохий фожия”сини битяпти. Фитрат домла эса – гарддай бўлса-да – сухбатга мойил, гўёки ҳали ўйланмаган ёки айтилмаган фикрларини айтиб қолсано, улардан ҳам кутулса. Абдулла эса гириҳ қиссасини чўзиб, худди бидъатга берилгандек. Унинг наздида бамисоли қиссани битирмагунича, уни ҳеч ким бу дунёдан қўйиб юбормагундек...

Фитрат домла Абдулланинг ўйчан юзига зимдан боқди-да: “Айтсамми ё айтмасам?” – деган шубҳага бордими, кейин балки-да Абдулла учун бўлмасада, ўзи учун айтишга қарор қилди.

– 1919 йилнинг кеч кузи эди. Мен Тошкентда “Хуррият” рўзномасини чиқариб юрган пайтим. Бир нима бўлдию мен маҳфий равишда Бухорога бориб келишимга тўғри келди. Афғон савдогарлари тўдасига улардан бири бўлиб қўшиладиган бўлдим. Бухорода бизнинг ишончли одамларимиздан бири Ҳайдархўжа Мирбадалов деган бир татар эди. У ўз пайтида Русия қўшинлари билан Бухорога таржимон сифатида келиб, Бухородан уйланиб, шаҳарда қолиб кетган эди. Унинг ўғли Олмонда ўқиб келган Искандар эса – ташкилотимиз аъзоси эди.

Аввалига ўз ўйларига чалғиган Абдулла энди қизиқиш билан тинглай бошлади. Ҳойнахой, ҳойнахой – бу ҳикоя ҳам бир учи билан Тригуловнинг ҳикоясига тегиб кетмасин ҳали! Лекин Фитрат домла – косиб газани ила чарм кесгандек – бир текисда давом этарди:

– Карvonсарайда тўхталгач, мен фурсат топиб, уларнинг хонадонига яширинча етиб бордим. Билсам, уларнинг уйида нозикроқ бир меҳмон бор экан. Искандардан ким деб сўрасам, инглиз жосуси Фредерик Бейли дейди. “Унинг жосуслигини қаердан биласан?” – десам, “Биламан-да”, – дейди. Хулласи, ўша кеча Мирбадаловлар хонадонида ош устида у инглиз билан танишдик. Рост, у ўзини жаноб Кастануни, Австро-Венгрия хонлигининг арнавутлариданман – деб таништириди. Мен ҳам бунга жавобан ўзимни афғон тужжори Шероғаҳон, деб билдиридим. Гап ундан-бундан бўлди. Ўша пайт, билсангиз, мен “Хуррият”да “Инглизлар ва Туркистон”, “Шарқ сиёсати” деган мақолаларимни босган эдим, инглизларга мутлақ равишида қарши эдим. У арнавут сифатида негадир инглизларнинг Афғонистону Ҳиндистондаги сиёсати билан мендан қизиқар, ора-чура эса мени у-бу жойларда тўғрилаб ҳам қўярди. Мен эса кўнглимда тугулган бор гапларимни айтдим. “Ҳинд ихтиолчилари” ғояси ўшанда бошимда айланиб юрган эмасми, бу такаббур жанобга қараб, Ҳиндистону Афғонистону Туркистон ўз-ўзларининг тақдирларини ўз-ўзлари ҳал қилишлари керак деган хulosага олиб бордим. Роса тортишдик ўшанда. Қизик, чеккадан қараб ўтирган меҳмонлар: арнавуту афғон нечук бу кадар Бухоро устидан куюкишади, деган фикрга борса ажаб эмасди...

Бу мунозарадан кейин жаноб Кастануни билан яна учрашадиган бўлдик. Кейинги сафар у мени афғон бойларидан Аввал Нур дегани билан таништирадиган бўлди, мен ҳам шайтонлик қилиб, Бухорода бир арнавут Ҳожа Қадарийни танирдим, юртдошингизга сизни йўлиқтирай, дедим. Бейли юзаки сатҳда севинганини изҳор этган бўлса-да, аслида баҳона топиб, бу учрашувдан қочиши тайин эди. Айтган арнавутим бир пайтлар Туркиядан менга қўшилиб, Бухорога келиб қолган бир дарвеш чол эди.

Лекин индинига келишганимиздек, Назаров пассажида яккама-якка учрашдик. У бошиданоқ менга ёрилиб:

– Мен британ зобитиман, бу ердан Машҳад орқали ватанимга қайтиш тараддуидаман, – деб айтди. – Сиз ақлли одам қўринасиз. Бухорони ҳам беш

панжангиздек биларкансиз. Менга бир-иккита ишда баҳоли қудрат ёрдам бера олсангиз, менинг ҳам Афғонистонда сизга ёрдамим тегиб қолиши мумкин.

“Қани, нима экан унинг эҳтиёжи?” – дея унга қулоқ осдим.

– Биринчиси – амир билан учрашув уюштириб бера оласизми? – деб сўради.

Мен сиримни очиб, амирнинг энг ашаддий душманларидан эканлигимни ҳамда амир бу ердалигимни билиб қолгудек бўлса, кўл-оёғимни боғлаб, Минораи Калондан улоқтира олишини айтиб ўтирумадим-да, жўнгина:

– Мен майда савдогар бўлсам, амир қаёқдаю мен қаёқда? – деб қўя қолдим.

– Амир французчани биладими? – деб сўради у.

– Ҳа, – дедим мен, – айтишларича, у Русия чорининг пажлар корпусида ўқиган. У ерда эса фарангча ҳам ўргатишаркан.

– Майли, – деди у, – ўйлани топармиз. Бошқа ишим эса Амир Насруллоҳ даврида Бухорога бизнинг иккита зобитимиз келган. Бирининг оти Штоддарт, бошқасининг оти Конолли бўлгандар.

– Хон Али дарвешми? – деб сўрадим мен. У эса:

– Каердан эшитгансан буни? – деб кутилмаганда сенсирашга ўтди.

Аввалига жаҳлим чиқди, кейин ўйлаб боқсам – Истамбул турклариdek – булар одамга ишона бошласа, уни сенсирашга ўтишади. Ўзимни босдим-да:

– Китобларда ўқиганман, – дедим.

– Мен бу ердаги катта-катта жуҳудлар билан гаплашдим, бирининг оти Шир, бошқаси – Галперан. Уларнинг айтишлари бўйича, Амир Насруллоҳон буларни ўлдирмаган эмиш. Гўёки Штоддарт касал бўлиб, баданига сизлогичлар тошиб кетиб, ўз ўлими билан ўлган, Конолли эса амирнинг энг яқин маҳрамига айланиб, мусулмончиликни қабул қилганмиш-да, амир уни хўқандлик бир нозанинга уйлантириб, ўзининг маҳфий маслаҳатчиси сифатида олиб қолган экан. Анавиларнинг айтишлари бўйича, Хоналиев деган болаларини ҳозир ҳам Бухорода топиш мумкин эмиш.

Мен бир оз ҳайрон қолдим, чунки менинг билишимча, Амир Насруллоҳон Хўқандни зabit этиб қайтгач, тарихий манбаларга кўра, мелодий 1842 йилнинг июнь ойида Штоддарт ва Коноллини Арқ ўнгида ўлимга хукм этиб, бошларини танасидан жудо қилган. Рост, бирон-бир манбада бу хукмни ўз кўзи билан кўрган одамнинг кўрсатмаси йўқ, бари бировларнинг сўзларидан бу хикояни қайтаришган холос...

– Кадыри, на выход! – деб ҳайқирди дўзах жинларининг палид овозлари худди шу маҳал...

* * *

Бу сафар уни қамоқдаги сўроқҳонага эмас, тепага – НКВД биносига бошлаб кетишиди ва унга айбнома ўқилган хонага – армани майор Апресян хонасига олиб киришди. Хонада майор Апресян билан Нури Тригулов ҳамда яна бир арманими, туркман башара зобит ўтиришар эди. Бу қизгишроқ ўғон зобит Абдуллага кимнидир эслатар, лекин Абдулла бу кишини кимга ўхшатганини тезда тополмай, тинчib қўя қолди. Апресян Абдуллага жойини кўрсатди-да, у ўтиргач, учинчи нотаниш улкану гўпсангироқ кишига имлади. Арманими-туркmani ўрнидан туриб, радиодек бир жиҳоз олдига ўтди-да, аллақандай тутгачасини босди. Хонада шигирлаган шовқин оралаб таниш овоз демасада, таниш оҳанг: “Лекин индинга келишганимиздек Назаров пассажида яккама-якка учрашдик. У бошиданоқ менга ёрилиб: “Мен британ зобитиман, бу ердан Машҳад орқали ватанимга қайтиш тараддуидаман”, – деб айтди.

“Сиз ақлли одам кўринасиз, Бухорони ҳам беш панжангиздек биларканисиз. Менга бир-икки ишда баҳоли қудрат ёрдам бера олсангиз...”

Шу ерда арманими-туркмани Апресяннинг ишорасига бўйсуниб, яна бир тутгани босган эди, шовқин ҳам, бу шовқин оралаб келган таниш овоз эмаса-да, таниш оҳанг узилди. Хонага сукут чўмди. Жазира маънни куни. Хонани шафқатсиз қуёшдан оғир, тўлқин-тўлқин қилиб шимарилган оқ пардалар тўсиб турган эса-да, уларнинг кетида очик дарчадан узоқдаги радиокарнайнинг совет халқиу унинг доҳий раҳбари ўртоқ Сталинга олкишлари ва кетидан “Ўлим! Ўлим!” – деган айюҳаннослар етиб келмоқда эди. Абдулла граммофонларни радиоларни кўрган, бироқ овозни қамоқда ҳам ёзиб олувчи мана бундай жиҳоздан бехабар эди. Бу шайтонларнинг кирдикорлари нималарга етмас экан?!

Апресян маҳобат ила Абдуллаға қаради. Бу қараашда: “Баринг қўлимизда қўғирчоқсан!” – деган маънно бор эди.

– Тушундингизми? – деб сўради Апресян. – Биз баридан боҳабармиз. Инглиз жосуси Бейлининг Тошкентдаю Фарғонада, Чирчиқдаю Бухорода қилиб кетган ишларининг бари хужжатланган. – У ўнгидаги семиз папкага қоқиб қўйди. – Унинг босмачилару жадидлар билан, контреволюциячилару эсерлар билан учрашувлари бизга маълум.

– Мана энди, ўртоқ Қодирий, сизга келсак, – деб ўзгартирди у мавзуни, баёнини қайта бошлагандек. – Сиз ўзингизни миллатчи деб фахрланасиз, биз билан ҳамкорлик қилишдан бош тортибсиз, – у маънодор равишда Тригуловга назар ташлади. – Лекин гражданин эмас, ёзувчи сифатида тасаввур қилиб бокинг: биз бу сассик чол Фитратнинг бўйнига ҳозиргина сизга айтган сўзларини қўямиз-да, бу сўзларни бизга оқизмай-томизмай ўзбек миллий адабиётининг фахри Абдулла Қодирий, қавс ичида Жулқунбой, айтди деймиз. Рост-да, у сиздан бошқа биронта кимсага бу гапни айтмаган. Шундайми? Ана, бошида нима дебди? – Апресян яна арманими-туркманга имлади. Униси эса яна бир тугмачага босди.

– Абдуллажон, сиз учун бир ҳикоя саклаб қўйғанман. Менинг салкам инглиз жосуси бўлишим ҳақида. Ҳеч кимга айтмай юрар эдим... – Яна имо ва вишиллашу таниш овоз яна ўчди.

– Бу ифво! – деди Абдулла зарда билан. – Мен Фитратга тушунтираман!

– Каранг, ҳалигача сиз бизни камбаҳою арzonқўл тутяпсиз. Биз сизни энди омилкор Фитратингиз билан кўриштирумаймиз-да! Минг бир кеча факат эртакда узлуксиз давом этади. Биз эса ҳикояга семиз нуктани мана шу ерда қўя оламиз. Фитратнинг бузук онгига эса ўзбек миллий адабиётининг ифтихори Абдулла Жулқунбой– қавс ичида Қодирий– абадул-абад арzon-гаров сотқину хоин бўлиб қолади. Бу гапни кенгроқ тарқатиш учун сассик чолни бирон йилга озод ҳам қилишимиз мумкин. Қармоғимизни узокроқ ташлаб қўйиб деганларидек...

Абдулла буларнинг шайтонликларини билар, лекин ҳозир бу яккақош иблис олдида ўзини бир қадар йўқотиб қўйған эди. Толғин Абдулла бир нав руҳсизланиб фалажланди, чунки дунёда бир нарса устида куюкса– бу унинг йигитлик шаъни эди. уни деб илк бор қамоқقا тушди, уни деб ўзига ўшанда ўлим ҳукмини сўради. Лекин булар уни қўғирчоқдек қўл-оёғини танғиб, расво қилишадиган. Нима қўлса экан?!

– Сиз ўзингизни тақдирлар тангриси, инсон руҳиятининг муҳандиси деб билгансиз-да, – давом этарди соғ ўзбек тилида формадаги бу шайтон. – Бизнинг асаримиз кучлироқ чиқиб қолди-ку! – У яна маънодор қилиб, Тригуловга боқиб қўйди. – Одатда биз “шиддату хиддат” шиори остида ишлаймиз. Лекин сизга, Жулқунбой, қавс ичида Абдулла Қодирий, ҳурматимиз улуг бўлганидан,

айтганларимизни бир оз ёлғизлиқда ўйлаб олишга вақт беришимиз мумкин. Нима деб ўйлайсизлар, ўртоқлар? – Апресян, Тригулов билан учинчи одамга қаради. Улар ризолик аломуатида бош қоқиши.

– Мана, демак, келишдик. Сезишимча, сизни яна бир майдароқ масала қийнаётгандек. Бу одам ким экан, деб ўйлајпсиз чоғи? – Апресян қорамағиз арманими-туркманга бокди. – Танишинг, бухоролик ходимимиз ўртоқ Хоналиев...

* * *

Куз кунларининг бирида уни яна қамоқдаги сўроқхонага етаклаб боришида, у ерда охирзамон дажжоли ўрнида Абдуллани арманими-туркман қиёфа Хоналиев қаршилаб олди.

– Тригулов қани деб ўйлајпсизми, ўртоқ Қодирий? Ишдан ҳайдалди. Нимага дейсизми? Ишдаги сохтагарчилларни учун...

Абдулла на севинишини, на ачинишини билмасди. Сохтакорлик учун ҳайдалган бўлса, демакки, буларнинг ишлари ҳам қайта кўриладиган экан-да...

– Мен уни анчадан бери танирдим. Бухорода бирга ишлаганмиз. Отавуваларини текшириб чиқканман.

Абдулла рус-тузем мактабида ўқиб юрганида, унинг математика ўқитувчиси Фрол Ковалевский “дурная бесконечность” ёки “тентак бепоёнлик” ибораси билан болалар тасаввурини бир навъ ром қиласи, бир навъ қўркитарди. Ўсарга айланган отаси Қодир боғбоннинг жинлар базмини ҳар эшитганида, Абдулла мана шу “тентак бепоёнлик”ни эслайдиган бўлганди. “Ҳалқаи саросима” каби алвастиларга ин бўлган бу “ганда беҳадлик” эндиликда Хоналиевнинг сўзларидан мўралаб турарди.

Тазкираларда ўқиган яна бир афандинамо ривоятни эслади шунда Абдулла. Дамашқми, Бағдодга келган бир соддароқ қишлоқи умрида бу каби тумонот одамни кўрмаган эмасми: “Буларнинг орасида ўзимни йўқотиб қўйишим ҳеч гап эмас!” – дея оёғига эҳтиёт шарт қизил тасма боғлаб кўйибди. Кечаси карvonсаройда ухлаб ётса, ҳазилкаш бир одам бояги қизил тасмани қишлоқининг оёғидан ечиб бошқа бир келгиндининг оёғига боғлабди. Эрталаб содда қишлоқи уйғониб қараса, оёғида қизил тасма йўқ. Атрофига бокса – тасма бошқа бир одамнинг оёғига боғланган. Тура солиб унга ёпишармиш: “Сен – менсан! – дермиш. – Қара, оёғингга менинг қизил тасмам боғланган! – Кейин бир зумга ўйланиб: – Унда мен кимман?!?” – деб гарант қолган экан бу лақма қишлоқи... Булар бир-бирига нисбатан ҳам шу ўйинни қилишаётгани йўқми?! Ундей деса, Абдулланинг ўзи ҳам худди шу аҳволда эмасми?!

– Унинг таги паст эди, – деб муттасил давом этарди Хоналиев. – Амир Насруллоҳ даврида Абдусамад шиа деган бир жаҳонгашта ўтган. Бу жаҳонгаштанинг Тирқул деган татар кули бўлган. Бу Тирқул Абдусамад шианинг Роҳила деган хотини билан ўйнашиб қўяди. Роҳила ҳомиладор бўлиб, сири очилай деганда, булар биргалашиб Абдусамаднинг кирдикорларини амирга сотишади ва амир Абдусамад ноибни ўлимга хукм қиласи. Мана шундай “мақто”нинг ўғли бўлади бу Тригулов, – деб якунлади у.

Бу сафар ҳам Абдулланинг чарчоқ, мудроқ онгини на бу хикоя, на Хоналиевнинг иштиёқи ўзига жалб этди. Хоналиевни тўхтатиб, унга: “Ўйин тугади, тасма ечили, сенларни кузатган кўзгу синиб ерга кўмилди!” – демоқчи бўлди, кейин бунисига ҳам мажоли етмагандек, Хоналиевнинг нутқидан ягона хайрон қолдирган нарсада – ушбу арманими-туркмани башара девсифат одамнинг “мақто” деган сўзни билишида тўхтади. Чиндан ҳам буларни астойдил ўргатишадиганга ўхшайди. Ким экан буларнинг домлалари? Журъат оқсоқолу профессор Засипкин, Домла Косониу Муборак, Али Аббос

Қазванию Мулла Шибирғонийлармикан? Ё улар оддий хизматкорлармикан буларга? Унда буларнинг домлалари янада улугроқ, янада мухташамроқ, янада билимдонроқ кимса бўлиши керак... Ким экан у? Абдулла бирданига ўз хаёлидан ўзи қўркиб кетди. “Астағфирилло! Астағфирилло! Астағфирилло!” – деди ичидаги уч карра.

Хоналиев эса, ҳеч нарсани сезмагандек, ўз гапида давом этарди.

– Мен сизга бир нарсани кўрсатай! Умрбод эсингида қолсин!

Йўқ, Хоналиев Абдуллани қамоқхонадаги камераларнинг бирига бошлаганий йўқ. У ўнгидаги турган семиз жиноий ишдан бир қофозни олди-да, Абдуллага узатди. Русча ёзилган бу қофозни Абдулла ичидаги таржима қилиб ўқий бошлади:

“1932 йилдан бошлаб у Япония фойдасига жосуслик амалиётларини бошлади, “С” номли агент орқали СССР Халқ Комиссарлари Кенгашидан маҳфий ахборотни етказа бошлади. Айни шу агентта у миллый республикаларда контрреволюцион ва миллатчи ташкилотларнинг вазияти ва ҳаракати ҳақидаги маълумотларни бера бошлади”.

Абдулла эсанкираб қолди. Унинг саросимасини кўрган Хоналиев:

– Биласизми бу кимнинг иши? – деб сўради. Абдулла елка қисди. – Дўстингиз Чўлпоннинг! Бу дажжаллар ишларни соҳталашибди шайтонни ҳам шогирд тутишган... Мана, ўқинг; уни қай ҳолатта солишган. – У яна бир қофоз узатди.

Абдулла ёшлигидан таниш тиниқ ёзувга тикилди:

“Бу баёнот сўнгидаги шуни айтмоқчиманки, менинг хатоларим етарлича кўпдур. Улар билан курашиш лозим, ёлғиз менинг хатоларимни улар йўқ ва умуман бўлмаган ердан қидиришга ҳожат йўқ. Балки уларни ҳеч бир уринищсиз яққол кўринган жойидан қидириш керакдур, йўқса, бу ҳолатда уларни фош этувчилик ҳаракати ўзлари ҳавола бўлганларни алдашибдан бошқа нарса эмас...”

“Булар Чўлпонни ўлса ҳам тушунишмайди!” – деб ўйлади ўзича Абдулла.

– Буни ҳам ўқинг, – деб Хоналиев Абдуллагага яна бир парча Кўкон қофозидан узатди. Яна ўша арабий таниш ҳусниҳат.

“Ҳарамга ваҳший бўрон кириб келди, бир қанча жуфт тилла кўзалар ағдарилиди, финжонлар чирсиллади... май тўкилди, обдонлар синди, косалар дарз кетди... Енгилишда ҳам енгишдагидек лаззат бор.

Енгилишдан туруб енгишга юрунг! Қанотларимиз қайрилди, чирокларимиз ўчди, қайгуларимиз синди, қоронғи йўлдан юрамиз, мақсаддан ҳануз дарак йўқ...”

Кейин эса яна бир ёзув: “Сенинг оппоқ юзингни унутмоқ учун худди оқ юзли нозанин қоп-қора тўрниқоб киймоғи зарур. Сариқ дарё сувлари бўлакларга кесилган балиқ қонини ютмоқда...”

Абдулла бу сўзларни аллақачон битган қиссасига хотима деб тушунди...



САРҲАДЛАР

Роман очколар билан ютса,
ҳикоя нокаятлар билан ғолиб келади.
Роберто Арльт

НАЖОТСИЗ УМИДЛАР

Банана Ёсимота¹нинг “Калтакесак” ҳикоясини ўқиб, беихтиёр адабиётшунос олим, таржимон Евгений Маевскийнинг 1985 йили нашр этилган “Хозирги замон япон ҳикоялари” китобига ёзган сўзбошисидаги фикрлари ёдимга тушди. У дунё ҳалқлари маданиятининг бир-бираига ўхшамаслиги ҳақида мулоҳаза юрита туриб шундай дейиди: “... ҳатто энг моҳир мутаржим ҳам маромига етказиб таржима қилолмаслиги мумкин, айтайлик, мана бундай пассажга дуч келганда умидсизликка тушиши аниқ.

Акиконинг ҳикоясидан маълум бўлишича Дзиро ўша сэқитори хэясига қўтарилган, сэқитори сэқивакининг ўртамиёна дарражасига эга бўлган усул, у санъякудан юқорига қўтарила олмаган, бироқ хиромакудан қуиға ҳам тушиб кетмаган”.

“Қуши каби озод” ҳикоясидан олинган бу парчадаги ҳар қандай мутаржимни қийнагувчи бундай сўзлар японларнинг сумо деган курашида ишлатиладиган терминлардир”.

Булар-ку, сўзлар-атамалар экан, уларни маҳсус луғатлардан топиб, маъносини билиб олиш мумкин. Лекин япон ҳалқининг ўзига хос турмуш тарзи-чи?! Масалан, энг oddiyisi, уйга кираётганда пойабзалини албатта ечиши, хонада биронта стул ўйклигидан заррача хижолат бўлмай, жон-дили билан попда чордона қуриб ўтириши... Бу майда, аҳамият бермаса бўладиган нарсаларга ўхшайди. Ваҳоланки, битта ҳалқнинг кундалик турмушини шунақа урфлар, одатлар – маросим, байрамлардаги рақслар ва ҳоказолар ташкил этмайдими? Лекин уларнинг миллий ўзига хослиги ичida бизни лол қолдирадиган тафаккур тарзи, эътиқоди, дунёқарashi, диний-мағкуравий таълимоти, нафақат бизга, балки бутун дунё ҳалқлари учун ақл бовар қилмас санъати, шеърияти-чи!... Махдудлик, кўр-кўронга жазмга ўхшаб кетадиган фидойишигини айтинг. Харакири одати қайси миллатда учрайди, яна унинг алоҳида руқнларини ижро этиши шартлигини қаранг! Оддий харсанг тошлардан ҳосил қилинган боф, мангу фароғат истагида, шу тошларга соатлаб тикилиб ўтиришлар...

Шулар ҳақида озгина боҳабар бўлмаган китобхонга бундай адабий асарлар

¹ Япон адабиётида Банана Ёсимото исми одатда машҳур Харуки Мураками билан ёнма-ён кўйилади. Ёзувчининг насли енгил ўқилиши ва ғайриодатий руҳий теранлиги билан ажralиб туради. Кўз илғамайдиган oddiy ҳолатларда ҳам, адаби қандайдир муҳим аҳамиятга молик, ҳатто мистик нарсаларни кўра олиш ва турмуш сир-синоатларини ўзича кашф этиш маҳоратига эга.

Банана Ёсимота 1964 йили ижодкорлар хонадонида түғилган. Онаси Кадзуко Ёсимото – шоира. Бир неча хоккулар китобининг муаллифи. Отаси Такаоки Ёсимото шоир, адабий танқидчи, публицист.

Банананинг “Ошхона” номли ilk романни “Энг яхши дебоча” мукофотига сазовор бўлган. 1988 йили эълон қилинган “Бошланা” китоби Маориф вазирлиги мукофоти, “Цугуми” китоби 1989 йили Ямомото мукофоти, “NP” китоби Италиянинг “Сканно” мукофоти билан 1993 йили тақдирланган.

1995 йили “Амрита” романни Муросаки Сикубу, 1996 йил “Калтакесак” китоби италияликларнинг “Фендессиме” мукофотини олган.

1989 йилда адабанинг китоблари 4 миллион 700 минг нусхада тарқалиб ўзига хос рекорд ўрнатган.

бемаъниликтан бошқа нарса эмасдек туюлиши табиий. Бу ёлғиз таржимон маҳорати билан эмас, китобхонлар савияси, билим доираси билан ҳам боғлиқ муммо. Ҳафсаласиз, юзаки фикрли китобхон ўқиёлмайди бундай асарларни.

Банана Ёсимотонинг “Жаҳон адабиёти” журналида эълон қилинаётган ҳикояси ҳам худди ана ўшандай ҳикоялардан. Ҳолбуки, у жуда оддий ёзилган – енгил ўқилади, сюжети ҳам оддийгина, жумлалари содда-тушунарли. Қават-қават, “гарчи... бўлмаса ҳам, модомики... экан, у ҳолда, то ... гунча, ... юз бериши даргу-монлигига қарамай” қабилидаги жумлалар мутлақо йўқ. Умуман, адабанинг барча асарларида дабдабали, жимжимадор тасвиру баёнлар учрамайди, Лекин, шунга қарамай, ҳикоянинг мағзини тушуниш қийин. Ўқиган дам сезади нимадир жуда муҳум, жуда юракка яқин гап борлигини, афсуски, ўша гапнинг тагига етолмайди. У ғайриоддий. Қанақадир гаройиб ҳам. Биз муаллифнинг жиллакурса тасвирда ёки иккита қаҳрамон ўртасидаги ўзаро сұхбатда араплашиб қўйиши орқали баъзи нарсаларнинг тагмаъносини сезиб олишига ёрдам беришига кўнишиб қолганимиз.

Банана Ёсимото бу йўлдан бормайди. У акс эттиради ёки ички ҳиссиётлар оқимини ифода этади, бироқ шундай ифодалайди ва акс эттиридаки, унинг ана шу маҳорати туфайли нияти, фикри барибир пинхон қолади. Албатта, мистика ёки фантастик унсурлардан фойдаланади, пировардида ўқувчи унинг тагига етиши учун бош қотиришига тўғри келади.

“Калтакесак” ҳикоясининг қаҳрамони ҳақида дабдурустдан бир нима дейиш қийин. Унинг турган-битгани жумбоқлардан иборат. Бир дақиқадан кейин нима дейishi, нима ҳунар кўрсатишини ёзуечининг ўзи ҳам билмайди, гёё!

Калтакесакнинг кўрган куни ҳақида дабдурустдан ёмон, ўта гариб, фожиали деёлмайсан, чунки у бошқа одамлар сингари кундалик ташвишларга ўраллашиб мечкай, манфаатпарастлик ботқогига ботиб яшамайди ахир, унинг ўз эътиқоди, ниятлари, энг асосийси, юрагида умид бор, минг ачинганинг билан, ҳамто калтакесакка ўхшашлиги, увоққиналиги, кўримсизлиги, бошига тушган фожиалар, кулфатлар натижасида одамови бўлиб қолгани, ёлғиз яшашни хуш кўриши, қувноқ, шўх-хандон ҳаётдан бебаҳралагига қарамасдан уни баҳтиқаро деёлмайди киши. Аксинча, юрагининг яширин тубларида яшаётган катта орзу-умидлари уни бизга яқин қиласди, эътиборимизни жалб этади. У одамларга фойданг тегмаса ҳам зараринг тегмасин, деган эътиқодда эмас, билъакс, дард чекаётган кишиларга малҳам бўлгиси келади. Шу маънода унга ўхшаган одамларнинг ҳаёти қанақа – ёмонми ёки яхшими дея мuloҳаза юритмаслик лозим, у бошқача яшай олмаслигини тушуниш керак холос. Мен “Калтакесак” ҳикояси ҳақида мuloҳаза билдириялман. Шунга қарамай айтаманки, адабанинг зулм ва зуғум, ёмонлик ва фожиалар юз бермайдиган ҳикояларидаги каби “Калтакесак”дан ҳам ноҷорлик, бедаволик уфуриб туради. Чунки ҳозиргина айтиб ўтганим юрагида жўш урган катта орзу-умидларни, эзгу инсоний интилишларни шафқатсиз ҳаёт тўғонлари ҳар қадамда барбод қилиши мумкин. Таъбир жоиз бўлса, у ҳозир шундай яшаяпти.

Ҳолбуки, шунинг ўзи катта гап эмасми?! Эҳтимол, шунинг ўзи ҳам баҳтдир?!

Охир-оқибат мана шундай дикқат қиласидиган, юракни эзадиган фикрларга дуч келишинг учунгина эмас, бутун табиатига кўра Банана Ёсимота асарларини, алоҳида тайёргарлик демайман-ку, лекин одам ўзини чоғлаб, мусаббир кайфиятда ўқиши мумкин. Ўқиганда ҳам шошилмай, мазасини ҳис қилиб ўқиш лозим. Асар қаҳрамонларининг гариб ва бенаволиги, ноҷор ва бенажотлиги юрагингизни сиқиб юборади. Лекин шунга қарамай муҳими Ёсимото асарлари жонли, ҳаётий. Уни охиригача ўқиёлмасангиз ҳам, лекин китобни ташлаб юборолмайсиз. У қўйиб юбормайди. Юрагингизнингеми, шуурингизнингеми аллақайси ерида ўша тақдирлар, ўша қаламга олинган таниш ва нотаниши ҳаёт қандай кечгани, охири нима билан тугашини билиш истаги сизга барибир тинчлик бермайди.

Олим ОТАХОН

Банана ЁСИМОТО

КАЛТАКЕСАК

Ҳикоя

*Рус тилидан
Файзи ШОҲИСМОИЛ
таржимаси*

Ушбу ҳикоя давомида мен бу хонимни Калтакесак деб атайман. Бордию, сиз сонининг ич томонига чизилган калтакесак расми туфайли шундай демокчи деб ўйласангиз, хато қиласиз.

Унинг дум-думалоқ қора кўзлари худди калтакесакнинг кўзларига ўхшайди. Қарашлари бирам совуқ-ки... Калтакесак дейсиз. Ўзи ҳам увоқкина. Баданинг қаерига кўл теккизманг, шундай совуқ, шундай совуқки, кафтингизга олиб иситингиз келади. Лекин калтакесак сизга чумчуқ полапони ёки куён боласи эмас. Типирчилаб кафтингизни тирноқлари билан тимдалаганида этингиз жунжикиб кетади. Унга қараб турганимда бир лаҳзага кўриниб қоладиган қип-қизил тилчасига кўзим тушади. Унинг шишасимон кўзларида менинг кимнидир севиш, ким ҳақидадир қайғуриш истаги рўйирост зухур этган афт-башарам акс этиб туради...

Бу эса Калтакесакни ҳам менга нисбатан ниманидир ҳис этаётганини кўрсатади.

Ўша кечаси у меникига келганида кўрпага кириб, энди мудрай бошлагандим.

– Жудаям чарчадим, – деди Калтакесак хонамга кирав экан.

Ў-ў нақадар норози овоз. Коронғида унинг қиёфаси менга кўринмасди, факат тунги оппоқ ич кўйлагининг шарпаси сезиларди, назаримда унинг кайфияти ҳаддан зиёд ёмон эди.

Соат тунги иккилар эди. Мен чироқни ёкиш учун кўлимни узатганимда, дафъатан унинг баданини ҳис қилдим. У юзини оғритар даражада ўмровимга қаттиқ босиб, муздай кўлларини пижамам остига сукди. Ў-ў ҳароратли жисмингта муздек совуқ кўлларнинг тегиши нақадар ёқимли... туйғу...

Мен йигирма тўққиз ёшга чиқдим. Руҳий касал болалар учун мўлжалланган шифохонада маслаҳатчи ва даволовчи врач бўлиб ишлайман. Калтакесак билан учрашганимга уч йил бўлди. Анчадан бери Калтакесак мендан бошқа ҳеч ким билан гаплашмайди. Умуман олиб қараганда, бошқа одамлар билан гаплашмай яшаш мумкин эмас. Шу боисдан мен Калтакесак учун ўзига хос эҳтиёт чораси сифатида хизмат қиласман.

Хуллас, у бор кучи билан юзини кўксимга босди. У баайни вужудимга сингиб кетгудай бўлади доим, бу ҳам етмагандай шундай куч билан босадики, илк бор шундай қылганида азбаройи йиглаяпти, деб ўйлаганман. Йўқ, янглишган эканман. Бир оздан сўнг у бошини кўтариб менга қараганди, чеҳрасида осойишталик акс этар, кўзлари эса бир навозиш билан майнин боқар эди.

Эҳтимол шу тарика у кун бўйи юз берган кўнгилсизликлардан (бу баайни ёстиққа юзини буркаб йиглашдек гап) юрагини бўшатиб олар?! Ёки ҳамма нарсани унутишни истар. Ҳар ҳолда мен шундай деб ўйлардим.

Ниҳоят ўша кечаси Калтакесак ҳеч кутилмаганда ҳаммасини айтиб берди.

– Биласанми, болалигимда кўр бўлиб қолгандим, – дея гапини бошлади у тун оғушида сўнник бир овозда.

– Нима, бутунлайми? – мен ҳайратдан қотиб қолдим.

– Ҳа. Бутунлай.

– Нимадан бунака бўлганди?

– Дўхтир бу руҳий жароҳат асорати деб айтганди. Тасаввур қила олар-микансан, беш ёшимдан то саккиз ёшимгача ҳеч нарсани кўрмасдим. Дунё мен учун қоронғи зулмат эди.

– Қандай қилиб тузалиб кетдинг?

– Махсус шифохонада даволангач, яна кўра бошлаганман. У ердаги шифо-корлар жуда-жуда меҳрибон эди. Сен ҳам худди шунака жойда ишлайсан-а?

– Шунаками? – дедим мен ва бир оз ўйлаб туриб, кўшиб кўйдим: – Ноўрин саволим учун узр сўрайман, лекин нима сабабдан кўзинг кўрмай қолувди?

Калтакесак ютинди.

– Нима десам экан, ҳалиги... Уйимиизда даҳшатли воқеа юз берганди... кейин эса... хуллас, ҳаммасини ўз кўзим билан кўргандим...

– Агар эслаш малол келса, айтиб беришнинг ҳожати йўқ – дедим унга.

Калтакесакнинг ота-онаси соғ-саломат. Ахил-иноқ яшашади. Мен улар билан учрашганман ҳам. Унинг ака-ука, опа-сингиллари йўқ. Қисқаси, уларнинг оиласида қандайдир жиддий муаммолар бўлганини биринчи марта эшитишим.

– Мана шунака, болалигимда кўзим ожиз бўлган, шунинг учун ҳам ҳозир ҳар бир нарсани ушлаб кўраман, ўша нарсанинг нима эканлигини билгим келади, акс ҳолда, кейин қийналаман ўзим. Айниқса қаттиқ толиққанимда жудаям асабийлашаман ва то кўзимни юммагунимча ёки нимагадир маҳкам ёпишмагунимча.., чангламагунимча ўзимни қўлга ололмайман. Оғридими? Илтимос, кечир.

– Ҳечқиси йўқ. Касалхонамиизда деярли шу ахвол, ҳамма болалар кўрққанидан одамга ёпишиб оладилар. Шунинг учун нима хақда гапираёт-ганингни яхши тушуниб турибман.

– Буни биламан.

– Менга қара, кел, турмуш қурамиз. Бирон ерга кўчиб бориб, бирга яшаймиз, – анчадан бери ўйлаб юрган ниятим лоп этиб оғзимдан чикиб кетди.

Мени қучоклаб ётган Калтакесак индамади. Ажабо, у чурқ этмай ётардию юраги жуда тез уради. Мен дафъатан унинг жавоб бермаганидан изтиробга тушди, деб ўйладим. Унинг менга қанчалик ёт эканини, борлифию ички олами тамомила ўзгача эканини англадим. У кечалари менинг тушларимга сира ўхшамайдиган тушлар кўрадиган бегона одам эди.

– Иммм... – деди у паст овозда. Сўнгра: – менинг бир сирим бор, – деганча жим бўлиб қолди.

Мен бу билан нима демоқчи эканини ўзимча таҳлил қилиб кўрдим.

Мен Калтакесак билан спорт клубида танишгандим. Ўша кезлар ҳафтасига икки марта сузиш билан шуғулланардим. У эса ўша клубда аэробика бўйича йўриқчи вазифасини бажаарарди.

Уни биринчи марта кўрганимда “Шунака ғалати аёллар ҳам бўлар эканда”, – деб ўйлагандим.

Зуваласи пишиқина, паст бўйли, қиймоч кўзларида алланечук ҳасрат яширинган бу аёл ўзи билан ишлайдиган қиз-жувонларнинг биронтасига ўхшамас эди. Уларнинг шўхлиги, ўйинқароқлиги яққол кўзга ташланар,

Калтакесакнинг эса хатто кайфияти қанака – яхшими-ёмонлигини ҳам билиб бўлмасди. Уни ғалати деб бўлмасди, лекин алоҳида бир сабабсиз ҳам атрофдагилардан ажралиб турарди. Ҳар сафар машқларни тугатиб, ҳовуздан чиқар эканман, у заллардан бирида дарс ўтаётган бўларди. Унинг кичик гавдаси нотабий бир ҳолатда қотиб қолгандек турарди. У ўта нафис ҳаракат қиласи, истаган ҳолатга кира олиши мумкиндек туюларди. Мусиқа ҳар қанча баланд янграмасин, Калтакесак худди ўзининг шахсий, бутунлай шовқинсиз дунёсида сузаётгандай кўринарди.

Кунлардан бир кун залда бўлаётган ишларни бефарққина кузатиб турганимда эсдан чиқмайдиган бир воқеа юз берди.

Ўш куни (мен машқларни тугатиб, аэробика зали ёнидан ўтиб бораётганимда) у одатдагидек ўзининг иш жойида юмшоқ гиламда ёшлар билан машғулот ўтказётганди. Мен уни томоша қилгани тўхтадиму бирдан агар кунларнинг бирида бу қиз ишдан бўшаб кетса, жудаям зерикиб қолишим ҳақида ўйлаб қолдим. Мен ҳикоя қилаётган воқеалардан хиёл илгарироқ эри бор аёл билан чўзилиб кетган муносабатларимни узган эдим. Шунинг учун ва қолаверса, ўша аёлнинг ташаббуси билан орамиз бузилган ҳамда унинг мени тўғридан-тўғри ҳайдаб юборганини эътиборга олганда, янги ишқий саргузаштларга берилишим учун менда на куч, на хохиш қолгани ғалати туйилмасди. Шундай бўлса ҳам, спорт залидаги қиз хусусида ўйлаганимда юрагимда алланечук туйғулар уйғона бошлиётган эди.

Бундай туйғу одам қалбини эрта қўклам кечалари қамраб олади. Кўчада ҳаво ажойиб. Электричкада худди тўлқинлар кафтида ётган қайиқчадек чайқалиб кетарканман, менга майли бор нотаниш ёш аёлни бугун қаерга – қаҳвахонагами ё ресторанга таклиф қилсамми, деб хаёл сурардим. Бугунги кечани у билан қаерда ўтказишими, орамизда бирор нарса бўладими, йўқми – мен учун аҳамиятсиз эди. Унга, қилиқларига, атайлаб мен учун бўйнига ўраган рўмолининг нақшларига, пальтосининг этакларига, кувноқ чехрасига тикилиб қаар эканман, бамисли ажойиб манзарага дуч келган каби юрагимда бир покиза, эзгу, мунаvvар туйғулар түғён ураётганини ҳис қилардим. Шундай дамда ич-ичимда қайдандир элас-элас келаётган ифорга ўхшаш унутилган шодлик ҳисси, беташвиш ҳаёт туйғуси жонланарди...

Хуллас, шунаقا гаплар. Мен ниҳоят уйга қайтиш вақти бўлди деган қарорга келиб, бурилиб кетаётганимда; “Вой, оғрияпти!” деган чинқирик эшитилди. Ўгирилиб қарасам аёллардан бири оёгини чанглаб турибди. Мен ҳали томири тортишиб қолмадими, бошқа жиддий нарса эмасмикин деб иккиланиб турганимда, Калтакесак ўша аёл ёнига учиб келиб, унинг оёгини кўздан кечира бошлади. Мусиқа чалиниб турган ним қоронғи залда у дўхтири сингари совуққонлик билан ўз шогирдининг тортишиб қолган оёқ мушакларини уқалай бошлади. Назаримда, бу воқеани анчадан бери кузатиб турагандек эдим. Ерда, узатилган қўлини сал пастга тушириб ўтирган Калтакесак гира-шира ёруғликда ялтираб турган ажойиб ҳайкалга ўхшарди.

Бир оздан сўнг анави аёл енгил тортиб жилмайди. Калтакесакнинг ёрқин қизил лабларида ҳам табассум ўйнади.

Қалин ойна орқали ўтиб келаётган мусиқа оҳангига ва базур эшитилаётган овозлар шивирлашга айланар ва бу воқеа жуда ғалати кўринарди. Ана шунда мувозанатни сақлаш учун оёқларини бир оз кериб, оҳиста ўрнидан туратиб Калтакесакни кузатар эканман, сонига, қарийб човига чизилган миттигина калтакесакча расмига кўзим тушди.

Буни кўриб мен бутунлай хушимни йўқотдим. Бизнинг ғайритабиий ишқий қиссамиз ана шундан бошланди.

Ўз-ўзидан маълумки, менини сингари ишда одам баъзан жуда ҳам толиқади. Агар мижозга чин дилдан ёрдам беришни истасанг, унисира эркалатиб юбормаслик, азобига ҳамдард эканингни билдириласлик лозим. Бироқ сендан ўзини тушунишни кутаётган, унинг изму ихтиёрига итоат этишингни талаб қилаётган одамга қарши туриш жуда қийин. Айниқса, кўз ўнгингда ноз-неъматга тўла дастурхон тузашаётганини кўриб, бунга қандай чидай оласан. Мен ҳаёти хавф остида қолиб, сендан раҳм-шафқат кутаётган мижозни назарда тутаяпман. Бундай кишилар ўзларининг бутун куч-кувватларини қандай бўлмасин кийноқлардан халос бўлишдек яккаюягона мақсадларига эришишга сарфлайдилар. Шунинг учун, устаси фаранг официант сингари ўзингдан воз кечага олишинг лозим. Агар официант – ҳатто оч бўлса ҳам – иш пайтида бирор нарса еб олиш истаги билан ёнса, бундай официант бир тийинга қиммат. У нафсини тийиш тугул ўша хоҳиш-истагини сўндириши керак. “Мен уларни даволашим шарт,” “улар шифо топишлари лозим” – мана мен амал қилишим даркор бўлган асосий ният.

Сенинг жон куйдиришингга лоқайд-бепарво мижозга бор кучинг билан ёрдам беришга астойдил ҳаракат қилаётганингда айниқса ҳолдан тоясан. Айни ўз ташвишларинг бошингдан ошиб ётганда бу нарса яққол сезилади.

Тушлик пайтида Калтакесакнинг нима сири бор экан, деб ўйланиб қолдим. Менга турмушга чиқишни истамагани учун шу нарсани тўқиб чиқарганига ишонмайман.

Мен ҳар доим битта ерда – чоғроқ ресторончада овқатланаман. У ерда мазали саба¹ тайёрлашади. Бу ресторон мен ишлайдиган томонда жойлашган, лекин касалхонадан анча олис – истироҳат боғининг ёнгинасида, ишончим комил, мижозларимдан бирортаси у ерга кирмайди. Дераза ортидан ўт-ўланлар ҳиди уфуриб туради. Боғ тушки қуёш нурига чўмган. Ўриндикларда чоллар гурунглашяпти, уларнинг ёнида келишган ёш йигит, бекорчиликдан юзини офтобга тутиб мудраб ўтирибди. Бенуқсон ишлаб турган мукаммал механизмнинг намунаси сифатида ана шу манзарага назар солинганди, “инсоният” деб аталган муштаракликда акс этган чексиз гўзалликни ҳис қилиш мумкин. Дархол ич-ичимизда алланечук азалий, туғма ҳиссиёт уйғонади. Ва онгимизда: “Эх, ҳозир бир мириқиб ишлайман” деган фикр чарх уради. Шунда беихтиёр: “Мен билан бир осмон остида яшаётган ва ишлаётган Калтакесак ҳам худди шуни ҳис қилаётгандир” деб ўйлагим келади.

Ўша кечага мен уни дарсдан сўнг кутиб турдим-да, биринчи бор ресторонга таклиф қилдим. У мен ўрганиб қолган спорт кийими ўрнига оддий қора свитер билан жинси кийиб олганди. Одамни сира ҳам жалб қилмайдиган кийим. Худди у мендан бир нимани яширмоқчидай, бирданига бутунлай кўримсиз бўлиб қолганди. Аммо бу нотўғри таассурот эди. Қадам ташлашининг ўзиёқ, унинг ҳеч кимга ўҳшамаслигидан дарак берарди. Ноёб хилқат бамисли. Жилмайганида милклари кўриниб кетади. Ёноқлари ғуж-ғуж сепкил.

Негадир унга қараган пайтиmdа ҳамиша миямга ярқ этиб “қисмат” сўзи келади. Мен унинг ҳар куни аллақандай оғир вазифани бажаришга сўзсиз рози бўлишининг нақадар жиддийлигини ҳис этардим. Айнан шу нарса мени ҳаммасидан кўпроқ жалб этарди. Бундай одам табассум қилганида милки кўринади, оғзи кенгаяди, чаккалари бўртади – чинакам самимий туйғунинг акс этиши эмасми бу? “Табассум” сўзининг асл моҳиятини дархол ҳис этасан.

Биз чоғроққина япон ресторонига овқатланишга кирдик. Тинчгина,

¹ Саба – қора буғдой-маржумак унидан тайёрланадиган утра оши.

бўйм-бўш хонадаги столларнинг бирида рўпарама-рўпара ўтириб олдик – биздан бўлак ҳеч ким йўқ эди. Мен ҳаётда ҳеч қачон бунчалик ҳаяжонланмагандим. Калтакесак чурқ этмасди. У овқатдан бир-икки чўқилади – сакени лабига астагина теккизиб қўйди.

– Сен жудаям чиройли рақс тушасан, жудаям – дедим ниҳоят мен, Калтакесак ҳам гапга тушиб кетди.

– Чакки эмас, ҳар қалай. Лекин барибир у ердан бўшаб кетмоқчиман. Кейинги ойда.

– Нега энди? – ҳайрон бўлиб сўрадим мен. У жилмайиб жавоб берди:

– Чунки бутунлай бошқа нарса билан шуғулланмоқчиман.

– Нима билан, масалан? – дедим мен ва шошилиб қўшиб қўйдим: – Билмадим, албатта, сўрашга ҳаққим борми, йўқми айбга буюрмайсан, сенинг лаёқатинга ҳавас қиласман. Шу боисдан менга бир оз алам қиласми...

– Э, қўйсанг-чи. Мен хафа бўлмайман. Мен муқобил тиббиёт мактабига кирмоқчиман. Игна билан эмлаш, гиёҳлар билан даволаш ва ҳоказо.

– Ана холос... Буни сенга нима кераги бор?

– Чунки бу соҳада истеъодим кўпроқ эканини тушуниб етдим. Биронта одамга тикилиб қарасам борми, унинг қаери оғриётганини дархол сезаман. Қўлимни теккизиш, силаш билан уни даволай олишимга кўзим етади, на заримда. Шу қобилиятимни ривожлантириш маъқул кўрининаяпти.

– Кўй билан даволай оласанми?

– Даволай оламан...

Кейин, музқаймоқ еяётган пайтимида у бамайлихотир деди:

– Танангдан фойдаланганда, ичингдаги мавжуд барча нарсадан халос бўлишинг лозим. Бу жами ташқи ҳолатлардан муҳим. Агар факат зоҳиран камолотга эришсанг ҳам барибир кўнглинг тўлмайди. Буни аниқ биламан. Бугунги кунга қадар мен тинимсиз машқлар эвазига қоматимни ушлаб турдим. Энди – ўша натижаларга бошқа усувлар билан ҳам эришмоқ вақти етди. Ҳар ҳолда мен ўттиз учга чиқдим.

– Ўттиз уч?! – Мен унга йигирма беш ҳам бермасдим.

Калтакесак кулиб юборди:

– Ишончим комилки, мен сендан каттаман.

Кейинроқ мен уни бекатгача кузатиб қўйганимда, у ёқимли оқшом учун миннатдорчилик билдириди ва ўйчан қўшиб қўйди:

– Менинг умуман дўстим йўқ. Ота-онам билан деярли гаплашмайман. Бошқалар билан охирги марта ўзим ҳақимда қачон гаплашганимни эслолмайман. Назаримда бугун жуда кўп гапириб юбордим, шекилли.

Фира-ширада, қоронғулик қўйнида ёнимиздан йўловчилар ўтиб турарди. Кечки шабада эсар, деразалардан нур тараларди. Қаердадир электричка ўтиб бораётгани эшитиларди.

Бекатда поезднинг жўнаши эълон қилинди. Калтакесакнинг қисик қўзли юзи ёришди.

– Яна бир бор учрашайлик! – Ҳиссиётим жўш урганидан унинг қўлини маҳкам ушлаб олдим.

“Ё тангirim, уни бирам бағримга босгим келаяпти. Эсимни ёдимми, жинни бўлаяпман шекилли. Унинг қўлини ушлашим учун ҳар нарсага тайёрман. Ортиқ чидаб туролмайман,” – шундай деб ўйладим ва шундай қилдим ҳам. Шундай бўлиши табиий эди. Шундай қилмаслигим мумкин эмасди. Тушундим: одамлар бекорчилиқдан бирга бўлишга келишиб оладилар, учрашадилар, еб-ичадилар, охири ярим кечаси: “Энди нима қиласми?” деб ўйлаб қоладилар. Бу бир кунлик тасодифий танишув учун хос бўлган

жимгина келишув эмасди. Мен унга озгина бўлсин яқинлашгим, ўпгим, уни бағримга босгим келарди.

Ўзимни аранг тийиб турардим. У менинг ҳис-туйғуларимни қабул қиласадими, йўқми, мен учун бу муҳим эмасди. Мен уни жуда-жуда хоҳлардим. Ҳозир, айни шу дамда факат уни, бошқа ҳеч кимни эмас. Агар унинг ўрнида бошқа бирор бўлиб қолса – бутун оламдан воз кечишга тайёр эдим. Ҳаммасини тушуниб етдим. Бу муҳаббат эди.

– Майли, кўришгунча, – деди у ва менга телефон рақамини берди.

У нари кетди-да, орқасига ўгирилмасдан зинадан кўтарила бошлади, зум ўтмай уни бутунлай кўздан йўқотдим. Тамом. У кетди. Юрагимни аламли йўқотиш туйғуси чулғаб олди. Бу туйғу қиёмат қойим кунидаги хиссиётга монанд эди.

Калтакесак тиббиёт мактабига кирди, уни тугатиб рухсатнома олди. Ўқиш жараёнида ярим йил Хитойга малакасини оширгани бориб, табибга шогирд тушди. Японияга қайтгач мўъжазгина бир шифохона очди. Чинданам истеъоди бор экан шекилли, ишлари юришиб кетди, озгина вақтдан сўнг шифохонага ходимлар ёллаш имконига эга бўлди.

Ҳар куни Япониянинг турли худудларидан унинг шифохонасига мижозлар оқиб кела бошлади. Уларнинг аксари оғир дардга дучор бўлган беморлар эди. Бечораларнинг сўнгги умидлари Калтакесакдан эди. Ҳар қанча куч сарф этмасин, унинг Ҳудо ато этган шифобахш кучи тугамасди. Бироқ иш кунининг охирига бориб гапиришга ҳам ҳоли қолмасди.

Иттифоқо бир куни унинг шифохонасига кирдим. У кўпхонали уйнинг кичкинагина хонасига жойлашганди. У ерда биттагина ўриндиқ – кат бор эди. Мижозлар курсиларда жимгина навбатларини кутиб ўтиришарди. Бундай манзара маҳфий иш олиб бораётган корхонага хос. Калтакесак оқ халатда оstonада пайдо бўлар, навбатдаги мижозни чақирава у билан хонага кириб кетарди. Мен жуда хижолат бўлдим. Чунки Калтакесак ҳеч кимга илтифот кўрсатмас, кўнглини кўтармасди. Шунинг учунми “дарди енгил” – ҳамдардлик учунгина келганлар бир зум ўтириб кетиб қолардилар. Лекин чинакам даво истаб келган беморлар албатта оғриқдан, ҳаёт ва ўлим орасида қийналиб азоб тортаётганлар дардан фориғ бўларди. Хайрлашаётганда, ёш тўла кўзларини халоскордан узолмасдилар. Бир қадам ташлай олмаётган беморни кутиб турган қариндошлари олдига унинг ёрдамида ўз оёғи билан юриб чиққанини кўриб улар ҳайратдан ёқа ушлардилар. Калтакесак эса жилмайиб кўяди-да, навбатдаги мижозни таклиф қиларди.

Ишонтириб айтаман, у шифокор сифатида астойдил ҳаракат қиласяпти. Нияти чинакамига даволаш. Фақат шуни истайди. Унинг иқтидори бор, иззат талаб эмас, шуҳрат гадоси эмас. Унинг ютуғини кўриб ич-ичимдан қувонаман. У билан фаҳрланаман. Унга ўхшаб одамларни даволай олмаслигимдан ўкинаман.

Ўша оқшом Калтакесакни мен уйимда кутардим. У телефон қилиб:

– Мен соат саккизларга бораман. Пицца буюриб қўй. Қалампири кўпроқ бўлсин, – деди.

У пиццани уйда ўтириб ейишни яхши кўради. Ресторанг боришни ёқтирамайди. Гапига қараганда, бу одамларга ёмон муносабатда бўлгани учун эмас. Аслида ҳеч кимни кўришни истамаганидан. Мен уни тушунаман. Ҳар куни одамлар билан ишлаганингдан кейин ҳам ўлгудай чарчайсан, ҳам безиб қоласан. Шу сабабдан биз вақтни уйда ўтказамиз, чироқни

пасайтириб, деярли гаплашмай ўтирамиз. Мусиқа тинглаймиз. Борди-ю сайр қилгани чиқсак, одам йўқ жойга – тоғ томон борамиз. Бизнинг қўнглимиз шунаقا – жуда ғалати.

У соат саккиз тугул тўққизда ҳам келмади. Мен пиво ичдим, бир парча пицца едим, энди келмаса керак. Гарчи мен унинг кўлинин сўраган бўлсамда, ўзининг аллақандай сири туфайли менга жўяли жавоб қилгани йўқ. Феъл-авторини инобатга олганда, бугун меникига келмадими, демак, тамом, бизнинг яқинлигимиз тугади, дегани.

Менинг туйғуларим аввал бошдагидек жуда эҳтиросли бўлмаса-да, очиги юрагим сикилди. Унинг шу ерда, менинг ёнимда бўлишини истардим. Орамизда бўлиб ўтган нарсалар менга енгиллик ҳам, хотиржамлик ҳам бермасди, лекин аниқ билардимки, мен ишлайдиган касалхонадаги нозанин ҳамшираларнинг биронтаси Калтакесак ўрнини босолмайди.

Мен умидсизликка тушдим. Соат ўн бирдан ошди. Энди кутишдан фойда йўқ, деган қарорга келганимда дафъатан эшик шарақлаб очилди ва хонага Калтакесак кириб келди: тўлғанган соchlаридан тун эпкини уфурарди.

– Кеч қолдим.

– Келмайсан деб ўйлагандим. Юрагим қон бўлиб кетди.

– Адашиб қолдим, – дея у пиццадан бир бурда ушатиб касир-кусир ея бошлади.

– Шошма, иситиб берай.

– Овора бўлма. – У бир оз жим қолди, сўнг давом этди. – Биласану, ахир мен сендан бошқа ҳеч ким билан гаплаша олмайман.

– Биламан, – бош силкидим мен. – Лекин буни касалликка йўйма. Лоақал мижозларинг билан ҳар куни гаплашсанг-ку. Оз бўлса ҳам гаплашасан-ку, тўғрими?

У менинг гапларимга эътибор бермагандек давом этди:

– Аммо юрагимда бир тугун бор, бу ҳақда сенга сира гапирмаганман. Жуда муҳим нарса.

– Муҳим бўлса, айтиб бер. Айтиб берасанми?

Калтакесак индамади. Девордан кўз узмай туриб, чуқур нафас олди. Мен унинг фақат шарпасинигина кўриб турардим. У менга бутунлай ўхшамаган бир мавжудот эди.

– Эсингдами, болалигимда кўр бўлиб қолганим ҳақида гапириб берган-дим? – сўради Калтакесак.

– Шу ҳақда гапириб қоласан деб ўзим ҳам сезиб турувдим...

– Беш яшарлигимда уйимизга бир девона кириб қолганди. У орқа эшикдан билдирий кирган экан. У аллам-балоларни бақирган кўйи ошхонага кириб, пичокни олди-да, онамга урди. Онамнинг сонидан қон тирқираб оқа бошлади. У кўчага чиқиб, қочиб кетди. Мен отамнинг ишхонасига қўнғироқ қилдим. Отам: “Тез ёрдам”га қўнғироқ қиламан, сен онанг ёнида кутиб тур”, деди. Мен онамнинг ёнида ўтириб турдим. уни ўлиб қолади деб қўрқдим. Онамнинг жароҳатига кафтимни босиб қонни тўхтатишга уриндим. Ана ўша лаҳзаларда мен ўзимда табиблик иқтидори борлигини тушуниб етдим. Қон тўхтади. Кинода кўрсатишади-ку, худди шунаقا. Қўлимдан бир нур чиқаётгандай туюлди. Гарчи жароҳат битиб кетмаган бўлса ҳам, менинг даволашим таъсир қилгани кўриниб турарди. Қон оқиши тобора камайиб бораётганини фаҳмладим. Бир оздан сўнг “Тез ёрдам” машинаси етиб келди. Мени онам билан касалхонага олиб кетишиди. Мени ҳам ҳаммаёғим бутунлай қонга белангтан эди. Қўрқиб кетганимдан тилим калимага келмасди. Серрайиб турардим. Отам етиб келди, кейин полиция пайдо бўлди. Шунда ҳам лом-мим

демасдим. Дўхтир, қон қандай қилиб тўхтаб қолганини тушунмасди. У онамнинг бир мўъжиза билан омон қолганини айтиб, “Бахтингиз бор экан” деди.

Жимгина унинг ҳикоясини эшитяпману кўз ўнгимдан Калтакесакнинг онаси кетмасди. Эсимда у юрганида чап оёғини судраб босарди.

– Ана шу даҳшатли воқеадан ларзага тушган онам ақлдан озди, мен кўр бўлиб қолдим, отам эса таъкиб васвасасига учради. Бу қандайдир даҳшатли тушга ўхшайди. Мана шундай бир кунда, мудҳиш ахволдан бир пайтнинг ўзида халос бўлдик: мен кўра бошладим, онам уйдан бир ўзи бемалол чиқа бошлади, отам ниҳоят васвасадан халос бўлиб, ҳар нарсадан кўркиб уйни қулфлаб юрмайдиган бўлди. Лекин унга қадар қанчадан-қанча оғир кунларни кўрмадик.

Қайгули йилларни эсласам, юрагим орқага тортиб кетади. Лекин айнан ўшанда мен ўз вужудим ёрдамида ҳаётнинг сир-асроридан огоҳ бўлдим. Онам мен учун ҳамиша олий, илоҳий хилқат эди. Гарчи онам отам билан урушиб қолиб, баъзан қон-қон йиғласа-да, барибир нимаси биландир темир иродали аёл бўлиб кўринарди. Ўша мудҳиш кун, уни ерда қонига беланиб, дод солиб ётганини кўрганимда бир зум ичидаги эврилиш юз берганди – бамисли илоҳий хилқат ожиз бир маҳлуққа айланиб қолди. Агар жон танани муҳофаза қилмаса, тана бўшаган идишга — бўш бутилкага ўхшаб қолади. Мен мана шуни тушуниб етгандим. Шунинг учун агар астойдил истасанг, машинани тузатгандай инсон танасини ҳам тузатиш мумкин деган қарорга келдим. Мен ҳатто оломон ичидаги тез кунлар ичидаги жони узиладиган одамларни қўрсатиб бера оладиган даражага етдим. Агар кимнингдир жигари хаста бўлса, жигари ўрнида қора доғ кўринади. Тортишиб қолган мушаклар одатда кўқимтири туслаги киради. Мен кўпроқ шунга ўхшаган нарсаларни кўра бошладим... Лекин бу энди ҳаддан ташқари. Алоҳа ақлдан озмаслик учун аэробика билан шугуллана бошладим. Мана бутунга келиб энди-энди бир нималарга кўл урайпман. Сен билан танишганимнинг шарофатидир балки. Умидсиз, тушкун хаёллардан халос бўлиб, ниҳоят ўз имкониятларим нимада эканини тушуниб етдим.

– Хўп, бунинг нимаси ёмон? Менимча, бари ажойиб. Орамизда қандай муаммо бўлиши мумкин? – дедим мен енгил тортиб, лекин у гапимни бўлди:

– Бу ҳали ҳаммаси эмас. Энг асосийини айтганим йўқ, ҳатто ота-онамга ҳам айтмаганман.

У жим қолди. Сукунат жуда узоқ чўзилди. Калтакесак қирсиллатиб пицца ея бошлади. Шунда мен бирдан ёнокларидан оқиб тушаётган ёшни сезиб қолдим. Мен довдираб қолдим, чунки у илгари бир марта бўлсин йиғламаганди. Ҳаммаси равшан, у чинданам муҳим нарсани гапириб бермоқчи.

– Ҳўш, жиноятчи нима бўлди? Уни ушлашдими? – дея савол бердим сабрим чидамай.

Калтакесак менга паришон кўз ташлади.

Ҳозир мен, мабодо айнан шу лаҳзада шу саволни бермаганимда нима юз беришини тасавур қилиб, юрагим орқага тортиб кетди. Лекин нима бўлганда ҳам мен шундай саволни бердим. Чунки мен уни севардим. Ундан жудо бўлишни истамасдим. Бунга ишончим комил.

У кўз ёшларини оқизиб жавоб берди:

– Ушлаши. Лекин ўз ҳаракатларини бошкаролмайдиган телба эканини ётиборга олиб қўйиб юборишиди. Лекин мен уни ўлдиридим.

– Нима? – Бу кутилмаган икрорни эшитиб қичқириб юбордим. – Ўз қўлинг биланми?

– Йўқ-йўқ. Кўлим билан эмас. Қарғиши орқали. Сен бунинг мумкинлигига ишонасанми? Нима бўлғандада ҳам бу ҳақиқат. Мен уни дуойибад қилдим.

– Наҳотки сен шунга қодир бўлсанг?

Биз ҳеч қачон бунақа узоқ ва қизғин гаплашмагандик.

– Уни қандай қилиб ўлдиридинг?

– Мен ҳар куни унга ўлим тилаб дуойибад қилардим. Машина босиб кетсин, деб худодан сўрардим. Ўша пайтда ҳаётимиз азоб-уқубатда ўтарди. Икки йил муттасил уни қарғадим. Охири кунлардан бир кун кечки пайт, куёш ботар чоғи илтижоларим қабул бўлганини тушундим. Тилагим амалга ошганини хис қилдим. У ўлса менинг кўзларим очилишини сезардим. Ўша кун ботишидан бир ҳафта кейин мен янгиликларни тинглаётган эдим. Бир маҳал фалон-писмадон деган одам жиннилиги қўзиган пайтда ўзини юк машинаси тагига ташлаганини эълон қилишди. Бу менинг ишим эканини билардим. “Сен шунга лойиқ эдинг” дедим ичимда. Ёшим улғайгач, бу қилмишниминг нақадар оғирлигини тушуниб етдим. Ҳатто агар минглаб одамни даволасам ҳам ана шу ўлим доғини юволмайман. Вақт ўтган сари бу юк оғирлашиб бораверди. Мен сен билан танишганимдан сўнг бир нарсани, кимнидир ёмон кўриб қолсам, уни ўлдиришим мумкинлигини англаб етдим... Шунда мен ўзимга қойил қолдим. Ўйлаган ниятимни амалга ошира олганимдан қувондим. Ҳа-ҳа. Қувонганимдан мириқиб қулдим. Лекин бу Эдо¹ даври услугидаги интиқомни акс эттирувчи роман ёки телесериал эмас-ку, ахир. Бугунги Японияда, тинчлик пайтда мен ажали етмаган одамнинг ўлимига сабаб бўлдим. Битта нарсани аник биламанки, ажойиб кунларнинг бирида мана шу жиноятим учун жазоланаман. Оиламиз учун оғир бўлган ўша даврда қийналиб кетганимдан ҳар нарсага тайёр эдим. Ўша пайтда мен бир кун келиб, ота-онам ўтмишни эсламай тинч-тотув яшашини, кўзим яна кўра бошлаб вояга етишим, ишга жойлашишим, сен билан танишувимни тасавур ҳам қилолмасдим... Ўшанда бир-биrimизни танимасдик. Ҳар биrimиз ўзимизга тегишли оламда яшардик, бошқаси билан ишимиз йўқ эди. Бизнинг ҳаётимиз дўзахдан баттар эди. Мен йўқотадиган ҳеч нимам йўқлиги учун ҳаётимизни лаънатлардим. Энди ҳаммаси ўзгарди. Ҳамма нарса яхши томонга ўзгарди-ю, мен... мен кўрқа бошладим. Ўша одам тушларимга киради. “Мен ҳеч кимни ўлдирганим йўқ, сен эса қотилсан...” – дейди у. Унинг гаплари тўғрилигини анлаганим учун даҳшатга тушаман...

Калтакесак тинмай ҳасрат қиласади.

Энг осони ўша одамнинг тасодифий ўлимига сенинг айбинг йўқ, десам олам гулистон эди. Лекин шу хусусда ўйлаган сайн ўша одамнинг ўзини юк машинаси ғилдираклари остига ташлашга айнан Калтакесакнинг дуойибадлари мажбур қилганини аниқ-яққол сезардим. Мен илгари ҳам шунга ўхшаш воқеанинг гувоҳи бўлгандим. Гўёки қандайдир қора кучларнинг таъсири остида жонидан жудо бўлган ўсмирлар ҳали-ҳамон кўз ўнгимда кетмайди: улардан бири у парвариш қилиш мажбуриятини олган гул сўлиб қолгандан сўнг ўзини осиб кўйди; бошқаси вақтида ўқимай ибодати қазо бўлгани учун қон томирини кесганди. Улар, ишончим комил, бир нимага қарши турганлари учун шундай қилишган. Аммо улар қанча эзгулик қиласалар, камолотта эришиш учун қанча заҳмат чексалар, гуноҳ юки шунча оғир босарди. Бундай мashaққат ҳирсий мойиллик, ҳайз кўриш жараёни ёки ични бўшатмоқ чоғидаги қийналишга ўхшайди. Уни ҳеч ким билан бўлишиб бўлмайди. У фақат сенини ва бошқа ҳеч кимники эмас. Секин-аста қарши салбий кучлар иғифилиб дунёдаги жонига қасд қилишдек ҳолатларни вужудга келтиради...

¹ Эдо даври – Токугава (1600–1867) даври.

Ҳар доим мана шундай вазиятларга тушганимда, ҳеч нарсани ўзгартиромаганим учун ғазабдан ўзимни қўйгани жой тополмасдим. Ожизлигимдан қутуриб кетаман. – Мен ўзимни шунчалик бетайин, урғочи жинсининг ёнидан бир қадам нари жилмайдиган наслдор буқадек ҳис қиласардим. Ғазаб ўтида ёна бошлаганимда эса ҳеч нарсага ярамай қоламан...

Калтакесак ҳеч қачон, ҳеч қачон бунақа узоқ гапирмаганди.

– Менга қара, юр, бир оз айланиб келамиз. – Менинг илтимосимни эшитиб унинг қошлари чимирилди.

– Хавотир олма, – дедим уни хотиржам қилиш мақсадида, – сен хоҳлаган ерга борамиз. Уйда, сен билан сира гаплаша олмаяпман.

– Фақат беморларинг мисолида ҳаётда бундан баттар бўлиши ҳам мумкинлигини исботлаш учун касалхонагга олиб боришни ўйлама, хўпми? – деди у пальтосининг тугмасини қадаркан, илтимос оҳангидা.

– Бу фикринг маъқул, – ҳазиллашиб унга жавоб бердим ва ўрнимдан турдим.

Пальтосининг тугмасини қадаётган Калтакесакка қараб туриш менга ёқади. Пойабзалини кийиши учун энгашиб бўйинни чўзиб туришини яхши кўраман. Кўзгуга қараганидаги нигоҳи менга айниқса ёқади. Турли вазиятлар Калтакесакнинг кўп кирралигини вужудга келтиради. Унинг хужайралари қандай ўлиши ва қайта туғилишини кўраман. Таранг тортилган чаккаларини кўраман. Тирноқларидаги оқ ҳилолларини кўраман. У яшапти, оқим бўйлаб сузив бораяпти. Мен буни сезиб турибман. Унинг ҳар битта ҳаракати менинг инъикосим. У яшаши учун мен яшашим керак.

Шаҳарни ёз ифори тутиб кетган, ўт-гиёҳлар иси гуркиради.

– Қаёққа борамиз? – қизиқди Калтакесак.

– Иккиласиз айлангани чиқмаганимизга анча бўлди.

– Ахир иккаламиз ҳам ишда бандмиз-ку...

Шу пайт кутилмаганда орамиздаги ҳамма нарса барҳам топса керак, деган ўй кечди кўнглимдан. Энди биргалиқда баҳам кўрадиган ҳеч нарсамиз қолмаганди. Иссиқхоналардаги гиёҳлар шиша томларга етгач, ўсишдан тўхтагани каби биз ҳам йўлимиздаги енгиги ўтиш мумкин бўлмаган тўсиқка етиб келгандик. Бир-биримизга ҳар қанча ёрдам бермайлик, биз эркинлик ҳиссини туёлмаймиз, халос бўлишга курбимиз етмайди.

Энди биз қариялар каби кечаси инқилаб-синқиллаб, кундузлари қуёш тафтида исиниб ётишдан ўзга иложимиз йўқ. Кўлимидан бошқа ҳеч нарса келмайди.

Бу фикр аста-секин фикру зикримни бутунлай қамраб олди.

Лекин шу чоқ илкис ҳамма нарсани ўзгартиришга қодир қувончли овоз янгради.

– Топдим. Нарита-сан¹га чиқамиз!

– Нега энди?

– Нега бўларди? Эртага куннинг иккинчи ярмида ишларсан. Илтимос бора қолайлик. Таксига ўтиrsa бир соатда элтиб қўяди.

– Нима бор у ерда?

– Негадир ўша ёққа боргим келиб қолди. У ерда бир марта бўлганман. Ибодатхона ёнидаги гавжум бўладиган дўкончаларни яна кўргим келаяпти. Эрталаб эса ибодатхона кўчасида зираворлар, егулик гуруч, печенъелари сотиб олишимиз мумкин, – деди у кўзларини катта-катта очиб.

Тиббий кузатувлар одамни ўта синчков қилиб қўяди. Шунинг учун уни тушундим: жудаям боргиси келяпти. Лекин гап бунда эмас. Калтакесак мен-

¹ Нарита-сан – тоғнинг номи.

га мурожаат килганидан ниҳоятда ғуурланиб кетдим. Шу илтимос билан бошқаларга эмас, менга мурожаат қилганидан чексиз севиндим.

– Бўпти, кетдик.

Агар у истаса, кўнгли тусаган ерга борамиз. Фақат иккаламиз.

Биз Нарита-санга соат тунги бирларда етиб бордик. Омадимиз бор экан, меҳмонхонага қўнғироқ қилиб хона буюриб қўйишга муваффақ бўлдим.

Бутунлай зулматга чўмган ибодатхона кўчаси бўйлаб юқори кўтарила бошладик. Йўлнинг икки тарафидаги қатор кулбалардан ёқимли дарахт ҳиди анқирди. Кучли шамол эсади. Биздан четроқдаги уйлар томи узра ўлдузлар милтирайди.

Калтакесакнинг соchlари кучли шамолда ҳилпираб тўлғанарди.

Ибодатхонанинг дарвозаси берк эди. Девор оша шамолда чайқалаётган каттакон чироққа қўзимиз тушди. Чироқнинг нотекис ёруғида дўкончаларнинг гаройиб соялари тебранади.

Ваҳимали сукунат ҳукмрон эди. Атрофда ҳеч зоф йўқ. Калтакесак кулиб: – “Арвоҳлар шахри”ни ўзимча шундай тасаввур қиласдим, деди.

Деворга суяниб, кута бошладик. Орадан беш дақиқа ўтди – лекин ҳеч ким кўринмади. Ибодатхона кўчасидан ўтмиш иси тараларди. Ана шу кўча бўйлаб одамлар тўдасининг арвоҳлари билан қўл ушлашиб дайди шамол кезарди холос.

Калтакесак ёрқин кийимда, кўзни қамаштирувчи оппоқ табассум билан зимистон кечада туш бўлиб кўринди.

– Биласанми, – дедим мен, – ростини айтсам, менинг ҳам ўз сирим бор. Мен ота-онамнинг зурриёди эмасман. Ўгайман.

У гапларимни чурқ этмай тинглай бошлади. Ҳатто менга қарамади ҳам.

– Онам бир йигит билан юрар экан. Лекин ўзини севган ўша йигитни рад этиб, унинг акасига – менинг отамга турмушга чиқибди. Бечора йигит бу воқеадан телба бўлиб қолибди. Бир куни у келин-куёвнинг тепасига бостириб кирибди-да, пичоқ билан қўрқитиб уларнинг қўл-оёкларини боғлаб, отамнинг кўз ўнгидаги онамни зўрлабди. Сўнгра устидан керосин қуиб, ўзини ёқиб юборибди. Шовқин-суронни эшитиб чиқкан қўшнилар ота-онамни зўрга кутқариб қолишибди. Эҳтимол, бу воқеа унтулиб кетган бўларди, лекин афсуски мен дунёга келдим.

– Нимасини айтасан, ҳар қалай, бизнинг уйдагидан анча даҳшатлироқ экан, – деди паст овозда Калтакесак.

– Мана кўрдингми... Онам отамнинг илтимоси билан ҳомиласини олдириб ташламади. Аммо кўп ўтмай, мен туғилгач, онам эс-хушини йўқотди. Мени тарбиялаш учун қариндошларимизга беришган. Беш ёшга тўлганимдан сўнг ота-онамникига қайтиб келдим. Кейин онам ўз жонига қасд қилди. Ўлаётганда у менга: “Мени кечир, болам” деб шивирлаган эди. У доим ана шундай беозор эди.

– Демак, сенинг онанг йўқ эканда.

– Ўгай онам бор. Отам яна уйланган.

– Шунақами...

– Ҳаётда ҳар нарса бўларкан: баъзан одамлар ҳалок бўлади, баъзан – сенинг онанг сингари – тирик қолади; айрим оилалар пароканда бўлади, айримлари қийинчиликларни енгиг бирга яшашади. Бу нимага боғлик – одамларнинг феъл-авторигами ёки вазиятгами, лекин шуни яхши била-манки, бундай ҳолларда болаларга катта зиён етказилади. Гарчи... Мен, масалан, болалигимда баҳтиқаро онамнинг мурдасини қўрганман, лекин

шунга қарамай, маза қилиб овқатланишни яхши кўраман, тоза ҳаводан лаззатланаман... Дарвоқе муҳими бу эмас...

– Демак, шунинг учун дўхтири бўлишга қарор қилган экансан-да?

– Шундай деса ҳам бўлади, лекин бошқа сабаби ҳам бор... Умуман мен ўлим нималигидан боҳабарман. Ҳали она сутим оғзимдан кетмаган пайтдаёқ ўлим шууримда жуда оғир таассурот қолдирган. Мен ўлим ҳидини туйғанман.

Унинг мулоҳазалари қалбимни ларзага солди. Ҳаётда Калтакесакка дуч келишим муқаррар эканини энди англадим.

– Майли, бугунча етарли. Бунақа машъум воқеалар ҳаётда бўлади ва ҳамиша бўлиб ўтган. Кел энди, кўнгилсиз нарсаларни унутайлик-да, яхши ниятлар қилиб юрайлик. Бирга яшаб, гўзал ҳаёт кечириш тўғрисида қайғурайлик. Нима дединг?

– Менга қара, сен “Қисқа жума” ҳикоясини ўқиганмисан? – сўраб қолди у бирдан.

– Йўқ.

– Бу оддийгина чол-кампирнинг ўлими ҳақидаги ҳикоя. Биз ҳам шундай ўлим топсан зўр бўларди-да. Бу кекса эр-хотин диндор бўлишади. Худонинг тинч, ҳаловатли кунларидан бирида кечқурун ухлагани ётишади. Ошхонадаги плита пиширикхонасида сахарлик учун нон ёпиб пиширадилар. Ҳамма нарса жойида, нон тайёр, иш битди, аммо газни ўчиришни унугиб кўйдилар. Газ ҳидини сезганларида эса вақт ўтган эди – у бутун хонани тўлдирганди. Шунда улар бирдан ўзларини енгил ҳис этдилар ва баҳти ҳалок бўлдилар.

– Ғалати ҳикоя экан. Ўқиб чиқарман.

– Зўр-а, тўғрими? Менга умуман бошқа одамларнинг ўлими ҳақида ўйлаш ёқмайди, лекин мана шунағанги ўлим бўлса, ҳасад қиласа арзиди...

– Биласанми, кел, яххиси ҳамма нарсани ўзимизга олавермайлик. Умуман, бас қилиш керак, ҳадеб шунақа нарсалар тўғрисида ўйлашни. Ишхонадаги кўраётганларимизнинг ўзи етарли. Ҳали ёшмиз, ҳаётимиз ҳали олдинда. Қадамба-қадам ҳаракат қилаверамиз. Аста-секин бўлса ҳам эртанги кундан умид қилиб. Йккаламиз ҳам жуда ғалати бир вазиятга тушиб қолганимиз, лекин ўзимизни қўлга олишимиз керак, акс ҳолда ҳаётимиз издан чиқиб кетади.

Гарчи Калтакесакни шубҳа-гумонлар ўртаётгани кўриниб турган бўлса-да, гапимни тасдиқлаб бош қимирлатди. Унга алоқадор нарсаларга келса, барча нарсада мен ўн беш яшар боладек ғалча бўлиб қолавераман, – у билан бирга эканлигимдан мамнун юраман, унинг мени севишидан ғурурланаман.

Кўхна меҳмонхонага етиб келгач, биз хорғин ҳолда каравотга чўқдик. Калтакесак ҳар доимгидек менинг пинжимга кириб ётди, уни ухлаб қолди деб ўйладим. Чарчаганимдан кўзларимни очолмасдим.

Мен мудрай бошлаганимда Калтакесак алланималар деди. Мен қайта сўрадим.

– Нима?

– Хуллас, – деди у худди бошлаган гапини давом эттираётгандай, – агар бизнинг ҳаётимизда шундай бир одам ...ёки ярим худо бўлиб, одамларнинг диёнат ва инсоф билан яшашларини назорат қилиб турса эди, у оғир вазият вужудга келганида: “Бундай қилиш мумкин эмас ёки тўғри қилдинг” – деб огоҳлантириб турарди. Яхшию, тўғрими? Лекин бунақа илоҳ йўқ.

Агар бўлганида эди, бундай қабоҳатларга барҳам берган бўларди. Аммо ҳозирча бари давом этаяпти. Ўзимиз эплашимизга тўғри келади. Бошимизга тушган фожия ҳар қанча даҳшатли бўлмасин, улардан ҳам даҳшатлироқ нарсалар юз бериши мумкинлигини унутмаслигимиз лозим. Мана ҳозир, айни пайтда ер юзида юз минглаб баҳтиқаро одамлар нафас олишаяпти. Шу сонияда одамлар жон бераяпти, кариндошларини йўқотаяпти. Уларга хиёнат қилишяпти, уларни ўлдиришяпти. Дунё шунчалар фожиаларга кон... Кошки уларнинг бари тўхтатилса... Кошки дунёда баҳтсиз болалар камроқ бўлса...

Бу кўхна, анъанавий услубда курилган япон меҳмонхонасида ушбу маҳзун сўзлар ғамгин шеър сатрларидек эшитиларди. Ухлаётганимизда, биз ҳозиргина келган қоронғи ибодатхона кўчаси одамлар билан тўлади, шовқинга кўмилади, сотувчилар савдони бошлайди, бутхонанинг бош дарвозаси шарақлаб очилади. Ҳаммаси ўзгаради. Шодлик, ўйин-кулги авж олади. Шамол қовурилган балиқ, гуруч кўғирмочининг ҳидини олиб учади. Биз Хитойнинг хушбўй шамчирикларидан харид қиласиз, ибодатхонадан эса янги уйимизга осиб қўйиш учун туморлар сотиб оламиз. Одамлар оқимини кузатамиз; туни билан ҳувиллаб ётган ҳаёт янгидан қайнаётганининг гувоҳи бўламиз.

Лекин мен шундай ҳолдан тойган эдимки, гапиришга мажолим йўқ эди. Бу гапларимни унга эртага айтишга қарор қилдим.

Борди-ю, у ўлиб қолса-чи?

Демак у эртага бўлмайди дегани, бу бинобарин, менга бошқа ҳеч нарса демайди. Менинг пинжимга суқилган ҳоҳиш манбаи, ҳам унинг ҳоҳиш истаклари – ҳаммаси йўқ бўлади-кетади.

Чаккасига тушиб турган сочлари, ёноғига тушиб қолган бир дона киприги бўлмайди. Бўялган тирногидан сал қуйирокда куйгандан ҳосил бўлган кичкина чандиқ йўқолиб кетади. Ҳамма нарсани ҳаракатга келтириб турган жони узилади. Мен мана шулар ҳақида гаплашмоқчиман. Одамлар одатда гапиришни ҳоҳламайдиган нарсалар ҳақида сўзлашмоқчиман.

Факат у яшаса бўлгани.

Эртага шуларнинг ҳаммаси ҳақида гапириб бера оламан.

Шу пайт Калтакесак мулойим овозда:

– Яхши ухлаб тур, – деди.

Мен эса уни ухляяпти, деб ўйлабман.

Ҳайратланганимдан уйқум қочиб кетди. Унга назар солдим. У кўзларини юмиб ётарди, ҳозир унинг ухламаётганини билсам-да у ухлаётгандек туюларди. Мен ҳам унга хайрли тун тиладим. Бунга жавобан Калтакесак минғирлаб:

– Биласанми, ўлганимдан кейин мен дўзахга тушаман, – деди.

– Ҳеч кўрқинчли жойи йўқ. – Эҳтимол, бу жуда ожиз тасалли эди.

– Менимча ҳам шундай. Дўзахда менинг мижозларим янаем кўпаяди.

Атиги бир неча сониядан сўнг у уйқуга кетган одамлар сингари бир текисда нафас ола бошлади. Унинг чехраси маъсум болаларнинг юзига ўхшарди.

Мен янга бир оз уни завқланиб томоша қилиб ётдим, сўнг болалигимизни эслаб йиғлашга тушдим.

АМИР ТЕМУР СИЙМОСИ – ЖАҲОН ОПЕРАНАВИСЛИГИДА

“...Амир Темур бобомиз ҳақида инглиз драматурги Кристофер Марло 1588 йили тарихий пьеса, машҳур немис композитори Георг Гендель 1724 йили опера, америкалик адаб Эдгар По эса 1827 йили шеърий поэма яратган. Ба бундай асарлар бугунги қунда ҳам кўплаб пайдо бўлмоқда... Табиийки, бу асарларнинг барчаси улуг бобомизнинг ҳаёти ва фаолияти билан боғлиқ кўпгина масалаларга жавоб топшида, уларни тарих ва бугунги замон нуқтаи назаридан ёритшида муҳим ўрин тутади. Уларнинг ҳар бири Соҳибқирон сиймоси ҳақида ўзига хос тасаввур ва тушунча беради”.

Ислом КАРИМОВ

XVI–XX асрлар оралиғида Фарб мамлакатларида шавкатли Соҳибқирон Амир Темур сиймоси тасвирланган 60 тадан зиёд турли жанрдаги саҳна асарлари яратилган. Бу асарларнинг номланиши деярли бир хил, сюжет йўналиши ҳам ўзаро ўхшашdir². Ушбу асарлар орқали Фарб томошибинига, бир томондан, турли қизиқ воқеаларга бой антика сюжетлар намойиш этилган бўлса, иккинчи томондан, география, сиёсат ва маданият соҳаларига оид янги ахборотларни тақдим этиш ҳисобига Фарб кишисининг Шарққа нисбатан муносабати ва дунёқарashi шакллантириб борилган.

Фарб адиллари, драматург ва операнависларининг асарларида, айниқса, Амир Темур қиёфаси ўзига хос тарзда талқин қилинган. Айни чоғда, фарблик қаламкашлар таянган манбаларда Соҳибқирон шахси турлича, яъни баъзан бир-бирига бутунлай қарама-қарши, баъзан эса ўта чалкаш ифода этилгинини айтиб ўтиш керак. Бу, ўз навбатида, адабий-бадиий асарларда ҳам Амир Темур тимсолининг ҳар хил тасвирланишига сабаб бўлган. Бундай ранг-баранглик Соҳибқирон сиймосини фарблик ижод ва санъат намояндалари турлича идрок этганидан далолат беради.

Ўзбекистонда ҳали яхши таниш бўлмаган мусиқий саҳна асари – Георг Фридрих Гендельнинг (1685–1759) “Амир Темур”³ операси ушбу

¹ Ислом Каримов. Миллий давлатчилигимиз тарихининг мумтоз намунаси // Темур тузуклари / Таҳир ҳайъати: Б.Абдуҳалимов ва бошқ., форсча матндан А.Согуний ва Ҳ.Кароматов тарж. – Т.: “Ўзбекистон”, 2011. 6-бет.

² Турсунова Р. Образ Амира Темура в сценических произведениях Запада // San'at, 2006, №2.

³ George Frideric Handel. Tamerlano / Dramma per musica in tre atti / Libretto: Nicola Francesco Haym (<http://music.genabee.msu.ru/Andrej/G.F.Handel/Tamerlano.htm>).

фикримизнинг яққол тасдифидир. Бу уч пардали опера Никола Франческо Хаймнинг¹ итальян тилида басталанган либреттоси асосида яратилган. Г.Гендель ўз асарини 1724 йилнинг июль ойида, 20 кун ичида ёзиб тутатган. Опера биринчи маротаба Лондоннинг Қироллик театрида 1724 йил 31 октябрда намойиш этилган.

Хўш, Гендельнинг ўзи ким бўлган? Георг Фридрих Гендель (Georg Friedrich Händel) – барокко даврининг машхур немис ва инглиз бастакори. У Германияда Иоганн Бах ва Доменико Скарлатти билан бир йилда – 1685 йил 23 февралда туғилиб, Италияда, шунингдек, Гамбург, Ганновер, Лондонда таҳсил олган ва фаолият кўрсатган, 1759 йил 14 апрелда Лондонда вафот этган. Гендель 1702 йилда Галле-Виттенберг университетининг юридик факультетига ўқишига кириб, илохиёт ва ҳуқук фанларини ўрганган. Ҳуқуқшунослик бўйича профессор Христиан Томазий² раҳбарлигида таҳсил олган бўлса ҳам, юриспруденцияга унчалик қизиқмаган.

Гендель хаёти давомида “Юлий Цезарь”, “Ринальдо” ва шу каби 40 тага яқин опера яратган. 1856 йили Лейпцигда Гендель жамияти тузилган. Гендель жамияти 45 йил давомида композиторнинг юз жилдан ортиқ асарларини нашрдан чиқарган. 1882–1939 йилларда Лондонда ҳам Гендель жамияти фаолият кўрсатган бўлиб, асосан Гендельнинг унча машхур бўлмаган асарлари ижроси билан шуғулланган. 1955 йилда ташкил топган Галл жамиятининг Гендел нашриёти эса Гендельнинг тўла асарлар тўпламини чоп этган.

“Амир Темур” операси яратилган ва намойиш этилган саналар Г.Гендель хаёти ва фаолиятининг ғоят муҳим даврига тўғри келади. Чунки айни ўша даврда, яъни 1720–1728 йилларда Г.Гендель Англияда Қироллик мусика академиясининг директори лавозимида фаолият олиб борган. Бу лавозимга тайнланиши билан Г.Гендель Германияга йўл олган ва Ганновер, Галл, Дрезден, Дюссельдорфдан ўз трупласига санъаткорларни жалб этиш билан шуғулланган.

Шундан сўнг бастакор опера соҳасида жўшқин фаолият бошлаган. Жумладан, қиролга бағишлиланган “Радамист” номли янги операсини 1720 йил 27 апрелда Хеймаркетда илк бор тақдим этган. Аммо, ўша йилнинг охирида Лондонга италиялик композитор Жованни Бонончинининг келиши ва “Астарта” операсини намойиш этиши Г.Гендельнинг ижодий ютуқларига соя солган³.

Г.Гендель ўз операларини итальянча услубда ёзгани боис Бонончини билан ораларида кескин рақобат юзага келган. Қиролга нисбатан мухолифатда бўлган ва Г.Генделга душманлик кайфияти билан ёндашган аксарият асилзодалар италиялик бастакорни қўллаб-қувватлаган. Г.Гендельнинг кейинги опералари, “Юлий Цезарь”ни истисно этганда, муваффақиятсизликка учраган.

¹ Никола Франческо Хайм (Nicola Francesco Haym, 1678–1729) – Италияда туғилган (асл келиб чиқиши германиялик) машхур скрипачи, либреттонавис, опера бастакори, театр бошқарувчиси ва нумизмат (чақа-танга ва медаллар тарихини ўрганувчи). У санъат соҳасида Георг Фридрих Гендель ва Жованни Баттиста Бонончини билан яқин ҳамкорлик қилган, умрининг охирини Англияда ўтказган.

² Христиан Томазий (Christian Thomasius, 1655–1728) – германиялик ҳуқуқшунос ва файласуф олим, маърифатпарвар арбоб. У 1687 йили немис тилида ҳуқуқшунослик бўйича маъруза қилган биринчи файласуф ҳисобланади. Христиан Томазий немис фалсафий атамашунослигига асос соглан. Шунингдек, у “Ойлик сұхбатлар” номли илмий журналнинг асосчиси. Галле-Виттенберг универсиитетини ташкил этишда ҳам иштирок этган.

³ Romain Rolland. Handel.– 1916.–204 с.

Вазиятни ўнглаш учун Г.Гендель ҳатто 1721 йил 5 майда тақдим этилган “Алессандро” номли операсига ўзаро рақиб бўлган итальян қўшиқчилари Фаустино Бордони ва Франческо Күцционини жалб этган. Бизнингча, худди шу кескин ижодий беллашув жараёнлари Г.Гендельни зафар ва ғалабалар тимсоли – Амир Темур сиймосига мурожаат этишга туртки берган бўлиши эҳтимолдан холи эмас.

“Амир Темур” операсининг асл манбаси – Агостино Пиовене¹ қаламига мансуб бўлиб, мазкур либретто матни Н.Хайм томонидан қайта ишлаб чиқилган. Опера мусиқаси эса Франческо Гаспарини²га тегишилдири. Маълумки, Ф.Гаспарини ижодининг етук палласида, 49 ёшида “Амир Темур” операсини яратган.

Антонио Вивальди³ 1735 йили ўзининг “Амир Темур” мусиқасини яратишида итальян композитори А.Пиовене либреттосидан фойдаланган. А.Пиовене ҳам ўз асарини ёзишда Пьер Корнелнинг шогирди ва ҳамشاҳри, француз драматурги Жак (баъзан – Никола) Прадон (Jacques Pradon) (1644–1698) томонидан 1676 йилда ёзилган “Амир Темур ёхуд Боязиднинг ўлими”⁴ трагедиясидан илҳомланган.

Баъзи манбаларда Г.Гендель инглиз драматурги ва шоири Николас Роунинг “Амир Темур” операсидан ҳам руҳланган бўлиши мумкинлиги қайд этилган⁵. Соҳибқиронга бағишланган саҳна асарлари орасида алоҳида ўрин тутадиган ушбу пьеса машҳурлиги ва аҳамияти нуқтаи назаридан В.Шекспирнинг мумтоз асарлари билан bemalol беллашган. Эътиборли жиҳати шундаки, пьесада Амир Темур образини талқин этишида қаҳрамонлик мавзуси билан бирга яна бир мавзу – бош қаҳрамон билан Астерия (Боязиднинг қизи) ўртасидаги муҳаббат кечинмалари юксак пардаларда тараннум этилган.

Бу мавзуни очиб беришда А.Пиовененинг “Амир Темур” либреттоси (1711) оммаболиги билан ажralиб турган. Пиовене либреттоси асосига кейинчалик 15 нафар композитор ўз қўшимчаларини киритган ҳолда, жумладан, 1720 йилда – Фортунато Челлерি, 1722 йилда – Леонардо Лео, 1728 йилда – Жовани Антонио Нини, 1730 йилда – Николо Порпора, 1735 йилда – Антонио Вивальди, 1754 йилда – Ж.Бернаскони, 1764 йилда – Ж.Сколари ва Петро Гуглиельми, 1773 йилда – Антонио Саккини, 1796 йилда – Фердинандо Пайер, 1818 йилда – Жовани Тадонини, 1824 йилда – Антонио Сапиенца ўзларининг саҳна асарларини намойиш этган.

А.Пиовене либреттосига биринчилардан бўлиб эътибор қаратган композиторлар – Марк Антонио Зиани (1689), Франческо Гаспарини (1717) ва Георг Фридрих Гендель (1724) ҳисобланади. Г.Гендель ўз опе-

¹ Агостино Пиовене (Agostino Piovene, 1671–1721) – италиялик бастакор, драматург, либреттонавис.

² Франческо Гаспарини (Francesco Gasparini, 1668–1727) – италиялик, барокко даврининг машҳур бастакори.

³ Антонио Лючио Вивальди (Antonio Lucio Vivaldi) – 1678 йил 4 марта Венецияда туғилган ва 1741 йил 28 июнда, 63 ёшида Венада вафот этган. XVIII асрнинг энг забардаст итальян бастакори, машҳур “Иил фасллари” мусикий асарининг муаллифи, мусиқашунос олим, скрипкачи, педагог, дирижёр, католик руҳоний. Ўн ёшидан скрипка чалишини ўрганганд Вивальди бу йўналишида “ломбارد” деб номланган янги ижро усулини кашф этган ва мусика тарихида итальян скрипка сози ижроилигининг ўз давридаги йирик намояндаси сифатида ном қолдирган. Антонио Вивальди фоят сермаҳсул композитор бўлиб, 90 та опера, 500 та концерт муаллифи ҳисобланади. Меркурий сайдрасидаги кратерлардан бирига ва Италиянинг Сиена институтига Антонио Вивальди номи берилган. Қаранг: Вирджилио Боккарди. Вивальди. – М.: Молодая гвардия, 2007. – С.272.

⁴ Jacques Pradon. Tamerlan, ou la Mort de Bajazet, Lyon. 1676. 72 pages.

⁵ Турсунова Р. Образ Амира Темура в сценических произведениях Запада // San'at, 2006, №2 .

раси устида иш бошлаш олдидан Антонио Сальви¹нинг итальян тилида басталанган либреттоси асосида яратилган Александро Скарлаттининг “Буюк Амир Темур” операси билан ҳам танишган бўлса ажаб эмас. Чунки ушбу либретто ҳам Ж.Прадон пьесасидан олинган бўлиб, Флоренцияда 1706 йили намойиш этилган. Г.Гендель эса ўша йиллари Флоренцияда бўлгани маълум.

Ушбу операнинг дастлабки ижрочилари Италия опера театридаги энг атоқли қўшиқчилар бўлган. Яккахон ижрочи айтадиган қисмларни тенор – Франческо Борозини (Боязид), альт – Антонио Берначчо (Амир Темур), сопрано – Мария Бенти Булгарелли (Астерия), сопрано – Фаульстена Бордони (Ирен) каби машхур санъаткорлар ижро этган². Табиийки, уларнинг ижро маҳорати ҳам операнинг муваффақият қозонишида муҳим аҳамият касб этган.

1724 йилда Қироллик консерваториясининг олтинчи мавсуми Г.Генделнинг “Амир Темур” операси билан очилган. Театр жамоасининг ижрочилар гурухига опера театри юлдузлари Андреа Пакини (Амир Темур), Франциска Куццони (Астерия), Анна Виценза Дотти (Ирен), аввалги таркибдан эса тенор – Франческо Борозини (Боязид) таклиф этилган.

Г.Гендель операсида тараннум этилган мураккаб сюжет чизигидаги воқеалар музaffer Соҳибқирон Амир Темур ва унга асир тушган Усмонли турклар сultonи Боязид Йилдирим ўртасида бўлиб ўтади. Воқеалар санаси – 1402 йил, воқеалар кечадиган жой – Анатолиянинг шимолигарбий қисмида жойлашган Бурса шахри. Опера французча увертюра³ ва менуэт⁴ билан бошланади.

Ғарбда қарийб 300 йил олдин яратилган ва ўтган даврда Ғарбнинг ўнлаб пойтахтлари театрларида мунтазам намойиш этиб келинаётган бу машхур опера Амир Темур тимсоли куч-кудратли, имон-эътиқодли, меҳр-оқибатли ва юксак маданиятли буюк шахс сифатида ижобий талқин қилинган.

Акмал САЙДОВ,
профессор

¹ Антонио Сальви (Antonio Salvi, 1664–1724) – Тоскания буюк герцоглигига даргоҳ врачи ва либреттонавис.

² Турсунова Р. Образ Амира Темура в сценических произведениях Запада // San'at, 2006, №2.

³ Увертюра – саҳна асари, кинофильм кабиларнинг бошланиши олдидан ижро этиладиган мусиқали муқаддима; опера увертюраси, операнинг мусиқали муқаддимаси; оркестр учун ёзилган соната шаклидаги мустақил концерт асари.

⁴ Менуэт – французча қадимий рақс ва унинг мусиқаси.

НОРВЕГИЯ ҚИРОЛЛИГИ



Мустақиллик санаси –
1905 йил 26 октябрь
Пойтахти – Осло
Майдони – 385 186 км²
Аҳолиси – 5 063 709

қиши

Давлат тили – норвег тили



Худудининг қарийб учдан икки қисми тоғлардан иборат бўлган Норвегия Шимолий Европада жойлашган. Аҳолисининг 90 фоиздан зиёди норвеглар. Саамлар, квенлар, шведлар, данлар, немислар ва бошқалар ҳам яшайди. Конституцияли монархия ҳисобланувчи Норвегияда 1814 йил 17 майда қабул қилинган Конституция амал қиласди.

Норвегларнинг ҳаёти азалдан денгиз билан боғлиқ ҳолда кечган. Довюраклиги билан ном қозонган викинглар, яъни ҳарбий денгиз аскарларининг уммон билан кураши кўплаб бадиий асарларга асос бўлган. Мамлакатнинг номи ҳам “норвег” – “шимолий йўл”, “денгиз йўли” маъносини билдиради.

Дунё маданиятида муносаб ўрин эгаллаган Норвегия адабиёти, санъати Бъёрнстерне Бъёрнсон, Кнут Ҳамсун, Сигрид Унсет сингари Нобель мукофотига сазовор бўлган адиллари, Даг Сульстад, Тур Обрестад, Эльдрид Лунден, Ҳенрик Ибсен, Юн Фоссе каби машҳур ёзувчилари, Фартеин Вален, Эдвард Григга ўхшаш довруқли мусиқашунослари, Тур Ҳейердалек жаҳонга машҳур саёҳатчи-тадқиқотчилари билан ҳақли равишда фахрланади.

Адабиёт

Норвег адабиёти букмол ва янги норвег тилида ёзилган асарларни ўз ичига олади. Норвег адабиётининг тарихи мајусий эддик ва скалдик шеъриятга (IX–X асрлар) бориб тақалади. “Кичик Эдда” ва “Катта Эдда” энг қадимги скандинав адабий ёдгорликлари норвег, исланд ва Дания адабиётларига баравар даражада дахлдордир.

Норвегияда 1500дан кўпроқ ана шундай адабий ёдгорликлар мавжуд. Норвег рунологи А.Листёлем уларни бир тизимга солиб, тадрижий ри-вожини тартибга келтирган. Шундай ёдгорликлардан бири 1870 йилда Вестфоллда топилган. 1000 йиллар атрофида насронийлик кириб келиши билан Норвегия бошқа Европа маданиятлари билан алоқа ўрната бошлади.

XIV–XIX асрлар мобайнида Норвегия адабиётида қоронғи давр ҳукм суради. Людвиг Холоберг каби ёзувчилар Дания ва бошқа турдош мамлакатлар адабиёти ривожланишига ўз ҳиссаларини қўшди. XIX аср бошида миллий ҳаракатлар уйғониши ва мустақиллик учун кураш авж олиши муносабати билан норвег адабиётида янги давр бошланди. Драматург Ҳенрик Варгеланн ва ёзувчи Ҳенрик Ибсен Норвегия адабиётининг Ғарбий Европа адабиётида муносиб ўрин эгаллашларига имкон берди. XX асрда эса икки Нобель мукофоти совриндори: Кнут Ҳамсун ва Сигрид Унсет норвег адабиётининг энг кўзга кўринган вакиллари сифатида намоён бўлди.

Илк ўрта аср норвег адабий ёдгорликлари ичидаги қонун битиклари алоҳида ўрин тутади. “Норвегия диндорларига раддия” асари XIV аср бошида яратилган. Кейинги икки асрда ҳалқ оғзаки ижодида силжишлар рўй берди – янги баллада жанри кенг оммалашди. Ана шундай балладалар тўпламини XIX аср ўрталарида ношир М.Ланет нашр эттиради. Қаҳрамонлик балладалари ичидаги “Роланд ва қирол Магнус” номли қадимги эддин қўшиқлари ҳалқ ичидаги кенг ёйилди. Балладалар ҳам мавзусига қараб турли жанрларга бўлинади.

Абсалон Педерсен Бейернинг (1529–1574) “Норвегия давлати ҳақида” ватанпарварлик ва тарихий мавзудаги китобининг чоп этилиши (1567) норвег адабиётида чинакам тараққиётнинг янги эврилишини намоён этди. Педерсен яна 1552–1572 йиллардаги воқеаларни қамраб олган “Берген мағлубияти китоби”ни ёзди. Берген маданий марказга айланиб бўлган ва адабий ҳаёт айнан шу ердай қайнай бошлаганди.

Янги давр норвег адабиёти сирасида биринчилардан бўлиб шоир Петер Дасс (1647–1707) кўзга ташланади. Унинг “Нурланн садоси” достони рангин оҳангларда, гоҳо кулгили сахналар тасвиirlаб ёзилган, унда норвег деҳқонларининг турмуши ва урф-одатлари кенг ифода этилган. Дасс ўзи капеллан (уй руҳонийси), мураббий ва черков мутасаддиси бўлганидан ҳалқ ҳаётини чукур билар ва ҳалқ дардини ҳис этар эди.



Тарихда биринчи таниқли норвег адабаси ва шоираси Доротея Энгельбретедаттер бу давр адабиётида ўзининг айрича ўрнига эга. У асосан диний руҳда асарлар ёзган. Доротея эрта бева қолади, тўққиз фарзанддан еттитаси нобуд бўлади, иккитаси бедарак йўқолади. Унинг “Afften Psalme” достони шоиранинг айнан мана шу жудолик дардлари билан тўлиб-тошгани ўз-ўзидан тушунарли, албатта. Асарларини ўзининг ҳисобидан чиқаргани боис Доротея Норвегиянинг биринчи санъаткор адабаси сифатида ном қозонган.

Иқтисодиётдаги жонланиш XVIII аср норвег адабий ҳаётида ҳам се-зилади. 1772 йилда Копенгагенда “Норвегия жамияти” ташкил этилиши миллий норвег адабиёти шакланишига олиб келди. Мазкур жамиятга норвег адаби ва шоири Уве Мейер (инглиз-рус) (1742–1790) асос солган эди. Мейер адабиётда у қадар катта муваффақиятларга эришмаган бўлсада, у асос солган Норвегия адабий жамияти унинг номи адабият касб этиши учун етарли бўлди. Жамиятнинг биринчи йигини мадам Юэлнинг қахвахонасида қизгин нутқлар, маърузалар, мушоира ва мубоҳасалар билан бўлиб ўтади.

Романтиколди давр норвег адабиётининг энг таникли вакили Йоҳан Вассель эди, у қатор ҳажвий достон ва рисолалар ижод қилди. Худди шундай ижодкорлардан яна бири драматург Ю. Браун (1745–1816) бўлиб, у тарихий мавзуда биринчи норвег трагедияси “Эйнар Тамбешельвер”ни яратди (1772). Ижодкор кўплаб ватанпарварлик руҳидаги шеърлар ҳам ёзди, унинг “Жангчилар юрти Норвегияга атаб...“ шеъри миллий қўшиққа айланган. Мазкур қўшиқни “Норвегия Марсельезаси” деб ҳам атайдилар.

Миллий адабиёт тикланишига икки воқеа сабаб бўлди. Биринчидан, 1811 йил Христиания университетига асос солинди (кейинчалик Осло университети деб қайта номланган). Иккинчидан, Дания билан кўп йиллик уния (иттифок)дан кейин (1380–1814) Норвегия 1814 йил Эйдаволлда ўзининг биринчи Конституциясини тасдиқлади. Уния вақтида норвег тили ўрнига дания тили қўллангани сабаби не эканини шундан билса бўлади.

XIX асрнинг иккинчи ярмидан норвег мусиқаси, тасвирий санъати ва адабиёти гуллаб-яшнади. Ибсен, Бъёрнсон ва Ҳамсун сингари жаҳоншумул адиллар бутун дунё ўқувчиларини ром этди ҳамда нуфузли мукофотларга сазовор бўлди. Уларнинг издошлари Сигрид Унсет, Сигурд Ҳуль ва Юхан Борген норвег адабиётини ҳар томонлама бойитди ва жаҳонда етакчи ижодкорлар сифатида эътироф топди.

Шуни айтиш жоизки, Ҳенрик Ибсен, Бъёрнстъерне Бъёрнсон, Александр Хелани ва Юнас Лини “буюк тўртлик” деб атайдилар.

Шубҳасиз, норвег адабиётининг энг машҳур вакили Кнут Ҳамсун ижодини гапирмай ўтишнинг иложи йўқ. У ижодини шеъриятдан бошлайди. Бироқ 1890 йилда у ёзган “Очарчилик” қиссаси адилга фақат Норвегияда эмас, ундан ташқарида ҳам катта шуҳрат олиб келди. Ҳамсуннинг қахрамонини Достоевский қахрамонлари билан қиёс қилишади. Ёзувчи норвег адабиётидаги модернизмнинг энг юрик вакили деб тан олинади. Унинг услуби таъсирини кейинчалик Ж.Жойс, Пруст ва Виржиния Вульф асарларида кўриш мумкин. “Ер мевалари” (1917) ёзувчи ижодий фаолиятининг энг юқори чўққиси бўлиб, айнан шу асари учун у Нобель мукофотига (1920) лойиқ кўрилди. Бир мамлакатнинг ўзидан уч нафар ижодкор Нобель мукофоти совриндори бўлишининг ўзиёқ Норвегияда миллий адабиёт қай даражада тараққий топганини айтиб турибди: 1903 йил – Бъёрстъерне Бъёрнсон, 1920 йил – Кнут Ҳамсун, 1928 йил – Сигрид Унсет.

Бундан ташқари, Норвегиянинг ўзида ўн уч адабий мукофот борлиги ҳам ушбу мамлакатда умуман ижодкор халқига эътибор ва ғамхўрлик аъло даражада эканини кўрсатади.

Амир ФАЙЗУЛА
тайёрлади



Театр

Норвег профессионал театр санъатининг шаклланиши драматург Хенрик Ибсен (1828–1906) номи билан бевосита боғлиқ. 1850 йили Берген шаҳрида композитор

Уле Булль ташаббуси билан Миллий театр очилади. Йилдизлари XVIII асрга бориб тақаладиган ушбу ҳаваскорлик труппасида 1791–1793 йилларда илк маротаба “Оролдаги республика” ҳамда “Эйнар Тамбе-шельвер” (Брун) номли миллий тарихий трагедиялар ўйналган. 1852 йили Уле Булль Ҳ.Ибсенни театрга режиссёр ва драматург сифатида ишга таклиф қиласди. Айтиш мумкинки, ушбу ҳаваскорлик жамоасининг профессионал театрга айланishiда Ҳ.Ибсенning хизматлари ниҳоятда катта бўлди. 1857 йили Ибсенни Христианиядаги (Ослонинг қадимги номи) норвег театрини бошқаришга таклиф қилишади. Миллий театрга эса драматург Бъёрнстъерне Бъёрнсон раҳбар этиб тайинланади. Норвег Миллий театрига 1876 йилдан “Миллий саҳна” номи берилади.

Христианиядаги норвег театрни 1854 йили ташкил этилган. Бироқ худди Бергендаги каби Христианияда ҳам XVIII асрда ёқ ҳаваскорлик тўғараклари мавжуд бўлиб, уларнинг энг йириклидан бири – 1780 йилда таркиб топган “Драма жамияти” дир. Айни пайтда Христианияда шаҳар театри ҳам мавжуд бўлиб, янги ташкил этилган норвег театрни у билан рақобатчи эди. Маҳаллий ҳукумат томонидан қўллаб-куvvатланган Христиания театри жуда катта мавқега эга бўлиб, асосан Дания маданиятини тарғиб қилувчи асарларни саҳналаштиради. Репертуарига бирорта ҳам норвег миллий драматургияси киритилмаган, ҳатто Ибсен ва Бъёрнсон пьесалари ҳам маблағ этишмаслиги баҳонасида саҳналаштирилмаган. Бу ҳолатдан қаттиқ ранжиган Ибсен миллий драматургияни ривожлантириш, норвег тилидаги пьесаларни саҳналаштиришга жиддий эътибор қаратиш тўғрисида қатор мақолалар эълон қиласди. Ҳукумат идоралари унга эътибор бермайди, аксинча янги театрни моддий жиҳатдан чеклаб қўяди. Ибсен ҳар икки жамоани бирлаштириш таклифи билан чиқа бошлияди. Ниҳоят, 1863 йили унинг нияти амалга ошиб, иккала труппа бирлашади. Бироқ бу билан соф миллий театрни ташкил этиш масаласи ҳал бўлиб қолмайди. 1870 йили кўпчилик актёrlар театрдан кетиб, Бъёрнсон раҳбарлигига мустақил труппа ташкил бўлади. 1899 йили Христиания театри тарқаб кетади ва унинг етакчи актёrlари шу йили Ослода ташкил топган Миллий театрга ишга ўтади. Ушбу театр Норвегиянинг энг йирик маданий марказларидан бирига айланади.

Норвег миллий театри XX асрда тўла маънода ўзининг бадиий қиёфасига эга бўлди. Ушбу театрдан бугунги кунда жаҳон театрлари саҳналарини забт этган машхур драматург, актёр ва режиссёrlар етишиб чиқди.

Бугунги кунда мамлакатда фаолият юритаётган Осло Янги театр, Ибсен номидаги театр, Опера театр ва бошқа жамоаларда қизғин ижо-

дий жараёнлар кечмоқда. Уларнинг репертуаридан Шекспир, Шиллер, Мольер, Гёте, Чехов, Тургенев, Пушкин, Ибсен, Пристли, Сартр, Бальзак, Брехт асарлари билан бир қаторда, янги модернистик руҳдаги замонавий спектакллар ҳам ўрин эгаллаган.

Кино



Норвегия кино санъатининг тарихи, ривожланиш ва шаклланиш жараёнлари XX аср бошланрига бориб тақалади. Норвегия кинофильмлари ҳаётйлиги, қаҳрамонларининг содда ва самимийлиги билан ажралиб туради. Шунингдек, мамлакатнинг тараққиёт жараёнлари акс этган фильмларнинг кўплиги ҳам Норвегия киносининг аҳамиятли жиҳатларидан ҳисобланади.

Норвегия кино тарихи 1906 йили режиссёр Хуго Хермансен суратга олган “Балиқчиларнинг хавф-хатарга тўла ҳаёти” ва “Денгиздаги можаро” фильмларининг яратилиши билан бошланади. 1911 йили Хальфдан Нобель Роеденинг “Қашшоқлик қарғиши” фильмси суратга олинади. Айтарли маълумотлар сақланиб қолмаган бўлса-да, ушбу фильмлар норвег кино санъатининг дастлабки намуналари сифатида қадрли.

1920 йилларга келиб Норвегия кино санъати фаол ривожланиш йўлига ўтди. Бунда жаҳон кинематографиясида юз бераётган ўзгариш ва янгиликларнинг ҳам таъсири катта бўлган. Айниқса 1920 йилда Расмуса Брейстей суратга олган “Лўли қиз Анна” фильмси Норвегия кино санъатида сифат ўзгаришлари рўй бераётганлигини кўрсатди.

Даставвал Норвегия фильмларида катта шахарлардаги қизғин ҳаёт манзаралари тасвирланган бўлса, кейинчалик қишлоқ ҳаёти, дехқонларнинг турмуш тарзи ва ҳис-туйғуларига эътибор қаратила бошланди. 1931 йили “Буюк чўқинтириш” (реж. Танкред Ибсен) фильмининг яратилиши билан биринчи норвег овозли киноси дунёга келади. 1930–39 йиллар Норвегия кино тарихида “олтин давр” деб баҳоланади. Иккинчи жаҳон уруши йилларида кўпгина машҳур адабий асарларнинг экранлаштирилиши, уларда маҳоратли актёrlарнинг роль ижро этиши норвег кино санъатининг ривожига катта туртки берди.

Норвегия фашистлар томонидан ишғол қилингач, гарчи қаттиқ назорат остида бўлса-да, турли кўнгилочар фильмларни оммавий равишда намойиш этиш йўлга кўйилади. Қизиги шундаки, айнан шу даврда умуммиллий кинематография сиёсати билан шуғулланувчи Давлат кинематография дирекцияси ташкил қилинади. Режиссёр Лейф Синдинг дирекциянинг бош директори этиб тайинланади. Маълумотларда келтирилишича, уруш даврида ушбу дирекция фондида ўн миллион норвегия крони мидорида маблағ тўплланган. Бу ҳолат уруш пайтида ҳам томошабинларнинг кино санъатига бўлган қизиқиши юқори бўлганлигини кўрсатади.

Урушдан кейинги даврда Норвегия киноижодкорлари сафига янги авлод вакилларининг кўшилиши билан ижодий жараён янада жонланади. Айниқса 1949–1959 йиллар давомида турли мавзуларда ўндан ортиқ

фильм суратга олган Норвегиянинг биринчи аёл кинорежиссёри Эдит Карлмарнинг ижоди муҳлисларда катта қизиқиши уйғотади. Бугунги кунда ушбу картиналар Норвегия кино санъатининг мумтоз намуналари сифатида қадрлаб келинади. Эдит Карлмарнинг сўнгги картинаси бўлган “Қизлар парвози” фильмида бош қаҳрамон ролини ижро этган Лив Ульманн кейинчалик Норвегиянинг энг машҳур актрисаси ва режиссёри сифатида ном қозонади. Жумладан, унинг 2000 йили суратга олган “Бевафо” фильмни Канн халқаро фестивалида намойиш этилган. Лив Ульманн билан бир вақтда ижодини бошлаган Арне Скоуен ўз фаолияти давомида ўн етида фильм суратга олиб, норвег кино санъатида алоҳида мавқега эга бўлди. Унинг 1957 йили “Оскар” мукофотига тавсия этилган “Тўққизта ҳаёт” фильмни норвег кинематографиясининг энг яхши намунаси сифатида шу кунгача турли анжуманларда намойиш этиб келинади.

Урушдан кейинги давр Норвегия кинематографияси тарихида яна икки ижодкорнинг номи алоҳида тилга олинади. Шулардан бири Иво Каприно бўлиб, у 1948 йилда кўғирчоқлар ёрдамида фильм яратиш тажрибасини бошлайди ва Норвегия анимация фильмларининг етакчи намояндасига айланади. Капринонинг машҳур кўғирчоқ фильмни “Флоклюпа Гран-При” шу кунгача севиб томоша қилинади. Яна бир истеъододли режиссёр Тур Хейердалнинг 1947 йили Тинч океани бўйлаб ўтказган экспедицияси давомида суратга олган “Кон-Тики” фильмни 1952 йилда “энг яхши хужжатли фильм” деб топилиб, “Оскар” мукофоти билан тақдирланади.

1960 йилдан бошлаб Норвегия кинематографиясига кўплаб ёш, профессионал режиссёр ва актёрларнинг кириб келиши ижодий жараёнга сезиларли таъсир ўтказди. Бу даврда “Овчи” (реж. Эрик Лёкен), “Лив” ва “Чиқиши” (реж. Пол Локкебер) каби фильмлар суратга олинади. Кинотеатрларда кўпроқ Норвегия ҳаётидан олинган комедия ва бошқа жанрдаги хорижий фильмлар намойиш этилади.

1970 йилдан ўшларни катта ҳаётга чорлайдиган, уларнинг қалбида эркин, фаровон ва осуда турмуш тарзига интилиш хиссини уйғотадиган, тарбиявий аҳамиятга молик фильмларни суратга олиш ҳаракатлари сезилади. Бироқ 1980 йилларнинг бошларига келиб, ижтимоий мавзудаги фильмлар томошабинларни зериктира бошлайди. Бу ҳолат турли баҳс-мунозараларга сабаб бўлади. Натижада, томошабинларни қизиқтирадиган, ҳаяжонга соладиган фильмлар суратга олиш ҳаракатлари бошланиб кетади. Бу даврда яратилган фильмлар орасида “Орионнинг камари” (реж. О.Солум), “Йўл бошловчи” (реж. Н. Гауп) сингари фильмлар нафакат Норвегияда, балки чет элларда ҳам ижобий баҳоланади. “Йўл бошловчи” фильмни 1988 йил “Оскар” мукофотига тавсия қилинади. Шунингдек, 1980–90 йилларда экранга чиқарилган “Оз қолган вакт” (реж. М.Аспхауг), “Дарбадарлар” (реж. О.Солум), “Осмондан юқорида” (реж. Б.Несхейм), “Стелла Пол-Ярис” (реж. К.Э.Йенсен), “Телеграфчи” (реж. Э.Густавсон), “Орзулар ўйини” (реж. У.Страум), “Юракка қадалган ўн ханжар” (реж. М.Холст) сингари қатор фильмлар янги авлод вакиллариниг ижодий изланишлари самараси бўлди. 1997 йили Берит Несхейм суратга олган “Якшанбанинг бошқа жиҳати” фильмни “энг яхши чет эл фильми” номинацияси бўйича “Оскар” мукофотига тавсия этилди. Худди шу йили Пол Слетауннинг “Хабар элтувчи” фильмни Канн халқаро кино фестивалида бош совринни қўлга киритди.

Норвегия кино ижодкорлари бугунги кунда ҳам тўлиқ ва қисқа метражли фильмлари билан турли халқаро фестивалларда муваффақиятли

иштирок этиб келишмоқда. XX аср бошларига келиб Норвегия кино ишлаб чиқариш бўйича энг юқори натижаларни кўлга киритди. Бу муваффакиятларга эришишда асосан кино санъатини молиялаштиришнинг янги шакллари жорий қилиниши, хусусан, Норвегия Фильмларни молиялаштириш жамғармасининг ташкил этилиши, малакали кадрлардан тўғри ва самарали фойдаланиш муҳим омил саналади.

*Фахриддин АБДУВОХИДОВ
тайёрлади*

Мусиқа



Норвегияда мусиқа санъати жуда қадимда юзага келган бўлиб, ўзига хос норвег халқ қўшиқлари (қаҳрамонлик ва муҳаббат қўшиқлари, қисса-қўшиқлар, чўпон ва балиқчи қўшиқлари), рақслар (халлинг, спрингтар ва б.), чолғу куйлари (люарслотт ва б.) кенг ёйилган. Норвегия худудидан милоддан аввалги II асрга тегишли жездан ясалган най топилиши ҳамда қадимги печка деворига ўйиб ишланган мусиқа асбобининг тасвири норвег халқининг жуда қадимдан мусиқага ошуфта эканлигидан далолат беради. Азалий чолғу асбоблари бўлган буқкекхорн (эчки шохи), приллар (буқа шохи), селье (найнинг бир тури), хартингфеле (скрипканинг бир тури) ва бошқа миллий мусиқа асбобларидан ҳозир ҳам фольклор ансамблларда фойдаланилади. Норвег халқ оғзаки ижоди намунаси бўлган “Катта Эдда” достонида ҳам қадимий арфа ҳақида маълумот берилган.

Ўрта асрлар норвег мусиқаси асосан шимолий олмон халқлари мусиқаси анъаналари таъсирида ривожланган. XII асрга тегишли бўлган католик черкови деворларида сайёр скрипкачилар суратлари тасвирланган. Шу билан бирга, бу даврда католик черкови миссионерлари бўлган даниялик ва немис мусиқачилари ҳам Норвегияда фаолият олиб борганлар. XVI асрда сайёр баҳши (зингмейстер)лар, моҳир скрипкачилар, органчилар бўлган. Айниқса, Ҳардинг тумани ахолиси томонидан яратилган скрипкада норвег халқ куйлари севиб ижро қилинган. Ушбу скрипкани туман номи билан боғлаб, “ҳардингфеле” деб аташган (“феле” сўзи норвег тилида “скрипка” маъносини билдиради).

XVIII асрда Тронхейм шаҳрида машҳур норвег композиторлари ота ва бола Берлинлар, Христиания шаҳрида Линнеманлар оиласи миллий мусиқа билан шуғулланганлар. Шу билан бирга, XVIII аср охири–XIX аср бошларида Ф.Грот, А. Флинтенберг, Ф.Фогель, Л.М.Линнеман каби композитор, дирижёр ва мусиқа назариётчилари ижод қилган. 1850–1860 йилларда Ҳ.Хъерульф, У.Булль, Р.Нурдрок ва бошқалар миллий мусиқа мактабини яратганлар.

Шулардан бири Уле Борнемен Булль (1810–1880) ҳам композитор, ҳам скрипкач бўлган. У 9 ёшидан бошлаб норвег халқининг миллий куйларини скрипкада ижро қила бошлаган. Унинг “Сетерни излаб” мусиқий асари халқ орасида шухрат қозонганди.

Буюк норвег мусиқашуноси Эдвард Хагеруп Григ ижоди ва ижтимоий фаолияти норвег мусиқа маданиятининг ривожланишига катта таъсир ўтказган. У 1843 йилнинг 15 июнида Норвегиянинг Берген шаҳрида шотланд оиласида туғилган. Унинг отаси композитор, онаси пианиночи бўлиб, акаси Жон эса Лейпциг консерваториясини тутатган эди. Эдвард акаси изидан бориб, Лейпциг консерваториясига ўқишга киради ва 1862 йилда уни тугатиб, дастлаб Даниядаги мусиқа академиясида дирижёр ёрдамчиси сифатида иш бошлайди. Аммо кейинчалик Эдвард норвег халқ мусиқасини жаҳон санъат саҳнасига олиб чиқиши орзу қилиб, ўз ватанига қайтади. Уле Булль изидан бориб, норвег халқининг миллый мусиқаси асосида куйлар басталай бошлайди. У Христианияда 1867 йили Норвег мусиқа академиясини, 1871 йили мусиқа жамиятини ташкил қилган. Пианиночи ва дирижёр сифатида Европанинг бир қатор мамла-катларида концерт бериб, норвег миллый композиторлари асарларини тарғиб қилган. Э. Григ норвег халқ куйлари асосида кўплаб мусиқий асарлар яратган. Жумладан, “Норвег рақслари”, “25 та халқ рақс ва қўшиғи” каби асарлари машҳур бўлган. Ўзбекистон филармониясида ҳам фортепиано ва оркестр учун концерти, “Пер Гюнт” сюитаси ва камер асарлари ижро этилмоқда.

Григнинг шогирди истеъоддли дирижёр ва композитор Юхан Хальварсен (1869–1925) ўз устози билан биргаликда 1901 йили норвег халқ рақси асосида “Слотти” мусиқий асарини яратган. У Ослодаги Миллый театрда дирижёр бўлиб ишлаган. Кристиан Синдинг (1856–1941) ижоди ҳам қизиқарли бўлиб, у умри давомида 2 та опера, 4 та симфония, 250 дан ортиқ романс яратган. Аммо унинг мусиқий асарларида немис мусиқасининг таъсири кучли ҳисобланади.

XIX аср охири – XX асрнинг биринчи ярмида Катарина Эллинг (1858–1942), Арне Эгген (1881–1955), Эйвинд Альнес (1872–1932), Юханнес Хорклou (1847–1925), Сверре Юрдан каби норвег композиторлари яшаб ижод қилганлар.

Композитор Фартеин Вален (1887–1952) замонавий норвег мусиқасига асос солган. У 1910 йилда Берлинга келиб немис композитори М. Брухдан мусиқа илми бўйича таълим олган, немис классиги А. Шёнберг ижоди билан яқиндан танишган. Улар ижодий ҳамкорликда ишлаб, 1924 йилда фортепианода ижро этиладиган уч кишилик мусиқий ансамбль тузганлар. Аммо Ф. Вален мустақил тарзда А. Шёнбергнинг бир қуйни турли овоз билан бирин-кетин тақрорлаш усулидан воз кечиб, кўп овозли мусиқий асарлар яратган. XX асрнинг 30-йилларида чўпонлар ҳаётини тасвирлаган “Пастораль” номли мусиқий асар, “Микеланжело сонатаси”, “Денгиздаги қабристон”, “Осуда қирғок” каби симфоник асарлар ёзган. Нафис ва назокатли бўлган Ф. Вален асарлари норвег мусиқасида янги йўналишга йўл очди. Бу вақтда Норвегия мусиқасида асосан неоклассицизмга яқин бўлган мусиқий асарлар устувор эди. Шунингдек, А. Валеннинг замондоши бўлган Людвига Йенсен (1894–1969) ҳам замонавий, ҳам класик йўналишда ижод қилган. Унинг сермулоҳаза, жиддий мусиқий асарларидан “Пасскалия” (1926), “Симфоник партита” (1939), “Ватангана қайтиш” (1930) кабиларни мисол тариқасида келтириш мумкин.

Шунингдек, XX аср ўрталарида Х.Северуд, К.Эгге, Л.Йенсен, А.Янсон, Л.Нильсен каби композиторлар ижоди сермаҳсул бўлган. Мусиқа маданиятини тарғиб этиш ва малакали мутахассис кадрлар тайёрлаш мақсадида Ослода Норвегия опера театри (балет труппаси билан),

Осло ва Бергенда консерватория, Тронхеймда Олий мусиқа мактаби ва бошқалар ташкил қилинган.

Норвегиянинг Осло, Берген, Тронхейм, Ставангер каби бир қатор шаҳарларида оркестрлар тузилган бўлиб, уларда О.Грюнер-Хегге, Э.Фельстад, М.Каридис каби машхур дирижёрлар ижод қилишган. Ушбу оркестрлар ҳар йили Европа ва Америка мамлакатлари бўйлаб гастрол сафарлари уюштириб, норвег маданияти ва санъатини дунёга танишида муҳим роль ўйнаб келмоқда.

Норвегия замонавий мусиқа санъати бўйича турли халқaro фестиваллар ўtkазиладиган мамлакат сифатида ҳам дунёга танилган. Жумладан, жаз ҳамда камер мусиқа фестивалларининг ўtkазилиши Норвегиянинг мусиқа санъати марказларидан бири сифатида рейтингини янада ошириди. Ушбу фестиваллар доирасида ўн кун давомида бутун мамлакат бўйлаб дунё халқлари мусиқаларидан тузилган ранг-баранг концертлар ташкил қилинади.

Меъморчилик



Буғунги кунда Норвегияда ўрта асрлар меъморлиқ санъатининг жуда кўп нодир ёдгорликлари сакланиб қолган. Бу ёдгорликлар, айниқса, монументал меъморлик санъати ўрта асрлар ижтимоий, иқтисодий ва маданий ҳаётини ўрганишда муҳим ўрин эгаллайди. Ўрта асрларда Норвегияда ёғоч меъморчилиги ривожланди, қўш синчли ибодатхона (“ставкирка”)лар туркуми вужудга келди. Ушбу услубда қурилган черковлардан Урнес ва Бергендаги черковларни мисол келтириш мумкин. Бу бинолар ташқи кўринишидан содда, лекин ичи ниҳоятда нафис ва серҳашамдир. Меъморлар ёркин, сержило мармар, олтин ва шунга ўхшаш қимматбаҳо материаллардан кенг фойдаланган. Нур ва соянинг хона ичидаги уйғунлиги иморатга алоҳида сирли тус берган.

XII–XVI асрлардаги ғиштин иморатларда роман ва готика меъморчилигининг таъсири сезилади. Бу бинолар бирмунча паст, деворлари ҳам қалин ва мустаҳкам, эшик, дераза ва дарвозалари энсиз, устунлар йўғон.

Бергендаги XVI–XVII асрга мансуб Розенкрэнц минорасида Ўйониши даври анъаналарини кузатиш мумкин. Сен-Фрундаги XVII асрга оид черковда барокко ва роккоқо услублари яққол намоён бўлган.

Тронхеймдаги XIX асрга мансуб қирол қароргоҳида классицизм меъморчилиги унсурларидан кенг фойдаланилган.

XX асрга келиб Норвегия меъморчилигига ҳам замонавий услублар қарор топа бошлади. XX аср бошларида функционализм (Ослодаги “Скансен” ресторани, меъмор Л.Баккер) усули устунлик қилди. Кейинги ўн йилликларда Ослодаги ратуша (меъморлар: А.Арнеберг ва М.Поульсон), “Викинг” меҳмонхонаси (меъмор К.Кнутсен), Ҳукумат уйи (меъмор Э.Викше), Ховикаддендаги музей (меъморлар: И. Эйквар, С.Энгебретсен) бинолари қурилишида ўзига хос миллий меъморчилик шакллари пайдо бўлди. Янги қурилиш материаллари, янги конструктив

ечимлар меъморларнинг янги тояларни ҳаётга татбиқ этишига сабаб бўлди. Бу эса математика ва механика каби фанларнинг ривожланишини кучайтирди, мустаҳкам қурилиш материаллари, конструкцияларнинг аниқ ҳисоб-китоби, қурилмаларнинг пишиқ ва мустаҳкам, енгил бўлишига олиб келди. Айниқса, 2003–2007 йиллар давомида қурилган 1350 ўринли Опера театри биносининг 2009 йили Европа Иттифоқининг “Энг яхши меъморчилик асари” мукофоти билан тақдирланиши замонавий Норвегия меъморчилигининг ҳалқаро даражадаги нуфузини намоён қилади.

*Муниса МУҲАМЕДОВА
тайёrlади*



Рақс

Норвегия миллий рақсининг илк кўринишлари мил. ав. X–V асрларга мансуб қоятошларга ўйиб туширилган тасвиirlарда учрайди. Археологлар аниқлаганидек, тасвиirlардаги рақс ҳаракатлари қасамёд қилиш маросимини эслатади. Милодий 1232 йилга тегишли тарихий манбаларда ҳам норвег рақс усталарининг номлари учрайди. Жўшқин миллий рақслардан бири спрингданс бўлиб, асосан сакраб-сакраб ва ҳаккалаб ижро этилган. Халлинг рақси эса якка ижро этиладиган эркаклар рақси ҳисобланган. Бироқ уни кўпчилик бўлиб ижро этиш ҳолатлари ҳам учраб туради. Рақс асосан чаққонлик, кучлилик ва чидамлилик бўйича мусобақа тарзида, юкори ритм ва акробатик хатти-ҳаракатларда намоён бўлади. Аста-аста ва сиполик билан тартибли ўйналадиган ганггар рақси эса худди тантанали юриш маросимига ўхшайди. Ушбу рақслар норвег ҳалқи орасида жуда оммавий бўлиб, асосан жамоавий ва оилавий тадбирларда севиб ижро этилган.

Норвегия узоқ йиллар давомида Данияга қарам бўлиб келгани боис, норвег рақсларида Дания ва Швеция маданиятлари таъсири ҳам сезилади. Норвег ҳалқи ўз мустақил давлатини ташкил қилган илк даврларда Европанинг кўпгина ҳалқлари рақслари сехгарлик билан боғлиқ бўлган. Бу ҳолат Норвегия миллий рақсларига ўз таъсирини ўтказмади. Норвег рақслари кўпроқ маданий ҳордиқ чиқариш ёки хурсандчилик учун ўйналган. Байрам рақсларини норвег дехқонлари завқ билан ижро этишган. Гарчи бу рақсларнинг ҳаракат элементлари жуда бой бўлмасада, улар ҳам жисмоний, ҳам руҳий жиҳатдан кишига мадад беради. Норвег рақслари одатда ижрочилар томонидан бир-бирларининг кўлларини ушлаган ҳолда занжир шаклида ижро этилади. Шунингдек, замонавий Норвегияда миллий рақслардан ташқари полка, галоп, вальс каби жаҳон ҳалқлари рақслари ҳам кенг тарқалган.

*Шерали Қўлдошев
тайёrlади*



Бъёрнстерне БЬЁРНСОН

(1832–1910)

Шоур, реалист ёзуевчи, драматург, журналист. Унинг “Синнeve Сульбаккен” (1857), “Құвноқ үйсіт” (1860) қыссалари катта эътибор қозонған. XIX асрнинг 70-иүлларда Бъёрнсоннинг “Синиш”, “Мұхаррір” драмалари Х.Ибсен драмалари билан бир қаторда, Норвегияда реалистик ижтимоий драмани вужудга келтирған. Бъёрнсон 1903 иили Нобель мукофоти билан тақдирланған. У Норвегия миллий гимни муаллифи ҳамдид.

ОХИМ

Оқшом шуълалари ҳеч қачон
Үйнамас деразам юзида.
Субҳидам нурлари ўйноқлар,
Соялар кезинар ҳар ерда.

Чарақлааб порлаган шуълалар,
Нега сиз күлбамни топмайсиз?
Зора сиз қоронегү дилімдан
Даҳшатли қайғумни құвсанғиз.

Шодумон чақнаган тонг нури
Эслатар негадир умримни.
Йылдарман күз-ёшига бўшатиб
Дарлардан эзилган кўнглимини.

О, оқшом нурлари, чекинманг,
Гамбода, гарифо күлбамдан.
Келсанғиз, мунг тўла нигоҳим
Кўрарсиз қорайған дарчамдан.

Куйлади бепарво тонг нури,
Азобим билмайди, ўйнайди.
У сүё дунёни кафтида
Кўтариб турғанга ўхшайди.

Ва лекин оқшиомги шуълалар
Ўхшайди дилімнинг дардига.
Қанийди сиз мени кўтариб
Борсанғиз Яратған Раббимга!

ЯРАДОР ЖАНГЧИГА

Үруши бу – қиёмат,
Үруши бу – маҳшар,
Ғувиллар ҳалиям унинг нафаси.
Дүнёда неча жон дарбадар,
Неча жон бир умр сўрайди –
Юртига тинчликнинг овозин.

Йўқ, фақат сен эмас, жигарим,
Қўксисда қизил қон течиган.
Қара, бу оламга яхшироқ,
Қанча эл саргарардон тентиган.
Оқкўнгил дилларда бир ният –
Кўнлари тинч ўтса тоабад.

Үрушининг орзуси жаҳолат
Ва қўрқув уругин ўстириши.
Сен тила жигарим, баралла
Шу фоний дунёга осойши.
Қора жсанг чекинар ўши он
Ватан-чун бўлганда сен курбон.

Ҳар битта оқ дилда шу ният,
Ярадор танларда биргина шу аҳд.
Қанийди, оламда ҳамма жасам
Биродар яшаса то абад.
Эзилган жонларнинг ингрози,
Бу – ўлган умиённинг адоги.

Уруши бу – қиёмат,
 Уруши бу – ўлим,
 Гўвиллар ҳалиям унинг нафаси.
 Оқкўнгил қалбларда бир ният
 Янграса тинчликнинг овози!
 Шу қураши сўнггида барибир,
 Сен голиб бўларсан, жигарим!

ҚАЧОН ТОНГ ОТАРКАН?

Қачон тонг отаркан?
 Тилларанг қуёши
 Топиб келармикан тор деразамни?
 Заминни совуқ қор қоплаган онда
 У қайта иситиб олмас оламни.
 Ва лекин кутарман интизор, интиқ,
 Гўё фариштадай кулиб отар тонг –
 Мен шундай тасаввур қиларман ширин:
 Тонг отар.
 Тонг отар бир замон.
 Бироқ... ҳаво совуқ,
 Бироқ...совуқ қор
 Маҳзун юрагимни этади вайрон.
 Эҳ, тонг сира отмас,
 Асло,

ҳеч қачон!

Рост, бу гўзал тилак
 Қаҳратон кунда
 Очилса менинг энг севимли гулим.
 Кушчалар сайраса унинг баргига,
 Ва кўкдан илоҳий нур тушса доим.
 Олам янгиланса, ишқ олов бўлса,
 Уммондай каттайнаб кетса Бахт сўзи!
 Нақадар шодлик бу, қанчалар яхии –
 Ахир тонг отгани шу куннинг ўзи.
 Бироқ... атрофимда ҳамон совуқ қор
 Маъюс кўзларимни этар нигорон.
 Мен кутган тонг отмас
 Асло,

ҳеч қачон...

Аммо кутарман мен...
 Қачон тонг отар?
 Ҳамон чекинмасман қора кучлардан.
 Қайгулар бўрони ичидан бир кун
 Мен топиб оларман Қўёшини ростдан!
 Шу баланд орзуйим кичик кўнглимда
 Ҳаммага баҳт, шодлик, ишқ ато этар.
 Бир куни одамзод бўлар мукаррам,

*Бир куни муazzин, оппоқ тонг отар!
Ўша оппоқ тонгда,
Олтин қүёши-ла
Мен саҳар уйгониб жар солиб дерман:
“Энг буюк қудрат бу – Инсондир шаксиз!”
Шунда унга Дунё танг қолиб ожиз –
Бош эгар сўзсиз!*

ПУРВИҚОР ТОҒЛАРНИНГ УСТИДА

*Пурвиқор тоғларнинг устига чиқиб,
Кўрдим ҳамон яшил турган дараҳтни.
Кўзларим изгирин қор кутган эди,
Кутмагандим ва лек бунча ҳайратни.
Дараҳтим, қорга бас келган, эй, мўмин,
Дунёни шунчалар севасанми сен?*

*Сен-чи, ҳой, сайроқи қушигина нечун
Турибсан пурвиқор тогнинг устида?
Қадрли уянг деб қурдингми макон
Шу совуқ қоянинг сирли бағрида?
Майли, фақатгина олиб кел, дўстим,
Мен учун ҳам баланд орзулар уйин.*

*Учиб ўтар экан қудратли бургут
Пурвиқор тоғларнинг устидан мағрур.
Эртанги кун учун танида зўр куч
Ва кўзлари тўла ишончу еурур.
Ҳавасим келди шу мағрур жонзотга,
Бунча ташна экан у бу ҳаётга?*

*Мен-чи, кўнгил узиб қандай кетарман
Пурвиқор тоғларнинг устидан дадил.
Бўғзимдан ҳайқириқ келар: “Асло!” деб,
Қорни ҳам, тогни ҳам суяр бу кўнгил.
Кўнларим тугаган лаҳзаларда ҳам
Ҳаёт, мени юксак кўтар тоғлардай!*

*Яна ўсар эди олма дараҳти
Пурвиқор тоғларнинг устида озод.
Эҳтимол, ёзни у олиб келгану
Тоғларнинг устини этгандир обод?
Шохидা сайраркан турфа қушичалар,
Яшиага истагим ошиди шунчалар.*

*Кетдим ўша узоқ, жуда ҳам узоқ
Пурвиқор тоғларнинг устига абад.
Бош олиб кетаман хотиржсам, енгил
Нафас олгулик у ерларга фақат.
Худоийм! Сен менга куч бер, қанот бер,
Пуимон қилмагулик баҳти ҳаёт бер!*

*Йигирма баҳорни кўрган йигитча
Пурвиқор тоғларнинг устида куйлар.
Танига сизмасдан ишқи, қуввати
Оламнинг унга тор эканин сўйлар.
Унинг қўшиғида муҳаббат, мадад,
Жами одамзодга берар матонат.*

*Биламан, бир куни учарман озод,
Пурвиқор тоғларнинг устидан масрур.
Осмоннинг эшиги мен учун очиқ,
Уйим бутун замин бўлар бир умр.
Дунё, дарвозангни ётиб қўймагин,
Мен сенинг валингга ҳали тўймадим!*

*Инглиз тилидан
Қандилат ЮСУПОВА
таржимаси*

НОРВЕГ ҚИЗ

*Сен уялиб, “Бас” деб, бўлиб зиқ,
Савдоига йўясан мени,
Латофати ҳарирдан нозик,
Эй, қиз, ортиқ севаман сени.*

*Сир-нигоҳинг порлагани он,
Тўлин ойнинг нуридай сўлим,
Бўлса қанча қоронгу ўрмон
Ёритади бу кўзлар йўлим.*

*Сал бурилиб, магрур туришинг
Юлдузлари ярақлаган қиши –
Каби беандоза. Ҳар ишинг –
Топишмоқгўй ақлингга олқиши;*

*Ипак тасма чирмаган майин
Бу, оқ-малла кокиллар селк-селк,
Тўшинг узра титрап тинмайин
У, эскидан қолган амурдек ;*

*Ҳаракатчан қоматинг эпчил
Тўй рўмоли тўри аро у,
Кув ихтиёр билан ўйнар дил,
Пинҳон қолар ичиккан туйгу;*

*Оёқларинг шарафга эга
Куч, озодлик мулкидан олиб,
Мұхаббату бурч даргоҳига
Элтар, айлаб кунларинг ғолиб.*

*Бу лаб, Эромт авайлаб гояят,
Бахтиёрга асраган неъмат.
Омадга ёр денгизчи шояд
Топиб олса, бир ўлжса кема.*

*Тақдир кулар, севгимдир чексиз!
Ўз сувратинг имайсан кўзга.
Ишонмаган ҳеч вақт норвег қиз
Шоир ёниб куйлаган сўзга.*

Юхан Себастьян ВЕЛЬХАВЕН

(1807 – 1873)

Норвегиялик шоир ўз даври маънавий ҳаётидаги қусурларни танқид остига олган ҳажвий сонетлари, инсон руҳияти акс этган лирикаси билан маълум ва машхур. У, шеър равшан ва батартиб бўлиши зарур, деб ҳисоблаган. Үнин “Хэнрик Вергеланнга” (1834) шеъри доимий ижодий муҳолифи Х.А.Вергеланнинг “Норвегия узра тонг” (1830) ҳажвий сонетлар тўпламига жавоби сифатида норвег ижтимоий муҳитида сезиларли воқеага айланган.

ТИКАНЛИ ОЛЧА

*Истайсан, дарахтлар бўлса бетикан,
Ҳеч ўйлаб кўрдингми не хавф бор экан –
Мўрт ниҳол бошида; ахир, пайқаб гоҳ
Гулбаргда қон изин – шикаст еган шоҳ
Ярасин боғлайсан, бер-да ўзинг тан.*

*Тикан – битган яра изидир холос.
Сен каби дарахт ҳам билар: недир муңг,
Синовдан ўтган у, барг ёзган, оз-оз
Гуллари ловуллаб ёлқинланган сўнг.*

*Кўкламда дарахтзор оралаб ўтсам,
У дарахт иболи эгалиб бир дам,
Шивирлаб деди: “Эй, азизим, жаҳлинг –
Чиқди сал-пал тирнаб кўйганимга ҳам,
Мен қанча ранжидим – етмади ақлинг!”*

БЕРГЕН¹

*Шарқдан эсиб шамоллар туфлар,
Ёлгиз жўка барг ўйнаб уфлар,
Ўзи билан олиб ғамни-да
Сузиб кетар булат гарб сари –
Ўшал ёқда болалик қарир
Қайтган тўлқин кўтикларида.*

*Олтин кунлар – болалик имлар,
Эски китоб: ранги расмлар,
Мен ҳар расм куйига шайдо;
Кўтиклаган шовва ости, чин,
Менга Хульдра² тутди чилторин,
Тушим бўлди ўнгимда пайдо.*

*Айт-чи, не у захкаш экинзор?
У – кимсасиз, номсиз, бепушт, зор,
Камган, худди ибодатхона.
Жилга бўйидаги пўлаттус
Оққайинлар менга буриб юз
Не бой бердим – санайди, ана.*

*Ташлаб дали дарёга соя
Узангандা ўрмону қоя,
Кўрганмисан, баҳайбат гоят?
Гул бодраган ялангликларда,
Күши инида тўшалган парда
Бахт булогин топдим ниҳоят.*

*Норвегия жон-қалби, салом!
Не синов бор, хулласи калом,
Сен баридан ўтган титансан⁵, чиндан;
Оғир совут эгнингда, ҳар чоқ
Лекин ўзинг хушиғеълу қувноқ
Муҳаббат юраги урап кўксингда.*

Ҳэнрик Арнольд ВЕРГЕЛАНН

(1808 – 1845)

Улкан шоир-романтик, ёзуви. Радикал-демократик қарашларни олға сурган, дехон демократиясини ёқлаган. “Жамоа учун”, “Ишли синфи учун” журнallарида муҳаррирлик қилган. “Яратувчи, инсон ва Масиҳ” достони билан эп оғзига тушган. Ҳ.А.Вергеланн ижоди норвег маданияти тарихида ёрқин из қолдириб, кейинги давр адабий сиймолари, жумладан, Ҳ.Ибсен ва Б.Бъёрсонга ўз ижобий таъсирини ўтказган.


¹ Берген – Норвегиядаги Хуралан маъмурий бирлигининг марказий шаҳри ва порти.

² Хульдра – кўйлаб, кишиларни мафтун этувчи мифологик мавжудот. Бу ерда табиат назарда тутилмоқда.

³ Диса – скандинав мифологиясида тақдир маъбудаси.

⁴ Хорал – черковда кўп овоз бўлиб айтиладиган қўшиқ.

⁵ Титан – юон мифологиясида маъбудларга қарши курашган паҳлавон.



*Тор-мор бўлган Дюббёль¹, нелар кутамиз,
Ёши аскарлар – барин эслаб ўтамиз.*

*“Шу, жияним қочди! Ўн саккиз ёида!
Хизматчи ҳам қочди! Минг савдо боида!”*

*Шикоятлар аро бор маъқул гап ҳам:
Худди бизлар жсангга кирадик шаҳдам.*

*Орамизда эди севган ўз зотин
Истараси иссиқ сипо бир хотин;*

*Ҳамма унинг кўнглин кўтарсам, дерди,
Ҳамма гўё унинг ғамини ерди.*

*Хонимлар боодоб, сўйлар серқайғу:
“Ўғлин аскарликка жўнатибди у!”*

*Табассум қилиб у бои силкиб қўяр:
“Омон қайтар – кўриб кўзларим тўяр!”*

*Нуроний кўринар менга бу кампир,
Равшан, маҳкам ишонч бериди тақдир!*

*Мени хотиржамлик измига солди,
Ожиз руҳим худди шер бўлиб қолди!*

*Бу онада шундай ишонч бор экан,
Халқим ҳали тирик, омад ёр экан!*

*У китобий сўзни тақрорлаган ийқ,
У тоза ҳаётий ҳикматга тўлиқ.*

*Бу ишончни ўзи қаердан олган?
Бўни илҳом, ғурур кўнглига соглан,*

*Билар ёлгиз, азиз ўғли кўнгилли
Норвег қўшинида аскар соғ дилли!*

Нурдал ГРИГ

(1902 – 1943)

Норвег ҳамда жаҳон адабиётида ўчмас из қолдирган шоир. У “Эзгу умид буруни атрофида”, “Оқимдаги тошлар”, “Норвегия – бизнинг қалбимизда” каби шеърий тўпламлари, “Кема йўлида давом этади” романи, “Бизнинг оримиз ва қудратимиз”, “Маглубият” драмаларини яратади. Норвег қуролли кучлари капитани, ҳарбий муҳбир Нурдал Григ Иккинчи жаҳон урушида, 1943 йил 3 декабрь тунида мардона үллим топди.

¹ 1864 йил 18 апрелдаги дат-австр-прусс урушида, беш ҳафталик жанглардан кейин, жанубий Ютландиядаги Дюббёль қишлоғи датларга нисбатан уч марта кўп бўлган прусс қўшинлари томонидан эгалланган.

ЁЗ КҮЗИ

*Йўл танобин тортар чангим, қуёш суст,
Ботар кун, чиқар кун.
Саҳрого чирмалған излар устма-уст,
Қаҳри қаттиқ тоғлар олар совуқ тус,
Тенада кўк сўнин ва беун.*

*Музлаган дарёча бўйлаб юрсам гар
Соз, деб, бејсон қирдан тушидим шаҳд қилиб;
Мовий тоғлар аро кўзга илганар,
Шафақ яллигига гўё сирганар
Анарийокка¹ иланг-билинг чўзилиб.*

*Чангим адаштирмас қўшигин ҳеч дам
Ғира-шира тонглар ёришган сайин,
Кўзларни бичгудай чоишгоҳга ҳамдам,
Аёз бағридаги ойдинда ўқтам
Куйлар асло оҳанг тахин бузмайин.
Кўк-у сахро аро янграр вақт уни;
Элас-элас, лип-лип шуъла уринур...
Ногоҳ қўриб қолдим қор узра шуни,
Мовий аланганинг мовий учқуни!
Мовий бир гардишдан чиқар эди нур.*

*Гўё муз қўйнидан боқар ёз кўзи –
Бу, ях эриган жой ҳовлиқиб, тўлиб,
Ҳаёт қўшигини айтади ўзи.
Туб – тошлоқ, сув ўйнар, чўлпиллар музи
Тўнглаган заминнинг бўсаси бўлиб.*

*Эй, уйгоқ ҳаёт-у тиним билмас сув,
Вақти келар ҳали
Бунда эркин сузар оққушлар сулув,
Оқ кема дарёга солади гулув,
Етар ёзнинг гали.*

*Аммо ҳозир эга бўлганларимоқ
Шукур қилмогимнинг лойиқ сабаби.
Бу мовий оқимлар ўйнар, кулар гоҳ,
Менинг юрагим ҳам очилар бў чоғ –
У, муз эриган жой ёз кўзи каби.
Юрагим, тўл, мангу балқиган кўйи
Чорлаган бў нурга айлагил жавоб!
Тошлилар бор, нур шимиб ийгар кун бўйи,
Сўнг нуру тафт берар совуқ тун бўйи –
Бундан маъни топ.*

¹ Анарийокка – дарё номи.

Эй, гўзаллик ғолиб, ёши, шавққа тўла,
Дардинг ҳушини олар, ўзга қаратиб!
Ҳаёт, сўнсам, билки, сочгайдир шуъла
Руҳим коинотни қучиб бир йўла
Замин гўзалигин ҳуишҳол таратиб!

НОРВЕГ КЕМАЛАРИ

*Бу – темир жон, тоши – ўн тонна,
Қора тўши ёрат тўлқинни.
Човут солса довул беаёв,
Йўлдан қолмас – ҳеч бузмас синни.*

*Портга кирад, юк кўттаргич-ла
Тушシリлар келтирганлари.
Ўзи эса бурилиб олар
Интиқ мовий уммонлар сари.*

*Хозир келди, тагин сафарга –
Хўжжат тайёр, олга, марҳамат,
Дакка, Бўмбай, Кобе ё Гонконг
Үйи томон сузмайди фақат.*

*Темир қисиб, денгиз чирмаган
Кимдир бунда ботартиб ишлар.
Ким бу ходим? Тоши – ўн тонна,
Киракашилик берар ташвишилар.*

*Лекин тунда яйдоқ денгиз ё
Ёт элдаги узоқ бир портда
Зулмат ичра бикинган ҳаёт
Мавжудлиги сезилар бортда.*

*Тизилгандир маҷтага кўк барг,
Кўмир устин ёпган ўт-ўлан,
Хув, олисда зангори бурун,
Шафақ уйни қоплар зар билан.*

*Ўрмон иси – умумхонада,
Майин куйлар ненидир дарё;
Шундай яшар у – жонажон юрт
Денгизчининг тушилари аро.*

*Тингларми у жўмрак шовқинин?
Йўқ, бир бошқа дунёда иши
Кёлар унга олис ёз туни
Блаккенинг қадам товуши.
Түёқ саси, ўрмон шовқини
Уйгунашаар, юрак ҳаприқар.
От бир текис қадамлар экан,
Тинч бир ҳаёт яйловга чиқар.*

*Жанубий хоч қораяётган
Кўкда қордай сепилар бисёр,
Уйга қайтар икковлон шомда,
Эрир аёл соchlарида қор.*

*Кўрс кўринган иссиқ оролни
Мавж недир деб тебратар, гўё,
Қуши қичқирап, тушар булдуруқ,
Мовий сувда сиргалар рўё.
Тўлқин урилдию настарин
Остидағи бола уйғонди,
Аммо дарҳол мавж алласига
Ром бўлди-ю оромга қонди...*

Тұлқин қайтар, гуруллар гулхан,
Денгиз оша чорлов юборар.
Қаҳва анқип, чайқалар зира...
Очиқ кундан тонг берар хабар.
Қораялоқ кумушин сочиб,
Какку саси сингар узоққа.
Дүстлар ботиб зар тусли чанғга
Кетиб борар бозорлы ёққа.
Бүш жойда уй бўлибди пайдо,
Бог соясин тўшабди бутун;
Ана, таниши қадам товуши –
Пешвоз чиқар она. Хайрли кун!

Тун. Бандаргоҳ. Юк – бугдой келар,
Оқ иўнгичқа бўлиб анқип ой.
Дарвозадан чиқиб келган қиз
Тураг ёлгиз – кутар, ҳойнаҳои.

Бу – темир жсон, гирдини ўраб
Ёт тўлқинлар қасд қилар мангур.
Аммо элтар бортида мудом
Бебаҳо юк – юрт руҳини у.

ЭНГ ЯХШИЛАР

Мардлар умр иўлин машъалдай
Ёритади ўлим баъзида.
Энг яхшилар бўлади ҳалок
Курашимиз алангасида.

Кучи қайнар, юраги тоза,
Ҳар бири ҳам ёвқур, аҳди чин.
Видолашиби бирдан ҳаёт-ла
Охирига етказмай ишин.

Тирик эга эрур дунёга,
Майли, омон бўлсинлар ҳар дам,
Ўлимга тик боқмайдиганлар,
Тинчгина кун кўрувчилар ҳам.

Гирдоб ютар энг яхшиларни,
Чувлаб ўқлар бошига етар.
Бу одамлар келажак учун
Ймконида борин баҳси этар.

Шарафласак, ёдласак маҳзун,
Гар ёшишимиз дув-дув тўқилур,
Шундай асл қаҳрамонларга
Нисбатан бу – хиёнат бўлур.

Энг яхшилар васиятини
Бажараркан, йўл қўйманг оҳга.
Лойик фақат энг жасур юрак
Улар қонин қабул қилмоққа.

Ким уларни тириклигида
Кўрган, шу ёд билан бойдир, рост.
Ў, қурбонлар фарзандлари-чи,
Олгай улар мардлигин мерос.

Не-ла тирик одамзод – барин
Энг яхшилар бойитдилар, бас.
Энг яхши одамлар мангудир,
Энг яхшилар – абадий ўлмас.

*Рус тилидан
Муҳаммадали ҚўШМОҚОВ
таржисималари*



Кнум ҲАМСУН

(1859–1952)

Рус тилидан
Нодира АБДУЛЛАЕВА
таржимаси

Норвегиялик ёзувчи, драматург. Нобель мукофоти лауреати. “Замин ҳосили”, “Очлик”, “Синоат”, “Виктория”, “Мұхаррир Лонгे” каби романлар, “Бъергер”, “Пан” қиссалари, “Ҳаёттүйини”, “Қироллик дарвозасида” сингари пъесалар өз бир қанча ҳикоя түпнамлари муаллифи. К. Ҳамсуннинг “Ишқ гадолари” ҳикояси персонажлари – жавобсиз мұхаббат дардига гирифтор бўлган ошиқлар. Уларнинг изтиробларини тасвирлар экан, муаллиф севги атамлиши синовни қандай бўлса шундай қабул қилиб, охиригача курашишдан ўзга чора йўқлигини кўрсатаётгандек туюлади.

ИШҚ ГАДОЛАРИ

I

Буларнинг барини мен ёздим, юрагимдагиларни қоғозга тўкиб, енгил тортиш учун, шу бугун эрталаб ёздим. Қаҳвахонадаги ишимдан айрилдим, ишим билан бирга ҳаётимнинг қувончли дамлари ҳам бой берилди. Қаҳвахонанинг номи “Максимилиан” эди.

Ҳар оқшом эгнига кулранг кийим кийган ёш, келишган жаноб икки дўсти билан мен хизмат кўрсатадиган столлардан бирига келиб ўтиради. Тўғри, унга ўҳшаган жанобларнинг жуда кўпи қаҳвахонага келиб-кетишар, уларнинг бари мен билан яхши муносабатда бўлар, ҳурмат доирасида мумомала қиласди. Фақат у... Унинг бўйи баланд, қадди-қомати келишган, соchlari тим қора, мулоим, кўзлари мовий – баъзан бу кўзлар менга нигоҳ ташлаган кўйи бир оз қотиб қоларди – лаблари узра сабза урган мўйлаблари ҳам ўзига ярашган.

Аввалига бу жаноб мени нимагадир хушламади.

У ҳафта давомида ҳар куни мунтазам келарди. Унга шу қадар ўрганиб қолдим, аммо бир куни у негадир келмай қолди. Ўша куни бир нимамни йўқотгандек ғуссага ботдим. Қаҳвахонанинг ҳамма бурчакларини айланиб, уни қидирдим; ниҳоят муҳташам қаҳвахонанинг нариги бурчагидан топдим. Катта устун ёнида жойлашган столда циркда ишлайдиган чавандоз аёл билан бирга ўтиради. Аёл эгнига сариқ рангли кўйлак, қўлларига эса елкаларигача етадиган кўлқоп кийганди. Хоним ёш эди, кўзлари чиройли, тим кора. Менинг кўзларим эса – мовий рангда.

Улар ўтирган стол яқинидаги панароқ жойда бир дақиқача туриб, гапларига қулоқ тутдим: аёл унга норози оҳангда гапирав, жонига тегиб кетганини такрорлар, уни тинч кўйишини, безовта қилмаслигини сўрарди. “Эй, Парвардигор, бу аёл уни ўзидан нари қилаётган экан, нега у менинг ёнимга кела қолмайди!” – дея ҳайқирарди юрагим.

Эртасига у яна дўстлари билан кириб келди ва тасарруфимдаги столлардан бирига ўтириди. Ёнига ҳар доимгидек дарров югуриб бормадим. Юзларим ловуллаб қизарганини ҳис қилдим, бироқ ўзимни уни кўрмагандек тутдим. Мени чақирганида эса, ёнига яқинлашарканман:

– Кеча кўринмадингиз, жаноб? – дедим. У эса дўстларига мурожаат қилгандай:

- Бизнинг кельнер хонимимиз бағоят хушбичим-а! – деди.
- Пиво келтирайми? – сўрадим.
- Ҳа, – жавоб берди у.

Дарҳол улардан узоклашдим.

II

Орадан бир неча кун ўтди. У қўлимга буқланган бир қоғоз тутқазди.

– Буни олиб бориб беринг... – хатни унинг қўлидан олдиму, гапини тутгатмасидан нари кетдим. Сал нарироқда ўтирган сариқ кўйлакли хонимга элтиб беришга шошилдим. Йўл-йўлакай хатга нари-бери кўз югуртиридим, бироқ мактуб охиридаги “Владимир Т.” деган ёзувни эслаб қолдим холос.

Қайтиб келганимда, у менга савол назари билан қараб турарди.

- Хатни етказдим, – дедим ҳозиржавоблик билан.
- Жавоб қайтаришдими?
- Йўқ.

У менга бир кронা узатди ва қулимсираб:

- Буни сўзсиз ҳам тушуниш мумкин – деди.

Владимир (унинг исмини билиб олгандим!) бутун оқшом давомида ўша сариқ либосли хоним ҳамда унинг ҳамроҳларига тикилганча ўтириди. Соат ўн бирлар чамаси эди. Ўрнидан туриб, улар томон яқинлашди. Сариқ либосли хоним уни совуқ қарши олди. Ёнидаги икки ишқибози эса Владимирга қаратса кесатиқ гаплар отишар, устидан кулиб, ҳазил-мазах қилишарди. Уларнинг даврасида бир неча дақиқагина ўтиргач, у қайтиб келди. Диққат билан қарадим; пальтосининг чўнтаги хўл эди. Анавилар пиво тўкиб юборишганини англадим. Пальтосини ечаркан, ўгирилиб чавандоз аёл ўтирган стол тарафга қаради. Пальтосини арта бошладим. У менга қараб жилмайди ва:

- Раҳмат, канизак хоним! – деди.

Устки кийимини кийишга ёрдамлашиб юбордим. Шу аснода унинг елкасига бармоқларим учи билан оҳиста тегиндим.

У ожиз холда курсига чўқди. Дўстларидан бири пиво келтиришни бујорди. Унинг ҳам кружкасини олмоқчи бўлгандим, “Йўқ”, деганча идиш дастасига узатилган қўлларим устига қўлларини қўйди. Унинг тафтини сезган қўлларим мажолсиз бўшашиди. Йигит ҳам буни сезди, тезда қўлларини тортиб олди.

Кечқурун ётоғим ёнида тиз чўккан кўйи унинг учун икки марта ибодат қилдим. Қўллари теккан ўнг қўлимни қайта-қайта ўпдим. Жуда баҳтли эдим.

III

Бир сафар у менга гул тухфа қилди, бир даста гул... Гулларни қаҳвахонага кираверишда савдо қиласидиган гулчи хотиндан сотиб олганди. Сават тўла гуллар – янги узилган, лов-лов ёниб тургандек алвон рангда. Саватни ўзи ўтирган стол устига қўйди. Бу гал у ёлғиз келганди, доимий ҳамроҳлари – дўстлари йўқ эди ёнида. Бўш қолдим дегунча устун орқасида

туриб уни кузатардим, хаёлимда унинг исми чарх ураверарди: “Унинг исми Владимир Т.”.

Орадан бир соатга яқин вақт ўтди. У соатига тез-тез қараб қўярди. Ундан:
– Кимнидир кутяпсизми? – дея сўрадим.

Паришон ҳолда мен томон нигоҳ ташлади, сўнг кескин жавоб берди:

– Йўқ, ҳеч кимни кутмаяпман. Кимниям кутардим?

– Мен... шунчаки, эҳтимол сиз кимнидир кутаётгандирсиз, деб ўйладим...

– Берироқ келинг, – имлади у, – бу гуллар сизга!

Гуллар тўла саватни менга тутди.

“Ташаккур”, дедим мамнун ҳолда. Аммо ҳаяжондан овозим йўқолди шекилли, “ташаккур” сўзини пичирлаб айтдим. Шу онда миямга қон қуюлгандек қизиб, қизариб кетдим, баҳтдан масур бўлганча одимлаб бораракман, буюртмалар пештахтаси олдида тўхтадим. Буюртма қабул қиласидиган аёлга рўйхатни узатар эканман, аёл сўради:

– Сизга нима керак?

– Нима деб ўйлайсиз, менга нима керак экан-а! – саволга савол билан жавоб бердим қувлик қилиб.

– Нима деб ўйлайман!? – аёл жаҳл билан кескин жавоб берди. – Нима, ақлдан оздингизми!

Мен эса ўша кўтаринки қайфият билан сўзлашда давом этардим:

– Қани, топинг-чи, бу гулларни менга ким совға қилди?

Шу пайт обер-кельнер пайдо бўлди. Менга қараб:

– Анави ёғоч оёқли жанобга пиво олиб бормабсиз-ку! – дея сўз қотди.

– Гулларни менга Владимир совға қилди! – ўз топишмоғимга ўзим жавоб бердим-да, қувончдан учәётгандай мижозга хизмат қилишга шошилдим.

Т. ҳали ҳам кетмаганди. Бир оздан кейин у ўрнидан қўзғолиб, кетишига ҷоғланганида, ёнига чопиб бордим-да, яна бир бор унга ташаккур билдиримоқчи бўлдим.

– Раҳмат Сизга!

У ҳайрон бўлди ва жиддий оҳангда:

– Биласизми, тўғриси, гулларни бошқа бирор учун олгандим! – деди.

Майли, майли, эҳтимол, у гулларни бошқа бирор учун сотиб олгандир. Аммо уларни менга тухфа қилди! Ўша аёлга эмас, айнан менга! Ва яна гуллар учун ташаккуримни изҳор этишга изн берди! Хайрли тун, Владимир!

IV

Эртаси куни эрталаб ёмғир ёғаётган эди. “Қайси кўйлагимни кийсан экан, қорасиними ёки яшилини? – Бир оз бошим қотди, сўнг бир қарорга келдим. – Албатта яшилини-да, ахир у янгироқ!” Кувончим ичимга сифмас эди.

Трамвай бекатига яқинлашар эканман, бир хонимнинг жала остида шамсиясиз ивоб турганини кўрдим. Унга шамсиям остига киришни таклиф этдим, аммо у ташаккур билдириганча, таклифимни негадир рад этди. Шунда мен ҳам шамсиямни ёпдиму, ёмғирда ивиган хонимга шерик бўлдим. “Нега энди у ёлғиз ўзи ивиши керак экан!” деган хаёл билан шундай қилдим.

Кечқурун Владимир яна қаҳваҳонамизга келди. Уни қарши олар эканман:

– Гуллар учун яна бир бор ташаккур! – дедим жилмайиб.

– Қайси гуллар учун? – сўради у, сўнг: – Бошқа ўша гуллар ҳакида гапирманг! – деди.

– Мен шунчаки сизга гуллар учун ташаккуримни айтмоқчи эдим.

У елка қисди ва менга қараб:

– Мен сизни севмайман, – деди.

Биламан, у мени севмайди, унинг севгани эмаслигимни яхши биламан. Ундан ўзимга нисбатан бундай ҳисларни сира кутмаганман. Унинг сўзларидан ҳафсалам пир бўлгани ҳам йўқ. Майли, севмаса, севмасин. Бироқ мен уни ҳар куни кўриш баҳтига муссарман, ҳар оқшом у келади ва менинг тасарруфимдаги столлардан бирига ўтиради, мен унга хизмат кўрсатаман. Яна келинг, Владимир.

Келаси оқшом у одатдагидан анча кечикиб келди.

– Пулингиз борми? – деб сўради.

– Афсус, мен бир ғарип қиз бўлсан...

У нигоҳини кўзларимга қадаб турди-да, жилмайиб қўйди.

– Сиз мени нотўғри тушундингиз, менга озроқ пул керак эди... эртагача...

– Ҳа, озмунча жамғармам бор, уйда, бир юз ўттиз кронам бор!

– Уйдами? Ёнингизда эмасми?

– Ўн беш дақиқа кутиб тура оласизми, ўн беш дақиқадан кейин қаҳвахона ёпилади, ишимиз тугайди, кейин бирга уйимга борамиз, сизга пулларни уйдан олиб бераман...

У ўн беш дақиқа кутиб турди. Биз бирга қаҳвахонадан чиқиб, уйим томон йўл олдик.

– Роппа-роса юз крона керак! – деди у.

У йўл бўйи менинг ёнимда борди. Илгарилаб ҳам кетмади, ортда ҳам қолмади. Зодагон олифта жаноблар оддий одамлар ёнида юришни маъқул кўрмай, одатда шундай қилишарди.

– Уйим оддий бир ҳужра, – дедим хижолат бўлиб уйимга яқинлашганимизда.

– Шу ерда кутиб тураман, – кескин оҳангда жавоб берди у, – сиз билан бормайман.

У пастда кутиб турди. Пулларни унга тутқазганимда, эринмай ҳаммасини санаб чиқди:

– Бу ерда юз кронадан кўпроқ пул бор экан. Ўн кронаси сизга чой хақи! Эшитяспизми, ўн кронаси сизга! Чой хақи!

У майда пулларни менга узатди. Хайрли тун тилади-да, кетди. Муюлишга етганида йўл четидаги тиланчи кампирга эҳсон узатаётганига кўзим тушди.

V

Кейинги оқшом қарзни тўлай олмаслигини афсус-надомат билан айтиб, узр сўради. Мен эса қарзни тўлай олмагани учун ҳам унга миннатдорчилик билдиридим. Пулларни ишлатиб юборганини тан олди.

– Нимаям қилардим, шундай бўлиб қолди, ўзингизга маълум: сариқ кўйлакли хоним!

– Нега сен бунака ахволга тушиб қолдинг-а, оғайни, – сўз қотди дўстларидан бири. – Ишқ гадосига айлануб бўлибсан-ку!

– Бирон нима буорасизларми? – уларнинг гапини бўлдим.

Бу орада қаҳвахонага ўша сариқ либосли хоним кириб келди. Владимир ўрнидан турди-да, аслзодаларга хос таъзим бажо этди. Икки букилиб таъзим қилганидан чаккаларидан соchlари юзларини ёпди. Хоним эса белпарво ҳолда унинг ёнидан ўтди-да, бошқа бир столга бориб жойлашди. Владимир ҳам дарҳол ўша стол атрофидаги ўриндиклардан бирига бориб ўтириди. Орадан икки дақиқа ўтар-ўтмас унинг тик турган ҳолда баланд овоз билан гапираётганини эшитдим.

– Жуда яхши, кетаман. Бошқа қайтмаганим бўлсин!

кечирадим. “Ўзимни ва Владимирни оғир вазиятдан қутқара оладиган нимадир топарман”, деган умидли хаёлларга берилардим.

Кеча кечқурун газеталарнинг бирида унинг номига кўзим тушди ва мен у ҳақда битилгандарни бошдан-охиригача қайта-қайта ўқиб чиқдим. Шу ондаёқ кўчага отилдим, тентираб-тентираб шу кўйи бугун эрталаб уйга қайтдим. Эҳтимол, қаердадир тунагандирман, балки ортиқ юришга мажолим қолмагач, бирорларнинг кўча эшиклари зинасида ўтириб тонг оттиргандирман, ҳозир буни эслолмаяпман.

Бугун ўша мақолани яна ўқиб чиқдим. Уни биринчи марта кеча уйга қайтганимда ўқигандим. Аввалига ҳайрат ичра кафтилни кафтилма урдим, кейин курсига чўккаладим. Бир оздан сўнг ерга ўтириб, курсига суюниб қолдим. Кўлларим билан ерни урганча, уйга толдим. Балки уйга толмагандирман, эҳтимол, миямда қандайдир ғала-ғовурлар содир бўлаётгандир. Кейин... мен эҳтимол, ўрнимдан туриб ташқарига чиққандирман. Эсладим, бурчакда муюлишда ўтирадиган тиланчи кампирга бир танга узатдим, сўнг:

– Бу сизга ўша кулранг кийимдаги жанобдан, эслайсизми уни? – дедим.

“Ҳа” дегандай бош иргади кампир, сўнг:

– Сиз балки унинг қайлиғидирсиз, а? – деб сўради талмовсираб.

– Йўқ, мен унинг бевасиман...

Шундай қилиб, тонгга қадар кўча-кўйда тентираб юрдим. Айни дамда ўша машъум хабарни яна бир карра ўқияпман:

“Унинг исми Владимир эди...”.

Юхан БОРГЕН

(1902–1979)

*Рус тилидан
Ойгул СУЮНДИҚОВА
таржимаси*

Норвегиялик адаб, новелланәис. Унинг ижодида кичик жанрдаги асарлар алоҳида ўрин тутади. Ёзувчи маҳорати ҳам айнан новеллаларида ёрқин очилади. “Новеллани вулқоннинг отилиши ёхуд ижодкор “мен”и ўзидан-ўзи юзага чиқиши билан қиёспаш мумкин”, – деб ёзган эди у.

Норвегия адабиёти тадқиқотчиси Вилли Далл таъбирича, Борген новеллаларининг бадиий асоси “баён этишининг кучли, ёрқин таассуротлари, манзараларни бир қарашда қамраб олишадир”.

“Бахт” новелласида ёлғиз аёл иродаси, ҳаётга муҳаббати нафис бўёқларда тасвирланган. Бош қаҳрамоннинг теран туйғулари, оғир изтироблари ажаб чизиқлар ва воқеаларда очилади. Ёлғиз яшаётган аёлнинг дунё билан нафас олиши, уни нозик идрок этиши ўқувчини ҳайратга солади.

Инсон учун умри ўтган қадрдан маконни тарқ этишдек оғир синов йўқ. “Денгиз бўйидаги уйча” новелласи ўз ошёнига худди жигарбандидек ипсиз боғланган одам ҳақида.

БАХТ

Лиза ҳафтада бир марта қишлоққа, почта кутисига тушарди. Қишда эски, тўмтоқ, лекин ҳали маҳкам чанғисида елиб келар, Йоннинг кемадай

катта, обдон мойланган этикларида озғин, қуруқ оёқлари сузаб юрар, шу важдан газета қоғозларини унга тиқарди. Чанғи таёқчаларига сұяниб, сүқмоқ бўйлаб учаркан, ортидан қор булутларини кўтариб, Қашқа тоғларидан энаётган афсунгарга ўхшаб кетарди, ботқоқ дўнгликлари сув билан қопланган кузги кезларда минг машакқатда йўлларни пайпаслаб босар, дағал этиклар ичидаги оёқлари осилиб туради.

Ёзги ўтлоқ сўқмоқларидан сал чўккан ботқоқ сувлари бўйлаб дадил ўтар, қишлоқда пайдо бўлиб қолса, одамлар деразаларидан мўралаб: “Мўъжизанинг ўзгинаси-я, Лиза ҳечам қаримайди”, – дейишар, болаларини юбориб, қаҳва ичишга таклиф қилишар, бундан Лиза ҳам хурсанд бўларди.

У киришимли эди, кекса аёлнинг юзидағи жўғрофия харитасига чизилгандай кесик-кесик ажинларига болалар қизиқсиниб тикилишар, ҳадик ва ҳаяжон ўтида нозик бармоқларидаги бўртиб турган кўм-кўк томирлари, терисини ушлаб кўришар, бу томирлар филникидай кўриниб қолган сувяклари остида бўлинниб-бўлинниб кетган кенг водийлар, тоғ тизмаларига ўхшаб кетарди.

Қишлоққа олиб борадиган тор сўқмоқдан тушган жойга учта устунга мовий, сарғиши ва қизил почта кутилари қоқилган. Ўн йиллар бурун атрофдаги тўсиқлар бузилиб кетган, бироқ давлат тамғаси босилган учта устундаги кутилар олиб ташланмаган.

Лиза сарғиши кутининг ёнига келарди. Унга қачонлардир қора ҳарфларда кичкина тоғ қишлоғининг номи ёзилган, аммо аллақачон ўчиб кетган. Қолаверса, бу аҳамиятсиздай, чунки хат ташувчи қишлоқ одамларини ёддан биларди. Энди у ҳам Лизадай қариби.

Лизанинг ҳаётида учта муҳим воқеа рўй берди: “Титаник” ҳалокати, Йоннинг ҳалок бўлиши ва лотерея ютуғи. Сўнгти воқеалар хабарини почтадан олар эди. “Титаник”дан тасодифан хабар топди: уйига шу хабар босилган газета билан йўловчи кириб келди. Одатда, у газета ўқимасди, ҳозиргидай ёлғиз қояларга урилиб, парчаланиб кетган кема ҳалокати уни шундай эсанкиратдики, хотирасига ўрнашиб, нималарнингдир ишоратига айланди. Хаёлидан ўчириб юборолмади. Бу дунёда рўй берган бошқа кўргиликлар олдида ҳеч гап эмас эди. Ўша йўловчи Йоннинг отаси бўлди. Ўрмондан кўплар қатори уникига кириб келди. Тонг отгач, қаҳва, ётоққа ҳақ тўлади-ю, кетди. Лиза уни бошқа кўрмади. Бу унинг ягона хатоси эди. Ёш ва гўзал экан, бунга етарлича эътибор бермади. Ёз тонгларининг бирида Йон туғилди. Ёнида ҳеч кими йўқ, фақат ўрмонда какку кукуларди. Ўзига келгач, сигири учун ўтиб келишга чиқиб кетди.

Йон кўзга яқин бўлиб ўсади, мактабга чиқди. Қобилиятли, механикага меҳри ошди, онасига ёрдамлашарди. Яна битта сигир сотиб олишди. Немислар кириб келганда болалар билан қишлоқ йўлига тушди, немис автомобилини қўлга олишди. Йонни шаҳарга туташ қишлоқда ўлдириб кетишиди. Немислар радио эшитишни тақиқлашганда у битта сигирини сотиб, радио олди, қолган пулига – лотерея чиптаси. Чиптага ютуқ чиқди. Лиза пулларни ертўлага яшириб қўйди. Ҳар гал ертўлада пулларни қайтадан санаркан, бурчакка биқинганича ўғлининг ўлганини эслар, хонасига кириб, радиодан дунёда бўлаётган даҳшатли воқеаларни тинглар, хаёлига “Титаник” ҳалокати келарди.

Лиза ҳафтада бир марта почта кутисига келиб, хат кутарди. Уни ким кўриб қолса, гаплашар, нима учундир одамлар аёл олдида ўзларини айбдордай сезишар, тирноқча бўлсаям ёрдам бергиси келарди. “Лизанинг бир

ўзи яшashi яхши эмас, унга бир кори-ҳол бўлиб қолса-чи?” дейишарди бир-бирига.

Лиза болаларнинг митти қўлларини қариган, қаттиқ қўллари орасига қисганча, бирга уйларига киравди. Болалар уни яхши кўришар эди, бошқа дунёдан келиб қолган, деб билишар, юзидаги ажинларни томоша қилишар, ҳамма нарсани билади, деб ишонишарди.

Катталар ҳам Лиза билан сұхбатлашишни хуш кўришар, радионгиз борми, деб очиқ айтишмаса-да, дунёда нималар бўлаётганини билишга қизиқишарди. Лиза чиндан ҳам кўп нарсани билар, эшитганларидан айрим тафсилотларинигина эмас, одатда, қариялар шундай қилишади, балки узун-узун шаҳарлар ва қишлоқлар номларини ҳам бутунчика айтларди. Харитага қушлар тумшуғидай сарғайган, буқчайган бармоқларини юргизиб, қаердан фронт чизигини ўтганини кўрсатарди. Қишлоқдаги айримларда радио бўлса-да, эшитганларини айтишмас, акс ҳолда, бунинг учун жазо муқаррарлигидан кўркишарди. Одамлар турмуш ташвишлари, юмушларидан ортолмай, дунёни унутиб яшарди.

Лизанинг эса ўйлашга арзигулик ишлари йўқдек, сигири, чоғроққина даласини айтмаса. Даласини одамлар ҳайдаб, экиб-тикиб беришади, ўрмондан ўтинлар келтиришади. Лиза қишиғамида ўтларни ўзи ўриб, қуригади, ўтинларни ёриб, тахлаб кўяди. У бошқаларнинг эсида турмайдиган атамаларни ёдлашга уста, дунё янгиликларини етказувчи хабарчидай қишлоққа кириб келарди. Одамлар оламдаги ақл бовар қилмас воқеалардан ёқа ушлар, тавба қилишарди.

Лиза эса минглаб қурбонлар, пайҳон этилган далалар, кули қўкка совурилган шаҳарлардан сўзларкан, “Титаник” ҳалокати ёдига тушар, киприк қоқмай олисларга узоқ тикиларди. Унинг назарида миллионлаб қурбонларни чўкиб кетган одамлар билан қиёслаб бўлмасди. Бу баҳтсизлик уни ўшандаёқ шундай изтиробга солдики, юрагида азоб томир отди, ўзи-да ўша эзғинлик ичиди яшади. Шундан буён энг оғир фожиалар ҳам унга алоқадор эмасдай, чет-четларда шунчаки рўй бераётгандек туюларди.

Кеч тушди, шамол қайнинларни тебратди, барглар ойналарни силаб ўтди. Радиони буради, оркестр оҳанглари уйни тўлдирди: Лондонда уч юзта одам Лиза учун куй чаларди. Бетховен мусиқаси тошқиндай, шаршарадай чинни кучукча безатиб турган шкафлар оралаб, дераза раҳлари бўйлаб, уй гулларидан сирғалиб, шиддат билан оқди.

У яна “Титаник” қайғусига чўқди, тўйнтирилган палубани кўрди, эр-каклар, аёллар ва болаларнинг чинқириқларини эшитди. Бу кўрқинчли товушлар тунни парчалаб, денгизга қуйиларди. Денгизнинг музли тўлқинлари хонасида ҳам сузиб юргандай юрагини мовий чексизликнинг совуқ нафаси тўлдирди. Мусиқа тугади, у узоқ ўтириди, сўнг энкайланча тўқий бошлади... Йонга.

Одамлар ўрмонга аҳён-аҳён келишар, одатдагидек, Лизанинида тунашарди. Қачонлардир бу у учун пул топиш зарурати эди, қаҳва ва ётоққа пул тўлашарди. Бироқ хозир уруш, одамлар унча-мунчага ўрмонга чиқишимайди, ўтиб қолишича ҳам унинг уйига бирров кўз ташлаб ўтишади. Баъзан Лизанинг уйига етмаслариданоқ радио товушини илғашар, қоронғилиқ, тун, шомда узоқ-узоқда милтиллаб турган оловдан кўз узолмасдилар. У ойналарни қалин пардалар билан қопламас, яrim тунгача симфониялар бағрига сингиб кетарди. Чет тиллардаги хабарларни тушунмагани учундир улар янада ваҳима ва сирли туюларди. Одамлар тошқотиб, унинг уйидан келаётганд дунё товушига қулоқ тутар, хеч қачон хеч

кимга чурқ этишмасди. Лиза ўғли ўлгач, ақлдан озган, деб ўйлашарди.

Бир куни у ҳам уй ёнидан ўтиб кетди, бир оёгини судраб босарди – Лиза таниди. У йўл босиб толиқкан меҳмоннинг пешонасига тушиб турган қалин соchlарини кўрди, мени танирмikan, деган ўйга борди. Қаҳва тайёрлади, у эски стол атрофида ўтириб, ичиб бўлгунча, Лиза ичкари хонада ўрин солди. Ўшандагидай очиқ эшик орасида гаплашишди. Бу ўттиз йил олдинги воқеа эди. Лиза етмишни қоралади. Қишлоқдагилар уни қариялар уйига юбориш керакмikan, деб мулоҳаза қилишди. Лекин бу ҳақда эшитишни ҳам истамади.

Меҳмон қаҳвани хўпларкан, уруш ва ўзи ҳақида бир оз сўз очди. У тикув машиналарини тузатарди, ҳа, Лиза буни ҳам эслади. Қишлоқма-қишлоқ юриб, иш ҳақларини йигарди. Тикув машиналари учун нималардир ихтиро қилимоқчи ҳам бўлди-ю, бундан иш чиқмади. Ўша пайт ҳамон Лизанинг ёдида. Агар озгина пули бўлганда ишлари юришармиди, яхши бўлармиди... Вақт етмайди, ҳа, вақт. Лиза буларни ўшанда ҳам тушунолмасди. У хонада ёстикларининг сўклиб кетган жойларидан чиқиб турган похолларни олиб ташлар, бугун ким келишини билганимда янги похоллар солиб кўярдим, дерди ўзи ўзига. “Фикрни бир жойга тўплаб олишга вақт етмайди”.

“Фикрни жамламок”. Энг муҳими – шу. Лиза бу сўзни кўп эслади, маъносини кейинрок англади. Ошхонага қайтди, меҳмоннинг келбатли елкаларига кўз югуртириди, стол устида чироқ ёниб турар, у ўшанда ҳам шу кўйи ўтиради. Йигирма етти ёшида йигит кетган Йоннинг ўлганига ҳам икки йил бўлибди...

– ...Лаънати немислар, – деди меҳмон. У қийналиб-қийналиб тошдай бутербродларни чайнаркан, бор омадсизлигини улар устига ағдараарди. Лиза печка ёнида туриб, унга яна қаҳва куйди. – Йил ортидан йил ўтади, эски тикув машиналари орасида одамлардан ҳақини териб, умринг оқади. Бугун бекорчиликданми, ўрмон оралаб юргим келди...

Лиза печкага ўт қалади, ташқарида совуқ, изғирин. У бу ҳақда илк бор хаёлга берилиди: қишлоқдагилар қариялар уйига борсанг, маъқул бўларди, дейишиди. Уйига кўққисдан меҳмон келиб қолса, радиоси борлиги учун жавоб беришга мажбур. Хаёлида бир сўз чақнади: у ҳам эсладими? Ўрмонда турли одамлар учрайди, тўғри келган жойда истаганларини қилишади. Балки у ҳам шундайлардандир ёки чиндан ҳам ҳеч нимани эслолмас...

Лиза радиони буради, лекин қисқа тўлқинларни ушлай олмади, меҳмон аппаратни олди-да, чироқ ёруғида нималарнидир излашга тушди. Аёл унинг озғин кўллари, нозик бармоқларига тикилди. Шу кўллар унга жуда ёқар, ўзига ром этган, шунинг учун ҳам унотолмагандир...

Лиза аппаратдаги кўз илғамас симларни бошқараётган кўллардан кўз узолмасди. Меҳмон ишини тугатди, радиони ёқди. Иккаласи ёнма-ён ўтириб, дунё хабарлари – кулфатлар, мусибатлар, воқеаларни тинглашиди. “Ҳа, – ўйлади Лиза, – унинг кўлидан ҳамма иш келади.” Яна “Титаник” ҳалокатини эслади. Кўз олдида қийшайиб кетган улкан кема зулматга чўкиб кетди, денгиз оловни ютиб юборди. Мусиқа янгради, аёзли тунда денгизга чўкаётган одамлар қичқирикларини эшитди. Бирдан биринчи бор узоқ йиллардан буён унутиб қўйган хотиржамликни туйди.

* * *

Эрталаб меҳмон қаҳва ва ётоқ учун ҳақ тўлади. Лиза унга қутини тутди. Аёл тонг отмасданоқ ертўлага тушиб, пулларини сўнгги бора санади. Йон

ўлди. Аввалига у ҳеч нима олгиси келмади, бироқ олди. Лиза у кўздан йўқолгунча қўлида қутини ушлаб, қандай кетаётганини жимгина кузатди. У бир оёғини судраб борар, оқсоқланиши олдинлари бу қадар билинмасди. Ниҳоят, чангальзорга кириб кетди. Ёмғир шивалар, Лизани яна ўйлар чирмаб олди: уни эсладимикан? Лиза буни ундан сўрамади. Туни бўйи “Титаник”, урушлар, Йон хаёлидан кетмади, ухломади, яхшиям, радиоси созланди.

Лиза тош дарчадан уйга кирди, пақирни олиб, оғилхонага йўналди. У Лизага “фикрларини бир жойга жамлаб” иш бошласа, хат ёзишга сўз берди. Аёл ҳар ҳафта қишлоққа тушиб, сарғиш қутидан мактуб ахтаради, кўнгли енгил тортади. Йўлда чиқиб қолганлар билан сұхбатлашади. У бу қутиш, қариялар уйи, посбон, дунё мусибатларини унутиш, Йон соғинчига бас кела оладиган куч, паноҳ эканлигини хис этди. Кечқурунлари радио ёнида ўтириб, нелардир тўқирди. Ўғли ҳам, эри ҳам урушда бўлди. Иккаласининг ҳам қўллари чайир, моҳир, ҳар қандай ишни уddeларди.

Қишлоқ йўли бўйида устунларга қоқилган почта қутилари ёнида Лиза қутиш ҳар қандай балолардан асрарувчи куч эканлигини туйди. “Титаник” ҳалокатини ҳанузгача унутиб-унутолмаётганини сезди. Жаҳонда улкан баҳтсизликлар шу қадар кўпки, барини ўлчаб бўлмайди. Булар – унинг ҳам хаётидаги энг катта воқеалар...

Лиза ҳар сафар бўм-бўш почта қутисига кўз ташларкан, борлигини яна қутиш ва баҳт ҳисси чулғарди.

ДЕНГИЗ БЎЙИДАГИ УЙЧА

Қизғиш уйча худди шу ўлка билан уйғунликда эди.

Қоялар орасидаги денгиз, кўкиш тўлқинлар, юқорига караб югуратган сўқмоқ, кемалар тўхташ жойи, паставкина тошлок адирлар уйчани шамоллардан ҳимоя қилаётгандай туюларди. Уй ортидан яшил қияликлар бошланади, мовий қўнғироқ гуллар тунда гулчамбарларини беркитиб қўяди.

Тонгда чиқиб кетаркан, назарида уй қон ютиб қолгандай кўринди. Сўнг сим арқонни силтади, очиқ бухтани яна бир бор айланди. Қават-қават қоялар ўртасида қолган уйчани кўрмоқчи бўлар, аммо унинг фақат бир бурчагигина кўзга ташланарди. Ёнлаб ўтаётганда уй бир зумга лоп этиб чиқар, зумда кўздан йўқоларди. У бу уй ҳақида одамларга қайта-қайта айтишдан чарчамасди: “Денгиз бўйида, қоялар орасида кичкина, шамоллардан пана, куёш шуълалари денгиз юзасида ярқираб турган жойда, бухта ёнида уй бор – уни ким орзу қилмайди, дейсиз”.

Кетиши олдидан уй билан айрилиқни “хис этиш”, уй жойида турганлигига икрор бўлиш учун бухтани икки марта айланди. Бундай дамларда уни аллақандай алдамчи ҳислар, ўзгача тасаввур қуршаб оларди. У безовтавланди: наҳотки бу гал ниманидир унуди? Нимани унудийкан? Ҳамиша уйни саранжом-саришта қилиб қолдиради. Сув тўлдириладиган ёғоч идиш ва қаҳва қайнатгич тўнтарилган, сичқонлар тешиб кетмаслиги учун кўрпача ва болишлиар чордоққа осилган, чўмич эшик ёнидаги, занглаган калит эса бўғот остида, ўнг тарафдаги михда. Бироқ у ниманидир унуганига ишонар, бу фикр уйдан олислаб бораётган бўлса-да, ҳеч хаёлидан кетмасди. Э, йўқ, ниманиям унутарди!

У қирғоқда тўхтади, қайиқни боғлади-да, темирийўл бекатига йўналди –

ярим чақирим йўл. Йўл-йўлакай доим бир жойда нафас ростларди. Юкини ерга қўйиб, қаддини ростлади. Йилдан-йилга бекатлар оралиғидаги масофа чўзилиб бораётгандек, илож қанча! У ҳар сафар ортга қайтиш истагини енголмасди. Бошида бу туйғу шаҳарга кириб келиши билан йўқоларди, эндиликда эса уни қўйиб юбормаяпти. Кўнглида нотинчлик. Яна бир ёз ўтди. Нимани унутдим экан, деган хаёл уни ҳамон таъкиб этарди.

Ажойиб кунларнинг бирида поездга ўтириди-да, уй томонга жўнади. Поезд уни жанубга қишлоқ йўллари бўйлаб елдириб борарди. Куз, яланғоч дарахтлар, тиниқ ҳаво, очик ва кенг уфқ... Қайиқни қирғоққа боғлаб, сўқмоқ ёқалаб юқорилади. Уй ёнида бир одам ўтиради. Бу – ориқ, сал буқчайган қария эди. Бирпас бир-бирига тикилиб туришди.

– Мана, ҳаммаси тугади, – деди қария маъюс жилмайиб. – Энди бизни нима қилмоқчисиз? Миршабхонага хабар берасизми?

– Сиз бултур ҳам шу ерда яшаганмисиз?

– Ҳар иили.

Қария оғир хўрсинди. Уларнинг ёнига озғин, чаққон, нозик лаблари чимрилган аёл келди.

– Ҳамма нарсани жой-жойига қўйиб кетардик, тозалардик, ҳеч бир из қолдирмасдик, – деди у пича истехзо аралаш. Сўнг бирдан хохолаб юборди.

– Факат чўмич бошқа томонга илинибди. Яна санчқилар... Рекард, ўтган иили тўртта санчқини унутганимизда у албатта сезади, дегандим-а...

– Кўк кўрпача... Уни том остидаги ёғочга илиш хаёлимдан кўтарилибди.

– Сиз барибир бир куни билиб қоласиз, деб ўйлардим. – Аёл унинг кўзларига тик қаради. – Ха, кўрпача савил кетди, уни сичқонлар тешиб кетмасин учун ана илиб қўяман, мана илиб қўяман, деб қилолмабман.

Улар уйнинг кунгай томонига ўтиб, қаҳва ичишди, майда-чуйдалар, хўжаликдаги кичик ўзгаришларни ҳам айтиб ўтишди. Ўз столи атрофида улар билан ўтириш анчайин ноқулай кечди. Бу ҳолат шу уй жойида турибдими-йўқми, деган ўй-фикрларга боғланган эди. Ниҳоят, уйнинг ҳам ўз ҳаёти борлигига икрор бўлди.

У қариялар ҳикоясини жимгина тинглади, бу уй улар учун рўё эди, ўзларини номақбул иш қилиб қуийшгандай тутишарди.

– Бу гал нимага эртароқ қайтганингизни тушундик. Сентябрь жилвагар фасл, қуёш... Бизнинг ҳеч қаҷон уйимиз бўлмаган.

– Бу уй биз қаҷонлардир қурмоқчи бўлган уйга жудаям ўхшайди.

Улар бир-бирини тўлдириб, эҳтиётлаб, кўмаклашадигандай, эҳтимол, кечирим сўраётгандай сўзларди.

– Биринчи марта жудаям кўрқдик. Кейин эса...

Улар бир-бирига хушнуд бокишиди.

– Бу уй бизникайдай кўринди кўзимизга. Бироқ ҳеч қаҷон бизга тегишли деб ўйламаганмиз. У биз учун қадрли бўлиб қолди. Бунинг устига, сиз бўлмасдингиз...

– Пешонабоғларни шундай бўягим келардики... – деди секингина аёл. Қўллари билан йилдан-йилга ранги ўчиб бораётган ромларни силади.

Тонг отди. Қария яна сўради:

– Бизга қандай чора кўрмоқчисиз? Арз қиласизми?

У жўнаш олдидан қарияларни тинчлантириди. Бу ерда истаганларича яшашлари мумкинлигини айтди. Ахир, калитнинг қаерда туришини билишади. Бир неча бор шу калитни шаҳарда унутиб қолдирганини эслади. Агар шу уйда яшашса, бундан хурсанд бўлади.

Қарияларнинг кўзларида ёш тирқиради, бир-бирига қараб, енгил

бош силкиди. Қолишлиарини ўтиниб сўради. Чол-кампир қатъийроқ бош чайқашди: “Бўлмайди!”. У қизишид. “Ўй уларга ёқмай қолдимикан, балким бундан ҳам яхши шароит талаб қилишаётгандир?”

Буни айтганида қариялар гангид қолишидди, бироқ кўнишмади. У қаттиқ аччиқланди, ҳатто моторли қайифини уларга бериб кетишини билдириди, уни қай йўсин ишлатишни кўрсатишга киришди, қирғоққа чиқишининг осон йўлини кўрсатди. Бу хатти-ҳаракатлари қарияларни қийнаб юборди, улар бошларини чайқай-чайқай сўзларидан қайтишмади. “Бизга ҳеч нарса керакмас, уй ҳам, моторли қайиқ ҳам”, дейишиди ўжар қариялар.

У бехуда уринарди. Қизик, уйни шу қариялар учун ушлаб турганмиди, ё? Авваллари бу ердан кетганда уй мавжуд эмасдай туюлар, ҳозир унинг борлигига ишонди, ромларни бўягиси келса, бўяшсин..

У бу сафар бухтада айланмади, кўнгли хотиржам тортди. Сўнгти бор қўл силкиб, дадил юриб кетди, бурилмади. Ўйлаб кўришади, рози бўлишади, деган тўхтамга келди. Бу қиши уйни ўйламади.

У бу сафар уй томон эрта отланди. Ёмғирли баҳор куни, денгиз юзида пўртанаалар енгил сузади. Уйга қаради, бухтага киргач, ўйлади: “Шундан кўрқардим, энди уй жойида турганини биламан”. Қирғоққа тушди, сутранг-мовий тусли ромларни кўрди. “Демак, қолишиган. Дарпардаларга мос ранг танлашибди”, – кувонди у. Уй шундай тунд кунда ҳам қувноқ ва меҳмоннавоз кўринарди. Уйга кирди, стол устида уни хат кутиб турарди: “Кўп йиллар меҳмоннавозлик қилдингиз. Сиздан миннатдормиз. Бизни аядингиз. Қайсарлигимизни кечиринг, ҳалигача нега бундай қарорга келганлигимизни билмаймиз. Биз энди қайтмаймиз. Бу кичкина сиримиз эди, асли”.

Ёз бўйи хатни такрор-такрор ўқиди, меҳмонларга кўрсатди. “Бу уйда яшашга рухсат бериб, уларнинг қувончини тортиб олдинг”, – деди меҳмонлардан бири.

“Бу ғаройиб қариялар тартибни ёқтиришган, уларнинг қайтиши қийин”, – қўшилди бошқаси.

“Қари одамлар болаларга ўхшаб қолади. Улар учун муҳими – сир”, – таъкидлари учинчиси.

У хатни бошқа ҳеч кимга кўрсатмади, сутранг-мовий ромларга тикилди: “Улар оқ рангда бўлса яхшимиди? Бу қандай бемаънилики, ромларни кўкиш рангга бўяшди? Барини қайтадан бўяшга тўғри келади”.

Куз келди, бўёқ ва чўткалар сотиб олди-ю, қўли ишга бормади. Мовий рангни бўяб ташласа, эски, қадрдон хотираларни ўчириб юборишдан ҳадиксиради. Шундай қилса, қариялар уйни ўзлари билан олиб кетишгандай туюлмайдими... “Қайсиdir ёзда, балки кейинчалик бу ерга бутунлай қайтиб келмасман. Уй эса турармикан? Ёз биз бўлмасак ҳам келаверади. Олам, борлик бизсиз ҳам мавжуд, яшайверади” ўйлади у.



ИВО КАПРИНО



Иво Каприно норвегиялик машхур киноарбоб. У норвег халқ әртакларини маҳорат билан экранлаштирганлиги туфайли ўз юртида жуда катта хурмат-эҳтиромга сазовор бўлди. Норвегиядан ташқарида эса жаҳон қўғирчоқ фильмлари устаси сифатида эътироф топган.

Иво Каприно 1920 йил 17 февралда санъаткорлар оиласида туғилган. Таниқли норвег романтик рассоми Ханс Гуденинг набираси бўлган онаси Ингсе Гуде халқ қўшиқларининг моҳир ижрочиси, уста қўғирчоқбоз эди. Отаси италиялик Марио Каприно, ҳам чиройли картиналар чизувчи маҳоратли рассом, ҳам ажойиб мебелсоз уста бўлган.

Каприно Осло яқинидаги Снайрая деган жойда туғилиб, умрининг охиригача ўша ерда яшади. Режиссёр “анимация” мутахассислиги бўйича муфассал билим олди. У Прагада қўғирчоқ фильмлари,

Лондондаги мультиплекцион фильмлар, Римда эса миниатюра ва комбинацияли фильмларни суратга олишни ўрганди.

Каприно суратга олиш ишларини ўтган асрнинг қиркинчи йилларида бошлади. Тез орада режиссёр ўзининг “сирли” суратга олиш техникасини ишлаб чиқди ва бунга патент олди. У қўғирчоқларни камера олдида бемалол жонли ҳаракатга келтира оларди. Узок йиллар ҳеч ким бу сирнинг тагига етолмади. Фақатгина 1993 йили санъаткор ўзи қашф қилган техник сирни ошкор килди. Ҳамма гап “клавиатура” да экан. Унинг дастакларига 12 сим-тор боғлаб қўйилган бўлиб, барча торлар бир найчага киритиларди, бошқа томондан эса қўғирчоқнинг турли қисмларига маҳкамланарди. Қўғирчоқбоз клавишларни босиб ўтиrsa, бас, қўғирчоқлар сим-тор ёрдамида турли ҳаракатларни бажараверарди.

Хорижда Иво Каприно ўз мультифильмлари билан машхур бўлиб кетди. Айниқса, “Катта пойгалар” мультифильми норвег кинематографиясининг чўққиси хисобланади.

Норвегиялик болалар Иво Каприонинг қўғирчоқ фильмларини томоша қилиб улғаядилар. Унинг машхур анимацион фильмларида бир кўришдаёқ норвег халқ әртаклари қаҳрамонларини таниб олиш мумкин.

Иво Каприно фильмларидаги қўғирчоқ персонажлар ташриф буюрувчиларни кутиб оладиган Хундерфоссен оиласиий боғи Норвегиянинг диққатга сазовор жой-

ларидан бири ҳисобланади. Капринони мамлакатнинг миллий қаҳрамонларидан бири дейиш мумкин, негаки у ўз фильмлари билан Норвегия маданиятини оммалаштириди, айни чоғда норвегияликлар қалбida болалигиданоқ она юртига муҳаббатини ошириди.

Иво Каприно кўпгина мукофот ва совринлар эгаси. Улар орасида нафақат кино мукофотлар, балки мамлакат олдидаги алоҳида хизматлари учун Норвегия Қироллигининг ордени ҳам бор.

Иво Каприно 2001 йили 8 февралда Осло яқинида вафот этди.

Иво Каприно кўпқиррали ижодкор эди. У ҳам режиссёр, ҳам сценарий муаллифи, ҳам оператор, ҳам продюсер сифатида ниҳоятда серкира ва самарали ижод қилди.

Иво Каприно бутун ҳаёти давомида кўплаб мультфильмлар яратди. 1948 йили унинг “Тим ва Тёффе” номли биринчи фильмни суратга олинади. Ушбу фильмning режиссёри ҳам, сценарий муаллифи ҳам, продюсери ҳам Каприонинг ўзи эди. Кўғирчоқларни эса унинг онаси тайёрлаб беради. Фильм оққора рангда олиниб, тўққиз дақиқа давом этади. Гарчи бу қўғирчоқ фильм яратишдаги биринчи тажрибаси бўлса-да, унда Каприонинг фильм яратишдаги ўзига хос иш услуби кўринади.

1955 йили Турбъёрн Эгнер эртаги асосида “Кариус ва Бактериус” фильмининг тақдимоти бўлиб ўтди. Мультфильм Норвегиядан ташқарида ҳам ниҳоятда шуҳрат топиб, Канн фестивалида намойиш қилинди. Америкалик комик актёр Денни Кей ўз томошаларида бу қўғирчоқлардан фойдаланиб, уларни янада машхур қилиб юборди.

Шу йили “Ўрмон тепалигидаги арчанинг саргузаштлари” эртаги

асосида “Клатремус ёки сичқонча” фильми дунёга келди. Кейинчалик “Чидамли қалай аскарча” номли ўн уч дақиқали рангли фильм суратга олинди. Мультфильм даниялик таниқли ёзувчи Ханс Кристиан Андерсеннинг 150 йиллик юбилейига бағишилаб яратилди. Фильм тақдимоти Андерсеннинг ватани Оденседа бўлиб ўтди.

1960 йилларда Каприно Норвегия халқ эртаклари асосида яна бир қанча мультфильмлар яратди. 1961 йили “Акселадден ва унинг чаққон ёрдамчилари” фильмни пайдо бўлади. Даствлаб тўла метражли “Бор экан-да, йўқ экан” бадиий фильмини суратга олиш режалаштирилган эди. Бироқ бундан ҳеч нарса чиқмади ва Каприно сценарийни бир неча қисмга бўлиб, мультфильм ишлашга қарор қилди. Аммо экранда барибир бадиий фильм элементлари кўринади, унда эртакчи амаки олдига иккита бола келиб эртак айтиб беришни сўрайди ва воқеалар кўғирчоқ персонажлар орқали ҳаракатлана бошлайди.

1975 йили Каприно раҳбарлиги остида энг йирик мультиплексия лойиҳаси амалга оширилди. “Флоклюпа Гран-При” (“Флоклюпа: катта пойгалар”) тўла метражли мультфильми таниқли рассом Хъелле Аукруст билан ҳамкорликда яратилди.

Мультфильм Каприонинг энг сўнгти ва энг муваффақиятли фильм бўлиб қолди. У кўплаб тилларга таржима қилинди ва жуда кўп мамлакатларда намойиш этилди. 2000 йили мультфильм асосида компьютер ўйини ишлаб чиқилди.

2005 йили “Каприонинг эртаклар олами” деб номланган мультфильмлар тўплами яратилди ва инглиз, швед, дания, фин ҳамда рус тилларига ҳам таржима қилинди.

*Иқбол МЕЛИҚЎЗИЕВ
тайёрлади*

КҮРФАЗЛАР КУЙЧИСИ

Георг Расмуссен норвегиялик истеъдодли ижодкор. Мусаввирнинг кўрфазлар манзараси акс этган асарлари донг таратгани учун у “Кўрфаз тасвири устаси” номини олган.

Георг Антон Расмуссен 1842 йил 7 августда Ставангерда туғилган. У тасвирий санъатдан дастлабки сабоқни Берген шаҳрида, таникли мусаввирлар Йохан Людвиг Лостинг ва Андерс Аскеволдлардан олади. 1863 йилда Расмуссен Копенгагенга кўчиб ўтади. У ерда пейзаж устаси Фредерик Роде кўлида таълим олади. Шундан сўнг ҳам Расмуссен ижодий изланишлардан тўхтамайди. У 1864–67 йиллар мобайнида Дюссельдорф санъат академиясида Освалд Ахенбаҳдан сурат солиши сирларини ўрганади.

XIX асрнинг 70-йилларида келиб, Расмуссен ижодига норвегиялик расом Ҳанс Гуденинг манзара жанридаги асарлари кучли таъсир кўрсатади ва у тасвирий санъатнинг айнан шу йўналишида ижодини давом эттиради. Натижада Расмуссен асарлари Германия ва Норвегияда катта эътибор қозониб, унинг картиналари, айниқса, саёҳатчилар ўртасида қадр топади. 1899 йилдан рассом Берлинда ижод қилади ва 1914 йил шу ерда вафот этади.

Рассом асарларида табиатга катта урғу бериб, ундан янгича оҳанглар топади. “Согне кўрфази”, “Кўрфазда оқшом”, “Ёз фаслидаги кўрфаз” каби асарларида табиатнинг мафтункор манзаралари бор гўзаллиги билан акс эттирилади ва бу томошабинда завқ уйғотади. Картиналарда Расмуссенning табиатда бўладиган тинимсиз жараёндан айнан бир лаҳзани олиб, уни моҳирона тасвирлай олгани эътиборга сазовор. Унинг “Кўрфаздаги қайиқчи” суратида осмон мусаффо, кўлнинг суви тиниқ ва сокин, ҳатто қайиқчи ҳам бу осойишталикка таъсир этолмайди. Муқовамизда тақдим этилган “Норвегия кўрфази” асарида маҳобатли кўрфаз тасвирланган, унинг тик қоялари кад кўтариб турибди, қайиқчи уни кечиб ўтмоқда. Бунда ижодкор кўрфаз тимсолида табиатнинг улкан қудратга эгалигини кўрсатмоқчи бўлади. Ушбу асар ҳозирда Эрмитажда сакланади. Ҳозирги кунда рассомнинг кўплаб асарлари Берген, Копенгаген, Дрезден ва Дюссельдорф шаҳар музейларида, шахсий коллекцияларда сакланади. 2004 йилда унинг сара асарлари Лондондаги “Bonhams” аукционида сотувга қўйилган.

Аброр УМАРОВ
тайёрлади



РЕЗЮМЕ

Выборы Президента Республики Узбекистан, прошедшие 29 марта – чрезвычайно важное событие в жизни узбекского народа, имеющее огромное историческое значение для будущего страны. Страны, которая решительными шагами идет по пути развития демократического правового государства и сильного гражданского общества. В статье Шухрата Ризаева «Первостепенная задача – не допускать принижения Узбекистана», посвященной анализу жизненных факторов, предшествовавших обретению государственной независимости узбекским народом, повествуется о том, как сила воли и убеждения, решительность и стойкость Президента Ислама Каримова сыграли огромную роль в защите Узбекистана от многих проявлений тотального кризиса, то есть – кровопролитных войн, междоусобных раздоров, голода и нужды, рабства и неволи, мытарств и национальных розней.

Апрельский номер журнала посвящен литературе и культуре Норвегии. Рубрика «Глобус» ознакомит вас с творчеством известных представителей норвежской литературы. Также вниманию читателей представлены статьи о популярных деятелях искусства, внесших весомый вклад в развитие культуры данной страны. Образцы творчества лауреатов Нобелевской премии Кнута Гамсунна и Бьёрнстьерне Бьёрнсона, а также, таких писателей и поэтов как Юхан Борген, Юхан Вельхавен, Нурдал Григ обогатят познания читателей о литературе Норвегии.

В рубрике «Проза» представлен отрывок из романа «Пир джинов или большая игра». Автор с мастерством описывает тот период, когда один из основоположников новой узбекской литературы Абдуллы Кадыри стал жертвой машины репрессий бывшего Советского государства, когда великие сыны нации подвергались унижениям и притеснениям, а цинизм и безжалостность прислужников господствующей партии не знали границ.

Публикующаяся в рубрике «Жемчужины мировой литературы» заключительная часть романа «Большие надежды» Чарльза Диккенса повествует об очередных жизненных перипетиях Пипа, полного больших планов и надежд в преддверии самостоятельного пути.

Японская писательница Банана Ёсимото в популярности не уступает соотечественнице Харуки Мураками. Ее произведения легко читаются, при этом отличаются необычайной глубиной осмыслиения. Автор умеет видеть в обычном нечто особое, даже мистическое. По своему раскрывает тайны бытия. Подтверждение тому рассказ «Ящерица», опубликованный в рубрике «Рассказ о рассказе».

RESUME

✍ Presidential elections in Republic of Uzbekistan which took place on March 29 are a great event in the life of Uzbek people and they are very important for the future of the country. Uzbekistan is resolutely following the way of development of democratic lawful state and strong civilian society. Shuhrat Rizayev in his article “The Main Aim Is To Defend Uzbekistan From Humbling” analyses vital factors which had preceded the independence of Uzbekistan and relates about President Islam Karimov’s power of will, persuasion, determination, firmness which played the first fiddle in defending Uzbekistan from many forms of crisis as bloody wars, internecine dissensions, hunger, poverty, slavery, bondage, ordeal and intolerance.

✍ April’s issue of the magazine is dedicated to literature and art of Norway. You can read about popular figures of Norwegian literature in the column “Globe”. We hope that the parts of works by Nobel prize winners Knout Hamsun and Bernsterne Bernson, also by such writers and poets as Johan Borgen, Johan Velhaven, Nordal Greig will enrich your knowledge about literature of this country.

✍ A passage from the novel “The Feast of Malicious Ghosts or a Big Game” is presented in “Prose” column. Author describes the period when one of the founders of the new Uzbek literature Abdulla Kadiri became a victim of the repression in former Soviet Union. It was the period when great sons of nation was humiliated and oppressed and there was no end to cynicism and pitiless of members of the main party.

✍ The last part of the novel “Great Hopes” by Charles Dickens is about another upheavals of Pipe who has a lot of big planes and hopes and who is on the beginning of the long road. Read in “Jewelry of World Literature” column.

✍ Japanese writer Banana Yoshimoto is not inferior to her compatriot Haruki Murakami. It is not difficult to read her works although they have depth of sense. Author can find something special, even mystical in common life. She clears up a mystery of existence in her special manner. A story named “Lizard” published in “Story about Story” column confirms this opinion.

Жаҳон

АДАБИЁТИ

2015 йил апрель сони

Навбатчи муҳаррир: А.ТОЖИЕВ
Техник муҳаррир, рассом: Д.ҲАМИДОВА
Мусаххих: Д.АЛИЕВА
Компьютерда сахифаловчи: М.АЛИЕВА

ИНДЕКС 828, 829
2007 йилда №0252 рақами билан лицензия олинган.
Ўзбекистон Матбуот ва аҳборот агентлигига рўйхатга олинган, №189.
Уч босма табоқ ҳажмгача бўлган кўлёзмалар қайтарилмайди.
“Жаҳон адабиёти” журналида эълон қилинган асарларни кўчириб босиши
да ва қайта нашр этишда таҳририятнинг ёзма розилиги олиниши шарт.

Таҳририят манзили:
100129, Тошкент, Навоий кўчаси, 30.
Телефонлар: (0371) 244-41-60, 244-41-61, 244-41-62.
Сайт: www.jahonadabiyoti.uz
E-mail: jahonadabiyoti@list.ru

Босишига руҳсат этилди 13.04.2015 й. Бичими 70x108 1/16. Офсет қофози.
Офсет босма. Шартли босма табоқ 18,2. Нашриёт босма табоги 20,0.
Адади 3505 нусха. 3893 рақамли буюртма. Баҳоси шартнома асосида.
“Жаҳон адабиёти” журнали компьтерида терилиб, “Sharq” НМАКда чоп этилди.
100000, Ўзбекистон, Тошкент ш., Буюк Турон кўчаси, 41-үй.

© Жаҳон адабиёти, 2015 й.